

D E
MOTV ANIMALIVM
IO. ALPHONSI BORELLI
NEAPOLITANI

MATHESEOS PROFESSORIS.

Opus Posthumum.

PARS PRIMA.



R O M AE,

Ex Typographia Angeli Bernabò. M. DC. LXXX.


SVPERIORVM PERMISSV.



Imprimatur,

**Si videbitur Reuerendissimo Patri Magistro Sacri Palatij
Apostolici.**

I. de Ang. Archiep. Vrbis. Vicesg.



Imprimatur,

**Fr. Raymundus Capisuccus Sac. Palatij Apost. Magister
Ordinis Prædicatorum.**

CHRISTINAE REGINAE AVGVSTAE

IO: ALPHONSVS BORELLVS

ACADEMICVS REGINAE S. & F.



NOTVM, perspectūque est, DOMINA, homines infatiabile sciendi desiderium habere, & ideò in admirationem operum, & machinarum summo artificio elaboratarum Naturæ instinctu facilè trahi, & impelli videmus. Præterea eorundem admirabilium operum. Authores adeò grata Indoles hominum semper venerata est, laudibus extulit, & summo- perè dilexit, vt diuinos honores eis tribuerit.

Hiscæ stimulis, seu seminibus, vel potius scintillis inaccessibilis illius ætherei splendoris, in animis hominum insitis, dignata est summa Bonitas se ipsam nobis ostendere, ad se vocare, & allicere. Hoc autem præstitit, exponendo in propatulo thesauros suæ infinitæ Sapientiæ in hoc Codice aperto Cæli, & Terræ, omniumque creaturarum visibilium, & præci-

puè in compendiarîo codice fabricæ Animâ-
lium, & Hominum, quibus veluti gradibus per
ea, quæ facta sunt, inuisibilia Dei intellecta
conspiciuntur, & quæ insuper perpetuo hy-
mno enarrant gloriam Dei, & annunciant sum-
mam præstantiam, & inenarrabilem excellen-
tiam, & bonitatem Creatoris. Et hæc miracula
præcipuè in paruo libro fabricæ Animalium
elucet, quorum contemplationem aggredi-
mur.

Verum, quia ad inspectionem, & lectionem
huius diuini Libri, licet omnes homines sint
vocati, & nemo ab eius contemplatione exclu-
datur, attamen non omnibus datum est introi-
re in eius Sacrarium, scilicet non cuique licet
legere, & percipere arcanas sententias, quæ in
viuis characteribus illius Codicis exaratæ sunt,
quandoquidem indefessum studium doctissi-
morum Virorum, qui vsque ad nostra tempora
floruerunt, tantummodò adinuenit, & ostendit
partes Animalium componentes, & quàm plu-
rimos earum vsus. At, quod magis arcanum, &
diuinum in eis existit, adhuc adnotatum, &
perspectum non fuisse constat. Quod conti-
git, quia simplices Anatomici, & vulgares Phi-
losophi non sunt valdè solliciti, nec curant, vt

idioma illud percipiant , quo suos conceptus
 Author Naturę scribere in hoc Codice sensi-
 bili Solet. Tale,inquam,idioma,& characteres,
 quibus Creator Rerum loquitur in suis operi-
 bus,sunt Geometricę Configurationes,& De-
 monstraciones : quod præclarè diuinus Plato
 expressit : qui quærenti , quid ageret DEVS ,
 respondit Γεωμετρεῖν τ' Θεόν,nempè exercere Geo-
 metriam Deum ; quæ præclarissima sententia
 egregiè à Viris doctis interpretata,videtur ac-
 commodari posse nostro instituto.

Cùm enim Animalia corpora sint,& eorum
 vitales operationes , aut sint motus , aut non
 sine motu peragi queant, sintque corpora , &
 motus, subiectum Mathematicę , erit talis
 scientifica contemplatio prorsus Geometrica.
 Pariterq; animalium operationes fiunt à cau-
 sis, & instrumentis, & rationibus mechanicis,
 nempè libra, vecte,trochlea,tympano,cuneo,
 coclea , &c. Cùmque scientifica cognitio ha-
 rum sit prorsus Geometrica, verum erit,quòd
 Deus in constructione organorum Animalium
 Geometriam exercet , & nos in earum perce-
 ptione Geometria indigemus , quę est vnica,
 & adaptata scientia , vt legi possit , & perci-
 pi Codex diuinus in Animalibus conscriptus ,

Tu verò, DOMINA, postquam ingenij
acumine, & assiduo studio mentem scientia-
rum thesauris ditasti, etiam tenes

*Edita doctrina sapientum templa serena ,
Despicere unde queas alios, passimque videre
Errare.*

Lucr. l. 2.

Voluisti, me (licèt indigno) facem præfere-
te, & indicante, Sacrarium diuini voluminis
oculis nostris expositi introspicere ; nempe
voluisti Γνωστέον τήν Χεστίαν, & Geometriam
speculari, quam Diuina manus delineauit in
Mundo sensibili, & animali, quæ declarat Di-
uini authoris existentiam, præstantiam, & bo-
nitatem, Si postea mihi licuit percipere mini-
mam aliquam partem illarum rationum Geo-
metricarum, quæ expressæ sunt à Diuina Sa-
pientia in structura, & operationibus Anima-
lium, agnoscere debet literaria Respublica
à benefica, & Heroica manu TVA, Cuius ego
cum meis lucubrationibus sum obsequentis-
simus cliens, & seruus. Vale. Romæ ex Ædibus
Scholarum Piarum S. Pantaleonis Kal. Decem-
bris 1679.

CAROLVS IO. A IESV CLERICORVM REGVLARIVM

Pauperum Matris Dei Scholarum Piarum
Præpositus Generalis.

Beneuolo Lectori Salutem.



PRODIT tandem in publicam Literaræ
Reipublicæ lucem totannis expectatus
IOANNIS ALPHONSI BORELLI
DE MOTV ANIMALIVM Liber,
id vnum infelix, quod neque Geni-
toris oculos potuit exhilarare, ne-
que ab eiusdem manibus supremam
vicissim limam excipere, quæ quan-
tum perfectionis, & cultus operi conferat, vix est, quem
ignorare credam: Habet verò, & quod latetur, & quod
ad inuidiam vsque suppletum Virtuti debeat; Posthu-
musenim fætus Faustissima REGINAE CHRISTINAE,
Tutelaræ Literatorum Numinis, sortitus est Auspicia,
Quæ sicuti tanta complexa est Authorem benignita-
te, vt largis stipendijs, & prouentibus egenam eius
fortunam voluerit subleuare, ita & in eiusdem opus,
veluti ingenij hæredem Regia Munificentia se transfu-
dit. Cum verò nostri Mathesis studiosi, quibus erudien-
dis biennio Author elaborauit, partim rescribendo, par-
tim disserendo, partim lateres, & arenam, vt aiunt, operi
afferendo, Præceptoris mentem plenè perceperint, ne,
quæ vel adhuc non expolita, vel in Figurarum tabulis
non expressa, vel in schedulis hac, illac dispersis, addita,
mutatave, nouellos aliorum fallerent oculos, nostræ fidei
(quam & ille hæreditario iure obstrinxerat) concedere
non est dedignata.

Tribus itaque Personarum generibus satis nos facere intendimus, Authori, tanti laboris fructū, quem immortale prorsus nomen sublequetur, comparando; REGINAE CLEMENTISSIMAE, Eius in Authorem Munificentiae, & Amoris in Virtutem testimonium exhibendo; & Literariae tandem Reipublicae, tam luculentum doctrinae Thesaurum, in quo Mechanicū Naturae in Animalium corporibus efformandis, tuendisque opificium, vsque adhuc reconditum deprehenditur, offerendo, vt vel discendi, vel noua alia speculandi latissimus campus aperiatur. Boni igitur consule, bone lector, & Nobis, quam gloriam plures ex remotioribus Orbis partibus Academiae afflictim cupiere, concessam gratulare. Plures inquā, & Hollandiae, & Galliae, & Italiae Vniuersitates vehementissimē ab Authore opus postularunt, proprijs impensis se se edituras pollicitae, quas tamen omnes Augustissimo CHRISTINAE Nomini prudens posthabuit Borellus, & à Cuius Humanissima MAIESTATE tantum sibi honoris conferri sentiebat, Gratum EI veluti sui Animi Monumentum, id Opus, Aere quidem perennius, stare iussit.

De Authore hic, & de eius in hoc opere mente forent quaedam fortasse praemittenda; At cum mentem, & Institutum in Proaemio ipse satis expresserit, parcendum autumo. De Authore verò quid dicam, cum praeclearissima eum Virtus toto Orbe fecerit clarum? Neapolis florentissima Italiae Vrbs, & recentium semper Heroum Armis, literis, omniq̃ue Virtutum genere corusantiū facundissima Parens Io: Alphonsus eorum albo addidisse gestit die 28. Ianuarij 1608. Michaelē Alonso, & Laura Genitoribus, in Arcis munitissimae, quam Castrum Nouū appellant, praesidio, Inuictissimo Hispaniarū Regi PHILIPPO III. merentibus. Vitā Philosophiae, & Mathematicae studijs ad primas vbique Cathedras vocatus, Florentinam praesertim, & Pisanam, vbi à Serenissimis illis Principibus perhumanissimē semper habitus, consumpsit, varia ijs de rebus edidit, vt de causis febrium malignarum etrusco sermone anno 1649.

Euclidem restitutum anno 1658. qui tertiam huc vsque
Incem vidit, & semper politiore, nouissimam præser-
tim, quam Alexander Falconerius elegantissimæ In-
dolis Adolescens, & qui vnà cum tota sua nobili fa-
milia in Borellium Præceptorem singulari ferebatur be-
neuolentia, superiori anno suis impensis comparauit.
Apollonij Pergæi Conicorum v. VI. & VII. libros anno
1661. Theoricæ Mediceorum planetarum 1666. De vi
percussionis 1667. Historiam, & Meteorologiam Incendij
Actnæi anni 1669. subsequenti 1670. Quando etiam Tra-
ctatum de morionibus naturalibus à grauitate pendentibus.
In singulis & sapientia, & perspicuitate se sibi æqua-
lem præferens. Extremis deindè annis Romę in benefi-
cam suam à REGINA CHRISTINA cooptatus clientelam
in nostras Scholarum Piarum Sancti Pantaleonis propè
Agonalem plateam ad nostros Religiosos Alumnos
Mathematicis inbuendos Aedes receptus (quo tempore
Conica ijsdem elucubrat Apollonij elementa, & Archi-
medis opera 1679. cæteris addidit) biennio ferè ibi-
dem genialiter vixit, veteris memor vicissitudinis, qua
nostra cum Religione Florentiæ vsus, præsertim cum P.
Francisco à S. Iosepho in Pisana Cathedra Mathesis Le-
ctore, qui ad seculum reuersus Famianus Michelinus di-
ctus est, opusque de Fluminū directione publicauit; & cum
P. Angelo à S. Dominico, qui ibidem Galilei clarissimi
viri Auditor fuit, & adhuc inter viuos Religiosa probita-
te Sapientes canos honestat, cumque alijs pluribus; Tam-
que raro modestiæ, sobrietatis, & æquanimittatis exem-
plo inter nos agebat, vt Socratem, Platonem, vel
quempiam alium ex prisca illis sectarum Institutioribus
spirare videretur, nisi quòd Catholicæ fidei adderet de-
cus, in qua purissimum se semper exhibuit, adeo vt, cum
in Astronomia edocenda, de sistematibus oriretur sermo,
quicquid alij dixerint, inquit, omittendum: Ita Sancta
docet Ecclesia, ita credendum, idque certum in illius ob-
sequi-

sequium habendum. Eius quoque pietas in pluribus elucebat; quotidie enim Sacris intererat, Sanctissima Pœnitentiæ, & Eucharistiæ Sacramenta frequenter suscipiebat, P. Magistro Iacobo Riccio è Dominicana familia, Sacræque Indicis Congregationis Secretario à Confessionibus adhibito, quem vnà cum eius Germano fratre Michaelè Angelo Sacræ Indulgentiarum, & Reliquiarum Congregationis pariter Secretario, vt bina huius seculi, nedum Vrbis luminaria vnicè, & quoad scientias, & quoad mores suspiciebat. Antequam cubitum iret, sæpè à nostris visus, genibus ante lectum flexis, orationi, & precibus vacare. Paruulam B. Virginis imaginem à lecto nunquam amoueri passus, in ea plurimum venerationis, & fidei sese habere testatus, quæ pauca in hoc genere insinuare duxi, vt quàm felici nexu scientias catholica cum pietate coniungeret innotescat: quibus permotus argumentis dicere sæpè eius Auditoribus solebam, eum Præceptorem esse fortitos, qui non minùs exemplo Religiosis moribus esse posset, quam verbo doctrinæ.

Pleuritide tandem accensus, mortem sibi iam imminere cognoscens, Sacramentis omnibus piè, humiliterq. petitis, munitus, alijsque catholicæ pietatis editis indicijs, decimo octauo morbi die, inter postremam occidentis anni 1679. & primam renascentis horam, nostris Religiosis de more astantibus, supremasque preces legentibus, quod maximo sibi solatio esse asserebat, vitam absoluit, cuius corpus in nostra pariter Ecclesia, in qua sepulcrum delegit, & quod omni hereditate (quàm etiam tenuissimam, vt eius amoris argumentum, maximam ducimus) pretiosius nobis est, conditum fuit.

Hæc habui Lector, quæ breuiter de Authore libarem, plura fortassè, vel nobis, vel alijs in altera huius libri parte dicturis, quæ dum prælo maturescit, priorem hanc degusta, & Vale. Romæ Idibus Augusti 1680.

D E
MOTV ANIMALIVM
IO: ALPHON. BORELLII.

Proæmium.



Ggredior arduam Phsylogiam de motibus Animalium, quæ licet à plurimis antiquorum, & recentiorum tentata sit, nemo tamen, quòd sciam, tetigit, aut subodoratus est innumera problemata, præclara, & scitu iucunda, quæ in ea proponi, & disputari possunt, nec demonstrationibus mechanicis ea confirmare valuit, aut curauit.

Hanc igitur mihi operam suscepi, ut hac Phsyces pars demonstrationibus Mathematicis ornata, & locupletata, non minùs, quàm Astronomia, inter Phsyco-Mathematicas partes recenseri posset; Quòd si mei conatus irriti omnino non extiterunt, saltem alij sagaciores, & doctiores, me stimulante, poterunt firmioribus ratiocinijs, & meliori methodo Scientiam hanc perficere, & locupletare.

Iam ut de opere, partitioneque eius, aliquid innuamus, post libros de vi percussionis, & de motibus Naturalibus à gravitate pendentibus, iam editos, qui præmitti debuerant, subsequitur opus principale de motibus Animalium, adducendo causas, & modos, quibus prædictæ motiones fieri possunt, ostendendo gradus, & proportionem facultatum mouentium, organa mechanica, quibus illi motus perficiuntur, & artificia, & rationes, propter quas ordinata à sapientissima natura fuerunt.

Diuidetur postea tractatus in duas partes; In prima copio-

sè disceptabimus de motionibus conspicuis Animalium, nempe de externarum partium, & artuum flexionibus, extensionibus, & tandem de gressu, volatu, natatu, & eius annexis.

In secunda de causis motus musculorum, & motionibus internis, nempe humorum, qui per vasa, & viscera Animalium fiunt; Et quoad primum, procedemus non iuxta ordinem rerum, sed secundum doctrina clarioris exigentiam, inquirendo musculorum fabricam, & demonstrando, quanta vi motiua partes Animalis, & quibus organis mechanicis agitantur; Postea exponemus muscoli modum operandi; Deinceps, de vi motiua per nervos diffusa, à qua muscoli agitantur. . Deinde agemus de motionibus internis, qui ab imperio voluntatis non dependent, de pulsatione cordis, & sanguinis circuitu, de respirationis usu, eius modis, & organis, quibus exercetur; De spiritibus, seu succis nerveis, motum, & sensationem ministrantibus, & nutritioni inseruientibus; de eorum motione, & actione loco motiua, de necessitate coctionis, & causis coctionis, digestionis ciborum; de chylis depuratione, & modo, quo nutritio efficitur, & excrementa per poros, glandulas, renes, rejiciuntur; de circulatione bilis in abdomine; de seminis genitalis aliquali circuitu; de somno, & vigilia; & tandem de aliquibus motionibus internis, perturbatis, & morbosis, nempe de conuulsione, lassitudine, & de motionibus febrilibus.

Interim, erudite lector, scias velim, me persape usurpasse voces voluntatis, imperij, & similium lato modo, quatenus brutis analogia, & similitudine quadam ab usu loquendi tribuuntur.

PARS PRIMA.

DE EXTERNIS ANIMALIUM MOTIONIBVS.

Earumque Viribus.

*Quæ in Tractatu de Animalium motu
supponi debent, enumerantur.*

C A P V T I.



DE motu locali animalium, vt methodicè differamus, recensendæ sunt omnes motionum species, quæ animalibus competunt, & primo notum est animal ab vno ad alium locum migrare transferendo vniuersam suâ molem ab vno ad aliû situm; & siquidem huiusmodi transitus fiat supra terram dicitur gressus, vel si eius transportatio efficiatur in aqua dicitur natatus; At si eiusdem translatio per aeream liquidam regionem fiat dicitur volatus; considerandæ quoque veniunt partium animalis variæ motiones, & transpositiones, quæ aut sunt externæ, vt manus, crurum, capitis &c. aut internæ viscerum, cordis, arteriarum, venarum, aut musculorum, ossium, & aliarum partium huius generis. Vel tandem sunt fluxus, & motiones liquorum per cavitates, & per vasa animalis, vt sanguinis, & aliorum humorum; Vt igitur inquiramus facultates, instrumenta, & artificia, quibus natura primas illas motiones externas exequi-

A

tur,

tur, nonnulla supponenda sunt, quæ sensus euidencia ostendit; Quod nempe principium, & causa effectiua motus animalium sit anima, nemo profectò ignorat, cum animantia per animam viuant, & durante vita motus in eis perseveret; Extincto verò animali, idest non ampliùs anima operante, machina animalis omnino iners, & immobilis relinquitur.

Quod multiplices, & plurimæ animalis motiones fiant electione, seu naturali appetitu quodam animalis; hoc quoque vt euidentiissimum ab omnibus admittitur.

Manifestum quoque est cognitionem, & appetitum per se tantum animalis partes non mouere, & impellere, sed opus habere instrumentis necessarijs, sine quibus motus effici nequeunt.

Distinguunt vulgò instrumenta motus, aliud enim actiuum esse volunt, aliud organicum, & merè passiuum. Instrumentum animæ actiuum vocari solet virtus, vel facultas loco motiua, hæc autem vulgò in spiritibus animalibus residere censetur.

Organum postea immediatum, quo animæ facultas motiua partes animalis mouet ex Aristotele spiritus tantummodò sunt, qui à corde per arterias in extremitates nerueas desinentes, & degenerantes effunduntur vsque ad flexuras eorundem articulorum, ossa mouent retrahendo ad se quoties articulus flectitur, vel impellendo ad extra quoties articulus extenditur; At hæc doctrina reijcitur à Galeno, & ab omnibus alijs, & ab ipsa sensus euidencia, qua constat musculos esse organa, & machinas, quibus facultas animæ motiua articulos, & partes animalis mouet.

Iam diù hoc confirmatum est, quia sectis per transversum

uerfum musculis cessat omninò retractio illius articuli ; ad cuius confinium musculus alligatus fuerat, remanente interim illèsa actione eiusdem articuli , quæ ab alijs musculis ibidem desinentibus pendet .

Paritèr notum est musculum machinam esse per se inertem , & demortuam nisi adueniat forinsecus facultas motiua , quæ imperium afferat, eumque à sopore, & torpore excitet, atque ad motum impellat; quia nimirum in somno , & quiete musculus v. g. cubiti licèt integer sit, & illèsus brachium non mouet, nisi ab appetitu impellatur ad actionem exercendam .

Sed quæsitum hætenus fuit , qua via, & quibus ductibus imperium animæ , & facultas motiua ad musculum deferatur ; hoc autem facilè sensus, & experientia patefecit ; cum enim forinsecus ad musculum ducantur arteriæ, venæ, & nerui, neque venis, neque arterijs hoc munus deberi, hac ratione maiores nostri euicerunt, ligata, vel resecta vena, aut arteria debuerat facultas motiua non deferri ad musculum, occluso vel ablato transitu, & via, & tamen obseruatum est musculum non minus suas motiones exercere, ac hætenus, quando prædicta vasa integra erant ; Vndè colligitur non transferri per venas, aut arterias motiuam facultatem ad musculum agitandum ; E' contra resecto, vel strictè ligato neruo, qui ad musculum aliquem terminatur, & inseritur, cessat omninò motus, & agitatio illius musculi, remanetque omninò iners, & vt cadauer immobilis ; Quare neruus est ductus, per quem facultas motiua, communicatur ad excitandum, mouendum, vel deferendum, vt sic dicam imperium appetitus musculo, vt moueri, & agitari queat ; Quid nam, verò per neruos ad musculum deferatur, an sit facultas

Cap. 2.
musculi
descriptio
& usus :

incorporea , an aura , an flatus , an succus aliquis , an motio quædam , vel impulsus , vel quidpiam aliud , & qua ratione resistantiam ponderum ingentium superare valeat, videbimus suo loco : Modo sufficiat ex sensus euidencia hoc tantummodò colligere, quod per nervos deferretur imperium facultatis motiue animæ , sine quo motus voluntarius effici non potest .

De musculi descriptione, & Usu.

C A P V T II.

Sicuti in alijs scientijs Physico-mathematicis fieri solet , sic ex phænomenis veluti fundamentis hanc scientiam motus animalium exponere tentabimus ; & quia musculi sunt præcipua organa motus animalium , primò eorum structuram , partes , & euidentes operationes inspiciemus .

P R O P O S . I.

Musculi structura exponitur .

Ponitur vulgò musculus pars organica , quæ constat ex tendine,membrana, carne, venis, arterijs, & nervis ; Tendo vt plurimum in principio , & fine musculi reperitur, qui nerveam consistentiam habere videtur, atque ossis ligamenti naturam participare ; vocaturque principium tendinosum caput musculi , finis verò cauda, & pars intermedia venter eius vocatur , qui carne musculosa repletur , hanc non constituere propriè musculum putant , sed commodam eius consistentiam efficere, replendo interstitia fibrarum , & quodammodò incru-
stando,

stando, ne in commotione fibræ ipsæ lædantur, aut lacerentur; quod falsum esse puto. Verè enim intra membranam neruicam, aut tendinosam continentur plures fasciculi, qui formam prismaticam habent hexagonam, quadratam, aut triangularem: singuli verò fasciculi prismatici constantur ex pluribus filamentis, seu fibris tendinosis, quæ fibræ in vno quoque prisma te sunt inter se parallelæ, & alligantur tenacissimo glutine, si non continuantur extremis tendonibus, aut membranis, & aliquando immediatè connectuntur ossibus, aut fibris carnosis.

Cap. 2.
musculi
descriptio
& vsus.

Præterea iidem fasciculi alicubi inuestiuntur, & colligantur ab innumeris fibris transuersalibus, vt in musculo elixato, & mox exiccato patet, quæ fibræ neruossæ membranas quasdam reticulares componere videntur vna cum vasis capillaribus sanguinem deferentibus, & asportantibus; Quodque fibræ illæ sint neruæ conijcitur ex earum consistentia tenaci, & dura, quæ distræctioni, & rupturæ resistit, dum apice acus discindere eas tentamus.

Insuper licèt fibræ musculosæ appareant rubicundæ, & sanguineæ, tamen omnes sunt albæ, & tinctura illa rubicunda ab affluxu cruoris pendet, à quo veluti spongiæ replentur, & perpetuò madefiunt. Hoc euincitur ex eo, quod si rubedo illa sanguinea aqua continenter effusa abluatur, remanent carneæ illæ fibræ candidissimæ similes omninò fibris tendinosis, quibus nedum colore albo assimilantur, sed præterea fortem, tenacemque consistentiam, non secus ac tendines, & nerui habent; resistunt enim validæ tractioni, vt videre est in musculo interno Gracili nuncupato, qui plusquam 80. libras sustinet absque fibrarum ruptura; Immo licet

Cap. 3.
musculi
descriptio
& usus.

licet molles sint ipsæ fibræ, non tamen distrahuntur, sed spontè decurtantur.

Singulæ fibræ post elixationem inflantur, & microscopio inspectæ videntur esse cylindruli similes virgulis arborum, qui non videntur esse tubuli caui, vt sunt fistulæ arundineæ, sed conspiciuntur pleni substantia, seù medulla quadam, quæ debet esse spongiosa ad instar sambuci. Primò, quia quælibet virga mollis, quæ ab humore affuso inflatur, turget, & dirigitur, necessario porosa erit, cum à granulis aqueis tamquam à cuneis repleatur, vt in fune madefacto patet.

Præterea id ipsum conijcitur ex eo, quod in musculis sanguine saturatis, & exiccatis, vt in perna conspiciuntur adiumento microscopij; in eius fibris guttulæ quadam sanguineæ, vel filamenta directæ, & transversa inter se discreta ad instar lapidis prophiritis; hoc autem nequaquam fieri posse videtur, si interna fibrarum substantia spongiosa non esset.

Cæterum vasa, & nerui capillares fasciculos prismaticos colligantes subtiliores sunt, quam columnæ, seù fibrillæ musculosæ, quæ tamen crassitiem capilli muliebris non superant.

Tandem non videntur fieri ligaturæ transversales in prismaticis, seù fasciculis muscularibus, nisi laxæ; cum tendones, nerui, & membranæ nullam contractionem patiantur, quando musculosæ fibræ decurtantur, & agunt. Et hoc patet in viutorum anatome, & præcipuè in membrana diaphragmatis, quæ corrugatur, dum inclusæ fibræ musculosæ contrahuntur.

PROPOS. II.

Musculum à carne non differre.

Cap. 2.
musculi :
descriptio
& vsus.

Reijci modo debet antiquorum error; Distinguunt enim musculum à carne, & putant musculum esse aggregatum ex fibris tendinosis; at carnem esse, quid superadditum, & diuersum à fibris, scilicet esse tomentum villosum à sanguine incrustatum circumuestiens fibras illas tendinosas. Hoc probant tali argumento; Quia in animalibus valdè extenuatis, aut fame enectis ipsi muscoli fibrosi redduntur gracilissimi, & excarnes, & animalium sanorum muscoli crassi, si bacillis conterantur, exprimantur, & abradantur, pariter in eis restant fibræ graciles non secùs, ac in extenuatis, & fame necatis.

At ni fallor hoc non euincit, carnem esse quid diuersum à fibris musculosis, quia siue extenuatæ sint fibræ, siue non, si pluries aqua diluantur, semper auxilio microscopij apparent albæ, & consimilis consistentiæ tendinosæ, nec tomentum vllum in eis apparet; immo in ipsismet musculis carnosus, qui putant tomento illo carnosio incrustari, apparent ipsæ fibræ eiusdem consistentiæ, & eadem figura columnari efformatæ, eodem modo ac in musculis aqua dilutis; vt videre est in musculis elixatis, aut sale conditis.

Verum tamen est, quod gracilitas, & subtilitas illa fibrarum in extenuatis aut compressis pendere potest ex defectu succi nutriti, qui porositates fibrarum replebat, vt in spongijs arefactis, & in folijs arborum exiccatæ contingit, in quibus non deficit tomentum, sed solummodò succus, qui priùs cauitates spongiosas replebat;

Cap. 2.
musculi
descriptio
& usus.

plebat; Vndè colligitur, quod fibræ musculorum, & caro idem sunt.

Aduertendum tamen est, quod fibræ musculosæ differunt à fibris tendinum, & membranarum; quatenus illæ spongiosæ sunt, & semper humectantur à sanguine, à succo nerueo, & lymphatico secus, quam istæ; Differunt quoque structura, & diuersissimo operandi modo, & energia, vt suo loco exponemus.

PROPOS. III.

Species musculorum recensentur.

Vltimo loco recenseri debent species diuersæ musculorum, & quæ nam partes agunt, & quomodo, & per quas directiones; & primo aduerto, quod duæ species musculorum dantur, aliqui componuntur ex fasciculis filorum carneorum, qui constituunt prisma rectangulum, vt ^a in prima figura tabulæ primæ, & hi vocari possunt prismatici directi.

tab. 1.
a Fig. 1.

Alij constituunt prisma obliquangulum, vt ^b in secunda figura, & hi vocari possunt rhomboidales.

tab. 1.
b Fig. 2.

Alij habent fibras decussatas compositas ex duobus rhomboidalibus, vt ^c in tertia figura, & vocari possunt decussati.

tab. 1.
c Fig. 3.

Alij constant ex duobus fasciculis rhomboidalibus non decussatis, vt ^d in quarta figura, & vocantur peniniformes.

tab. 1.
d Fig. 4.

Alij constant ex fibris orbiculariter sparsis, & vocantur radiofi.

Alij sunt rotundi similes annulis, & vocantur sphinteres circulares.

Alij

Alij constant ex fibris circumuolutis ad instar glomifili, & vocantur spirales orbiculares.

Cap. 2.
musculi
descriptio
& vsus.

Vidi quoque in cauda gammari musculos contextos non ad instar telæ, sed compositos ex fasciculis fibrarum complicatarum, vt crines mulierum aptari solent.

PROPOS. IV.

Actio musculi est contractio.

In musculo videmus, quod solummodo filamenta carnosæ AB, CD, EF, & C earundem figurarum^a decurtantur, quando musculus agit; tendines verò extremi BH, quibus fibræ carnosæ alligantur, non contrahuntur, sed retinent eandem longitudinem, quam priùs habebant; Hoc sensu patet in anatome viuorum.

a Tab. 1.
Fig. 1. 2.
3. 4.

Hinc sequitur, quod solæ fibræ carnosæ AB, CD, EF, GN, & C vim faciunt suspendendo ingentia pondera ab energia, qua contrahuntur. Tendines verò BH vim patiuntur, quatenus simplici motu locali trahuntur à filis carneis contractis, & illi inseruiunt, vt manubria, quibus fibræ alligantur.

PROPOS. V.

Censura structuræ musculi nuper euulgatæ, eiusque operandi modi.

Prodiit hisce postremis annis nouum cogitatum de musculi vera forma, & de eius mechanico operandi modo, circa quod amore veritatis nostram sententiam exponemus. Tab. 1. Fig. 5. 6. 7. & 8.

B

Suppo-

Cap. 2.
musculi
descriptio
& vsus.
a Tab. 1.
Fig. 5.

Supponunt, quod reperiantur in Animalibus musculi simplices rhomboidales, vt ABCD^a cuius tendo AC alligatus sit ossi firmo EAC, vel affixus sit termino E; oppositus verò tendo BD æquidistet ipsi AC, & ab inuicem separati sint; postea adsint duæ potentia contrariæ, quarum vna sit pondus R trahens deorsum tendinem BD à B versus F, altera sit fibrarum vis contractiua, quæ agat trahendo obliquè sursum pondus R à B versus A, & à D versus C. Supponunt quoque, quod talis actio fiat tensione fibrarum absque additamento noui corporis, eo quod non obseruatur in eis inflatio, aut molis augmentum, nec diminutio. Tandem aiunt, quod quotiescumque in Prismate obliquangulo ABDC, cuius duo plana opposita AC, BD retineant eandem mensuram, & moles prædicti solidi non augeatur, nec minuat, sed solummodò fibræ obliquæ AB, CD decurrentur, necessariò prismatis ABDC obliquitas minuetur, & ad rectitudinem AGHC magis accedet; proindèque angulus acutus BAC augebitur, vt est GAC; & ideò trahetur sursum pondus R.

Et hæc tota speculatio nititur trita illi propositioni Euclidis, quod duo prismata ABDC, & AGHC super eadem basi AC inter duo plana parallela constituta sint inter se æqualia, & è conuerso. Ex qua sequitur, prædicta prismata æqualia non esse æquè longa, nec æquè crassa, vt nimirum illud quod magis obliquum est ABDC sit longius, & restrictius, quàm sit minùs obliquum AGHC; ideoque quò magis latera AB, CD decurtantur, eo magis crassities prismatis augetur. Videamus modo an ratiocinium Clar. Virorum cohæreat cum principijs assumptis, & cum experimentis. Quando fibræ prismaticæ AB, CD decurtantur, & coincidunt cum

cum AG, CH, tunc necessariò prismata fibrosa incrassantur, aliter spatium non implerent. Igitur fibræ musculorum contractæ crassiores fiunt, quod est contra eorum hypothesim.

Cap. 2.
musculi
descriptio
& usus.

Secundò omnes fibræ in musculo recto inter se parallelæ decurtantur. Ergo ne detur penetratio corporum inflari, & incrassari debent. Et sic crassities totius musculi augeri debet, quod pariter negabant.

Tertiò in musculo obliquo inter costali approximantur ad inuicem costæ, & simul omnes fibræ decurtantur, nec possunt earum interstitia ampliari cum potius obliquitas fibrarum augeatur. Ergo, moles integra musculi diminuetur, quod etiam negabant.

Tandem quod porissimum est in hoc negotio est ratio mechanica, per quam mediante organo vis musculi resistentiam mouet. Porro constitutio, & dispositio musculi, seu organi rhomboidalis videtur ineptissima ad eleuandum pondus R. Hoc planè demonstratiuè euinci facile posset per ea, quæ deinceps exponenda sunt; sed nè perturbetur ordo doctrinalis, sufficiet sensatis experimentis negotium conficere.

Sumantur duæ regulæ ligneæ AC, BD æquales, ^b & colligentur pluribus filis æqualibus AB, CD &c. & terminus virgæ A alligetur clauo fixo in E, & termino D applicetur pondus R. Videbis primò, quod destructa figura rhomboidali ABDC, virga BD vnitur, & ducitur ad contactum regulæ AC, vt ex eis conficiatur vnica recta linea AC, DR perpendicularis ad horizontem.

b Tab. 1.
Fig. 6.

Et si funiculorum interceptorum frequentia, & crassities impedierit contactū virgarum, consurget ^c rhomboides constrictus, & prolongatus, cuius diameter ADF

c Tab. 1.
Fig. 7.

Cap. 2.
musculi
descriptio
& usus.

d Tab. 1.
Fig. 5.

obliquo motu excurreret ad situm perpendicularem ad horizontem. Idemque continget si fibræ AB, CD fuerint consistentes, flexibilesque, vt sunt virgulæ arborum; sed in hoc casu rhomboides maiorem amplitudinem retinebit. Videamus modo, an decurtando funiculos AB, CD, siue trahendo sursum, vel eos madefaciendo, subsequatur eleuatio funium vna cum pondere R appenso. Et obseruamus, d quod ad hoc vt impediatur adhæsiō, & vnio virgarum BD, & AC, & inclinatio totius rhomboidis oportet, vt à vinculis transuersis, vel à potentijs X, Z transuersæ trahentibus virga BD retineatur; & tunc contractis funiculis accedet BD versùs AC motu æquidistanti sibi ipsis; nec vnquam eleuabuntur funes circa centrum A versus AG, quamdiù virga BD trahitur deorsum à pondere R. Quare, mediante musculo rhomboidali simplici, vis motiua fibrarum subleuare non poterit resistentiam R.

e Tab. 1.
Fig. 8.

Verum tamen est, quod in aliquo casu propositio verificari potest, e vt si fibræ alligatæ essent ossi firmo EAC, & latus rhomboidis BD retineretur in canali LF leuigato, & lubrico in columna excauato, tunc quidem à contractione fibrarum AB, GH, CD posset quidem trahi obliquè sursum tendo BD cum appenso pondere R. At hæc hypothesis locum non habet in animalibus, in quibus non reperiuntur tales muscoli simplices rhomboidalem formam habentes, quorum tendo, seu latus mobile BD excurrat intra canalem leuigatum: quare concludendum est, tales musculos simplices, nec reperiri in natura, nec agere eo modo, quo putant præclari illi Authores. Sed talis actio locum habere potest solummodò in aliquibus musculis compositis ex pluribus rhomboidalibus, vt suo loco

expo-

exponemus; non verò in simplicibus illis musculis, qui vnicum rhombum constituunt, de quibus prædicti Authores expressis verbis loquuntur, & figuris exemplificant.

Cap. 2.
musculi
descriptio
& vsus.

PROPOS. VI.

Musculorum vera figura indicatur.

Tab. 1. Fig. 9. 10. 11.

Quod dentur in animalibus musculi columnares ex fibris inter se parallelis compositi, vt est ABDC, qui trahunt resistentiam R per eandem fibrarum directionem AB autopfia patet, præcipuè in lingua Pici, & in caudis Gammarorum, & in alijs pluribus.

Præterea quoque dantur musculi rhomboidales simplices AB, DC, ^a quorum fibræ obliquæ AD, & CD annexæ offi TV trahunt ad se aliud os, vel tendinem RS, vt sunt musculi abdominis, & intercostales, & alij, in quibus os RS resistens tractioni mouetur transversali, & sibi parallelo motu, accedendo versus os firmum TV; vbi notandum est, quod angulus VCD non efficitur minùs obtusus, sed è contra obtusa inclinatio augetur.

a Tab. 1.
Fig. 10.

Vltimo loco ^b dantur musculi penniformes primò à Casserio Placentino, obseruati, & delineati. Hi quidem artificiosissimè formati sunt ob fines inferius exponendos; agunt verò fibræ obliquæ se contrahendo, & à tali obliqua tractione suspenditur pondus R appensum eodem modo, ac à binis, vel pluribus funiculis obliquè tractis pondus suspenditur, cuius vim, & modum operandi suo loco declarabimus.

b Tab. 1.
Fig. 11.

PRO-

Cap. 2.
musculi
descriptio
& vsus.

PROPOS. VII.

Musculi duplicem vim exerceant propriam ;
& instrumentalem .

Musculi postea duplicem vim exercere experientia constat , vna est propria fibrarum eius ab ipsa naturali structura fibrarum dependens , altera verò à causa extrinsecùs adueniente , quæ vitur musculis , & organis ad subleuanda ingentia pondera ; Videmus enim fibras , non esse omninò inertes , sed vim contractiuam aliquam habere ; Nam in cadaueribus paulò post mortem musculi truncati æquè se ipsos contrahunt , ac in viuentibus , in quibus aliundè absque villo laborioso conatu talis contractio exercetur , estque similis contractioni , quæ efficitur à fidibus citharæ tractis , & proindè pendet à structura machinularum , ex quibus fibræ componuntur .

Quod postea gradus talis virtutis motiux illarum machinularum sit exigua , patet ex breuì contractione musculi post discissionem vnus oppositorum ligamentorum , vel post scissuram , vel amotionem Antagonistæ , quæ vis , si non superueniat vehementia conuulsua , superari potest à pondere paucarum librarum .

Flexo articulo , quam maximè fieri potest musculus in caua illius parte positus latus remanet , & ideò nullam vim contractiuam exercere potest , & tunc musculus in situ connexo positus absque oppositione Antagonistæ suam vim integram exercere posset , & tamen videmus tam debilem esse , vt superare non valeat pondus , aut impedimentum ipsius articuli , quandoquidem eum spontè dirigere non valet ; hoc euincitur
ex eo ,

ex eo, quod flexis totaliter cubitis, fibrijs, & reliquis articulis, perpendiculariter erectis supra horizontem, quando scilicet grauitas ossis, & articuli erecti non resistit flexioni, & tractioni, tunc vis contractiua propria musculorum, qui extensionibus articularum destinati sunt, dum carent impedimento Antagonistarum, deberet spontè agere, & exercere gradum suæ naturalis energix, articulum flectendo, siue non aduertentibus, siue nobis nolentibus; quod tamèn adeò falsum est, vt nullo sensu lassitudinis resistere valeamus actioni naturali, quà machinæ fibrarum musculorum conantur se contrahere, nec præterea vllam lassitudinem percipimus ex continuata musculorum actione contra suos Antagonistas, vt nimirum tonica actione articulos in naturali dispositione retineant.

Præter exiguam debilemque contractionem fibrarum musculi, quam exercent contra suos Antagonistas, aliam validissimam contractionem voluntariam exercent, qua ingentia pondera suspendunt.

Hanc actionem nonnulli cum priore confundere videntur, cum sint prorsus diuersæ, ideò distinctionis gratia vocabo priorem actionem propriam fibræ, posteriore imperio voluntatis, seu appetitu factam vocabo vitalem actionem musculi.

*De gradu virtutis motiue vitalis musculorum
secundum antiquos.*

C A P V T III.

CVm in hac prima parte operis quærat, quanta sit vis motiua vitalis musculorum respectu resistentiæ;

Cap. 3.
De Gradu
virtutis
motus vi-
talis mu-
sculorum
secundum
antiquos.

flentia; Videndum est, primo loco, quid nam prædecessores nostri circa tale subiectum tradiderunt.

PROPOS. VIII.

Naturam ope machinæ musculi debili vi motiua ingentia pondera subleuare vulgò censetur.

Quærenda iam est mensura, & quantitas illius virtutis, seu roboris musculorum vitalis, quo nedum brachium, aut crus, sed tota animalis machina, quantæ est, sustinetur, subleuatur, & impellitur ad tripudium vsque, & insuper præter animalis molem satis per se grauem ingentia pondera baiulat, trahit, & impellit.

Hoc maximè negotium facessit Aristoteli, qui musculos non agnouit, sed spiritus tantum confingit, qui articulos trahant, & impellant, & sanè vt ille perspicax animaduерterat, quam difficilè esset vastam molem Elephantis à tenui spiritu, sed flatu commoueri, agitari, & impelli posse. Occurrit difficultati dicendo, quod Natura non æquali vi, sed minimo, & exiguo robore articulos, & partes animalis commouet, hoc quidem consequi ait ope machinæ, qua factæ initio parvæ motiones, euadunt deinceps magnæ, & multiplices; sicuti ex parua, & facili temonis, & gubernaculi motione, magna proræ, & nauiis transportatio efficitur; Postea in quæstionibus mechanicis temonis naturam considerat, & ait ope vectis operationem suam exercere, in qua quidem mirum non est parua virtute immensa pondera moueri, & impelli posse; eodem exemplo vtitur Lucretius.

Et

*Et manus una regit, quanto vis impete euntem
Atque gubernaculum contorquet quòlibet unum
& deinceps alia instrumenta adhibens ait
Multaque per trocleas, & tympana pondere
magno*

Commouet, atque leui substollit machina nisu.

Gassendus quoque fatetur ope machine facultatem animalem magna pondera pusillis viribus mouere, sed ambigit in animali vestes, trocleas, & tympana reperiri posse, cum conspiciantur tantummodò muscoli, qui potius funibus trochlearum assimilantur. Fingit tamen in musculo instrumentum mechanicum compositum, ex trochleis, & funibus, & vicem trochlearum supplere totidem corrugationes, & inuolucra, quibus fibræ musculorum contorquentur, quando longitudo musculi abbreviatur, & contrahitur, atque ex ijs fit quædam trochlearum series, vt in polispastore, cuius propemodum vis est immensa.

Galenus quoque tendinem esse quasi vestem ait, vnde parua virtute facultatis animalis magna pondera trahi, ac moueri posse censet.

Alij quoque idem asserunt, sed alia ratione, quod muscoli ope machine, parua virtute spirituum magna pondera eleuent.

Hæc communis sententia tantam verisimilitudinem, & probabilitatem in se habere videtur, vt mirum non sit à nemine, quod sciam in dubium fuisse reuocatam. Quis enim tam stultus erit, vt machinam vnquam quærat, vt magna vi pusillum pondus moueat, scilicet machinam, & artificium adhibeat, non vt compendium; sed vt dispendium virium patiatur; non secus ac si quis pondus vnus libræ, quod immediatè absque

C

vlla

Cap. 3.
De Gradu
virtutis
motiue vi-
talis mu-
sculorum
secundum
antiquos.

Cap. 3.
De gradu
virtutis
motuæ vi-
talis mu-
sculorum
secundum
antiquos.

vlla machina mouere, atque subleuare posset vi, & robore æquali vni libræ neglecto compendio quæreret vectes, trochleas, & alia organa, vt libram vnam subleuaret viribus decies, & centies maioribus. Et si hoc absurdum iure censetur, qui fieri poterit, vt Natura sapientissima, quæ vbique compendia, simplicitatem, & facilitatem quærit, tanta industria machinas in organis animalis elaborauerit, non vt parua virtute magna pondera, sed è contra immenso propemodum robore parua pondera moueat. Hoc quidem licet videatur monstrum, & contra communem sententiam, non diffiteor, me posse euidentissimè demonstrare, & petita prius venia, ostendere contrariæ sententiæ assertores allucinatos fuisse. Demonstrabo enim verè machinas in motionibus animalis adhiberi, & illas multiplices, & varias esse; Attamen non parua virtute magna pondera subleuari, sed è contra magna virtute, & robore facultatis animalis parua pondera sustineri; ita vt multoties virtus motiua centies, & millies superet pondus ossium, & articulorum subleuatorum, & nunquam minor sit illis, & hoc erit præcipuum huius primæ partis subiectum, & materia.

Theoremata utilia ad ostendendam immensitatem virtutis motiue musculorum.

C A P V T IV.

PROPOS. IX.

Motus articulorum flexiuus sphæricus est, vel circularis, aut in superficie conica circa centrum imaginarium factus. Tab. 2. Fig. 1. & 2.

In

IN omnibus inflexionibus articularum videndum, prius, quomodo ossa moueantur, & quam figuram in motionibus constituent.

Et primo dubitandum non est, quod ferè omnes motus partium animalis circulares sint, aut ex circularibus compositi; hoc autem satis patet ex eo, quod motus cuiuslibet ossis articulum constituentis fiat circa terminum alterius ossis, cum quo arculationem constituit, efficiturque terminus ille fulcimentum, super quod aliud os mouetur; & siquidem terminus illius ossis fuerit omninò quiescens, tunc motus alterius colligati ossis in eodem plano circumducti erit fermè circularis, si verò prædictum fulcimentum non sit fixum, sed vacillet^a moueaturque, subsequitur motus articulationis ossis reuoluti, non circularis, sed rectus, aut diuersimodè curuus; Circa primum patet, quod quiescente humero AE. vlna, seu cubitas AB mouetur super commissuram, & fulcimentum A, ac proindè consurgit motus rotundus.

Sed licet articularum motus sint circulares, & rotundi, tamen conspicuum non est, vbinam centrum reuolutionis articularum, & ossium consistat, quare ratione assignari, & reperiri debet, si enim ossa articulos constituentia essent lineæ merè indiuisibiles, tunc quidem earum contactus esset punctum indiuisibile, quod quidem centri, & fulcimenti rationem haberet, sed cum ossa sint corpora dimensionem habentia, non æquè facile possunt eorum extremitates in vno puncto coniungi, & articulari, vt nimirum reuoluantur circa prædictum punctum coniunctionis: posset quidem hoc effici, si terminus vnus ossis esset acuminatus ad instar coni, vel pyramidis, atque eius punctum verticis inhe-

Cap. 4.
Motus articularum circularis &c.

a Tab. 2.
Fig. 1.

Cap. 4.
Motus ar-
ticulorum
circularis
&c.

reret, & alligaretur in cauitate alterius ossis immobilis, & tunc punctum contactus foret fulcimentum, & centrum reuolutionis; at hoc esset valdè incommodum, & fragile; si enim extremitas cubiti in conicum apicem defineret, & hic in sinuosam conicam cauitatem ampliore in extremo humeri excauatam applicaretur, tunc quidem facilè contunderetur, & diffringeretur acuties illa eminens, nec possèt articulatio tam firmiter colligari, quin hinc indè à puncto contactus vacillaret, & deuiaret; Igitur vt has incommoditates prouida, & sapientissima Natura euitaret, alia ratione articulationem machinata est facilem, tutam, stabilem, resistantem, & luxationibus minimè obnoxiam, quæ est huiusmodi; Efformauit vltimas extremitates ossium rotundas, quarum vnâ conuexam, alteram verò sinuosam, & concauam fecit, vt nimirum contactus non in puncto fieret, sed in superficie ampla, & sic contusio, & fractio vitatur, insuper facilius, & firmitus huiusmodi extremitates ossium possunt colligari absque luxationis periculo in motu vario, & multiplici; sed hic non apparet centrum reuolutionis, sed fulcimentum semidiametri circa quod circumducatur; Nam quodlibet punctum, in quo os mobile tangit, & fulcitur ab osse immobili, non est punctum quiescens, & stabile, & ideò centrum reuolutionis esse non potest. Vt in arculatione ossis AB^b sit sphærule, vel cylindrica eminentia ADEF, è contra ossis GD extremitas EDC sit sinuosa, & excauata, quæ præcisè intra se recipiat, & amplectatur tuberculum extremum alterius ossis BA, tunc quidem in osse DG nullum punctum assignari potest quiescens, & stabile, sed quodlibet eorum in motu eiusdem ossis describit circuli periphæriam, suntque

b Tab. 2.
Fig. 2.

hi circuli inæquales, & proportionaliter crescentes, quo magis ad extremum ossis G accedunt, & fiunt omnes prædictæ reuolutiones necessariò circa centrum, cum fiant circa terminum quiescens, qui sanè non in osse DG existit, sed in I medio sphærulæ, aut cylindri ADF, ita vt si intelligatur recta linea educta ab extremo G penetrans intermedium tuberculum ADF, & transiens per centrum I dicti tuberculi, hæc quidem linea tota mouebitur, excepto vnico tantum eius puncto; hic ergo erit centrum, & fulcimentum, circa quod reuolutio semidiametri, & ossis efficitur, quare centrum & fulcimentum huius articulationis erit extra os mobile DG, nimirum in centro I tuberculi alterius ossis immobilis.

Cap. 4.
Motus articularum
circularis.
&c.

E' contra si os DG quiescat, & os BA circumduci debeat, eius centrum, & fulcimentum non existet in extremo contactu DC, sed in centro, seu puncto intermedio I ipsiusmet tuberculi; hinc deducitur, quod centrum, seu fulcimentum ossis humeri, vel fæmoris existit præcisè in medio illius tuberculi, qui in sinuosa cavitæte scapulæ, vel coxæ immobilis infigitur, & colligatur, & hisce duobus articulis extremitas semidiametri mobilis, eiusque centrum est proeminens, & exprorectum; E' contra centrum semidiametri circumductionis cubiti existit extra cubitum in medio, nimirum tuberculi humeri quiescentis, cui ille alligatur, & circumuoluitur, & idem dicendum est de reliquis similibus articulationibus.

Notandum pariter est, quod motus articularum aliquando sphærici sunt, aliquando in vno plano alicuius circuli, multoties in superficie conica existunt. Regula generalis esto, quotiescunque motus vnus ossis

vndè,

Cap. 4.
Motus ar-
ticulorum
circularis
&c.

vndèquaque fieri potest circa vnicum punctum fixum, tunc quidem motus sphæricus erit, scilicet ad dexteram, ad sinistram, sursum, deorsum, ante, & retro; quoties verò motus fieri debet circa duos polos; vel circa axem necessariò motus, & circumductio, aut in superficie plana circulari, aut in superficie conica efficietur. Primi exemplum erit motus humeri, cuius extremitas scapulæ alligata sphærica est; & globosa, in qua quidem propter sphæricitatem ipsius tuberculi quaquaversum flecti, & circumduci potest humerus, quia quaquaversum lineæ rectæ à centro tuberculi illius ad eius superficiem sunt æquales, & propterea æquè benè contactus vndèquaque fieri possunt à supercie sphærica ipsius tuberculi, & summa facilitate circumduci potest omni ex parte sphærule illa intra concentricam cavitatem scapulæ; non sic accidit in motu cubiti circa humerum, & in motu tibie circa genu, quia nimirum medium reuolutionis non est punctum, sed axis extensus inter duos polos cylindri; est enim infima extremitas humeri & fæmoris non sphærica, sed cylindrica aliquibus stirijs excauata, quæ sunt veluti totidem trochleæ, quæ ad firmitatem faciunt, ne scilicet in motionibus luxationes contingant; In his verò cylindrulis necessariò motus fieri debent æquidistantes circulis eiusdem cylindri, non autem ad dexteram, vel ad sinistram versus polos eius, quod quidem pendet ex natura figuræ cylindricæ, in qua non datur punctum intermedium, quod æqualiter distet ab omnibus punctis superficie ipsius, nisi puncta sumantur in periphæria alicuius circuli æquidistantis basibus eiusdem cylindri; qui quidem circuli cum sint omnes inter se, & basibus paralleli, necessariò admittunt reuolutiones ossis, vlnæ, & tibie

tibiæ factas per circulos æquidistantes basibus dicti cylindri. Et siquidem directio ossis mobilis perpendicularis fuerit ad axem cylindri extremi humeri, vel femoris, tunc quidem circumductio vlnæ, & tibiæ fiet in plano illius circuli, qui perpendicularis est ad axem prædictum; si verò directio tibiæ angulos obliquos fecerit, cum prædicto axe cylindrico efficiet necessariò in revolutione superficiem conicam, ad eas partes vergentem, ad quas angulus acutus efficitur.

Cap. 4.
Motus articulorum
circularis
&c.

Sed æquè iucunda est cognitio linearum, quæ ab extremitatibus articulorum describi possunt; quando fulcimenta non sunt fixa, sed variè agitantur; tunc enim lineæ rectæ, aut curvæ conicæ, vel irregulares describi possunt, de quibus eruditè, & eleganter alij scripserunt, à quibus petantur.

*Musculus licet à determinato gradu virtutis moti-
uæ maximo conatu contrahatur, tamen
debiliorem, aut nullam vim effi-
cere aliquando potest.*

CAPVT V.

NEdum situs, & colligationes muscutorum considerandæ sunt: sed & vires motiæ eorundem, quæ licet ex sui naturâ vnius, & eiusdem gradus, & mensuræ censeantur, nihilominus fieri potest, ut minorem, aut nullam vim exercere valeant; non loquor de eius momento, quod ab alijs circumstantijs pendet, ut postea dicetur; sed de ipsamet virtute motiua, quæ dum verè, & realiter maximo conatu suas vires exercet; fieri potest nihilominus, ut nullam vim inferat, perindè

Cap. 3.
Musculi
adherentes
cauitatibus
articularū
inflexorum
laxi red-
duntur.

perindè ac si virtute motiua omnino careret, quæ as-
sertio licet absurda videatur, ostendetur tamen facili
negotio.

PROPOS. X.

Musculi adhærentes cauitatibus articularum
inflexorum laxi redduntur.

Tab.2. Fig.3. & 4.

Autopsia constat musculos rarò vnum articulum, sæpè duos intercipere, aliquando tres, quatuor, aut plures articulos comprehendere; supponantur iam duo articuli conflatì ex tribus ossibus AB, BC, & CD, sintque duo extrema ossa flexibilia circa internodia B, C, ad easdem partes, & positis ossibus in directum vnus musculus AED alligatus sit in A, & D, arcètque adhæreat internodijs mediantibus ligamentis, & fascijs membranosis; supponamus extrema ossa AB, & CD inflexa fuisse ad easdem partes non à vi motiua musculi AED, sed ab alia causa externa, vt nimirum musculus nullam vim exerceat, scilicet non contrahatur, & acquirat situationem cauam FHEIG, a quia articuli componuntur ex tribus regulis flexibilibus ad easdem partes circa internodia B, & C, & musculus FEG est veluti funis alligatus extremis terminis A, D, & post inflexionem licet musculus contiguus sit, & adhæreat internodijs B, C articularum in parte caua, tamen linea per medium musculi extensa, quæ axis eius est, distat ab angulis B, & C duplici nomine, tum ob crassitiem prædicti musculi tum ob profunditatem centrorum B, C, intra corpulentiam ossium articularum existentium. Cumque ab ijsdem terminis duæ lineæ ad
easdem

a Tab. 2.
Fig. 4.

easdem partes cavæ ABCD, & FHIG habeant eosdem terminos F, & G; ergo comprehensa FHIG minor est comprehendente ABCD, & erat musculi FEG naturalis longitudo æqualis lineis ABCD, ergo inflexis articulis musculus FHIG longior est interuallis FHIG, & ideo musculus latus reddetur, scilicet minusensus, quam in statu directo AED fuerat.

Cap. 5.
Musculi
adhærentes
cavitatibus
articulorū
inflexorum
laxi red-
duntur.

PROPOS. XI.

Flexis articulis, musculi internis, cavitatibus
eorum adhærentes debiliorem, aut
nullam vim exercent.

Quia actio vitalis virtutis motiæ musculorum tantummodo contractio est, & valde exigua duorum digitorum; & rarò trium, vel quatuor, vt ex viutorum, anatome constat. E' contra relaxatio musculorum ob nimiam articulorum flexionem est insignis, aliquando enim superat tres, vel quatuor digitos; Ergò valde relaxatis musculis, scilicet retinentibus eandem mensuram longitudinis ossium, quibus adhærent ex parte caua articulorum, tunc contractio illa maxima, à vi motiua imperio voluntatis facta, non erit maior relaxatio ne eiusdem musculi ab articulorum flexione pendente: at tunc os, & pondus appensum minimè trahi poterit; Igitur vis illa, quæ imperio voluntatis musculum vehementissimè contrahere valet, nullam vim inferet ossi appenso, perindè ac si non traheretur, eo quod funis latus ineptus est ad trahendum pondus ei alligatum; Ergo nullam operationem tractionis producet, perindè ac si nullam vim motiuam haberet.

Quod recta ratio suadet, id ipsum euidenti experientia

Cap. 5.
Musculi
adherentes
cavitati-
bus articu-
lorum in-
flexorum,
laxi red-
duntur.

rientia comprobatur; constat ex anatome, musculos flexores digitorum alligatos esse in extremo tuberculo infimo humeri, & ab hoc principio extenduntur vsque ad extremos internos articulos digitorum, & median-
tibus fascijs, & ligamentis adhærent omnibus internis articulis cubiti, carpi, primi, secundi, & tertij inter-
nodij digitorum: si inquam omnes prædicti articuli fle-
stantur violenter, tunc ex proximè demonstratis, mu-
sculi prædicti non valdè decurtantur, & proindè laxi redduntur, & experientia constat digitos extremos exi-
guam, & debilem compressionem efficere super manus palmam, licet vehèmenti, & valida vi quis conetur palmam manus comprimere; id ipsum obseruatur in plurimis alijs musculis, vt suis locis adnotabimus, quare dubitandum non est de certitudine superioris propo-
sitionis.

*Premittuntur lemmata mechanica Utilia ad ro-
bur, seu momentum musculorum
demonstrandum.*

C A P V T VI.

NEdum ob musculi laxitatem vis eius motiua de-
bilitatur, sed etiam alio potiori nomine altera-
tionem patitur, ita vt eius momentum augeri, & dimi-
nui valdè possit; vtque perspicuè, & scientificè in hoc
negotio procedamus, præmittenda sunt nonnulla lem-
mata.

PRO-

PROPOS. XII.

Cap. 6.
Lemmata
ad osten-
dendam
vim mu-
sculorum.

In vecte nulla potentia quantumvis vasta, trahens per directionem extensam per centrum, seu fulcimentum sustinere poterit, quamcumque exiguam resistantiam in extremo vectis appensam. Tab. 2. Fig. 5.

Sit vectis AB, cuius centrum, seu fulcimentum C, suspendaturque quælibet exigua resistantia R ex termino vectis B, sitque postea quælibet immensa potentia D, quæ trahat vectem ex puncto C, scilicet linea recta tractionis EC transeat per dictum fulcimentum. Dico, quod momentum resistantiæ R maior erit momento trahentis potentiæ D, & ideo hæc resistantiam R non superabit, nec sustinebit; quoniam (ex elementis mechanice) proportio momenti resistantiæ R ad momentum potentiæ D, componitur ex ratione potentiæ absolutæ R ad potentiam absolutam D, & ex ratione longitudinis vectis BC ad indivisibilem distantiam ipsius directionis EC à fulcimento, (quæ eadem est, quam ratio potentiæ D ad nihilum) quare momentum potentiæ R ad momentum potentiæ D eandem proportionem habebit, quam potentia absoluta R ad nihilum: Proindèque momentum resistantiæ R semper maius erit momento potentiæ trahentis D; & ideo resistantia R quamvis diminuta, & pusilla nunquam superabitur, nec suspendetur à quacumque grandi potentia D, quod demonstrandum fuerat.

PROPOS. XIII.

Si duæ potentiæ oppositæ eidem termino vectis applicentur, vna directè, altera verò obliquè trahens, &

Cap. 6.
Leminata
ad ostendendam
vim musculorum.

habuerint momenta æqualia : potentia absoluta oblique trahens ad potentiam directè impellentem eandem proportionem habebit, quam radius, seu vectis longitudo ad distantiam directionis obliquæ à centro. Tab. 2. Fig. 6.

Sit vectis AB, cuius fulcimentum A, & termino eius B duæ potentiæ oppositæ C, & E applicentur æqualium momentorum, scilicet vna alteri non cedat, quarum C directè trahat, nempe directionis linea CB perpendicularis sit ad radium BA, potentia verò E oblique trahat, idest eius linea directionis HB efficiat angulum acutum, vel obtusum ABH, cuius distantia à centro, scilicet perpendicularis ad lineam directionis sit AH. Dico quod absoluta potentia E ad absolutam potentiam C eandem proportionem habet, quam BA ad AH. Producatur recta AH, vt fiat GA æqualis BA, & in G applicetur potentia I æqualis ipsi C, cuius linea directionis GD perpendicularis sit ad radium GA; & quia potentiæ æquales C, & I in extremitatibus æqualium radiorum AB, & AG connexorum agunt per lineas directionum perpendiculares ad radios, erunt eorum momenta æqualia; & erat prius momentum E æquale momento ipsius C; Igitur momenta potentiæ I, & E æqualia inter se sunt; cumque in libra GAB inflexa radiorum æqualium, cuius centrum A, applicentur duæ potentiæ E, & I æqualium momentorum, quarum I directè trahit, E verò oblique per directionem HB parallelam ipsi GD (amota scilicet, vel coercita potentia C) ergo, vt ostendimus in libro de vi percussionis a potentia absoluta E ad potentiam absolutam I, seu ad ei æqualem potentiam C eandem

a Prop. 39.

propor-

proportionem habebit, quam AG, seu AB ad AH, quod erat ostendendum.

PROPOS. XIV.

Cap. 6.
Lemmata
ad ostenden-
dum vim mu-
sculorum.

Si duæ potentiaë oppositaë eidem termino libraë, seu vectis obliquè applicentur, & habuerint momenta æqualia, potentiaë absolutæ erunt reciprocaë, vt distantiaë directionum à centro. Tab. 2. Fig. 7.

Sit vectis AB, cuius fulcimentum, seu centrum revolutionis A, & termino B applicentur duæ potentiaë E, & D obliquè vectem trahentes per lineas directionum HB, & GB, sintque earundem potentiarum momenta æqualia inter se, nimirum vectis à contrarijs virtutibus tractus immobilis persistat, seu fiat potentiarum æquilibrium; & ducantur à centro A ad lineas directionum perpendiculares AH, & AG. Dico potentiam absolutam ipsius E ad potentiam absolutam D eandem proportionem habere, quam GA, ad AH. Producatur vectis BA, vt fiat AF æqualis AB, & à terminis BF pendeant duæ potentiaë C, K directæ seu perpendiculariter libram trahentes, quarum momenta æqualia sint momentis cuiuslibet potentiarum E, vel D; & quoniam termino B vectis AB applicantur duæ potentiaë æqualium momentorum E, & C (amotis vel coercitis interim potentijs D, & K) hæc directè illa obliquè trahens; ^a Ergo potentia absoluta E ad absolutam potentiam C, seu ad potentiam absolutam K erit vt AB ad AH. Rursum, quia in libra radiorum æqualium BAF applicantur duæ potentiaë æqualium momentorum K, & D, illa directè hæc obliquè trahens; ^b Ergo potentia absoluta K ad potentiam absolutam D eandem

a per antec. Prop.

b' per eandem.

Cap. 6.
Lemmata
ad ostendendam
vim musculorum.

eandem rationem habet, quam distantia directionis GA ad libræ radium AB, quapropter ex æqualitate perturbata^c potentia absoluta E ad absolutam potentiam D eandem proportionem habebit, quam distantia GA ad AH, quod demonstrandum fuerat.

c Prop. 20.
lib. 3. Eucl.
rest. Auct.

PROPOS. XV.

Si duæ potentiaë oppositaë duobus punctis eiusdem vectis applicataë habuerint æqualia momenta; earum absolutaë potentiaë eandem proportionem habebunt reciprocè, quam distantiaë directionum à fulcimento. Tab. 2. Fig. 8.

Sit vectis AB, cuius fulcimentum B, & punctis A, & C sint applicataë duæ contrariaë potentiaë H, & E, à quibus vectis in eodem situ retineatur, seu momenta earum sint æqualia; sintque lineæ directionum AH, & CF, atque à centro B ad directionum lineas ducantur perpendicularares, seu distantiaë BI, & BF. Dico potentiam absolutam E ad potentiam absolutam H reciprocè eandem proportionem habere, quam perpendicularis BI ad perpendicularem BF. Applicentur punctis C, & A potentiaë D, & N contrariaë, quarum lineæ directionum AN, & CG perpendicularares sint ad vectem BCA, sitque tam momentum D, quam N æquale momento ipsius H, vel alterius E; patet, ex elementis mechanicis, potentiam absolutam D ad potentiam absolutam ipsius N eandem proportionem habere, quam AB ad BC; & termino C eiusdem vectis BC cuius centrum B, applicantur duæ potentiaë æqualium momentorum, D quidem directè, E verò obliquè; Ergo a potentia absoluta E ad potentiam absolutam D eandem

a Prop. 13.
huius.

eandem proportionem habebit, quam BC ad BF; quare ex æquali perturbata potentia absoluta E ad potentiam absolutam N, eandem proportionem habebit, quam BA ad BF. Similiter potentia absoluta N directè trahens ad potentiam absolutam H, obliquè, siue directè trahentem radium AB, eandem rationem habet, quam distantia IB ad AB; Igitur ex æquali perturbata ^b potètia absoluta E ad potentiam absolutam N eandem proportionem habebit, quam distantia IB ad distantiam BF, quod erat ostendendum.

Cap. 6.
Lemmata
ad ostendendam
vim musculorum.

b Prop. 20.
lib. 3. Eucl.
rest. Auct.

PROPOS. XVI.

Si duæ potentiæ oppositæ applicatæ duobus punctis extremis libræ inflexæ, cuius centrum in angulo inflexionis existat, habuerint æqualia momenta; earum absolutæ potentiæ eandem proportionem habebunt reciprocè, quam distantiae directionum. Et è conuersò. Si iisdem manentibus, potentiæ sint reciprocae, vt distantiae directionum, earum momenta erunt æqualia. Tab. 2. Fig. 9. & 10.

Sit libra, vel vectis quomodolibet inflexus ABC, cuius centrum B, & duæ potentiæ oppositæ H, & E per directionum lineas IA, & CD à punctis A, & C libram trahentes efficiant æquilibrium, seu habeant æqualia momenta; sintque perpendiculares ex centro B ad lineas directionum, ipsæ BI, & BF. Dico potentiam absolutam H ad potentiam absolutam E eandem proportionem habere reciprocè, quam BF ad BI. Producat CB in directum, vt fiat BN æqualis distantiae BI, & in angulo recto BNL applicata potentia O æqualis sit ipsi H. Et quia duæ potentiæ æquales H, & O perpen-

perpendiculariter trahunt radios æquales BI, & BN, erit momentum potentiæ O æquale momento potentiæ H, sed ex hypothesi momentum potentiæ E æquale erat momento eiusdem potentiæ H. Ergo duæ potentiæ O, & E habent momenta æqualia, & (amota, vel coercita potentia H) applicantur terminis eiusdem libræ NC, cuius centrum B, suntque BF, BN distantia directionum; Igitur potentia absoluta E ad potentiam absolutam O, seu ad ei æqualem potentiam absolutam H eandem proportionem habet reciprocè, quam BN, seu BI ad BF.

a Tab. 2.
Fig. 10.

Secundò iisdem positis a potentia absoluta E ad potentiam H eandem proportionem habeat, quam distantia BI ad BF. Dico momenta potentiarum E, & H æqualia esse inter se, facta eadem constructione, quia in libra imaginaria NBC potentia absoluta E ad potentiam O, seu ad ei æqualem potentiam absolutam H, eandem proportionem habet, quam NB, seu ei æqualis IB ad BF, (quæ sunt distantia directionum); Ergo momenta E, & O æqualia sunt inter se, sed momentum ipsius H æquale est momento potentiæ O (cum potentiæ æquales perpendiculariter trahant radios æquales); Ergo duo momenta potentiarum E, & H æqualia sunt inter se, quod erat &c.

Tendines musculorum non in capitibus, & tuberculis ossium conuertibilium alligari debuerant, sed in eorundem ossium productionibus propè articulum, & directione obliqua ad eiusdem ossis longitudinem.

C A P V T VII.

His

His præmissis animaduerto, quod cum natura in omnibus suis operationibus admirabili sapiëntia & solertia, nunquam verò frustra operetur; nemo iure persuaderi poterit tendinosa ligamenta musculorū melius disponi potuisse, quam in ipsis animalibus alligata cernuntur; & quia videmus ligamenta musculorum nunquam in verticibus, seu terminis ossium articulorum alligari, sed aliquando in lateribus tuberculorum, & frequentius prope articulum affigi, erit operæ pretium naturæ necessitatem perscrutari, quare coacta fuerit tali musculorum dispositione vti, & quænam insignis utilitas ex tuberculis amplis in capitibus ossium constitutis subsequatur & primo.

Cap. 7.
Colligationes tendinum in articulis considerantur.

PROPOS. XVII:

Si linea directionis, quæ musculus ossis articulum trahit per centrum tuberculi, seu per centrum revolutionis articuli directè producat, non poterit musculus articulum resistantiam habentem flectere, neque in directum ipsum fixè retinere, si verò resistens non fuerit, nec pariter flectetur. Tab. 2. Fig. 11.

Sit os AB habens tuberculum rotundum AE, cuius centrum, seu fulcimentum C in medio tuberculi mobilis existat; sitque tuberculum intra alterius ossis GF cavitatem EFA insinuatum; Et musculus DE, cuius caput D affixum termino ossis G, eiusque finis tendinosus E alligatus sit termino E tuberculi AE, sitque talis tendo directè extensus versus centrum tuberculi C, ut DEC sit una recta linea, sitque AB æquidistans horizonti; Dico quod potentia musculi licet vasta sit, numquā poterit flectere neque sustinere resistens pondus

E

dus

Cap. 7.
Colliga-
tiones Tē-
dinum in
articulis
confide-
rantur.

a Prop. 12
huius.

dus ossis AB. quia musculi actio nil aliud est, quam mera contractio, & decurtatio sui ipsius; Ergo perindè ager musculus, ac si potentia ei æqualis, mediante fune DE, traheret os AB per directionem CED, à C versus D, & tunc, quia in horizontali vecte AB, cuius fulcimentum C applicatur, resistentia, seu pondus articuli AB in centro grauitatis eius H impellens vectem deorsum perpendiculari directione HI, & potentia D applicatur in ipso met centro, seu fulcimento vectis, eumque trahit per directionem CED. Ergo^a potentia musculi D licet immensa numquam superabit resistentiam ossis AB in H directè prementis, & proinde nedum articulum AB non flectet, sed insuper impedire non poterit descensum eius; vnde sequitur eum directè, & fixè retinere non posse. Dirigantur postea ossa GFAB perpendiculariter ad horizontem, tunc directio propensionis ossis AB appensi à ligamentis, vel suffulti à cavitae ossis FA non distat, sed incedit per centrum C, quare os AB non flectetur sponte in vecte nullius distantiae, & aliundè musculus eidem centro applicatus nullum momentum exercet contra resistentiam ossis ab eo non sustentati; Ergo os AB non flectetur.

PROPOS. XVIII.

Si musculi tendo affigatur ad superficiem lateralem capitis ossis, eiusque directio per eius centrum non transeat, articulus flecti poterit à potentia, quæ ad resistentiam maiorem proportionem habeat, quam distantia directionis resistentiæ ad distantiam directionis tendinis musculosi à centro eiusdem tuberculi ossis. Tab. 2. Fig. 12.

Mu-

Musculi tendo E sic affigatur ad latus tuberculi E, vt musculi directæ productio DEK non transeat per tuberculi centrum C, & à centro C ad musculi productionem DEK ducatur perpendicularis CK, & hæc erit distantia directionis musculi, seu potentie trahentis à centro, sicuti CH erit distantia directionis propensionis resistentie, scilicet ponderis articuli ab eodem centro. Dico iam, quod articulus AB flecti poterit à potentia muscolum trahente, quæ ad resistentiam articuli maiorem proportionem habeat, quam distantia HC ad distantiam CK; Quia os solidum CAB flecti, & circumuolui potest circa centrum C à potentijs applicatis in E & H; Ergo efficitur vectis inflexus ECH, cuius fulcimentum C, proindeque vt superetur æquilibrium à potentia musculi trahente per directionem KED, scilicet vt vectis flecti possit, oportet vt potentia muscolum trahens ad resistentiam articuli maiorem rationem habeat, quam huius distantia CH ad illius distantiam à centro CK, & hoc erat propositum.

Cap. 7.
Colligationes
Tendinum in
articulis
considerantur.

Hic animaduertendum est, quod articulus AB, eo vsque flecti sursum, ac reuolui potest, quo vsque musculi directio DE per centrum C pertranseat, scilicet quousque angulus DEC extinguatur, & duæ rectæ DE, & CE vnā rectā lineam constituent, & hoc constat ex duabus præcedentibus propositionibus.

PROPOS. XIX.

Si musculi tendinosi finis, aut vltra tuberculum in ossis productione in confinio tuberculi affigatur articuli reuolutio maior esse potest semicirculo Tab. 2.

Fig. 13.

E 2

Iisdem

Cap. 7.
Colliga-
tiones Tē-
dinum in
articulis
confide-
rantur.

Iisdem positis duo ossa BA, & GF, internè flectantur, vt ferè eorum longitudines sese mutuo tangant, & tunc in confinio tuberculi, vel paulo vltra versus B affigatur tendo musculi DEK, vt in O, & circumducatur tendo OKE circa tuberculum ad instar funis circa trochleam, patet, quod prædictus funis tendinosus directus DE contingit rotunditatem tuberculi in vnico tantum puncto E, & sic radius CE erit distantia directionis musculi à centro. Deinceps perseverante tractione musculi, semper magis ac magis funis tendinosus dissolvitur, separaturque à tuberculo, ita vt contactus ab E progrediatur versus K, & à K versus O, semperque contactus tendinosi funiculi alicubi efficietur per integram periphæriam EKO, atque perpetuò distantia directionis musculi à centro C erit Semidiameter eiusdem tuberculi, & post contactum tendinis in puncto O prædicta distantia directionis minuitur: pro vt duæ rectæ DE, & CO angulum obtusorem constituunt, quo vsque angularis illa inclinatio obsumatur. Quia verò funiculus tendinosus EKO ambire potest spatium tuberculi maius semicirculo; hinc fit vt articuli AB circumductio per spatium semicirculo maius effici queat, quandoquidem dum distantia directionis musculi à centro conseruatur eiusdem mensuræ, vel non omnino annihilatur, semper flexio, & articuli circumductio effici potest.

Si postea funis tendinosus musculi affigatur vltra confinium tuberculi O versus B, vt in M, tunc similiter funiculus tendinosus reuolutus circa tuberculum, veluti circa trochleam poterit reuoluere articulum vltra semicirculum, quando quidem non secus ac funiculus circa trochleam efficit contactum successiuum perse-

ueran-

uerante eadem distantia directionis eius à centro, quæ est semidiameter tuberculi; Sed in hoc differt hæc constitutio à præcedenti, quod tendinis distantia à centro augetur, quando duæ rectæ DE, & CM rectum angulum constituunt, scilicet quando funiculus tendinosus separatur à contactu tuberculi, & deinceps continuata reuolutione articuli, prædicta distantia denuo minuitur, quousque omnino extinguatur.

Cap. 7.
Colliga-
tiones Tē-
dinum in
articulis
conside-
rantur.

Et hinc patet pulcherrimus vsus tuberculi ossis, præter enim firmitatem, & tutelam ne ossa diffriuantur, luxenturque, vt supra insinuatum est, efficitur in tota articuli reuolutione contactus tendinis musculi cum superficie tuberculi, vnde semper tendo distat à centro tuberculi eodem interuallo semidiametri eius, vt videre est in musculo Deltoide, cuius tendinosa membrana, quæ finis eius est, alligatur ad confinium tuberculi supremi ossis humeri; Vnde fit, vt brachium subleuari, & circumduci possit vltra semicirculum permanente semper eadem distantia directionis musculi à centro tuberculi humeri. Non secus contingit in musculis gluteis fæmur reuoluentibus, & in alijs articulationibus animalis; Hinc fit, vt ratione vectis in hoc casu semper musculi vis trahens sit eiusdem roboris, & gradus.

PROPOS. XX.

Musculi tendo alligari non debuit versus terminum extremum ossis, sed prope articulationem eius. Tab. 2. Fig. 14.

Sint duo ossa AB, & GF coniuncta & articulata in AF, vt nimirum AB, circumduci possit circa C centrū arti-

Cap. 7.
Colliga-
tiones
tendinum
in
articulis
confide-
rantur.

articulationis, vt sunt duo ossa brachij; sitque musculus DE alligatus termino fixo G humeri GF, illiusque finis affixus sit termino E ossis cubiti AB, qui circumduci debet circa centrum articulationis C, describendo circuli arcum BH; Dico quod Natura non potuit, nec debuit affigere finem tendinosum E propè extremitatem B ossis AB. Si enim fieri potest connexio E ponatur propè terminum B nempe prope carpum, & tunc tendo, & musculus DE vel est solutus, & separari potest ab articulo & ossibus DAB, vel fibula, aut fascia aliqua ibidem alligatur; si primum; Quia os AB flecti non potest versus FG vsque ad situm AH, nisi trahatur à fune musculo DE se contrahendo, vt nimirum eius longitudo DE adeò decurtetur in situ DM, vt fiat minor octaua parte ipsius DE, quæ decurtatio in brachio erit maior sexquipedem; hoc autem nedum incommodum, sed præterea esset impossibile. Incommodum quidem esset, quia latitudo & crassities brachij valdè excreveret ampliata secundum dimensionem CM æqualem CE: & proinde hoc nomine brachium esset æquè crassum ac est venter animalis, quæ monstruosa crassities impediret reliquas brachij, & animalis motiones; Deinde quia musculi structura exigit vt parum cōtrahi possit, nempe raro ultra duos vel tres digitos in latum; Ergo talis colligatio, quæ exigit contractionem musculi tam enormem, maiorem scilicet sexquipedali, esset omnino impossibilis; sed multo euidentius talis positionis absurditas patet, si supponamus os AB esse humerum sinistrum, qui circa nodum scapulæ C vnde quaque circumuolui debet; hic planè vt ad pectus educatur, trahi debet a musculo ED alligato in latere dextero D pectoris; alius musculus

lus elevatur in supremo capitis vertice figendus erit, deprimens in infimo ventre, qui musculi vna cum musculis dextri humeri spatium vastum inflatum ad instar vasti dolij exigunt; id ipsum in musculis pedum fieri debebit, & proinde talis confirmatio non articulata, sed tuberosa esset ridicula, & inepta ad motus, & contrectationes efficiendas; & ideo rejicienda omnino est.

Cap. 7.
Colligationes tendinum in articulis considerantur.

Secundo loco tendo musculosus DE fibula, vel fascia membranosa R colligetur circa articulationem AF, ita vt fascia R officium trochleæ suppleat, & tunc verum est, quod exigua musculi DE contractio trium digitorum flectere potest cubitum AB per arcum BH: attamen hæc constitutio nil prorsus differt ab illa, in qua musculus subduplæ longitudinis affixus fuisset propè articulationem C versus A; & proinde longitudo reliqua tendinosa RE esset nedum inutilis, & frustratoria, sed etiam incommoda, quod esset contra naturæ consuetudinem, quæ à superfluitatibus abhorret, & compendia vbique sectatur; Igitur necessario finis tendinosus musculi affigi debuit propè principiū ossis mobilis, vel in extremitate articulationis eius, quod erat &c.

SCHOLIVM.

Verum est tamen, quod in musculis flexoribus digitorum manus, & pedis ponuntur fasciæ alligantes tendines circa internodios, sed alia naturæ necessitate hoc factū est; Quia nempe prædicti musculi tam crassi, & prolixi, quanta est crassities & longitudo cubiti & tibiæ collocari non poterant intra spatiola restricta, & curta palmæ manus & pedis; aut internodiorum digitorum:

torum; cum è contra ad hoc, vt commodæ contrectationes, & reliquæ manuum operationes fieri possent explanatæ & excarnes esse debuerant non vero tuberosæ, & inflatæ.

De virtutis motiue muscutorum cubitum flectentium gradibus, & momentis.

C A P V T VIII.

EX mechanicis constat, quod potentiaæ absolutæ, quæ æquibranantur reciprocè, eandem proportionem habent, quam velocitates, seu quam habent spatia, quæ ab eis transigerentur eodem tempore, si mouerentur.

Modo, quia musculus alligari potest resistentiaæ duplici modo, aut immediatè, vel mediante trochlea, aut libra radiorum æqualium, ita vt tantundem subleuaretur resistentia, ac contrahitur, & decurtatur musculus; aut connexio fit mediante machina inæqualiû radiorum, vt vectis, in qua contractio musculi æqualis non est eleuationi resistentiaæ eodem tempore factæ; in hoc casu proculdubio vis absoluta musculi æqualis non erit absoluto gradu resistentiaæ, licet earum momenta sint æqualia; in illo deberent vires absolutæ, & earum momenta æquari. Verum melius consideranti idemmet musculus machina quædam esse videtur (quod suo loco ostendemus). Vnde fit, vt mensura præcisa virtutis contrahentis muscutorum non sit æqualis ponderi resistentiaæ immediatæ, aut æquali motu subleuatæ, proptereaque vis absoluta musculi, scilicet ea, quam natura exercet, dum musculum contrahit nequa-

quaquam indicabitur à pondere æquali motu subleuato.

Attamen ad cōfusionem euitandam dissimulabimus interea hanc inæqualitatem, vtque à facilioribus initium sumamus, vocabimus vim absolutam apparentem musculi contracti eam vim, quam habet pondus æquali motu subleuatum ab eodem musculo, & gradus virtutis musculi, quando agit mediante machina manifesta velocitatibus inæqualibus, si potentiarum momenta æquantur, vocabitur vis musculi modificata.

Insuper noto, quod tam vis absoluta vera, aut apprens, quam modificata potest tota, & integra exerceri, seu potius applicari, ita vt nulla eius portio otiosa remaneat, & tunc vocatur vis musculi totalis; si verò non efficiat id totum, quod posset, scilicet non sustineret integrum pondus, quod ab eodem musculo suspendi potuisset, tunc talis vis musculi vocabitur partialis.

Præterea, quia machinæ, quibus agunt musculi, aut sunt simplices vectes, aut diuersimodè compositæ, vel multiplicatæ, & vario modo connexæ; ideo initium sumemus à facilioribus, & simplicioribus operationibus, quarum aliqua exempla insigniora afferemus in præcipuis musculis, neglectis alijs minutioribus, qui eiusdem naturæ cum illis sunt, ne in immensum moles huius libri excrescat.

PROPOS. XXI.

Potentia absoluta cuiuslibet musculi animalis, necessario maior esse debet pondere articuli ab ea suspensi, nunquam verò minor.

F

Natura

Cap. 8.
Prima indagatio
potētis muscu-
lorum cu-
bitum fle-
ctentium.

Cap. 8.
Prima in-
dago po-
tentiæ mu-
sculorum
cubiti
flectentiũ.

Natura sapientissima animalis fabricam contraxit ex varijs organis compositam, vt moueri posset ab vno in alium locum, & vt varias operationes ad vitæ conseruationem requisitas edere posset. Hoc autem præstari non potest tribuendo animali formam orbicularem ad instar Tuberis, sed debuit componi ex varijs articulationibus, vt sunt manus & pedes, quibus ambulare & contrectare obiecta posset. Verum tales articuli moueri circa nodos non possent, nisi traherentur à funibus musculosis, à vi motiua eos contrahente. Ostendendum modo est, quod talis motiua facultas non potest esse minor, sed necessario maior esse debet pondere, & resistentia articulorum suspensorum. Consideretur quilibet articulus, vt totius brachij; hoc planè vndique circumuolui debebat circa nodum scapulæ, vt trahere, suspendere, & impellere posset resistentias cum ipsius brachij ponderosi, tum etiam corporum externorum, quæ contrectari debuerant: tales operationes requirunt formam idoneam, vires, & instrumenta apta, & accommodata ad talem finem consequendum. Forma proculdubio debuit esse exporrecta ad instar vectis conuertibilis circa centrum vel fulcrum firmum scapulæ. In vecte postea considerari debent situs, in quibus potentia motiua, & resistentia applicantur. Motiua potentia agit contrahendo funes musculosos, qui alligari non possunt nisi prope centrum vectis, vt dictum est, & resistentia in extrema longitudine eius, ergo semper potentia ad resistentiam se habet, vt maior distantia huius ad minorem distantiam illius ab eodem fulcimento; proindeque semper potentia motiua maior est, quam resistentia.

a Prop. 20
huius.

P R O P O S . X X I I .

Cap. 3.
Prima in-
dago po-
tentiæ mu-
sculorum
cubiti
flexionis.

Prima indago absolutæ virtutis apparentis, quæ à duobus musculis bicipite, & brachico cubitum horizontaliter flexentibus in situ supino exerceri potest; quæ plus quam vigecupla est ponderis quod ab eis sustinetur, & superat vim pōderis libr. 560. Tab. 2. Fig. 15

Humerus EA, & cubitus & manus AB ferè rectam lineam constituent horisonti æquidistantem, sed in supina constitutione reuoluatur in extremis digitis manus expansæ B funis GB, cui alligetur in G pondus R, quod successiue augeatur, quousque excessus potentiæ motiue musculorum DC omnino euanescat, nec valeat maius pondus, quam R sustinere, sed æquatis viribus id ipsum retineat tantummodo; tunc perfectò conijciemus momenta potentiarum musculi, & ponderis R omnino æquari, cum neutra potentia alteri cedat; & experientia docente in Iuvene robusto pondus R non superat libras 26, quibus superaddi debet grauitas totius cubiti, & manus, quæ libras 4. ferè æquant, hæc autem exercetur, non quidem in extremo vectis puncto B, sed in loco intermedio H, vbi nimirum incidit centrum grauitatis eius; quare si ex B suspendatur pondus aliud librarum 2, quod ad grauitatem totius cubiti eam proportionem habet, quam distantia OH ad OB habebimus vectem omnino linearem indiuisibilem, & grauitatis expertem, in cuius extremo B suspenduntur duo pondera R, & cubiti, scilicet libræ 28; postea quia directio CD tendinis ipsius musculi trahentis efficit angulum valdè acutum cum linea CO, propterea quod tendo musculi tangit præ-

Cap. 8.
Prima in-
dagotē-
tię muscu-
lorum cu-
bitum fle-
ctentium.

a Prop. 16
huius.

cisè caput articuli A, debet duci à fulcimento O recta
linea OI, quæ perpendicularis sit ad tendinis directio-
nem CI, & tunc quidem, ex demonstratis ^a superius,
potentia musculum DC trahens ad resistantiam pon-
deris R cum adiuncto eandem proportionem habebit,
quam distantia OB ad distantiam IO; reperitur verò
diligenti inquisitione longitudo cubiti & manus OB
plusquā vigesies maior, quam semidiameter tuberculi
IO; Ergo robur, & potentia musculum DC trahens
plusquam vigecupla est ponderis R, & adiuncti; Erat
autem hoc librarum 28; Ergo robur absolutum appa-
rens, quo musculus trahit cubitum, eumque inflectere
nititur maior est robore librarum 560.

P R O P O S. XXIII.

Vim quam exercent iidem musculi reperire; quando
humerus sursum erigitur perpendiculariter
ad horizontem, & cubitus horizonti
æquidistat. Tab. 2. Fig. 16.

Efficiant secundo loco humerus EA, & cubitus AB
angulum rectum, manēte adhuc cubito parallelo hori-
zonti, & humerus sursum eleuetur, in hac constitu-
tione remanet eadem vectis longitudo OB, in cuiusque
extremo puncto B sustinetur maximum pondus R li-
brarum 33, vt docet experientia ab iisdem musculis
DC; sed quia angulus ICO factus à tendine cum ra-
dio OC est minus acutus, quam in præcedenti consti-
tutione horizontali eorundem ossium, propterea
quod flexo humero EA versus cubitum AB, inflectitur
quoque tendo musculi DC humero adhærentis; non
tamen angulus ICO rectus efficitur, quia tendo in I
arctè

arctè colligatur membranosis quibusdam fascijs, & externa pelle, quæ inuolucra officium trochleæ suppleant versus angulum articuli A, non tamen tendo IC omnino mordicus colligatur in I, quin aliquantisper subleuetur, & propterea recta OI perpendicularis ad tendinis CI directionem sensibilibiter maior efficitur, quam in præcedenti casu, vt tactu in nobismet ipsis observamus; & ideò distantia OB ad IO minorem proportionem habebit, quam in priori constitutione reperta fuerat, sed quam proportionem habent prædictæ distantiae, eadem reciprocè vis musculum DC contrahens, & trahens ad resistantiam ponderis R cum adiuncto pondere cubiti habebit; Ergo illa virtus ad hanc resistantiam minorem proportionem habebit, quam 20 ad 1, & siquidem maxima vis musculorum bicipitis & brachij æqualis supponatur vi librarum 560. ex præcedenti indagine, cum pondus maximum R sit librarum 33, & cum adiuncto pondere cubiti librarum 35 esset distantia OI vna pars decimasexta distantiae BO, non autem vt prius vna pars vigesima eiusdem; quare sensibilibiter creuit distantia IO, & proinde maius pondus 35 librarum suspendi potest ab iisdem musculis.

Hic tamen animaduertendum est, quod licet articulo EAB flexo musculi DIC non tensi sint vt prius, sed aliquo pacto relaxari debeant, non tamen vis motiua vtriusque musculi minorem facultatem contrahendi habet, quia reuerà musculi DC non alligantur ambo in summitate humeri, sed biceps annectitur in termino L scapulæ HLE, brachieus verò alligatur in medio humeri, & quoniam scapula HEL in eodem situ semper permanet, transversali scilicet, sit vt humerus EA

re-

Cap. 8.
Prima indago potetiae musculorum cubiti, flectentiũ.

Cap. 8.
Prima indagatio
potestatis muscu-
lorum cubitam
flectentium.

reuolutus circa centrum B eius articulationis, cum scapula angulum LEO efficiat minus acutum, quo magis humerus deorsum flectitur, & tunc musculi bicipitis principium D magis subleuatur, & magis recedit à summo capite tuberculi E, eo quod interuallum lineæ LDI subtendens angulum LEO augetur, & propterea prædictus musculus eo magis tenditur, quo magis humerus deorsum flectitur; licet ergo ob angulum EOB brachieus musculus relaxetur. Potest tamen multo magis tendi biceps ob eleuationem termini D supra caput humeri.

PROPOS. XXIV.

Hinc possent probabiliter texari sigillatim vires absolutæ apparentes musculi bicipitis, quæ æquualet libris 300. & brachiei æqualis vi librarum 260. Tab. 3. Fig. 1.

Inflectatur humerus EO retrorsum, vt efficiatur angulus HEO quam maximè fieri potest acutus, & cubitus AB similiter inflectatur, vt nimirum cubitus AB æquidistat supremæ lineæ scapulæ HL, tunc quidem anguli alterni HDI, & CID acuti erunt inter se æquales, & propterea quantum musculus biceps DIC relaxatus est ob acutiorem anguli caui COE tantum præcisè trahitur, & tenditur ob angulum conuexum HDO; Igitur nil alteratur naturalis tensio musculi bicipitis, & remanet eiusdem præcisè longitudinis, quam habebat in situatione totius brachij horizontali æquidistante; cumque nullam relaxationem patiatur, eandem vim se contrahendi habebit, quam in situ horizontali exercuerat. Sed non eodem priuilegio

gio fruitur musculus brachieus FI, cuius principium in medio humeri F, finis verò in I propè caput cubiti collocatur; & quia angulus EOC est acutus, Igitur musculus brachieus FI maximam relaxationem patietur, & proindè nullam ferè, aut exiguam vim motiuam, exercebit; his positis reperiri poterit vis motiua solius musculi bicipitis (Si tamen distantia OI tendinis à centro tuberculi cubiti non variatur) esto pondus R sustentatum in tali situatione vnà cum pondere cubiti librarum 25, & quia distantia IO est ferè vna pars duodecima radij, & manus BO; Ergo vis absoluta musculi bicipitis erit duodecupla ponderis appensi R, & cubiti, scilicet illa erit æqualis potentiae librarum 300, cum brachieus nullam vim exerceat ob maximam eius relaxationem; Postea quia vires duorum musculorum bicipitis, & brachiei simul operantium in primo experimento æquales fuerant potentiae librarum 560; Igitur si ab hac potentia subtrahatur vis motiua solius musculi bicipitis, mox reperta librarum 300; residua potentia librarum 260 erit ea, quæ exercebatur à musculo brachio, & hoc erat inquirendum.

Cap. 8.
Prima indagatio potentiae musculorum cubiti flexentium.

PROPOS. XXV.

In situ perpendiculari ad horizontem humero retento, & cubito deorsum pendente, vim, quam exercent iidem muscoli reperire. Tab. 3. Fig. 2.

Sint iam humerus EA, & cubitus AB in directum positi, & perpendiculares ad horizontem, tunc quidem pondus maximum R, quod in B suspenditur, immensum propemodum esset, si robur, & tenacitas ligamentorum esset omninò resistens, & insuperabilis.

Si

Cap. 8.
Prima in-
dago po-
tetiæ mu-
sculorum
cubiti
flectentiũ.

Si postea parumper cubitus AB inflectatur, vt efficiat obtusum angulum EAB cum humero ad horizontem erecto, & cum linea OK æquidistante plano horizontalis efficiat angulum acutum BAK, tunc quidem valdè augeri debet pondus maximum R, quia educta ex B perpendiculari BK ad horizontalem AK, tunc pondus R obliquè vectem AB trahens, perindè premit ac si in puncto K vectis OK suspensum fuisset; & idè confurgit nouus vectis OK breuior, quam OB; virtus verò musculi vectem subleuans trahit ex puncto I distantie directionis IO; Igitur potentia absoluta musculum contrahens, quæ semper eadem est ad resistantiam ponderis R eandem proportionem habebit, quam KO ad IO; Si igitur fuerit KO tantummodo dupla ipsius OI, erit necessario pondus R, quod in tali situ substinetur medietas tantummodo totius virtutis motiue absolutæ, & idè R erit librarum 250, & siquidem distantia OK minor fuerit, quam OI, tunc pondus R maius quoque erit virtute motiua eorundem musculorum.

Hinc colligitur, quod in flexione, seu eleuatione cubiti AB perpetuo minuitur effectus eiusdem virtutis musculum trahentis; propterea quod successiue augeatur vectis OK, & idè minui debet pondus R.

PROPOS. XXVI.

Vim eorundem musculorum reperire brachio in supino horizontali situ constituto. Tab. 3. Fig. 3.

Potest alia ratione exerceri virtus musculorum cubiti flectentium, si nimirum cubitus AB in supina situatione horizonti æquidistante inflecti debeat deorsum

sum ad partes G à musculis DC infra cubitum positis; reuoluto nimirum fune BLG circa tympanum, aut trochleam ML, conuertibilem circa axim fixum M; patet, quod dum manus B descendit, pondus R subleuatur, efficiturque similiter vectis AB, cuius fulcrimentum O, & pondus R trahit terminum B sursum versus L, & potentia musculorum DC trahit vectem AB ex I deorsum versus D; & sic ea, quæ dicta sunt superius, hic quoque verificantur, cum hoc discrimine tamen, quod prius terminus B trahebatur deorsum, nedum à resistantia ponderis R, sed etiam à grauitate totius cubiti, & manus; hic contra grauitas cubiti AB non contraponitur, sed adiunat potentiam musculorum trahentium; propterea quod sicuti muscoli deorsum cubitum trahunt in hac situatione, sic pariter cubitus sua grauitate deorsum pellit, & hæ duæ potentiae simul sumptæ æquantur momento ponderis R; cumque in primo casu pondus cubiti adderetur resistantiae grauis R, modo additur potentiae musculorum, & quia potentia maxima musculorum DC ostensa est æqualis potentiae librarum 560; ^a Ergo si vectis AB esset nullius ponderis, cum distantia OB ponatur vigecupla distantiae OL, esse deberet pondus R librarum 28, at quia duæ libræ eidem R additæ æquilibrantur ponderi cubiti AB, scilicet eum reddunt vectem nullius ponderis, & propterea pondus R cum adiuncto scilicet libræ 30 erit maximum, quod in tali situ à vi musculorum DC subfineri possit.

Id ipsum alia ratione ostendetur, quia pondus descensuum cubiti librarum 2 ex B pendentium æquantur vi tractiuae in I applicatæ, quæ sit librarum 40 (ob reciprocam proportionem vigecuplam), & erat vis

Cap. 8.
Prima indago potestatis musculorum cubitum flectentium.

a Prop. 32
huius.

G

pro-

propria musculorum DCI librarum 560; Ergo hæc vna cum adiuncto momento trahente ex I, æquali cubiti momento efficiet summam librarum 600.

De musculis tibiam flectentibus eorumque operatione circa genu. Tab. 3. Fig. 4.

C A P V T IX.

Sicuti reuolutio cubiti circa humerum efficitur circa tuberculum cylindricum, ita quoque tibia circa fæmoris tuberculum rotundum reuoluitur. Differunt verò inter se, quia in cubito musculi flectentes affiguntur ferè in vno puncto intermedio propè caput eiusdem cubiti; In tibia verò musculi eam flectentes in duobus oppositis punctis collateralibus capitis tibiæ, & fibulæ implantantur, vt habenæ, seu lora equorum, tres enim musculi semimembranosus, semineruosus, & gracilis in interno latere tibiæ, & vnicus biceps dictus in externa summitate fibulæ alligatur. Sed hæc varietas naturam, & proprietatem vectis non perturbat; præcipua discriminis ratio ab alia causa longè diuersa pendet, scilicet ex diuersa structura articulationis tibiæ CB ab ea, quæ in cubito enarrata est; huius enim extremitas arctè amplexatur humeri tuberculum, circa cuius superficiem rotundam rotatur, & circumuoluitur: tibia verò non item, eo quod infimum tuberculum fæmoris AB in basim amplam BH definit, quæ non est omnino cylindrica, cum eius rotunditas sit aliquo modo compressa, ad ellipticam, vel spiralem curuitatem accedens, hæc autem non vndique stringitur, & amplexatur à tibiæ capite CH, pariter amplo, sed

sed non admodum excavato, in quo notabiles sunt ca-
 pitis eius sinuositates non quidem profundè excavatæ
 in osse capitis tibiæ, sed efformatæ à cartilaginosa qua-
 dam Zona semilunari dicta, crassa, & dura, quæ pulvi-
 naris officium supplet, dum sinuositatem quandam
 profundam format: talis Zona cartilaginea exterius
 definit in membranosa propaginem, quæ capiti ossis
 tibiæ alligatur, interius verò gracilescit, quousque
 in laminam tenuem duram, & circularem abeat; tota
 huiusmodi Zona, excurrit super caput tibiæ leuiga-
 tum, & à quodam vntuoso humore madefactum; quo
 mediante transfertur ante, & retro prædicta Zona car-
 tilaginea; antè quidem trahitur versus genu, quan-
 do tibia cum fæmore in directum constituuntur, &
 quando angulum efficiunt, tunc retrorsum trahitur;
 Vnde fit, vt in directâ constitutione tibiæ, & fæmoris
 axis reuolutionis F antè versus genu C transporte-
 tur; at in flexione tibiæ axis reuolutionis F non in eo-
 dem situ tuberculi BH fæmoris persistat, sed posterius
 aliquantisper transferatur versus H, & distantia FH
 à prædicto axe reuolutionis ad lineam directionis GI
 musculi flexoris, seu ad directionem tendinis eius suc-
 cessiuè magis minuatur, quo magis tibia inflectitur, &
 hoc rursum accidit, quia tendo GIH contingit sum-
 mitatem posteriorem lateralem H infimi capitis fæmo-
 ris, & proinde inflexione genu summitas H retrahitur
 introrsum versus C, vnde tendo GIH non pellitur ex-
 terius, vt prius, nec remouetur à sinuositate capitis ti-
 biæ, & ab axe reuolutionis F, & propterea distantia
 FH minuitur; hinc fit, vt existente fæmore AB cum
 tibia CD in directum ferè constituta, & in plano pa-
 rallelo horizonti, tunc quidem maximum pondus R

Cap. 9.
 Prima in-
 dago po-
 tentiæ 4
 musculo-
 rum tibiæ
 flectentiū,

Cap. 9.
Prima in-
dago po-
tentia 4
musculo-
rum tibia
flectentiū.

extremo calcaneo alligatum, quod à musculis LG tibiae flectentibus substineri, potest est librarum 65. Si verò tibia CD in plano horizontis iacente ad id ipsum fæmur AB perpendicularis fuerit, tunc quidem maximum pondus R, quod in calcaneo D alligatum eleuari potest, ab iisdem musculis non excedit libras 33.

PROPOS. XXVII.

Prima indago motiua virtutis quatuor musculorum tibiae flectentium, quæ terdecies maior est potentia ponderis suspensi, & superat vim librarum 949. Tab. 3. Fig. 4.

Sit directæ, & horizontalis constitutio thoracis, tibiae, & fæmoris, ita vt genu deorsum vergat, & existente F centro vertiginis tibiae, & FH distantia directionis tendinis GH à centro F. Quia distantia FH directionis tendinum musculorum tibiae flectentium à fulcimento, seu axi reuolutionis F, ferè decima tertia pars est distantiae extremi calcanei D, vbi pondus R suspenditur ab eodem fulcimento F, suntque potentiae musculorum æquibres potentiae ponderis R vna cum pondere tibiae libr. 10. proximè pendens, & in puncto D considerata minus, quam libr. quinque; Ergo vt exigit vectis natura potentiae musculos EI trahentes ad potentiam ponderis R cum adiuncto pondere tibiae, eandem proportionem habebunt, quam 13. ad 1, estque pondus R cum adiuncto pondere tibiae librarum 73. Igitur vis motiua eorundem musculorum superabit potentiam librarum 949.

PRO-

P R O P O S . XXVIII.

Femore , & dorso perpendiculariter sursum eleuatis supra tibiam horizonti æquidistantem, rationem red-
dere , cur ab iisdem musculis minus pondus eleue-
tur . Tab.3. Fig.5.

Obseruauimus in cubito , in directa , & horizontali constitutione eius cum humero maximum pondus sustentatum in extremitate manus libras 26 non superasse : a postea perseverante cubito in situ horizontali , & humero , atque thorace perpendiculariter eleuatis maius pondus sustineri posse ab extremitate manus , scilicet libr.33. modo in musculis tibiam flectentibus oppositum obseruatur ; quia existente femore , & tibia in situ horizontali maximum pondus in extremo calcanei alligatum est libr. 67, & flexo femore perpendiculariter ad horizontem, & ad tibiam maximum pondus sustentatum in extremo calcanei libras 31 non superat ; quæ diuersitas in operationibus similibus profecto mirabilis videtur . Inquirenda ergo est causa huius diuersitatis ; quia quando femur , & tibia rectum angulum constituunt, maximum pondus subleuatum in extremitate calcanei D libras 31 non excedit , & iisdem musculi vim habent æqualem potentia libr. 949, vt ex præcedenti propositione constat, deberet iuxta æquilibrium leges , tibiæ longitudo CD ad distantiam FH directionis tendinum eorundem musculorum à centro F eandem proportionem habere , quam 949. libræ ad libras 36, scilicet maiorem proportionem , quam habet 26 ad 1, quare distantia FH esset vna pars 26 distantia FD , quia verò tanta diminutio distantia FH

non

Cap. 9.
Prima in-
dago po-
tentia 4
musculo-
rum tibiæ
flectentiū.

a Prop.
22. huius.

Cap. 9.
Prima in-
dago po-
tentia 4
musculo-
rum tibiæ
flectentiæ.

non obseruatur, fatendum est ab aliqua causa incom-
perta produci prædictam diminutionem momenti vir-
tutis motiæ; & profecto musculi flexores EG. mino-
rem virtutem exercent, quam prius, quia aliquantun-
lum laxi redduntur in articuli curuatura, & in inter-
uallo abbreviato musculi EG; propterea non est im-
probabile, vt prædicti musculi relaxati exercent vir-
tutem aliquanto minorem potentia libr. 500, quæ qui-
dem ad pondus appensum libr. 36 ferè eandem propor-
tionem habent, quam 14 ad 1; & quia remanet longi-
tudo vectis FD ferè eadem; Ergo necessario distantia
FH directionis tendinum à fulcimento F sensibilibiter di-
minuta est; hoc quidem contingit, quia centrum re-
uolutionis tibiæ in eius flexione transfertur ab anterio-
re parte ad posticam infimi tuberculi fæmoris, & sic
centrum F tendinibus GH approximari potest, quod
nisi concedatur multo magis vis musculorum ob laxi-
tatem imminuenda erit, quod non videtur verifi-
mile.

PROPOS. XXIX.

Fæmore perpendiculariter eleuato ad tibiæ, & ad
dorsum supinum horizonti æquidistantes, rationem
reddere, quare maius pondus extremo calcaneo
subleuatur, quam erecto dorso, minus verò quam
in horizontali dispositione fæmoris, & tibiæ. Tab. 3.
Fig. 6.

Sit thoracis, & dorfi longitudo LMEN parallela
horizontali situatione tibiæ CD; & tunc experientia
docente reperitur maximum pondus R appensum in
extremo calcanei D esse libr. 46, & ideo cum pondere
tibiæ

tibiæ adiuncto erit libr. 51. in præcedenti verò situatione erat libr. 36; & in priori experimento librarum 73. assignari modo debet causa huius noui incrementi virtutis motiuæ.

Quia quatuor muscoli tibiæ flectunt, semineruosus, semimembranosus, gracilis, & biceps, tres primi alligantur in L extremitate ossis ischij, seu coxendicis, postremus vero biceps partim in eodem osse coxendicis L partim in E ipso fæmore radicanitur; quia verò ob angulum AFD, & articuli inflexionem in eius cauitate omnes quatuor prædicti muscoli laxi redduntur, postea ob angulum MLB flectitur quoque musculus LEG in parte conuexa prædicti anguli, & ideò elongata eius dimensione debent tantundem principia eorum subleuari, & trahi versus L, quantum in cauitate IG relaxati fuerant, & proinde æquè tenfi permanent prædicti muscoli, ac si in directa, & horizontali constitutione primi casus reperirentur; sic igitur nullam relaxationem patiuntur, & ideò eundem gradum virtutis motiuæ seruabunt: Excipitur tamen media pars musculi bicipitis EG, illa scilicet, quæ in F medio fæmore alligatur, hæc autem potest vsurpari, vt pars septima proximè quatuor prædictorum musculorum, & ideo vis illa maxima totalis, quæ erat æqualis potentie librarum 949. redacta erit ob relaxationem ad vim motiuam æqualem potentie librarum 813; Vt igitur huiusmodi virtus motiua ad resistentiam ponderis appensi R cum adiuncto pondere tibiæ scilicet ad libr. 51, ita erit distantia FD ad FH, scilicet vt 16 ad 1, & propterea diminuta erit aliquantisper distantia FH directionis tendinum à fulcramento, quæ in præcedenti calculo reperta fuerat.

Cap. 9.
Prima indago potentie 4 musculorum tibiæ flectentiū.

M O N I T V M.

Animaduertendum est, quod hæc methodus primæ indaginis, qua in toto hoc capitè vñ sumus, non est omnino exacta, cum non comprehendat vniuersam vim apparentem musculorum; Attamen ob eius facilitatem exponi primo loco debuit, commodius enim deinceps limitari poterit.

*De duplo incremento virium musculorum cubitum,
& tibiam flectentium.*

C A P V T X.

Sicuti præclare diuinus Plato pronuntiauit Geometriam, & Arithmeticam esse duas alas, quibus ad cælum ascendimus, scilicet quibus arcana Astronomiæ percipimus, sic quoque affirmare possumus scalas, quibus ad scientiam admirabilem motuum animalium scandimus, esse Geometriam, & mechanicam; Quis enim negaret vera esse ea, quæ in duobus præcedentibus capitulis ostensa sunt? Et tamen quia penitiori mechanica vñ non fuimus, valdè à veritate aberrauimus; non quia falsum admisimus, & reiicienda sint ea, quæ hætenus dicta sunt, sed quia illa licet vera ex parte sint, adhuc exactiorem scientiam affecuti non sumus; hoc autem vt præstemus, præmitti debent lemmata aliqua mechanica, adhuc, quod sciam non animaduersa.

P R O P O S. XXX.

Cap. 10.
De duplo
incremen-
to poten-
tiæ eorun-
dem mu-
sculorum.

Si funis rigidi, vel contrahibilis duæ extremitates directè trahantur à duabus potentijs, quarum momenta æquantur momento resistentiæ funis: Potentia qua funis tractioni resistit, æqualis est ambabus potentijs trahentibus, quæ æqualia erunt inter se.
Tab. 3. Fig. 7.

Sit funis durus, vel laxus, & contrahibilis AB, cuius extremitates A, & B trahantur ad partes oppositas à duabus potentijs, vel ponderibus R, & S, itaut post tractionem quiescant potentiæ, & æquantur momento, quo funis tractioni resistit, scilicet vis vnius alteri non præualeat. Dico, potentiâs R, & S æquales esse inter se, & ambarum potentiârum vires æquales esse vi, qua funis tractioni resistit. Si R, & S fuerint pondera, & trahant funem AB circa duas trochleas F, & G intelligatur funis grauitate carere; & quia potentiæ, siue pondera R, & S trahendo funem directè, & contrarijs directionibus circa trochleas F, G quiescunt æquilibrata; Ergo ex mechanicis potentiæ, siue pondera R, & S sunt æqualia inter se. Postea sit XZ potentia, qua funis æquè crassus, & robustus AB tractionibus potentiârum æqualium R, & S resistit (siue ob gluten, & colligationem, quo funis partes ad inuicem connectuntur, siue ob vim, qua contrahuntur, & vna versus alteram stringitur, & approximatur), & quia vis tenacitatis, & contractionis æquali conatu exercetur ab omnibus partibus funis AB ob æqualem eius crassitiem, & robur, semissis potentiæ funis, quæ sit X agit contra vim potentiæ R contrahendo semissem
H funis

Cap. 10. De duplo incremento potentia eorum musculorum. funis AC per spatium AD, & reliqua semipotentia Z agit contra vim potentia S æqualis ipsi R, contrahendo reliquam funis medietatem BC per spatium EB æquale ipsi AD. Postea quia motus, quo semifunis AC decurtatur per spatium AD competit potentia X, quatenus funem contrahit, & resistentia R, quatenus eodem tempore, per idem spatium subleuatur. Igitur æquè velociter potentia X semifunem AC contrahit, ac pondus R subleuatur, suntque eorum momenta æqualia, cum potentia quiescant æquilibrata; Ergo potentia absoluta X æqualis erit resistentia R. Non secus potentia absoluta Z æqualis erit resistentia S; igitur duæ potentia X, Z; scilicet potentia, quæ funis AB tractioni resistit, æqualis est duabus resistentiis inter se æqualibus R, S simul sumptis, quod erat ostendendum.

S C H O L I U M.

^a Tab. 3.
Fig. 8.

Si postea ^a virga rigida à duabus potentiis per directionem longitudinis eius comprimatur, potentia, qua virga compressioni resistit, æqualis erit ambabus potentiis cum comprimantibus; hoc autem eodem modo demonstrari potest.

P R O P O S . XXXI.

Si extremitas eiusdem funis non ponderosi clauo alligetur, & reliquum extremum à pondere, vel potentia aliqua tractum in eodem situ quiescat: Vis, qua funis tractioni resistit dupla est potentia trahentis. Tab. 3. Fig. 9.

Sit funis non grauis AB alligatus clauo firmo in B, & in A trahatur à pondere, vel potentia R, & vis, qua funis tractioni resistit sit XZ, & potentiaë XZ, & R quiescant æquilibratæ. Demonstrandum est, potentiam absolutam XZ duplam esse absolutæ resistantiæ R; amoto clauo substituatur potentia manus S, vel ponderis circa trochleam BE, à qua trahatur terminus funis B per eandem directionem AB, ab A versus B, quæ potentia S resistere valeat tractioni potentiaë R; vt funis in eodem situ quiescat; manifestum est ex præcedenti propositione pondus, vel manus potentiam S æqualem fore resistantiæ R, & vim, qua funis tractionibus oppositis resistit, æqualem esse duabus potentijs R, & S simul sumptis, scilicet duplo potentiaë R, & quia clauus firmitudo in B id ipsum præstat, eandemque vim exercet, ac potentia S, nempe clauus resistit æquali momento energiaë tractionis eiusdem ponderis R, eo, quod funis tractus à potentia R, à clauo prohibetur eius descensus, & retinetur in eodem situ quiescens, non secus, ac à potentia S retinebatur; Ergo vis, quam exercet firmitudo clauus, æqualis est energiaë potentiaë S siue R; quare vis XZ, qua funis AB tractionibus oppositis, nempe potentiaë R, & vi ei æquali firmitudinis clauus resistit, æqualis est vtrique potentiaë, nempe duplo potentiaë R, quod erat propositum.

Cap. 10.
De duplo
incremento
potentiaë
eorundem
musculorum.

PROPOS. XXXII.

Si virga rigida non grauis supernè comprimatur à pondere, vel ab aliqua potentia, & infernè fulciatur à soli duritie: Vis, qua virga compressioni resistit duplex est potentiaë comprimantis. Tab. 3. Fig. 10.

Cap. 10.
De duplo
incremento
potentiae
eorundem
musculorum.

Si postea loco funis supponatur virga rigida AB non grauis, quæ perpendiculariter innixa solo stabili LB, in B comprimatur à pondere, vel à qualibet potentia R in A per directionem AB ab A versus B. Eodem modo ostenderetur, quod vis, qua virga compressioni resistit, dupla est potentiae comprimentis R; Vice pauimenti substituatur manus S, vel terminus B libræ EB radiorum æqualium, cui in B virga BA cum pondere R superincumbat, æquilibreturque à pondere X; quia æquè benè, & eadem energia soli LB durities impedit descensum, & resistit pressioni potentie R, ac eidem æquilibratur potentia subiectæ manus S, aut pondus X; Ergo resistentia soli LB æqualis est potentiae prementi R, & ab eisdem duabus virga stringitur; quare vis, quæ virga AB compressioni resistit duplex est ponderis, vel potentiae R, vt erat ostendendum.

PROPOS. XXXIII.

Idem aliter demonstrare. Tab. 3. Fig. 11.

Isdem positis, intelligantur potentiae contrariae moueri, scilicet funis AB contrahatur à potentia XZ, vt terminus A ascendat vsque ad H, ibidemque quiescat, & secetur bifariam funis AB in C, & portio AH in D, & potentia in duas partes æquales X, Z, & tandem fiat CF æqualis DH: patet^a semipotentiam X contrahere medietatem funis CA, & residuam semipotentiam Z contrahere reliquam funis medietatem CB. Quia à potentia X solitaria (non considerata potentia Z) subleuatur resistentia R, contrahendo semissem funis CA per spatium determinatum AD; Ergo

^aEx Prop.
30. huius.

Ergo per idem spatium AD, & per eandem directionem mouetur potentia X semifunem contrahendo, & resistentia R ascendendo; ideoque æquæ veloces sunt potentia X, & resistentia R, & eorum momenta sunt æqualia in fine contractionis semifunis, quando quiescunt potentiæ æquilibratæ; Igitur absoluta potentia X æqualis est resistentiæ R. Insuper quia dum completur actio potentiæ X, reliqua semipotentia Z non otiiatur, sed suam vim exercet, contrahendo reliquum semifunem CB, æquæ ac contractus fuerat AC à potentia X, & terminus B clauo firmo S affixus accedere non potest versus punctum medium funis C; Ergo in contractione cogitur punctum G ferri versus clauū firmum B per spatium CF æquale ipsi AD. Verum, non potest punctum medium funis C ascendere vsque ad F, nisi pondus R appensum funiculo CD, decurtato à potentia X, eleuetur ex puncto D ad H per spatium æquale ipsi CF eleuationi ipsius centri C; & aliundè actio potentiæ Z non adiuuatur à potentia X, quia hæc absimitur in contractione funis AG, & in tractione ponderis R ab A ad D, nec præterea quicquam agit talis potentia X præterquam conseruare decurtationem funis CD non secus ac nodus, seu vinculum in eodem fune efficeret. Igitur potentia Z noua, & distincta actione eleuat idem pondus R motu æquæ veloci per eandem directionem, atque eorum momenta æquantur in fine secundæ contractionis. Ergo potentia absoluta Z æqualis est eidem ponderi R; Erat autem prius potentia absoluta X eidem potentiæ R æqualis; Quapropter duæ potentiæ absolutæ X, Z simul sumptæ, scilicet potentia absoluta totius funis AB dupla est resistentiæ absolutæ R, quod erat ostendendum.

PRO-

Cap. 10.
De duplo
incremen-
to poten-
tiæ eorun-
dem mu-
sculorum.

Cap. 10.
De duplo
incremento
poten-
tiae eorum-
dem mu-
sculorum.

PROPOS. XXXIV.

Si funis contrahibilis vnum extremum clauo affigatur; & reliquum à pondere aliquo trahatur, quousque fiat potentiarum æquilibrium; velocitas ponderis trahentis dupla erit velocitate, qua funis contrahitur à vi eius contractiua. Tab. 3. Fig. 12. & 13.

a Tab. 3.
Fig. 12.

Iisdem positis, intelligatur primo loco ^a funis BA decurtari non per contractionem sui ipsius, sed per tractionem transversalem factam à potentia XZ circa secundum clauum E, ducendo funem duplicatum BGE ab EB vsque ad G, ob quam tractionem ascendat pondus R ab A vsque ad H. Quia idem funis modo supponitur non contrahibilis, erit longitudo funis AB æqualis funi tracto HEGB, & ablato communi EH erit funis AH æqualis funi EGB, sed hic duplus est interualli BG, scilicet motus facti à potentia XZ à B vsque ad G; Igitur motus eodem tempore factus à pondere R per spatium AH, duplus est eius, quem efficit potentia XZ à B vsque ad G, & idè velocitas ipsius potentiae R dupla est eius, qua mouetur potentia XZ. Postea quia distantia ponderis à clauo, quæ est AB non secus decurtatur in vera contractione funis ^b ac in mox exposita funis tractione transversa-

b Tab. 3.
Fig. 13.
c Tab. 3.
Fig. 12.

li ^c in qua complicatur, trahiturque portio funis BGE lateraliter, ibidemque remanet; In illo verò casu tollitur omninò spatium funis LK, quod ope contractionis in nihilum abit, vt in arcu, & fidibus citharæ obseruamus, fitque talis decurtatio motibus contrarijs, dum omnes partes semifunis AC ad inuicem contrahuntur,

hantur, & viciniores fiunt puncto C medio totius funis; & omnes partes semifunis BC stringuntur, & approximantur eidem medio puncto C; Quare motus contractionis semifunis AC ad instar arcus efficitur, ascendendo ab A versus C per spatium KC^d, & eodem tempore motus contrarius semifunis BC ob clauui impedimentum, fit ascendendo à C versus B per spatium LC æquale ipsi KC; Sed quantum contrahuntur semifunes tantum præcisè potentia X, & Z contrarijs motibus feruntur impellendo, & constipando semifunes; Ergo potentia X, & Z æquè veloces sunt inter se, & ideò compositum ex ambabus' potentijs æquè velociter totum funem AB contrahit, ac vna potentia X semifunem AC contrahebat: eodem propemodum modo, quo duo equi percurrentes æqualia spatia eodem tempore, percurrent quoque simul iugo colligati idem spatium, proindèque compositum ex duobus equis æquè velox erit, ac vnus eorum; his præstentis, quia eodem tempore, quo funis contrahitur pondus R ascendit tantum præcisè, quantum funis AB decurtatur per spatium KL, & potentia XZ mouetur contrahendo funem ea velocitate, qua semipotentialitas X efficit contractionem LC, scilicet semissis illius spatij KL; Ergo velocitas ponderis R dupla est eius, qua potentia XZ contrahit funem AB. quod erat propositum.

Cap. 10.
De duplo
incremento
poten-
tiaz eorun-
dem mu-
sculorum.

d Tab. 3.
Fig. 13.

S C H O L I V M.

Hinc admiratio illa cessat, euinciturque necessitate mechanica, oportere, vt potentia funem clauo alligatum contrahens dupla sit ponderis funem trahentis;

Eo

Cap. 10. De duplo incremen- to poten- tiæ eorun- dem mu- sculorum. Eo quod quotiescumque momenta potentiarum æquantur, necesse est, vt potentiæ sint reciprocè proportionales suis velocitatibus; & quia ostensa fuit velocitas, qua vis funem clauo alligatum contrahit, sub dupla eius velocitatis, qua pondus eleuatur, sequitur ex necessitate, vt vis, qua funis contrahitur, dupla sit ponderis id ipsum trahentis.

Vndè deducitur hæc regula generalis, quod quotiescumque funis, aut quælibet machina habuerit terminum fixum, semper vis, qua machina tractioni resistit, scilicet ea, quam exercet sustinendo resistantiam, dupla est eius potentiæ, quam sustinet; & cuiuslibet columnæ, aut alterius corporis basis, aut cuiuslibet obstaculo firmiter innixæ, semper vis, quæ compressioni resistit, dupla est eius, qua comprimitur ab aliqua potentia.

His præmissis denuò limitari possunt vires apparentes musculorum cubitum, & tibiam flectentium.

P R O P O S. XXXV.

Secunda indago virium duorum musculorum bicipitis, & brachiei cubitum flectentium, quæ duplo maiores sunt, quam capite octauo determinauimus; & solius bicipitis vis maior est potentia librarum 600, & brachiei maior potentia librarum 520. Tab. 2. Fig. 15.

In eadem figura Prop. 22. huius humerus fixus EA, cui articulatur cubitus, vel vlna AB in A supina situatione, sed æquidistans sit horizonti, & in directum ferè constituentur duo ossa EA, & AB, & extremo termino B in extremo manus sustineatur pondus R librarum

brarum 26, & cum pondere vlnæ B considerato, pondus appensum in B, extremitate vectis horizontalis AB, erit librarum 28; & quia fuit longitudo vectis AB vigecupla distantia IO tendinis IC à fulcramento, deduximus, quod vis, qua musculus DC trahit cubitum, eumque sursum attollere nititur cum annexo pondere R, maior est potentia librarum 560. ^a Verum quia musculus DC termino fixo D ossis firmi EA annectitur non secus, ac clauo firmo, & reliqua extremitas tendinis C trahitur deorsum à pondere R, & brachij: Ergo ^b vis contrahens muscolum DC dupla est resistentia, sed ratione vectis eadem vis musculi vigecupla est ponderis appensi in B, proindeque eiusdem musculi vis æqualis erit potentia ponderis lib. 1120. scilicet dupli illius, qui propositione 22. repertus fuerat.

Cap. 10.
De duplo
incremen-
to poten-
tiæ eorun-
dem mu-
sculorum.

^a Prop. 22
huius.

^b Ex Prop.
31. huius.

Postea, quia ^c vis solius musculi bicipitis reperta fuit æqualis potentia librarum 300, & vis musculi brachiei æqualis potentia librarum 260.

^c Prop. 24.
huius.

Igitur ^d vis apparens solius musculi bicipitis æqualis est potentia librarum 600, & vis brachiei æqualis librarum 520.

^d Ex Prop.
31. huius.

P R O P O S . XXXVI.

Secunda indago virium quatuor musculorum tibiam, flectentium, quæ duplo maiores sunt, quam capite nono determinauimus, nempe æquivalent libris 1898. Tab. 3. Fig. 4.

In eadem figura propositionis 26. fæmur AB, & tibia CD in directum iacentes situ prono, & horizontali, & in extremo calcanei suspenditur pondus lib. 73,

I

quod

^a Prop. 27.
huius.

quod à quatuor musculis tibiam flectentibus LG, & EG sustinetur, estque longitudo vectis FD ad distantiam FH tendinum IG à centro, seu fulcimento F, vt 13. ad 1; quare deduximus, ^a quod vires quatuor musculorum tibiam flectentium æquales, erant potentia ponderis librarum 949.

^b Ex prop.
31. huius.

At quia musculorum LG, & EG termini L, & E connectuntur fixè ossibus coxendicis, & fæmoris, & reliquum extremum tendinosum G trahitur mediante vecte FD deorsum à pondere R, & cruris; Ergo ^b vires, à quibus muscoli EG contrahuntur, duplæ sunt resistentiæ R. Sed ratione vectis, vires musculorum eorundem ad resistentiam R se habent, vt 13. ad 1; Igitur vires apparentes musculorum tibiam flectentium maiores sunt potentia ponderis librarum 1898.

SCHOLIUM.

Quia omnes animalis muscoli paucis exceptis alligantur duobus terminis, quorum vnus firmus esse solet, fit, vt in eorum contractione natura cogatur duplicatam vim exercere momenti eius resistentiæ, quæ superari debet; At hæc virium duplicatio exigua, & nullius ferè momenti est respectu alterius ingentis multiplicationis, quæ deinceps demonstrari debet.

De virtutis motiue musculorum tibiam extendentium momentis, & gradibus apparentibus.

CAPVT XI.

ORdo exigeret, vt vires cæterorum musculorum flectentium humerum circa scapulam, & fæmur circa

circa Ilium, nec non flectentium digitos manus, & pedis circa articulos reperiremus, at quia prædicti muscoli aliter efformati sunt, & aliam longè diuersam machinam constituunt ab ea, quam exposuimus, propterea eorum expositio differri debet, quousque lemmata, quæ ad illorum demonstrationes vtilia sunt, recensentur; modo aliorum musculorum, qui eandem structuram simplicem, quam superius tradidimus, habent, & duplici veste operantur, declarationem prosequemur, præmissis aliquibus lemmatibus.

Cap. II.
Vires musculorum
tibiæ extendentiū
exquiruntur.

PROPOS. XXXVII.

Si duo vestes coniuncti conuertibiles fuerint circa punctum extremum connexionis eorum, & circumducto exterius, vel interius fune alligati, arcum constituent; duæ potentia arcum flectentes, vel dilatantes, æquales inter se erunt, & ad eas vis funis colligantis erit, vt duplum distantia communis directionis potentiarum flectentium, vel dilatantium ad duas distantias directionum funis à communi centro. Tab.4. Fig.1. & 2.

Si duo vestes AB, & EB flexibiles, circa commune punctum B connexionis eorum, arcum constituentes, & fune DCF in D, & F alligato, & exterius, vel interius circa trochleam C circumducto, efficiat sua tensione arcus dilatationem, vel constructionem ABE, applicenturque in A, & E duæ potentia R, & S contrarijs impulsibus comprimentes, vel dilatantes brachia arcus secundum directionem AE; Dico primum potentias R, & S esse inter se æquales. A centro B ad directionem AE ducatur perpendicularis BG, quia duo

Cap. 11.
Vires mu-
sculorum
tibiā ex-
tendentiū
exquirun-
tur.

aEx prop.
16. huius.

b Tab. 4.
Fig. 2.

cEx prop.
16. huius.

vectes ob funis firmam colligationem constituunt li-
bram inflexam ABE, conuertibilem circa fulcimentum
B, & duæ potentiaë R, & S obliquè impellendo termi-
nos libræ AE per communem directionem AGE sibi
mutuo æquibantur, cum vna alteri non cedat; Er-
go ^a potentia absoluta ipsius R ad potentiam absolu-
tam S, est vt BG ad semetipsam, cum sit distantia di-
rectionis à centro, tam ipsius R, quam S, quod erat
primum.

Postea ^b ex eodem centro B ducantur BH, & BI
perpendiculares ad directiones funium CD, & CF; &
quia duo vectes AB, & EB, se se tangentes in B flecti
possunt circa idem centrum B, profectò à potentijs R,
S comprimantibus, vel dilatantibus stringerentur vni-
renturque in situ BG, vel ab eodem recederent, nisi fu-
nis DCF tenacitas impediret talem constrictionem,
vel dilatationem; Cum igitur vnus, eiusdemque fu-
nis DCF tenacitas resistat actioni duarum potentia-
rum R, & S, necesse est, vt vna pars funis nempe CD
resistat actioni potentiaë R, reliqua verò pars CF resi-
stat actioni potentiaë S. Estque punctum B fixum, eò
quod contrarijs impulsibus centrum B in eodem situ
retinetur. Igitur constituuntur duo vectes AB, & EB
circa idem fulcimentum B conuertibiles, & in vtraque
potentia, & resistentia æquibantur, nempe in vecte
AB potentia R nititur flectere terminum A per dire-
ctionem AG, cuius distantia à centro est BG; & è
contra funis DC tenacitas, vel vis contractiua vim fa-
cit retrahendo vectem ex D per directionem DH,
cuius distantia à centro est BH, & vna potentia
alteri non cedit, cum vectis in eodem situ retinea-
tur; Ergo ^c vt potentia absoluta funis DC ad poten-
tiam

tiam absolutam R, ita erit reciprocè distantia BG ad distantiam BH. Eodem ratiocinio, vt potentia funis CF ad potentiam absolutam S, ita erit eadem distantia BG ad distantiam BI, quare potentia absoluta totius funis DCF ad duas potentias R, & S simul sumptas, seu ad duplum ipsius S, erit vt duplum distantiae BG ad duas distantias BH, & BI simul sumptas, vt erat propositum.

Cap. II.
Vires musculorum
tū iam ex-
tendentiū
exquiruntur.

P R O P O S . XXXVIII.

Si idem arcus non grauis clauo affixus fuerit, vel solo innixus perpendiculariter, ab vnico pondere, vel potentia distrahatur, aut comprimatur: Potentia funis ad potentiam arcum impellentem erit, vt distantiae directionis potentiae impellentis ad quadrantem duarum distantiarum directionum funis ab eodem centro. Tab.4. Fig.3.

Sit rursus idem arcus in proposit. antec. expositus ABE, quē nullam grauitatem habere supponamus, & terminus eius E clauo S affigatur, vel innitatur perpendiculariter erectus super planum horizontale firmum SL; impellaturque à pondere, vel alia potentia R, & reliqua perficiantur, vt in prop. antec. factum est. Dico potentiam absolutam funis DCF ad potentiam impellentem R eandem rationem habere, quam GB distantia directionis AGE à centro B ad quartam partem duarum distantiarum BH, BI funis ab eodem centro. Et primo constat ex mechanicis, non consistere, nec quiescere posse graue R in situ erecto super arcum ABE innixum, nisi linea recta AGE educta à centro grauitatis R per E extensa (quæ linea directionis, seu pro-

Cap. II.
Vires musculorum
tibiā extendentiū
exquiruntur.

propensionis eius est) perpendicularis sit ad planum horizontale SL , & quia resistentia clavi S , vel foli impenetrabilis LS eodem prorsus modo, & eadem energia distrahit, aut impellit vectis BE terminum E versus A , ac si vice clavi S , aut pauimenti SL substituere-tur in E manus vectis, aut alia potentia, quæ æquali energia opposeretur potentia R ; quare potentia R , & ei æqualis resistentia clavi, vel pauimenti S simul sumptæ, agunt contra funis DCF potentiam, eique æquilibrantur, & ideo potentia absoluta funis ad duas potentias arcum comprimentes, vel dilatantes, inter se æquales, scilicet R , & resistentia clavi, vel foli stabilis S eandem rationem habebunt, quam duplum GB ad duas BH , & BI , seu eandem, quam GB semissem ipsarum ad BH , & BI , semisses consequentium proportionales quoque erunt, scilicet potentia funis DCF ad solitarium pondus R erit vt GB ad quadrantem ipsarum BH , & BI , quod erat &c.

C O R O L L A R I V M.

Ex hac propositione colligitur, quod momentum funis DCF non est æquale, sed duplum potentia comprimantis, vel dilatantis R , licet se mutuò videantur æquilibrare; Vnde constat, quod vis eiusdem funis in hac constitutione posset iisdem vectibus agere contra vim duplam ipsius R , quandoquidem medietas momenti eiusdem funis exerceri cogitur contra vim resistentis pauimenti, vel clavi S .

PRO-

PROPOS. XXXIX.

Cap. II.
Vires musculorum
tibiā extendentiū
exquiruntur.

Iisdem positis, existente arcu ponderoso, proportionem, quam habet funis arcum dilatans, aut stringens, ad potentiam eum impellentem reperire. Tab. 4.
Fig. 4.

* Sit rursus arcus ABE grauis, pariterque funis DCF, cum trochlea C grauitatem habeant. Debet reperiri proportio, quam habet potentia funis ad pondus, à quo arcus comprimitur, vel distrahitur; & quia in hac hypothefi idem met arcus ABE vim patitur, ne dum à pondere R, sed etiam à nisu propriæ grauitatis, ambo enim hæc pondera id ipsum comprimunt, vel distrahunt; similiterque clauī S tenacitas, vel soli durities cogitur sustinere, nedum pondus R, sed etiam pondus totius arcus, & funis. Reperiri propterea debet centrum grauitatis communis horum grauium; Sit igitur M centrum grauitatis totius machinæ ABCE centrum verò grauitatis corporis R, sit in puncto R, coniungaturque recta RM, & diuidatur in N in eadem ratione reciproca eorundem grauiū, idest vt pondus R ad pondus machinæ ABCE, ita fiat MN ad NR, patet punctum N esse centrum grauitatis aggregati ex R, & machinæ ABCE. Ducta linea recta NB, factus iam erit nouus arcus NBE nullam grauitatem habens, quandoquidem vniuersum corpus suspenditur, exercetque suam grauitatem in N, eiusque linea propensionis erit NGE, quæ sit perpendicularis ad planum horizontale. Insuper directionis linea funis DC eadem permanet, siue continetur, siue non, quia semper ex centro B perpendicularis ad funis directionem est eadem BH;
demon-

Cap. II.
Vires mus-
culorum
tibiae ex-
tendentium
exquirun-
tur.

demonstrabitur igitur, ut in præcedenti factum est, quod potentia absoluta funis DCF ad pondus R cum pondere machinæ ABCE eandem proportionem habet, quam BG ad quadrantem ipsarum BH, BI, quod quæri debuerat.

PROPOS. XXXX.

Indago virium musculorum tibiae extendentium, crurei, & duorum vastorum, quæ sexcupla est ponderis prementis, & sunt proximè æquales vi librarum 2280. Tab.4. Fig.5.

Duæ regulæ ABE arcum constituentes repræsentent arcum, quem formant fæmur AB, & crus BE in genu B coniuncti, pes SL pavimento XZ innixus sit. Et quia videmus, quod altero pede à solo eleuato, ne dum tota hominis machina 180. librarum erecta super unicum pedem persistit genu aliquantisper inflexo, sed insuper grande pondus 200. librarum ceruicibus super impositum sustineri, & gestari solet à baiulis se humiliando in porticulis domorum; proculdubio tota hæc moles ex hominis corpore VABE, & pondere R ei super posito, quæ 380. libras superare solet in communi eorum centro grauitatis, quod sit N, vim exercebit, & hoc ex legibus mechanicis inniti debet super arcum ABE per lineam directionis NAE perpendicularem ad planum horizontale, & pertingentem ad terminum infimum cruris E super pedem LS; manifestum quoque est, quod simplex arcus flexibilis circa centrum B ex sui natura cederet tanto ponderi, labereturque, ut regulæ AB, BE prosternerentur, fierentque parallelæ plano horizontis XZ; Quare opportunè huic ruinæ aqua-

æquali momento opponitur vis trium musculorum DCF genu extendentium, & arcum ABE dilatantium, habemus igitur arcum ABE pavimento XZ innixum in L, & compressum in A à pondere maiori, quam 380. librarum per directionem NAE, estque GB distantia directionis AE à centro B ferè tripla distantiae BH musculi DC, vel tendinis CF à centro B; a & vt potentia funis, seu musculi DC ad pondus comprimens arcum, ita est distantia GB ad semissimè distantiae BH; quare potentia musculorum DCF erit ferè secupla ponderis comprimentis, scilicet vis trium musculorum DCF, paulo minor erit potentia 2280. librarum, & hoc erat quaesitum.

Cap. II.
Vires musculorum tibiae extendentium exquiruntur.

aEx prop. 38. huius.

S C H O L I V M.

Negleximus in hac indagine musculus tibiae extendentem, qui rectus vocatur; quia in hac experientia aliquando nil operatur rectus musculus, sicuti nec fascialis, propterea quod alligantur spinæ ossis Ilij, & ob abdominis curvaturam valdè relaxantur prædicti musculi; & proinde inepti aliquando redduntur ad validam contractionem efficiendam, sine qua genu extendi non posset.

P R O P O S. XXXXI.

Indago virtutis musculi solei pedem extendentis, quæ tripla est ponderis prementis, & maior est vi ponderis librarum 1140.

Tab. 4. Fig. 6.

Experientia constat, quod idem baiulus cum eodem

K

dem

Cap. II.
Vires mu-
sculorum
tibiae ex-
tendentiū
exquirun-
tur.

a Prop. 38.
huius.

dem onere R ceruicibus imposito, vno pede eleuato potest, ne dum inniti super alteriūs pedis plantam, pauimento adherentem, crure tamen incuruato, vt prius dictum est, sed etiam inter ambulandum calca- neo eleuato inniti potest super extremum verticem pe- dis, vndè constituitur denuò arcus ABE compositus ex tibia AB pede EBC conuertibili circa centrum B, existente planta pedis CS versus calcaneum C eleua- ta, dum solummodò pauimentum contingit confinium pedis E in LS; tunc pariter à musculo soleo DHC, ne dum sustinetur pondus R ceruicibus impositum, sed etiam pondus totius hominis addito etiam infimo pe- de CBE, quod in indagine præcedenti deficiebat; iam existente denuò NAE linea directionis totius ponde- ris ad planum horizontale perpendicularis, eiusque distantia à centro GB reperitur maior quidem, quam BH, quæ est distantia tendinis CH à centro B, & mi- nor, quam dupla eiusdem, ponatur sexquialtera, & quia vis musculi DC ad pondus comprimens arcum est, vt GB ad semissem ipsius BH, ^a erit potentia mu- sculi DC tripla ponderis prementis arcum; hoc autem maius erat 380. librarum; Igitur musculi solei vis maior est potentia 1140. librarum, quod quæreba- tur.

SCHOLIUM.

Hic pariter negleximus duos musculos Gastrocne- mios, & plantarem pedis quoque extensores, quia in hac experientia multoties nil operantur, eo quòd col- ligantur in extremo fæmoris, ob cuius flexionem illi musculi relaxati trahere calcaneum nequeunt; & ideo
suspens-

suspensionem prædictam non adiuuabunt. Obseruandum est, quod quadrupeda animalia inniti, & suspendi nequeunt super vnicum pedem, sed saltem super duos posteriores, aut anteriores in casu, & saltu; at stando inniti debent super postremos infimos pedes humi stratos, vt vrsi, simiæ, canes, & alij; At equi licet omnino erecti stare nequeant, possunt nihilominus erigi per breue tempus aliquantum innixi extremis pedibus eleuatis calcaneis, & tunc facile vires soleorum vtrosque pedes extendentium methodo superius tradita inquiri possunt, quia distantia directionis ponderis totius equi cum onere ei super posito à centro calcanei b sextupla esse videtur distantie directionis tendinis solei ab eodem centro ad semicrassitiem calcanei; & potentia eorundem soleorū ad pondus compri-
mens est, vt 12. ad 1, cumque equus superet pondus librarum 250, & onus ei super positum 450. libras excedat; Ergo libræ 700. duodecies sumptæ indicabunt vires amborum musculorum soleorum, quæ erunt æquales potentie librarum 8400, In volatilibus postea, quæ sustinere, & baiulare possunt tantundem ponderis, ac ipsa grauitent commodius, & facilius vires musculi solei reperiri possunt, quia semper incedunt calcaneo eleuato, & inter ambulandum vni pedi inniti coguntur, & in Cygno, cuius pondus libras vndecim non solet excedere, obseruatur quod distantia directionis centri grauitatis eius à centro calcanei decupla ferè est distantie directionis tendinis solei musculi ab eodem centro; Ergo potentia solei (qui in Cygno tripartitus est) ad pondus Cygni cum pondere ab eo sustentato, viginti duarum librarum sedecupla est, & proinde erit æqualis potentie librarum 352.

Cap. II.
Vires musculorum
tibiæ extendentiū
exquiruntur.

bEx Prop.
40. huius.

Hæc verò mensura non est præcisa, nam in saltu ab iisdem soleis producto multo maior vis motiua requiritur, vt suo loco ostendemus.

De maiori incremento Virtutis motiue, quæ requiritur ad idem pondus sustinendum ab iisdem articulis musculorum, qui eandem operationem adiuuant.

C A P V T XII.

SI mirabilis meritò censetur excessus virtutis motiue musculorum supra pondus eleuatum, quem hactenus demonstrauius, magis stupendum censebitur incrementum, cuius expositionem mox aggrediemur, præmissis nonnullis mechanicis lemmatibus.

P R O P O S. XXXXII.

Si fuerit vectis non continuus, sed discretus, & coniunctus vinculo flexibili, & non grauis, extremoque eius termino pondus appendatur, & duæ potentie trahant duas vectis portiones per directiones ad easdem partes tendentes; non poterunt potentie vectem dirigere, neque cum pondere æquilibrari. Tab.4. Fig.7.

Sit vectis AC discissus in B, ibidemque colligatus, vt flecti possint partes eius AB, & BC, tum circa internodium B, tum circa fulcimentum fixum A, sintque regulæ grauitatis expertes, & ex C pendeat pondus R; trahant

trahant vero sursum potentia F, & K puncta regularum G, & H per directiones GE, HO inter se parallelas, & ad easdem partes tendentes. Dico, quod vectis ABC non poterit vnam lineam rectam constituisse, nec in situ horizontali tensus retineri, neque potentia F, & K ponderi R æquilibrari poterunt. Quia vectis AB conuertibilis circa centrum fixum A trahitur sursum à potentia F ex G per directionem GE, & à nullo pondere comprimitur deorsum, cum vectis AB non grauis supponatur, & à pondere R non trahatur deorsum, dum ABC horizontaliter, & directe extenditur ob flexionem virgæ BC circa nodum B; Ergo necessario internodium B sursum ascendet tractum per circumferentiam BM radio AB descriptam, & proinde punctum B fixè in aliquo loco retineri non poterit, sed continenter ascendet per arcum BM; Postea, quia virgæ BC duo termini extremi motibus contrariis flecti possunt cum C, trahatur deorsum à pondere R, & B sursum à potentia F subleuante nodum B per arcum BM; Igitur (siue punctum intermedium H fixè in eodem situ retineretur, siue sursum per directionem HO traheretur) semper circumductio, & conuersio virgæ BC subsequi deberet descendendo C in c, & ascendendo B in b quousque virga BC situationem bc perpendicularem ad horizontem acquireret; Quare duæ virgæ AB, & BC connexæ in B positionem inclinatam, & inflexam acquirent, & ob id à nulla potentiarum F, aut K æquilibrari poterit in situ horizontali cum pondere R, quæ erant ostendenda.

Cap. 12.
De maiori
incremento
potentia, quod
requiritur
ad idem
pondus sus-
tinentum.

Cap. 12.
De maiori
inremen-
to poten-
tiæ, quod
requiritur
ad idem,
pondus su-
stinendū.

PROPOS. XXXXIII.

Iisdem positis, duæ potentiæ in regulis applicari pos-
sunt, vt vectem in situ horizontali directo reti-
neant, & cum pondere appenso æquibrentur.
Tab.4. Fig.8.

Sit idem vectis ABC eodem modo dispositus; Dico
fieri posse id, quod proponitur: funiculus alligatus in H
termino regulæ CB, & circumductus per fibulam, aut
trochleam O in regula altera AB existentem trahatur
à potentia K, patet à tali funis tractione retineri posse
regulas AB, & BC in eadem directa positione, non
secus ac à nodo, aut vinculo; & tunc vis ipsius K, qua
trahit, connectitque funem ab H versus O, æquari om-
nino debet momento ponderis R; si enim vis funis ab
hoc deficeret, flecteretur deorsum regula BC per ar-
cum Cn circa centrum B, & si id ipsum superaret, fle-
cteretur eadem regula sursum per arcum CN; Præter
ea postquam duæ regulæ AB, BC fune alligatæ à po-
tentia K vnicum vectem directum, ac rigidum consti-
tuunt, non poterit prohiberi ab eadem potentia K de-
scensus totius vectis AC deorsum tracti à pondere R
circa centrum A, propterea quod energia potentiæ K
rota applicatur, & absimitur in retinendo duas regu-
las in directa situatione; quæ directio seruari potest
æquè benè vbicumque inclinetur, transferaturque ve-
ctis directus AC, vt in situ Abc, igitur ad hoc, vt ve-
ctis, qui hactenus directus fuerat, retineatur in situ
horizontali, requiritur noua potentia F vectem suspen-
dens ex G, cuius momentum æquale sit momento pon-
deris R; Quare tam momentum ipsius K, quam ipsius F
æqua-

æquatur momento ponderis R, & ab eis duæ regulæ AB, BC in directum constituuntur, quod quærebat.

Cap. 12.
De maiori
incremento
poten-
tiæ, quod
requiritur
ad idem
pondus fir-
stinendū.

COROLLARIUM.

Hinc colligitur, quod momenta duarum potentiarum F, & K simul sumpta duplicia sunt momenti ponderis R, seu illa æqualia sunt momento ponderis R bis sumpto.

PROPOS. XXXIV.

Sit vectis grauis, ex pluribus regulis circa internodia flexibilia, compositus; & extremo eius puncto pondus aliud perpendiculariter appendatur, atque vectis, & internodia dirigantur, sustineanturque à totidem potentijs funium in termino fixo alligatorum: omnes potentia funium suspendentium, simul sumptæ ad pondus appensum toties sumptum, quot sunt regulæ, vna cum semiponderibus primæ regulæ semel acceptæ, secundæ bis, tertiæ ter, & sic deinceps crescendo iuxta seriem numerorum, eandem proportionem habebunt, quam longitudines omnes simul sumptæ, regulæ primæ semel, secundæ bis, tertiæ ter, & sic deinceps ad semidistantias directionum omnium funium à suis fulcimentis; oportet autem, vt termini consequentes proportionales sint inter se. Tab. 4. Fig. 9.

Sit vectis AD compositus ex pluribus regulis AB, BC, CD æquè crassis, & vniformiter grauib; colligatis circa internodia volubilia A, B, & C; & extremo termino D pondus R appendatur perpendiculariter; atque

Cap. 12.
De maiori
incremento poten-
tiæ, quod
requiritur
ad idem
pondus su-
stinentū.

a Ex Scol.
prop. 34.
huius.

atque internodia, & vectes dirigantur sustineantur-
que à potentijs funium EM, HGF, & LKI, quæ affi-
xæ sint terminis L, H, E, & distantia CD. BD, AD sint
inter se, vt semidistantia CP. BN, AO funium à ful-
cimentis C, B, & A. Dico, quod omnes potentia fun-
nium trahentium EM, HGF, LKI simul sumptæ ad
pondus R ter sumptum, scilicet quot sunt regulæ si-
mul cum medietatibus ponderum, vnius regulæ AB,
duarum BC, trium CD, eandem proportionem habere,
quam longitudo composita ex vna AB duabus BC, &
tribus CD ad semisses omnium distantiarum AO, BN,
CP funium à fulcimentis A, B, C. Et primò duas re-
gulas AB, BC firmiter à suis funibus in directione ho-
rizontali retineri intelligamus, tunc C erit fulcimen-
tum vectis CD deorsum tracti æquali momento à pon-
dere R, & sursum à fune LKI alligato in I, & circum-
uoluto, vel excurrente per fibulam K; ^a quare potentia
funis LKI ad pondus R vnà cum pondere vectis CD,
seu cum pondere semissis regulæ CD in D appenso,
erit, vt distantia vectis CD ad semissem distantia CP.
Postea, quia potentia funis LKI sua actione id solum-
modò consequitur, vt duæ regulæ BC, CD rigide in
eadem directione horizontali retineantur, vt dictum
est, propterea secundo loco intelligatur regula AB
fixè retenta in situ horizontali, vt circa fulcimentum
B circumduci possit vectis BD, & quia denuò vectis
BD trahitur deorsum circa centrum B à pondere R, &
à pondere totius vectis BD, seu à semisse ponderis BD
in D appensi, & sursum æquali momento trahitur à
potentia funis HGF circa trochleam G, & affixi in H:
Igitur potentia absoluta funis HGF ad pondus R vnà
cum pondere vectis BD, seu semissis BD ex D su-
spensi,

suspenſi, erit vt longitudo vectis BD ad ſemi BN diſtantiæ directionis funis à centro B. Similiter quia potentia funis HGF nil aliud efficit, quam colligare regulam AB cum BD, & eas retinere in eadem directione horizontali; Ideo conſtituitur poſtremo loco vectis AD conuertibilis circa centrum A, qui deorſum impellitur à pondere R, nec non à pondere totius vectis AD, ſeu ab eius ſemiſſe in D conſiderati, & ſurſum æquali momento trahitur à potentia funis EM ex M, & alligatur in E; Ergo potentia abſoluta funis EM ad pondus R vna cum pondere ſemiſſis vectis AD ex D pendentis, eandem rationem habebit, quam longitudo vectis AD ad ſemi AO; ſuntque diſtantiæ CD, BD, AD inter ſe, vt ſemidiſtantiæ CP, BN, AO; Igitur colligendo antecedentes, & conſequentes proportionales inter ſe quoque erunt: Ideoque potentiæ abſolutæ funium LKI, HGF, & EM ſimul collectæ ad triplum ponderis R vnà cum medietatibus ponderum CD, BD, & AD, ſeu ſemiſſium vnus AB duarum BC, & trium CD, eandem proportionem habebunt, quam longitudines omnium vectium GD, BD, & AD, ſeu vnus AB, duarum BC, & trium CD ad ſemiſſes omnium diſtantiarum directionum funium à centris, vt ſunt AO, BN, & CP; Idemque dicendum, ſi plures, quàm tres regulæ extiterint; quare patet propoſitum.

Vt vero moleſtia, quam hac laborioſa propoſitione attulimus, compenſetur, antequam reliqua lemmata huic negotio inſeruiencia exponamus, operæ pretium erit ex ea colligere fructum forſan non ingrati ſaporis nempe.

Cap. 12.
De maiori
incremen-
to poten-
tiæ, quæ
requiritur
ad idem
pondus ſu-
ſtinendū.

Cap. 12.
De maiori
in cremen-
to poten-
tiæ, quæ
requiritur
ad idem
pondus sus-
tinendū.

PROPOS. XXXV.

Si brachium humanum vsque ad extremos digitos manus supinæ, in directum proximè, & horizontaliter extensum fuerit; & in extremitatibus quatuor digitorum suspendatur maximum pondus, quod sustineri potest in tali situ; Potentia apparens, quam natura exercet contrahendo omnes musculos brachij, qui ad prædicti ponderis suspensionem concurrunt plusquam 209. est ponderis sustentati. Tab. 4. Fig. 10.

Vectis AG compositus ex sex regulis connexis, & flexibilibus circa sex internodia representet brachium humanum in supina positione horizontaliter extensum, non præcisa directione, sed parumper incurvatum in cubito B, & in articulationibus digitorum D, E, F, ne dum, vt flecti deorsum parum queant; sed etiam, vt extremitates digitorum inæqualium ad eandem extensionem longitudinis cum cæteris collateralibus digitis redigantur; Postea in extremitatibus quatuor digitorum G suspendatur maximum pondus R, quod ibidem à robusto iuvene sustineri potest, quod quidem libras 9. $\frac{1}{2}$ non superat; Et quia vectis AG directus ex sex regulis flexibilibus compositus est, requiruntur potentia omniū funium, seu musculorum IP, PK, KL, QM vnà cum KM, KN, & KO ad suspendendum vectem AG cum pondere R, vt proximè demonstrandum est; Proponitur igitur inuestiganda mensura omnium potentiarum prædictorum musculorum, quæ ad pondus R erit, vt 209. ad 1. Consideratur vectis portio AF retenta à suis funibus in di-

in directa positione, efficietur (vt prius dictum est) F
fulcimentum vectis FG pressi à pondere R, & ab ipso
vectis, & tractæ fursum à portione potentie muscoli
KO flexoris tertij articuli digitorum, cuius tendo OH
fascia membranosa ad instar trochleæ colligatur arti-
culo EF; Ideoque distantia directionis tendinis HO à
centro F æqualis erit dimidio crassitie eiusdem arti-
culi, quæ quarta pars ferè est longitudinis articuli FG,
quare longitudo vectis, seu extremi articuli FG qua-
drupla erit distantie FH; Igitur portio illa potentie
absolutæ muscoli K O ad pondus R vnà cum semisse,
quatuor extremorum articulorum FG in G appensis
erit, a vt distantia FG ad semissem distantie FH, seu ad
quadrantem crassitie extremi articuli; Vnde portio
potentie muscoli KO, quæ agit contra resistantiam R
erit octupla ponderis R, neglecto ob paruitatem pon-
dere semiarticuli postremi, Erat autem pondus R
libr. 9. $\frac{1}{2}$ Ergo vis positionis muscoli KO æquatur po-
tentie libr. 76. secundò considerato vecte EG directe
retento à musculo KO erit quoque centrum eius E,
& premitur ab eodem pondere R vnà cum semisse 8.
articulorum manus, qui negligi quoque possunt, &
est distantia EG plusquam octupla distantie EN dire-
ctionis tendinis à centro; Ergo potentia muscoli KN
sedecupla erit ponderis R, nempe erit æqualis poten-
tie libr. 152.

Tertiò vectis DG totius digiti firmiter in sua ex-
tensione retinetur à musculis KO, & KN, & idè con-
uertibilis erit circa centrum D, & impellitur deorsum
ab eodem pondere R vnà cum semisse 12. articulorum
digitorum manus, qui hic quoque negligi possunt,
trahiturque idem vectis à musculis lumbricalibus QM,

Cap. 11.
De maiore
incrémento
potentie, quæ
requiritur
ad idem
pondus fir-
stinendū.

aEx Schol.
prop. 34.
huius.

Cap. 12.
De maiori
incremento
potentia,
quæ
requiritur
ad idem
pondus fir-
stinendū.

sed non sine adiumento musculi KO, estque distantia DG plusquam decupla distantia DM directionis tendinis à centro D, scilicet semissis crassitie primi internodij; Ergo potentia musculorum QM; & KO ad pondus R cum adiuncto pondere digitorum est in maiori proportionem, quam 20. ad 1, & propterea eorundem musculorum potentia erit maior lib. 190.

Quarto vectis CG totius manus firmiter retentus in sua extensione à musculis KO, KN, & QM premitur deorsum à pondere R una cum semisse unius libræ scilicet semisse ponderis totius manus, & trahitur à musculo KL circa centrum C, & est longitudo manus plusquam decupla semicrassitie carpi; Ergo potentia musculi KL ad pondus R cum adiuncto, erit maior ratio, quam 24. ad 1, & ideo vis musculi KL, maior erit potentia lib. 240.

Quinto vectis BG cubiti, & manus rigide in sua directione à musculis KO, KN, QM, & KL retentus impellitur deorsum à pondere R una cum semisse cubiti, vel manus scilicet libr. 2, & trahitur sursum à musculis PK circa centrum B, & est longitudo cubiti, & manus ad semicrassitiem cubiti, ut 24. ad 1; Igitur potentia, quam exercent musculi PK ad pondus libr. 11. & $\frac{1}{2}$ scilicet ipsius R cum adiuncto habebit maiorem rationem, quam 48. ad 1, & propterea vis musculorum PK maior erit potentia libr. 552.

Tandem vectis AG ex humero, cubito, & manu compositus valida directione à musculis PK, KL, KN, QM, & KO in situ horizontali retentis, impellitur deorsum à pondere R una cum semisse totius brachij, & manus, scilicet cum libr. 3. $\frac{1}{4}$, & sursum trahitur à musculo Deltoide IP circa centrum tuberculi humeralis

ralis A, & est longitudo totius brachij AG plusquam trigecupla prædicti semituberculi, nempe distantiae directionis musculi Deltoidis à centro revolutionis humeri; Ergo potentia, quam musculus IP exercet plusquam sexagecupla est lib. 13, scilicet ponderis R, & semibrachij; quapropter potentia, quam exercet musculus Deltoidis in hac operatione est æqualis lib. 780.

Cap. 12.
De maiori
incremento
potentiae,
quæ
requiritur
ad idem
pondus sus-
tinendū.

Collectis porrò in vnam summam viribus omnium musculorum in actione suspensionis ponderis R simul operantium, erunt æquales potentiae lib. 1990, & propterea cogitur natura exercere vires 209. maiores, quam sit pondus R: alias id sustinere in extremitate brachij horizontaliter supinè extensi non posset, quod fuerat &c.

S C H O L I V M.

Animaduersione dignum est, quod in prædicta operatione non omnes musculi suspensioni ponderis R, brachio supinè extenso, inseruientes, exercere debent integram, & totalem suam Energiam; sufficit enim, vt vnus eorum maxima sua vi resistentiae ponderis R æquilibretur, & tunc reliqui omnes musculi licet validiori robore superent momentum eiusdem resistentiae; tamen coguntur partem suæ virtutis exercere, reliqua otiosa remanente; Nam omnes æquali momento resistentiae opponi debent, vt demonstratum est; hoc autem confirmatur ex eo, quod vis maxima duorum musculorum cubitum flectentium demonstrata fuit maior librarum 1120; hic verò multò minor reperitur nempe lib. 552. Ratio verò, quare in hoc casu idem muscu-

Prop. 35.
huius.

Cap. 12.
De maiori
incremento
potentia, quæ
requiritur
ad idem
pondus sus-
tinendū.

musculi non exercent integram suam vim, est quia musculus flexor tertij articuli digitorum, debilis est, nec potest maius pondus, quam lib. 9. $\frac{1}{2}$ suspendere, ad hoc vero exiguum pondus sustinendum sufficiunt vires flexorum cubiti partiales nempe æquales lib. 552.

Id ipsum evidentiùs experitur, si extenso brachio horizontaliter situ prono (flexo lateraliter thorace) extremis articulis digitorum pondus maximum suspendatur, quod ibidem sustineri potest; id planè exiguum est multò minus lib. 6, & tamen vim eiusdem musculi Deltoidis ibidem sustinere posse multò maius pondus, ex præcedenti experimento constat.

His demonstratis redeo ad reliquorum lemmatum expositionem, quæ extensionibus articulorum complicatorum inferuiunt.

PROPOS. XXXXVI.

Si arcus trilinei alternè circa duos angulos complicati extremæ lineæ parallelæ fuerint inter se, & duo extremi termini eius à potentijs contrarijs per eandem directionem impellantur; erunt potentia reciprocè proportionales lineis extremis arcus. Tab. 5. Fig. 1.

Sit arcus trilineus ABCD circa duos angulos B, & C alternè inflexus, & AB, CD sint semper parallelæ inter se, & in A, & D applicentur duæ potentia R, & S, quæ motibus contrarijs per eandem directionem AED conentur ambæ stringere, vel ambæ dilatare arcum. Dico potentiam R ad S eandem proportionem habere, quæ DC ad AB. Quia in arcu trilineo ABCD regula intermedia BC vim non patitur à potentijs R, & S,

& S, sed tantummodò duo extremi vèctes impelluntur motibus contrarijs circa puncta B, & C, & proinde tota regula intermedia BC se habet, vt fulcimentum libræ, cuius radij sunt AB, & DC; Quare duæ potentiæ R, & S impellunt duos vèctes AB, DC circa fulcimenra B, C per eandem directionem AED, & semper æquidistant inter se ipsi vèctes; Ergo motus, seu conatus potentiæ R mensurabitur à recta AE; pariterque motus ipsius S indicatur à recta DE; & propterea velocitas potentiæ R ad velocitatem potentiæ S, erit, vt AE ad ED, seu vt AB ad DC (propter similitudinem triangulorum ABE, DCE;) suntque moimenta ipsarum R, & S æqualia, cum se mutuò impellendo quiescant, & vnum alteri non cedat; Igitur ex mechanicis potentiæ suis velocitatibus reciprocae sunt, scilicet potentia absoluta R ad potentiam absolutam S erit, vt DC ad AB, quod erat propositum.

Cap. 12.
De maiori
incremento
potentia,
quæ
requiritur
ad idem
pondus
sustinendū.

P R O P O S . XXXXVII.

Si plures regulæ flexibiliter connexæ, & funibus circa nodos colligatæ arcum non grauem alternè complicatum constituent; potentiæ arcum per eandem directionem impellentes erunt inter se reciprocae, vt distantia directionum earum à centris. Tab. 5. Fig. 2. & 3.

Sint primo tres regulæ^a AB, BD, DE coniunctæ^a circa internodia flexibilia BD, & funibus GFH, IKL circa internodia B, D colligatæ arcum alternè inflexum ABDE constituent, qui expers grauitatis supponatur; & duæ potentiæ R, & S contrarijs impulsibus per eandem directionem ACE arcum constringant, si funes

^a Tab. 5.
Fig. 2.

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

funes extrinsecus colligatæ sunt, vel dilatent, si funes internè internodia connectunt; ducantur distantia directionum BM, DP à centris perpendiculares ad communem directionem. Dico, potentiam absolutam R ad potentiam S reciprocè esse, vt DP ad BM . Quia potentia R perindè agit impellendo vectem AB ex A per directionem AM , ac si in M termino vectis BM consisteret; pariterque potentia S agit non secus, ac si in P termino vectis PD operaretur; Igitur duæ potentiaæ R , & S æqualibus momentis (cum vna alteri non cedat) impellunt arcum inflexum BM ; DP per eandem directionem, & sunt BM, PD parallelæ inter se, cum sint perpendiculares ad eandem ACE ; Igitur ex præcedenti, vt potentia R ad potentiam S , ita est PD ad BM .

^b Tab: 5.
Fig. 3.

Sit secundo Arcus $ABVDE$ ^b ex quatuor regulis compositus, vt nimirum priori arcui addatur medio loco angulus V fune NOQ constrictus, & intelligatur arcus dissectus in X , ibidemque applicata concipiatur potentia Z , quæ æquali momento impellat arcum $ABVX$ contra vim ipsius R , patet ex prima parte huius, ita esse potentiam R ad potentiam Z , vt distantia TV ad distantiam BM ; denuò secto arcu in C constat, quod funis NOQ agit contra duas potentias comprimentes arcum CVX , ex C , & X , quæ æquales essent inter se, & idèd potentia, quæ in C comprimeret arcum CVX æqualis esse deberet ipsi Z . Postea intelligatur arcus integer $CVDE$. Denuò potentia Z in C impellens ad potentiam S , cui momento æquatur (eo quod tam S , quam Z æquilibrantur eidem A) eandem rationem habet, quam distantia DP ad distantiam TV ; fuit autem prius potentia R ad Z , vt distantia

distantia TV ad BM; Igitur, ex æquali perturbata, potentia absoluta R ad potentiam S, erit vt distantia DP ad distantiam BM. Eodem progressu, si arcus compositus fuerit ex quocumque regulis, semper extremæ potentiæ ostendentur reciproçè, vt extremæ distantie communis directionis earum à centris, quod erat propositum.

Cap. 12.
De maiori
incremento poten-
tiæ, quæ
requiritur
ad idem
pondus sus-
tinendū.

P R O P O S . XXXXVIII.

Iisdem positis, momenta virium omnium funium, quibus arcus anguli stringuntur, æqualia sunt duplo momentorum tot potentiærum arcum impellentium, quot sunt funes, relatiua correlatiuis comparando. Tab. 5. Fig. 3. & 4.

Iisdem positis, si arcus compositus fuerit ex pluribus, quam tribus regulis, intelligatur sectus in X, ibidemque applicetur potentia Z, quæ æquali momento potentiæ R opponatur, & vnà cum ipsa impellant arcum trilineum ABVX contra resistantiam funium GFH, & NOQ: manifestum est potentiam Z immediate agere contra vim funis NOQ, sicuti potentia R contra funis tenacitatem GFH operatur; Postea, quia virga BCV dura, rigidaque supponitur, ideò tanta vi pars eius infima VC resistet tractioni, aut compressioni, quam super eam efficit arcus ABC, ac si ex clauo C penderet arcus CBA, vel in planum durum per C extensum inniteretur idem arcus; Quare arcus ABC non differt ab eo, qui impellitur à potentia R, & alligatur clauo firmo C, vel innititur plano per C extenso; Ideoque a momentum funis GFH æquale est duplo momenti potentiæ R; Deinde, quia duo arcus con-

aEx Corol
prop. 38.
huius.

M

trapo.

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

b Ex eodē
Corol.

c Ex eo-
dem.

trapositi ABC, & XVC æqualibus momentis mutuò sibi ipsis resistunt, vel se impellunt in C, eo quod vnum alteri non cedit ob continuitatem, & duritiem virgæ BCV; Ergo non secus, ac prius dictum est, arcus XVC non differt ab eo, qui impellitur à potentia Z, & alligatur clauo C, vel innititur pauimento per C extenso; b Propterea momentum funis NOQ æquale erit duplo momenti potentiæ Z; Tandem, quia arcus EDX non differt ab eo, qui impellitur à potentia S, & alligatur clauo firmo X, vel innititur pauimento per X extenso; Erit, vt prius dictum c, est momentum funis IKL æquale duplo momenti potentiæ S: Vndè momenta virium omnium funium GFH, NOQ, & IKL æqualia sunt duplo momenti potentiæ R, duplo momenti potentiæ S, & duplo momenti potentiæ Z, quæ suis funibus correspondent; Id ipsum ostendemus; si funes plures, quam tres fuerint, quare patet propositum.

C O R O L L A R I V M.

Hinc faciliè colligitur, quòd si arcus multoties alternè inflexus clauo affixus, vel pauimento innixus ab vnica potentia impellatur; Omnes funes, quibus anguli colligantur eandem vim exercent, ac si à tot paribus potentiarum impellerentur, quot sunt funes, quibus æquilibrari possent.

Vt si arcus ABVDE clauo affixus, vel pauimento innixus in S impellatur, in iisdem figuris citatis, à singulari potentia R, funes omnes GFH, NOQ, & IKL æquilibrantur, & eandem vim exercent, ac si contra
sex

sex potentias æquali momento agerent, scilicet contra R, & aliam ei æqualem, contra duas potentias XZ, & contra duas potentias, quarum quælibet æqualis esset resistentiæ clavi, vel pavimenti S.)

Cap. 12.
De maiori
incremento
poten-
tiæ; quæ
requiritur
ad idem
pondus su-
stinendū.

P R O P O S. XXXIX.

Iisdem positis, & data singulari potentia absoluta arcum complicatum impellente, & datis distantijs directionum potentia, & omnium directionum funium ab omnibus centris reperiri possunt vires absolutæ omnium funium. Tab. 5. Fig. 3. & 4.

Iisdem positis in iisdem figuris data singulari potentia absoluta R, arcum non grauem impellente contra clavi, vel soli tenacitatem S, & datis distantijs BM, TV, PD directionum potentia à centris B, V, D, datisque præterea distantijs directionum omnium funium GFH, NOQ, & IKL fitque Bα quarta pars duarum distantiarum funis GFH à centro B, & Vβ fit quadrans duarum distantiarum funis NOQ, à centro V; atque Dθ fit quarta pars distantiarum funis IKL à centro D. Et quia dantur omnes distantia directionum funium à suis centris, datæ quoque erunt illarum quadrantes Bα, Vβ, Dθ. Et quoniam, vt Bα ad BM, ita est potentia R ad potentiam funis GFH, & tres priores quantitates datæ sunt; Ergo quarta proportionalis scilicet potentia funis GFH, innotescet; Postea, vt TV ad BM, ita est potentia R ad Z, & dantur tres priores; patebit ergo quarta nempe potentia Z. Tertio loco, vt Vβ ad TV, ita est potentia Z ad potentiam funis NOQ; Quarto loco potentia Z ad S, est vt DP ad TV; proindeque ex tribus prioribus notis innotescet

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

quarta potentia S . Postremò, vt D ad DP , ita est potentia S ad potentiam funis IKL ; Quare ex datis tribus prioribus, patebit quoque quarta scilicet potentia funis IKL ; Collectis iam tribus repertis mensuris potentiarum funium in vnâ summam, habebimus vires omnium funium cognitæ in eadem mensura, qua cognita supponebatur potentia R , quod erat propositum.

Existente verò arcu ponderoso, patet, quod simplex arcus ABC impellitur à pondere R , & à pondere arcus ABC in centro communis grauitatis A considerati, & eidem aggregato æquatur opposita resistentia C ; Similiter arcus duplicatus $ABVX$ impellitur ab R vnâ cum pondere arcus $ABVX$ in A considerati, & arcus triplicatus $ABVDE$ impellitur ab R , & à pondere eiusdem arcus triplicati in A considerati; fiat ergo, vt TV ad BM , ita R vnâ cum arcu $ABVX$ ad potentiam Z , & vt DP ad BM , ita R vnâ cum arcu $ABVDE$ ad potentiam S . Postea methodo mox exposito reperitur verè potentia funium.

P R O P O S. L.

Si arcus alternè bis complicatus, & non grauis impellatur ab vnica potentia, & idem funis angulos comprehendat vnum externè, alterum internè, atque alius funis ambiat denuò ex aduerso vnum ex dictis angulis: momenta duorum funium æqualia erunt duplo momenti potentia impellentis radios anguli bis colligati, vnâ cum quadruplo momenti potentia impellentis radios anguli semel alligati.

Tab. 5. Fig. 5. & 6.

Sit

Sit arcus ABDE bis plicatus in B, & D, & non gra-
uis, impellaturque à potentia R contra clauis, vel soli
resistentiam S, & idem funis IKL alligetur brachio AB
in I, & non contiguo brachio ED in L, vt angulorum
B, & D vnum internè, alterum externè ambiat, atque
alius funis GFH ambiat denuò angulum B, sed ad par-
tes oppositas colligationi prioris funis. Dico, quod
momenta amborum funium GFH, & IKL æqualia sunt
duplo momenti potentia R impellentis arcum, seu an-
gulum ABC vnà cum quadruplo momenti potentia S
impellentis sua resistantia arcum EDC. Supponamus
nodum B durum, & inflexibilem esse, retinerique regu-
las AB, BC rigidè in eadem inclinatione anguli IBC;
& tunc perindè est, si funis KI alligetur brachio BA,
siue brachio BC; æquè enim benè à fune IKL colliga-
tur angulus D arcus BDE^a; & ideò momentum po-
tentia funis IKL æquale erit duplo momenti poten-
tia S impellentis arcum CDE; Quia verò angulus
IBC non est rigidus, sed flexibilis; Ergo funis IKL
dum agit, adducendo terminum eius I versus KL, tendi
non posset angulus EDC, eo quod adduceretur ra-
dius BA, flectereturque versus BC; ad hoc igitur, vt
angulus EDC tensus retineatur, oportet, vt angulus
IBC non contrahatur; hoc autem fieri non potest, nisi
adhibeatur noua potentia funis contrapositioni GFH, à
qua dilatetur idem angulus IBC, retineaturque tensus
funis IKL, & tunc, factò æquilibrio, manifestum est,
quod funis GFH duplici muneri inseruit, primò, vt ten-
sum retineat funem IKL, secundò, vt impulsui poten-
tia R, & ei opposita in C resistat^b; quare momentum
potentia funis GFH æquale est nedum duplici mo-
mento potentia R, sed etiam momento, quo fu-
nis

^a Cap. 12.
De maiori
incremento
poten-
tia, quæ
requiritur
ad idem
pondus su-
stinendū.

^a Prop. 48.
& ex Co-
rol. prop.
38. huius.

^b Corol.
citato.

Cap. 12.
De maiori
incremento poten-
tiæ, quæ
requiritur
ad idem
pondus fir-
mitinendū.

c Ex cita-
tis.

nis IKL se se contrahendo resistit tractioni factæ à fune GFH, & quæ necessaria est, vt ille tensus retineatur c; Cumque momentum, quo funis IKL se se contrahit, æquale sit duplo momenti resistentiæ clauis, vel soli duri S; Igitur vires duorum funium GFH, & IKL exercent momenta æqualia duplo momenti ipsius R, & quadruplo momenti ipsius S, quod erat proposi-

PROPOS. LI.

Si idem arcus pluriès alternè complicatus ab vnica potentia impellatur, & quilibet funis binos angulos proximos compræhendat internè, & externè, excepto postremo fune, qui ex aduerso angulum singularem proximum potentiæ impellenti complectatur: momenta omnium funium æqualia erunt duplo momenti potentiæ impellentis radios anguli bis colligati, quadruplo momenti potentiæ impellentis radios anguli subsequenter, & sexcuplo momenti potentiæ impellentis radios anguli tertio loco positi, & sic vlteriùs simul sumptis. Tab. 5. Fig. 7. & 8.

Supponatur idem arcus ter, aut pluriès alternè complicatus ABVDE, & impulsus à potentia R contra clauis, vel soli firmitudinem S, & duo funes LKI, & NOQ, compræhendant duos angulos vnum internè, alterum externè; postremus verò funis GFH ambiat denuò ex aduerso singularem angulum B; intelligaturque potentia Z impellens intermedium arcum CVX. Dico, quod momenta omnium funium IKL, NOQ, & HFG æqualia sunt duplo momenti R, quadruplo mo-
menti

menti Z, & sexcuplo momenti S simul sumptis, & sic ulterius, si plures extiterint eodem ordine crescendo. Concipiatur arcus differtus in C, & funis NO continuatus alligetur in Y loco intermedio virgæ VC; Et quia arcus trilineus CVDE alligatur alternè à fune LKI in duabus regulis non immediatis, nec non à fune NOY angulum XVC singularem connectente ex aduerso alterius colligationis; Ergo ^a momentum funis LKI æquatur duplo momenti resistentiæ clauis, vel pauimenti S, & momentum funis NOY æquale est duplo momenti potentiæ Z vnà cum duplo momenti potentiæ S; soluto postea fune NOY ex Y, & alligato in Q, patet ex dictis, quod funis GFH agit contra duas resistentias, nempe contra duplum potentiæ R, & contra tractionem funis QQ, quibus omnibus æquilibratur; ^b Quare momentum potentiæ funis GFH æquale est duplo momenti potentiæ R vnà cum momento funis QON, nempe duplo momenti potentiæ Z cum duplo momenti resistentiæ S; Igitur trium funium GFH, QON, & IKL momenta simul sumpta æqualia sunt momento potentiæ R bis accepto, momento potentiæ Z quater, atque momento potentiæ S sexies sumptis, & sic ulterius eodem ordine procedendo, quod erat propositum.

Cap. 12.
De maiori
incremento
potentiæ,
quæ
requiritur
ad idem
pondus
sustinendū.

^a Ex propriis
prac.

^b Ex citatione.

PROPOS. LII.

Iisdem positis ex data singulari potentia arcum impellente, datisque distantijs directionum potentiæ, & distantiae omnium directionum funium ab omnibus centrīs, reperiri possunt vires absolutæ apparentes omnium funium. Tab. 5. Fig. 7. & 8.

Iisdem

Cap. 12.
De maiori
incremento poten-
tiæ, quæ
requiritur
ad idem
pondus fir-
stinendū.

Iisdem positis, & data potentia R vnà cum distan-
tijs directionis eius à centris B, M, T, V, D, P , & insu-
per datis quadrantibus distantiarum vniuscuiusque fu-
nis à centris, nempe $B\alpha$, $V\beta$, D^θ , datis quoque di-
stantijs BQ funis QQ à centro B , & VI funis KI à cen-
tro V . Ex his datis reperiri debent potentia funium,
existente arcu non graui. Primò, vt DP ad BM , ita fiat
potentia R ad potentiam S , similiter, vt TV ad DP ,
ita fiat potentia S ad potentiam Z ; Postea, vt D^θ ad
 PD , ita fiat potentia S mox reperta ad potentiam fu-
nis LKI , similiter, vt $V\beta$ ad TV , ita fiat potentia Z pa-
riter reperta ad funis NOQ potentia portionem pri-
mam. At quia funis NOQ , ne dum agit contra du-
plum potentia Z , sed præterea trahit funem IKL , quem
tensum retinet, & ideò funis NOQ , ne dum æquilibra-
tur duplo potentia Z , sed etiam resistentia funis IKL ;
Diuiditur ergo potentia funis in duas partes, quarum
prima, quæ æquilibratur duplo potentia Z mox reper-
ta fuit; remanet igitur inquirenda reliqua potentia
pars, quæ æquilibratur resistentia funis IKL ; & quia
in libra inflexa IVD circa centrum V alligantur poten-
tiæ funis NOQ pars in Y , & funis IK in I ; ergo, vt βV ad
 VI , ita fiat hætenus reperta potentia funis IKL ad re-
liquam partem potentia funis NOQ ; quare integræ
funis NOQ potentia æquabitur partibus primæ, & se-
cundæ mox repertis: Postremò, vt $B\alpha$ ad BM , ita fiat
potentia R cognita ad portionem primam potentia
funis GFH , vt verò reperiatur reliqua eius pars, quæ
æquilibratur resistentia funis QQN fiat, vt $B\alpha$ ad BQ ,
ita integra potentia NOQ ad secundam partem po-
tentia funis GFH . Collectis ergo in vnâ summam
potentia simplex funis LKI cum duabus partibus po-
tentia

tentiæ funis NOQ, & cum duabus partibus potentiæ funis GFH; habebimus omnes potentias funium operantium ad impellendam potentiam datam R, quod erat.

Existente verò arcu ponderoso, vt DP, ad BM, ita fiat pondus R vnà cum pondere totius arcus ABVDE in A considerati ad potentiam resistentiæ clauis, vel p. uimenti S. Similiter, vt TV ad BM, vt fiant pondera R, & arcus ABVX in A considerati ad resistentiam Z. Postea ex tribus potentijs cognitis R, S, & Z, methodo superius exposita, reperietur simplex potentia funis LKI, duæ p. artes potentiæ funis NOQ, & tandem duæ partes potentiæ funis GFH, vt quæsitum fuerat.

His præmissis, quia vt prop. 45. insinuauimus, ad sustinendum aliquod pondus non sufficit vnicus musculus, ille scilicet, qui immediatè contra resistentiam illius agere videtur, sed plures alij ad idem opus efficiendum concurrunt; Igitur operæ pretium erit inquirere, quousque crescat conatus Naturæ sapientissimæ, vt pateat, qua necessitate cogatur tanta copia virium exilia pondera sustinere, & primo loco.

P R O P O S. LIII.

Si baiulus pondere humeris imposito onustus flexo fæmore, genu, & pede, calcaneo eleuato, extremitati vnus pedis innitatur. Potentia, quam Natura exercet in musculis extensoribus fæmoris, tibiæ, & pedis ad eiusdem ponderis suspensionem concurrentibus, plusquam quadragecupla, & quadrupla esse potest ponderis sustentati. Tab. 6. Fig. 1.

Arcus ABVDE compositus ex quatuor regulis con-

N

nexis

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

Cap. 12.
De maiori
incremento poten-
tiae, quae
requiritur
ad idem
pondus su-
stinendū.

nēxis in B, V, D, & alternè flexibilibus, sit corpus hu-
manum grauatum à pondere R libr. 120. humeris im-
posito, & inclinato corpore, & spina à capite vsque ad
coceygem AB, flexisque iuncturis coxendicis B, genu
V, & pedis D, & subleuato calcaneo K vniuersa moles
RABVDE extremitati ES vnius pedis innitatur in S,
vt inter ambulandum fieri solet in ingressu porticula-
rum domorum: tunc manifestum est sustineri totam
hominis machinam erecto situ à viribus musculorum
Gluteorum GFH vastorum YON, & solei LK, & hi
omnes concurrunt ad suspensionem ponderis R, itaut
si vnus eorum deficeret, aut suam vim non exerceret,
proculdubio pondus R sustineri non posset; nam si mu-
sculi GFH nil agerent, & nullam vim exercerent, se
contrahendo, relaxaretur funis GFH, & ideò regula
AB cum pondere R laberetur deorsum versus genu V,
et si otiantur muscoli YON, caderet tota moles
RABV, licet arcus ABC tensus retineretur; & tandem
licet toto nisu musculi GFH, & YON, se contrahendo,
arcus ABC, & CVX tenso, expansosque retinerent,
conarenturque sustinere machinam XVBAR suspen-
sam insitu erecto, tamen, si deficeret actio solius muscu-
li LK, tota moles suprema rueret, ne dum quia angulus
VDE destrueretur, sed etiam quia perducta DV lon-
gitudine ad contactum plani pauimenti, linea ACX di-
rectionis totius molis grauis cadere potest perpendicu-
lariter vltra genu V; & proindè machina tota prostra-
retur. Proponitur ergo inquisitio omnium musculo-
rum GFH, YON, & LK, eorumque comparatio ad pon-
dus R, quod ab illis sustinetur; Et primò, vt reperiatur
situatio lineae directionis AE totius grauis, eiusque di-
stantiae ab omnibus centris, oportet, vt à termino E ar-
cus

cus inflexi, qui pavementum tangit, & super quam tota machina erecta innititur, eleuetur recta EA ad centrum communis gravitatis A, extensa perpendicularis ad planum horizontale, quæ si transferit per puncta C, & X secantia fæmur, & tibiam facillè poterunt mensurari distantia MB, TV, PD à centrīs; & experientia docente, reperitur distantia MB plusquam quadrupla distantia tendinum Gluteorum à centro tuberculi fæmoris, & TV plusquam tripla distantia tendinum vastorum à centro genu, atque distantia DP plusquam sexquialtera distantia tendinis solei à centro pedij. Postea pondus totius hominis maius est libr. 150; & quia centrum gravitatis totius hominis cadit circa coxam B, vt constat experientia, erit pondus AB à capite ad coxendicem libr. 75. & addita portione BC vsque ad dimidium fæmoris, vnà cum altero pede sublimi, poni potest pondus arcus ABC libr. 122, & arcus ABVX vsque ad semipartitionem cruris supponi potest libr. 142; His preparatis, vt distantia TV ad distantiam BM, seu vt 3. ad 4, ita fiat pondus R vnà cum pondere arcus ABVX, scilicet libræ 242. ad lib. 322. $\frac{2}{3}$ quod erit pondus potentia Z^a; postea vt distantia DP ad BM, seu vt 3. ad 8, ita fiat pondus R vnà cum pondere totius arcus ABVDE, scilicet libræ 270. ad lib. 720, quod est pondus potentia S. Deinde, quia arcus ABC premitur à pondere R vnà cum pondere arcus ABC, nempe à pondere lib. 230; sicut semidistantia directionis funis GF à centro ad distantiam MB scilicet, vt 1. ad 8, ita fiat pondus lib. 242. ad libras 1936. huic ponderi æqualem potentiam in hoc casu exercebunt Glutei musculi FGH^b; similiter, vt semidistantia directionis funis YO ad distantiam

Cap. 12.
De maiori
incremento
potentia, quæ
requiritur
ad idem
pondus sus-
tinendū.

aEx Prop.
47. huius.

bEx prop.
38. huius.

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

tiam TV, seu vt 1. ad 6, ita fiat potentia Z scilicet pondus libr. 306. $\frac{2}{3}$ ad pondus libr. 1840, huic ponderi æqualis erit potentia musculorum NOY; non secus, si vt semidistantia directionis funis KL ad distantiam DP à centro, seu 1. ad 3, ita fiat potentia S libr. 520. ad pondus libr. 1560. huic æqualis erit potentia musculi KL; Quapropter potentiæ omnium musculorum GFH, NOY, & KL æquales erunt libris 5336, & fuit pondus R lib. 120: Ergo potentiæ omnium musculorum suspensioni ponderis R inferuentium maiores, quam quadragecupla, & quadrupla sunt ponderis sustentati R, vt erat propositum.

PROPOS. LIIII.

Iisdem positis, vires musculorum recti, & Gastrocnemiorum, suspensioni eiusdem ponderis inferuentium reperire, quæ prioribus additæ efficiunt summam quinquagies, maiorem pondere suspenso. Tab. 6. Fig. 1.

Iisdem positis in eadem figura, præter musculos vastos NOY, consideretur quoque musculus rectus OQ, cuius principium Q alligatur inferiori parte spinæ Ilij, finis verò in N infra genu connectitur; similiter, præter musculum soleum LK, considerentur duo Gastrocnemij IK annexi inferioribus capitibus fæmoris in calcem desinentes; & licet videantur hi muscoli inutiles, in hac operatione tamen, re meliùs considerata, æquè benè agere possunt, ac si homo in directum extensis omnibus articulis consisteret; Nam quantum relaxatur funis musculosus QQ ob inflexionem angularem cauam ABV, tantum præcisè tenditur, & retrahitur

hatur opposita funis pars ON, propter convexam inflexionem anguli BVX; quare in eadem tensione funis QON persistet, ac si arcus ABVX in directum extenderetur, cumque in hac directa extensione musculus QON satis commodè se se contrahendo vim suam exercere valeat; poterit quoque in situatione alternè inflexa se se contrahere; & idè adiuuare extensionem tibiæ. Eadem ratione funis musculosus IK æquè tensus erit flexis alternè angulis CVX, & XDE, ac si tres regulæ CV, VD, DE in directum extenderentur; & idè poterit musculus IK se se contrahere, & adiuuare pedis extensionem. Reperiri modo debent vires, quas exercent prædicti musculi QQ, & IK, & ostendere oportet, quod potentia R minor est vna parte quinquagesima omnium musculorum R sustentantium. Quia vires musculorum LK (quatenus æquantur duplo momenti S) æquales sunt potentiæ librarum 1560; Ergo vna pars huius potentiæ tribui debet musculo soleo LK, & reliqua Gastrocnemij IK; suntque potentiæ musculorum in eadem ratione, quam habent multitudines fibrarum, ex quibus componuntur, seu eandem, quam habent crassities musculorum; vt ratio suadet, & vt inferiùs ostendemus, & duorum Gastrocnemiorum crassities maiores sunt medietate crassitiei solei; Ergo potentia Gastrocnemiorum IK maior est triente illorum, scilicet erit libr. 520. Postèa, quia musculorum NOY, & OQ momentum æquatur tribus momentis duplo momenti Z, scilicet libr. 1840. & potentiæ funis KI libr. 520. erit potentia totalis musculorum NOY, & OQ libr. 2360, & crassities musculi recti OQ quarta pars crassitiei duorum vastorum NOY, idè potentia recti OQ erit pars quinta totius illius potentiæ;

Cap. 12.
De maiori
incremen-
to poten-
tiæ, quæ
requiritur
ad idem
pondus sus-
tinenti.

Cap. 12.
De maiori
incremento poten-
tiæ, quæ
requiritur
ad idem
pondus sus-
stinendū.

tia; Et propterea potentia OQ erit libr. 572; Tandem, quia muscoli Clutei GFH æquilibrantur ne dum duplo ponderis R vnà cum arcu ABC, sed etiam potentia funis OQ, hæc autem fuit libr. 572, & illa libr. 1548. Ergo totalis potentia, quam Clutei in hoc casu exercent, æqualis erit potentia libr. 2120. qua propter vires musculorum LK, IK, OQ, GFH simul sumptæ, concurrentes ad suspensionem ponderis R, æquales sunt potentia libr. 6040. quarum R libr. 120, est vna pars quinquagesima, vt quæsitum fuerat.

Sed vltcrius procedendo ostendemus, quod vires musculorum extendentium fæmur, tibiam, & pedem in positura incuruata artuum, & dorsi non sufficiunt ad sustinendum, idem pondus ceruicibus impositum, sed multò maiores requiruntur, quæ nimirum ab alijs musculis adhibentur ad eandem operationem perficiendam concurrentibus; Ad hoc autem præstandum præmitti debet expositio nouæ machinæ, quam adhibet natura sapientissima ad prædictum opus conficiendum.

PROPOS. LV.

Si plures regulæ flexibiliter connexæ, & funibus circa nodos alligatæ arcum ad easdem partes cauum constituerint, eiusque infima pars pauimento innixa, & suprema à pondere compressa fuerit, potentia vniuscuiusque funis eius ad pondus incumbens vnà cum pondere portionis arcus correspondentis, erit vt distantia directionis ponderis ad semidistantiam directionis eiusdem funis à centro comprehenso ab eodem fune. Tab. 6. Fig. 2.

Sit

Sit arcus ABCDFE cauus ad easdem partes, compositus ex regulis AB, BC, CD, DE, FE colligatis extrinsecè circa nodos B, C, D, F à funibus ZY, IX, LK, HG, & affixa pauimento S infima regula FE, comprimitur arcus à pondere R in A; reperto postea centro grauitatis M ponderis R, & arcus ABCDF, ab eo ducatur linea directionis eius MS, eiusque distantia MF à centro F. Similiter per centrum grauitatis N communis ponderis R, & arcus ABCD ducatur linea directionis eius NS, eiusque distantia ND à centro D; non secus per centrum grauitatis communis O ponderis R, & arcus ABC ducatur linea directionis OS, eiusque distantia OC; & sic vltèriùs. Dico, quod potentia cuiuslibet funis LK ad pondus R, vnà cum pondere arcus DCBA, est, vt distantia ND ad semissem DK distantia directionis funis KL à centro D; & sic de reliquis. Quia virga FE pauimento affixa supponitur, pariterque arcus ABCDF tensus rigidè retinetur à funibus contractis HG, KL, &c. non secus, ac si continuus, & durus esset; propterea concipi potest arcus AFE, vt compositus ex duabus regulis duris, inflexibilibusque AF, & EF, quarum vna EF solo fimo affixa, reliqua AF conuertibilis est circa centrum F, retineturque eleuata à vi funis GH, comprimiturque à pondere R vnà cum pondere totius regulæ grauis AF secundum directionem MS. Ergo a, vt distantia MF ad semissem FH distantia directionis funis ab eodem centro F, ita erit potentia funis GH ad pondus R vnà cum pondere Regulæ FA.

Similiter, quia DF firmiter retinetur in suo situ à vi funis GH; ergo perindè est, ac si virga DF parieti in F affixa esset; & aliundè arcus DC, BA tensus retinetur à funi-

Cap. 12.
De maiori
incremen-
to poten-
tiæ, quæ
requiritur
ad idem
pondus su-
stinendū.

aEx prop.
38. huius.

Cap. 12.
De maiori
incremento poten-
tiæ, quæ
requiritur
ad idem
pondus fir-
stinendū.

b Ex ca-
dem.

funibus XI, YZ, & proindè vsurpari possit pro vnica virga dura, & continuata DA. Igitur denuò consti-
tuitur arcus ex duabus regulis compositus, cuius DF
parieti affixus censetur comprimiturque regula DA à
pondere R, vnà cum pondere eiusdem regulæ, & con-
tra eius compressionem agit funis IK; ergo ^b vt distan-
tia ND ad semissem ipsius DK, ità erit potentia fu-
nis LK ad pondus R vnà cum pondere virgæ DA. Ea-
dem ratione procedemus in alijs funibus, quare patet
propositum.

PROPOS. LVI.

Si arcus Iad easdem partes cauius compositus ex dorfi
spina incuruata supra os sacrum compressus fuerit à
pondere ceruicibus imposito: momenta funium spi-
nam dorfi dirigentium æqualia sunt momento pon-
deris incumbentis toties sumpto, quot sunt verte-
bræ, vnà cum portionibus humani corporis com-
prehensis à planis horizonti æquidistantibus à no-
dis extensis bis infimæ, quater sequentis, sexies
tertiæ subsequenter, & sic deinceps per binarium
crescendo. Tab. 6. Fig. 2.

Sit idem arcus ABCDFE compositus ex dorfi spine
incuruata vertebrais FD, DC, CB, BA, &c. & supra os
sacri vertebra EF firmiter retentam inclinatus,
comprimaturque à pondere R ceruicibus imposito, pa-
tet, quod vertebra colligantur non secùs, ac regulæ,
& externè trahuntur à musculis dorfi HG, KL, XI, YZ,
& insuper ne dum vertebra à cartilaginibus colligan-
tur, sed etiam postquam dorfi curuatura facta fuerit,
non secùs, ac reliquæ machinæ distractæ vim habent
se

se contrahendi; & ideò saltem adiuuabunt actionem musculorum, vt nimirum ab vtriusque vi, & energia erigatur, vel potius erecta retineatur dorsi spina à pondere R compressa; Quapropter nomine funium dorsum erigentium comprehendemus vires musculorum simul cum viribus cartilaginum. Ducantur iam per nodos vertebrarum plana FM, DN, CO, BP horizonti parallela, secantia corpus humanum in partes FDNM, DCON, &c. quæ vocentur cylindricæ portiones vertebris annexæ, & quælibet earum, vt CDNO supponatur connexa suæ vertebræ, adeò tenaciter, vt cum ea vnum solidum consistens constituat, non secus, ac si Cylindrus ligneus esset; Ostendendum est momenta musculorum HG, KL, XI, YZ æquari duplo momenti R toties sumpto, quot sunt vertebræ, scilicet trigesies, & quater, vnà cum duplo momenti ponderis portionis cylindricæ FDNM, quadruplo portionis DCON, sextuplo portionis cylindricæ CBOP, & sic deinceps, per binarium crescendo, vsque ad trigecuplum, & quadruplum ponderis supremæ portionis collo contiguæ.

Quia à tenacitate funium KL, XI, YZ tensus retinetur arcus FCA, his planè æquiualebit vni regulæ FA flexibili circa F; & regula EF firmiter plano SE retinetur affixa. Ergò in bilineo arcu AFE compresso à pondere R vnà cum pondere totius regulæ AF grauis, nempè humani corporis portione ABFM, per directionem MS à centro grauitatis communis extensam, cuius distantia à centro MF, erit momentum funis GH, æquale duplo momenti R, cum duplo momenti corporis ABFM. Postea, firmata regula DF, à fune GH, confurgit nouus arcus bilineus ACD; & ideò, vt prius

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

momentum funis LK æquale erit secunda vice duplo momenti R cum duplo ponderis ABDN; eadem ratione momentum funis XI æquale erit tertia vice duplo momenti R, vnà cum duplo ponderis ABCO, & sic vlteriùs vsque ad decimā septimam vertebra, quæ est suprema thoracis. Quia verò duplum ABFM, cum duplo ABDN, & duplo ABCO, atque duplo ABP æqualia sunt duplo infimæ portionis cylindricæ DMN, cum quadruplo subsequentis portionis CDNO, & sextuplo tertiæ portionis BCON, & cum octuplo quartæ portionis cylindricæ ABP; ergo patet propositum.

PROPOS. LVII.

Pondera cylindricarum portionum vertebrae humani corporis adhærentium, quàm proximè fieri potest, conijcere.

Tab. 6. Fig. 2.

In eadem figura præcedentis propositionis, querenda est grauitas cuiuslibet cylindricæ portionis vertebrae adhærentis, vt CDNO, cuius quidem partes inter se alligatæ sunt, vt cum vertebra CD vnum consistens solidum, non secùs, ac si esset virga lignea continua componant. Et siquidem viscera omnia in abdomine inclusa cum fluoribus in eis contentis essent dura consistentia, & firmitè cum vertebrae lumborum, & thoracis connecterentur, tunc percipimus, quod portio cylindrica CDNO vèctem DN continuum, & durum constitueret conuertibilem circa fulcimentum D æquilibratum à duabus potentijs contrarijs, nempe à pondere eiusdem cylindricæ portionis in centro grauitatis

uitatis eius N impellente deorsum vectem versus S, & à potentia funis LK, quæ se contrahendo subleuat eundem vectem: at quia viscera mollia lubrica, & soluta sunt magna ex parte, continenturque, tamquam in sacco, vel dolio à peritoneo, musculis, & pelle ventris inferioris; & stante homine innituntur fundo eiusdem dolij, nempe pelui hominis, quem constituunt ossa Ilij, Ischij, pubis, & sacri inter se connexas; hinc fit, vt portio cylindrica abdominis comprehensa à duobus planis parallelis inter se extensis per summum, & imum terminos vnius vertebræ vsurpari nequeat, vt vectis durus, & consistens. Necesse est ergo, vt ex cylindrica portione CDNO auferamus portionem illam, quam sustinet peluis EFS, & residuum, connexum, & colligatum vertebræ CD cylindricæ portioni, & vecti DN tribuamus.

Hoc verò, vt reperiāmus, obseruemus primo loco, quod in thorace portiones cylindricæ vertebris adhærentes sine erroris periculo vsurpari possunt, vt consistentes, & duræ, propterea quod costæ suis vertebris, & sterno fortiter connectuntur, & viscera in pectore contenta multis ligamentis retenta constituunt regionem illam supremam æquè compactam, & consistentem, ac si ex vnica massa continua constaret, segregata per fortissimum diaphragmatis muscolum à regione infimi ventris, & licet statis temporibus, nempe in aeris inspiratione, abdomine comprimatur, non tamen inde fit, vt pondus pectoris minuatur, & abdominis ponderositas crescat. Restant igitur inquirendæ veræ ponderositates cylindricarum portionum vertebris quinque lumbaribus adhærentium, scilicet quanta sit pars illa, quæ ex prædictis cylindricis subtrahi de-

Cap. 12.
De maiori
incremento
potentia, quæ
requiritur
ad idem
pondus sus-
tinendū.

Cap. 12.
De maiori
incremento poten-
tiæ, quæ
requiritur
ad idem
pondus su-
stinendū.

beat. Hoc autem licet exacta præcisione assignari ne-
queat, possumus tamen id quàm proximè conijcere,
adhibito, more nostro, calculo tutiori, quia medietas
ponderis humani corporis non obesi est lib. 75, à quo
sublato pondere capitis, & colli lib. 15, proximè re-
manet pondus corporis à confinio ceruicis ad peluim
lib. 60, & quoniam vertebræ lumbares latiores, & lon-
giores sunt thoracicis vertebris, & omnes ordinata se-
rie ab imo ad summum decrescunt: ideò comparando
omnes quinque lumbares cum duodecim thoracicis
vertebris, habere videntur eandem rationem, quam
habet 5. ad 9; & in eadem proportionem erunt omnes
cylindricæ portiones lumbares ad omnes cylindricas
portiones thoracicas; quare diuisis lib. 60. in rationes 5
ad 9. erit pondus quinque cylindricarum portionum
lumbarium minus libris 22; & pondus vnius earum
procul dubio minus libris quinque; Et quia, vt di-
ctum est viscerum abdominis maior pars sustentatur à
pelui, & pars minor vertebris, & costis alligatur, sup-
ponamus à pelui sustentari nouem partes decimas ab-
dominis, & tantummodò vnam eius decimam partem
connecti vertebris lumbaribus, & costis; quare quin-
que Cylindricis portionibus lumbarium vertebrarum
minimum pondus, quod eis assignari potest, erit li-
brarum quinque, & quælibet earum semissis libræ
vnius, & singulis portionibus cylindricis thoracis ver-
tebris adhærentibus pondus trium librarum proximè
assignari posse videtur, & hoc erat quæsitum.

PROPOS. LVIII.

Artificium structuræ spinæ dorsi inquirere.

Euiden-

Evidentissimum est ossium diuisiones, & articulationes institutas fuisse à Diuini Architecti sapientia, vt animal varijs modis moueri posset: hoc verò, vt commodissimè, quàm fieri potest, & facilè in præcipuis articulationibus perficeretur, ossium capitula, & sinuositates leuibus, & lubricis quibusdam cartilaginibus circumdedit, & incrustauit, affigendo tam capitulis, quam sinuositatibus proprias cartilagines discretas, & diuisas inter se, vt vnum os super aliud excurrendo verti, & agitari posset. Hæc, inquam, operandi regula à natura prudentissimè instituta, mirum, quantum in vertebrarum articulationibus perturbatur, hic enim ossium extremitates non sunt rotundæ, conuexæ, scilicet, & cauæ, & læuigatæ, vt motus vertiginosus exigeret, sed sunt planæ, & asperæ; præterea non incrustatur quælibet vertebræ basis propria læni, & lubrica cartilagine à proximi ossis cartilagine distincta, & separata: sed ambo ab vnico, & communi cartilagineo ligamento molli intercepto validissimè simul colligantur; operæ igitur pretium erit inquirere, qua necessitate, & propter quem finem bonum hanc nouam structuram machinata est natura. Et primò corporis animalis fundamentum stabile, & firmum, veluti carina nauis, osseum esse debuerat, quod in hominè ad instar columnæ corpus eius fulcire debebat, & idè spina dorsi cylindricam formam æmulatur, sed eius infimæ partes crassiores sunt supremis.

Secundò, quia corpus animalis, non rigidum, sed flexibile esse debuerat, idè eius carina, seu columna dorsi secta, & subdiuisa in plures partes, ad inuicem articulatas, esse oportuit; attamen, vt firmitudini, & luxationis periculo prouideretur, amplæ quidem, & planæ

Cap. 12.
De maiori
incremento
potentia, quæ
requiritur
ad idem
pondus sus-
tinendū.

Cap. 12.
De maiori
incremento
poten-
tiae, quae
requiritur
ad idem
pondus fir-
mitudinē.

planæ bases vertebrarum, earumque articulationes firmissimè colligatae construi debuerunt.

Tertiò, quia per eiusdem spinæ dorsalis ductum, produci debebat fasciculus medullaris fibrarum nervearum, ad facultatem animalem, per vniuersum corpus à cerebro diffundendam, & irradiandam; & aliundè medullaris ille fasciculus contusionem, distractionem, & angularem inflexionem pati non poterat, prouidendum fuit, vt absque angulis sensibilibus inclinatis dorsum flecteretur, nempe, vt quàm proximè curuam, & parum à rectitudine deuiantem inflexionem medulla pateretur. Hoc autem præclarè præstitum fuit, subdivisa longitudine dorsalis columnæ in plures, & exiguas portiones vertebrales, quarum binæ quoque contiguæ obtusissimum angulum constituere possent; & sic series tota vertebrarum curuaturam lenissimam, quam poligona numerosiora efficere commodè valent.

Verùm, vt talis obtusissima angularis vertebrarum flexio perficeretur, & simul firmitudini, & luxationis periculo prouideretur, non debuerunt vertebrae distinctis, & separatis cartilaginibus connecti; sed satis fuit, vt vna communis cartilago mollis, validissimè conduceret duas proximas bases vertebrarum, quæ sua molitie vsum puluinaris præbendo, ossium attritionem vetaret, & sua tenacitate luxationem impediret, at ob eius aliqualem laxitatem exiguum motum vertebrarum ad omnes partes permetteret.

SCHOLIUM.

His præmissis, animaduertendum est, quod ligamen-
tum

rum cartilagineum duas proximarum vertebrarum bases connectens, si obliquè compressum fuerit à superiori vertebra, vna pars cartilaginis valdè comprimitur, reliqua verò relaxabitur, distraheturque, cumque arcus, & machinæ naturam habeant, necesse est, quando magis distrahitur, quam naturalis eius constitutio patitur, vt nitatur se contrahere, & ideò ad se adducet ossis incumbentis partem superflue à subiecta recedentem; & illa, quæ nimis comprimitur, nitetur se dilatare; & ideò remouebit, expelletque eiusdem ossis incumbentis partem proximiorē ossi subiecto. Et hoc necessariò continget, quia substantia talis cartilaginis validissima consistentia, & tenacitate donatur. Licet mollis aliquantò sit, & proindè vim arcus exercebit, vt experientia constat.

Cap. 12.
De maiori
incremento
potentia,
quæ
requiritur
ad idem
pondus
sustinendum.

Præterea noto, quod fibræ distractæ, ex quibus talis cartilago componitur, robustiores sunt fibris musculorum dorsalium, etiam post earum contractionem. Hinc sequitur, quod quando cartilaginee vertebrales, & musculi dorsales concurrunt totis viribus ad idem pondus sustinendum, maiori ex parte id à cartilaginibus suspendatur, & minorem vim exerceant prædicti musculi. His præmissis demonstrabimus hoc lemma.

PROPOS. LIX.

Si libra a AB à duobus ponderibus R, & S grauata à tribus virgis CD, GH, EF vim arcus habentibus fulciatur, & vna earum CD nimis compressa nitatur se extendere, & subleuare libræ brachium GA cui annexitur;

a Tab. 6:
Fig. 3.

Cap. 12.
De maiori
incremento poten-
tiæ, quæ
requiritur
ad idem
pondus fir-
mitinendū.

Atitur; reliqua EF nimis distracta nitatur se constrin-
gere, & retrahere libræ brachium BG, cui annexa est,
& libra AB, sic disposita in æquilibrio quiescat. Dico,
quod potentia vnus ponderum R ad reliquum S vnà
cum potentia duorum arcuum erit, vt distantia BG
ad GA, & vt BG ad GE; ita fiat potentia, quam exer-
cet virgā EF dum nititur se constringere ad pondus X;
pariterque, vt BG ad GC, ita fiat potentia, quam
exercent virgā CD, dum nititur se dilatare ad pon-
dus Z; Patet, quod momenta arcuum CD, & EF
æqualia sunt momentis ponderum Z, & X in B suspen-
sorum, quoniam libra AB virgis, seu arcubus CD,
GH, EF innititur, & EF nimis distrahitur, & ad se ad-
ducit radium EG; CD verò nimis comprimitur, & ab-
ducit radium CG; Ergo intermedia GH in mediocri
extensione constituta fulcri munus exercebit; & ideò
punctum G centrum libræ erit; fiat tandem, vt AG ad
GB, ita pondera S, X, Z ad pondus V. Ergo remo-
tis potentijs R, & duorum arcuum CD, EF, & suspen-
so V ex A, libra AB circa centrum G quiescet, sunt-
que momenta arcuum in C, & E vires exercentium
æqualia momentis ponderum X, & Z in B suspenso-
rum; Ergo, vt AG ad GB, ita erunt pondus S, & po-
tentia arcuum in B consideratæ ad pondus V ex A,
pendens; verum perindè libra quiescit remoto pon-
dere V, & reposito in A pondere R; Ergo pondera R,
& V æqualia inter se sunt; & ideò, vt AG ad GB, ita
erunt pondus S, & potentia arcuum CD, EF in B
consideratæ ad pondus R, quod erat propositum.

PROPOS. LX.

Cap. 12.
De maiori
incremento
potentia, quæ
requiritur
ad idem
pondus su-
stinendū.

Vis, quam exercet ligamentum cartilaginofum colligans duas vertebraſ ſpinæ ad inuicem inclinatas, licet maior ſupponatur vi motiua muſculi eaſdem vertebraſ conſtringentis, tamen earum momenta æqualia eſſe poſſunt.

Quia vis glutinis, & tenacitatis cartilaginum vertebraſ connectentium maior eſt vi tenacitatis muſculorum eandem craſſitiem habentium; maius enim pondus ab illis, quàm ab iſtis ſuſtinetur: & vis contractiua vitalis eorundem muſculorum, non eſt maior validitate glutinis, & tenacitatis fibrarum eorundem muſculorum; aliter in actu contractionis diſrumperentur; ergo fibrarum cartilaginofarum tenacitas maior eſt vi contractiua vitali muſculorum, & ideo maius pondus à cartilaginibus ſuſpendi poterit in quiete, quàm à muſculis æquè craſſis trahi, & moveri poſſit. Et quia muſculi ſpinam dirigentes habent fibras laxiores, & minùs conſtipatas, & parùm ſuperant craſſitiem ligamentorum vertebraſ colligantium; Igitur ſupponi poteſt, quod vis tenacitatis, quam exercent ligamenta, cùm reſiſtunt flexioni, & diſtractioni vertebraſ, non ſit minor tripla virtutis motiue muſculorum lumbarium.

Poſtea, quia muſculi lumbarès alligantur extremis ſpinis, & proceſſibus vertebraſ, & ibidem eorum vis exercetur: è contra vis cartilaginum exercetur in tota plana ſuperficie baſis vertebrae; & ideo in loco interpoſito inter centrum baſis vertebrae, & eius peripheriam exercebitur: videtur ergo, quod diſtantia

p

dire-

Cap. 12.
De maiori
incremento
potentia, quæ
requiritur
ad idem
pondus su-
stinendū.

directionis musculorum à centro basis vertebræ maior sit, quàm tripla distantia, in qua vires ligamentorum applicantur. Cumque vires absolutæ reciprocè sint, ut earum distantia à communi fulcimento; Igitur momenta musculorum æqualia esse possunt momento ligamentorum tendinosorum, quod &c.

PROPOS. LXI.

Si baiulus incuruata spina dorsi à pondere libr. 120. ceruicibus imposito comprimatur; potentia, quam natura exercet in cartilaginibus vertebrarum, & in musculis extensoribus eiusdem dorsi æquatur viribus libr. 25585, & in solis musculis non est minor potentia libr. 6404. Tab. 6. Fig. 1. & 2.

Idem arcus ABCDE figuræ propositionis 55. representet dorsi spinam incuruatam baiuli sustinentis pondus R libr. 120. principio colli propè thoracem innixum. Constat, ex anathome, seriem totam dorsi incuruati, & à pondere compressi sustineri tum à validissimis ligamentis cartilagineis vertebrarum, tum à musculis dorsi longissimo, sacro, sacro lumbos, semispinato, splenio, & complexo, qui alligantur transversis processibus, & spinis vertebrarum, nec non ossi sacro, ilio, & occipiti. Quærentur igitur vires, quas exercent prædicta ligamenta cartilaginea cum eisdem musculis. Quia quælibet cylindrica portio vertebræ humani corporis adhærens libram constituit, ut HFM, cuius centrum F est punctum intermedium basis vertebræ; hanc verò libram æqualibus momentis comprimunt ex vna parte pondus R libr. 120. vnà cum pondere totius corporis ABFM, quæ nituntur flectere radium

dium libræ FM ; ex altera verò parte trahitur oppositus libræ radius HF à musculis HG , & à vi cartilaginis vertebræ hinc indè à centro . Estque præterea distantia MF septupla proximè semidiametri infimæ vertebræ lumbaris , eò quod directionis linea centri gravitatis corporis incurvati cum pondere R cadit extra os pubis ; & distantia HF minus , quàm tripla est semidiametri eiusdem vertebræ , & in H tertia pars virium ligamentorum applicata æquatur momento musculorum ; Ergo hæc duo momenta æqualia sunt momento ponderis in M prementis . His præmissis, quia medietas humani corporis fuit librarum 75 , & ablato pondere viscerum super pelvium incumbentium libr. 18. remanent libræ 57 , quæ additæ ponderi R 120. lib. erit vniuersum pondus, quod comprimit libræ radium FM in M, lib. 177, hoc verò ad vires musculorum HG , atque ad vires tertiæ partis ligamenti cartilaginosis vertebralis , simul sumptas, eandem rationem habebit ^a , quàm semissis HF ad FM , seu vt 3. ad 14, & ideo vires musculorum GH infimam vertebram lumbarem dirigentes vnà cum tertia parte resistentiæ cartilaginis vertebralis, æquales erunt vi libr. 826. ^b erunt vires eorundem musculorum æquales libris 413, & vires cartilaginum æquales vi ponderis lib. 1239.

Pro calculo reliquarum portionum cylindricarum & adherentium reliquis vertebris , cum lumbaribus tum thoracicis , aduertendum est , quòd proportionēs radiorum libræ parum alterantur, quia earum centra, nempe puncta intermedia vertebrarum ob dorsi curvaturam antèriùs promouentur, multò magis, quàm centra grauitatum R , &c; & ideo brachia libræ maiora DN , CO , &c. decurtantur, at eodem progressu brachia

Cap. 12.
De maiori incrementō potentia, quæ requiritur ad idem pondus sustinendū.

^a Ex Scholio prop. 34. huius.

^b Ex Prop. 6. huius.

Cap. 12.
De maiori
incremen-
to poten-
tiæ, quæ
requiritur
ad idem
pondus su-
stinendū.

c Prop. 57.
huius.

chia minora DK, CX, &c.
decurtantur; eo quòd ver-
tebræ, eiusque processus suc-
cessivè minores fiunt, quò
magis ad ceruicem appro-
pinquant; præterea ex di-
ctis ^c pondera portionum
cylindricarum vertebrais ad-
hærentium subtrahi debent,
ex pondere totius dorsi, pro
ratione positionis vertebræ;
quibus adnotatis calculus
absolui potest, ut videre est
in hac tabella; ex quo col-
ligitur, quod vires muscu-
lorum extendentium 17. ver-
tebras dorsi, æquales sunt
potentiæ libr. 6404, & vires
omnium cartilaginum ea-
rundem vertebrarū æquan-
tur potentiæ libr. 19181;

Quare vires, quas natura
exerces in prædictis muscu-
lis, & cartilaginibus simul,
minores non videntur, quàm
sit potentia libr. 25585,

quem conatum adhibet natura ad suspendendum pon-
dus libr. 120. cum pondere semissis corporis libr. 75.

PROPOS. LXII.

Si baiulus pondere libr. 129. ceruicibus impõsito onu-
stus

Verte- bræ	Vis muscu- lorum	Vis tota. lis carti- laginum
Lumbares		
5	413	1239
4	411	1232
3	408	1225
2	404	1212
1	403	1211
12	401	1204
11	394	1183
10	387	1162
9	380	1141
8	373	1120
7	366	1099
Thoracis		
6	359	1078
5	352	1057
4	345	1036
3	338	1015
2	331	994
1	324	973
libræ	6404	19181
		6404
		25585

flus, flexa spina dorſi, ſamore, genu, & pede, calca-
neo eleuato, extremitati vnus pedis innitatur. Po-
tentia, quam natura exercet in muſculis extenſori-
bus dorſi, ſamoris, tibiæ, & pedis ad eiſdem pon-
deris ſuſpenſionem concurrentibus, æqualis eſt po-
tentia libr. 13766. Tab. 6. Fig. 1. & 2.

Cap. 12.
De maiori
incremen-
to poten-
tiæ, quæ
requiritur
ad idem
pondus ſu-
ſtinendū.

Iſdem poſitis, quæ in propoſitionibus 53. 54. & 61.
adhibitis eiſdem figuris, manifeſtum eſt ex dictis,
quòd ad ſuſpenſionem ponderis R libr. 120. ceruici-
bus impoſiti, concurrunt vires omnium muſculorum
ſolei, Gaſtrocnemiorum, Recti, Vaſtorum, Gluteo-
rum, & ſpinam extendentium^a, & illi exercent vires
æquales potētia libr. 7362;^b & muſculi extenſores dor-
ſi exercent conatus non minores potentia libr. 6404;
igitur omnes prædicti muſculi ſimul ſumpti exercent
vires non minores, quàm ſit potentia libr. 13766,
quod erat propoſitum.

^aEx Prop.
53. & 54.
huius.
^bEx prop.
61. huius.

S C H O L I V M.

Sed nè diutiùs in hæc indagine immoremur, ſatis
erit innuere, quod ad ſuſtinendum prædictum pondus
libr. 120. ceruicibus impoſitum, non ſufficiunt vires
commemoratorum muſculorum; Cogitur enim natu-
ra vires auxiliares adhibere; nam in ſitu inclinato
ceruicis, muſculi ſplenici, & complexi cum ſcalenis, &
tranſuerſalibus, coguntur ſuſtinere pondus capitis, ſep-
ties ſumptum, pro numero vertebrarum colli, cum au-
ctario ab elongatione vectis dependente, ex quo ca-
pitis pondus ſuſtineatur. Præterea, quia nequit ma-
nere humani corporis compages inflexa, & incuruata
super

super extremitate vnus pedis innixa, nisi crus sinistrum
 suspensum, & à terra eleuatū retineatur; & ad hoc præ-
 standum, adhiberi debent conatus omnium musculorū
 flectentium fæmur, crus, & pedem eleuatum; ergo
 vires eorundem musculorum cogitur adhibere natura,
 licet secundariò, ad hoc, vt pondus prædictum cerui-
 cibus impositum in tali positura sustineri queat; Omit-
 to vires, quas interim exercet pro respirationis neces-
 sitate in musculis thoracis intercostalibus, & diaphra-
 gmate, & in alijs, ex quibus percipitur, & multò magis
 deinceps patebit in immensum propemodū excrefcere
 vires, & molimina, quæ in musculis natura exercet;
 modò, vt vltèriùs progrediamur, alia structura muscu-
 lorum exponi debet, quæ organum mechanicum di-
 uersum à superius enarratis constituit, pro cuius intel-
 ligentia præmittuntur hæc lemmata.

*Lemmata necessaria pro inquisitione Virtutis mo-
 tiuæ musculorum, quorum fibræ non sunt
 inter se æquidistantes, & ob-
 liquè trahunt.*

C A P V T XIII.

P R O P O S. LXIII.

Si duæ potentix contrariæ funem inflexum trahentes,
 & vim exercentes solummodò per directiones ad
 inuicem inclinatas circa vnum, vel plura puncta
 fixa, habuerint æqualia momenta, erunt potentix ab-
 solutæ æquales inter se. Tab. 6. Fig. 4. 5. & 6.

Trahant quælibet potentia^a R, & T funem ACB per quælibet directiones AC, & CB inflexas circa punctum fixum C, vel ^a circa plura puncta fixa C, & H, ita ut funis lubricè, absque villo impedimento excurrere possit: & R vim exerceat solummodò per directionem CA, & T per directionem CB, & momentum potentia^a R æquale sit momento resistentia^a T, idest neutra earum alteri cedat; Dico potentiam absolutam R æqualem esse absolutæ resistentia^a T. Quia punctum C fixum est; Ergo perinde funis ACB excurrit in gyrum circa fixum punctum C, ac si circa trochleam conuertibilem circa centrum fixum C circumduceretur; ergo duæ potentia^a R, & T solummodò per directiones AC, CB vim facientes, æqualibus velocitatibus mouerentur per easdem directiones circa prædictum punctum fixum; eò quod quantum resistentia T appropinquatur puncto C, tantum præcisè ab eodem puncto C potentia R recedit, & earundem potentiarum momenta supponuntur æqualia. Igitur potentia^a absolutæ R, & T æquales inter se erunt; Id ipsum deducitur, quando funis excurrit circa plura puncta fixa C, & H, ^b quod erat propositum.

Cap. 13.
Lemmata
pro mu-
sculis ob-
liquè tra-
hentibus.

a. Tab. 6:
Fig. 5.

b. Tab. 6.
Fig. 5.

S C H O L I V M.

Videtur primo aspectu dubitari posse de veritate huius propositionis. Si enim ^c duæ potentia^a R, & T fuerint pondera, & trahant circum ductum funem ACB circa punctum fixum, vel circa clauum, aut trochleam C positam in vertice D trianguli DEG erecti ad planum horizontis EG rectanguli in G; tunc pondus R innixum plano inclinato DE, trahendo funem per directionem

c. Tab. 6.
Fig. 7.

rectio-

Cap. 13.
Lemmata
pro rau-
sculis ob-
liquè tra-
hentibus.

rectionem AC parallelam ipsi DE, & pondus T per directionem CB perpendiculararem ad horizontalem basim EG æquilibrari quidem possunt, licet R maius sit, quam T, secundum proportionem plani inclinati ED ad perpendicularum DG. Hoc autem theorema ab omnibus receptum, videtur repugnare nostræ propositioni, in qua diximus, quod potentia R, & T æquales inter se esse debent.

Verum si hoc negotium attentè consideretur, patet, bit, diuersum esse à casu præcedentis propositionis; d
d Tab. 6. Fig. 8. Nam ducta AF perpendiculari ad planum inclinatam DE, & ad ei parallelam funis directionem CA, ducanturque AK parallela plano horizontali EG, & AB secans bifariam angulum FAK, producatque, quousque secet perpendicularem funem CB in B, extendaturque recta BFH parallela horizontali AK, conueniens cum AF, in F, ducaturque AH perpendicularis ad BFH. Et quia angulus FBA æqualis est alterno BAK, siue ei æquali BAF, ergo in triangulo AFB latera AF, BF æqualia sunt. Postea, quia pondus R, nihilum exercens per directionem perpendicularem ad horizontem, eodem modo sustinetur à plano inclinato DE, ac fulciretur à libræ radio AF circa fulcimentum F; & in vtraque constitutione pondus R moueri cogitur per directionem inclinatam CA tangentem circum radio FA descriptibilem: & è contra pondus T eodem modo liberè pendet, & moueri potest perpendiculariter ad horizontem, siue pendeat ex fune CB, siue alligetur radio libræ horizontali FB: & tandem eodem modo pondera R, & T simul contrarijs motibus agitantur, siue reuoluto funi ACB circa clauum C nectantur, siue in libra inflexa AFB fulciantur in F.
Ergo

Ergo perindè agunt pondera in vtraque hypothesi. Cumque in libra inflexa BFA radiorum æqualium potentia absoluta R ad eius momentum, seu ad ei æquale momentum T (ob æquilibrium) eandem proportionem habeat, quam radius libræ FA, seu FB ad FH distantiam directionis AH a fulcimento; estque pondus absolutum T æquale momento sui ipsius, quia perpendiculariter radium FB premit; Ergo pondus R ad T se habet, vt BF, seu FA ad FH. Et quia eidem triangulo FLH rectangulo similia sunt duo triangula FHA, & DBH, seu DGE pariter rectangula; ergo circa angulos æquales F, & D latera sunt proportionalia, nempe AF, siue BF ad FH erit, vt ED ad DG; & proinde pondus R ad T erit, vt ED ad DG.

Modo in casu præcedentis propositionis 63. e licet potentia manus R obliquè trahat funem AC, tamen manus non grauitat, scilicet nifum non exercet comprimendo planum inclinatum HA per directionem perpendicularem ad horizontem; & idè perindè agunt potentia R, & T, ac si traherent radios æquales IC, HC eiusdem trochleæ, seu libræ inflexæ ICH per directiones perpendiculares ad radios æquales; Quare momentum potentia R ad ei æquale momentum resistantia T eandem proportionem habebit, quam productum ex vi motiua R in velocitatem eius determinatam à radio CH ad productum ex vi motiua T in velocitatem CI, suntque radij CH, & CI æquales; ergo eandem æqualitatis proportionem habebit vis motiua R ad vim motiuam T, quam habet momentum ipsius R ad momentum ipsius T, seu radius CH ad radium CI.

Cap. 13.
Lemmata
pro mu-
sculis ob-
liquè tra-
hentibus.

e Tab. 6.
Fig. 9.

Cap. 13.
Lemma ta-
pro mu-
sculis ob-
liquè tra-
henticibus.

PROPOS. LXIV.

Si momentum potentia^e filum inflexum obliquè trahentis æquale fuerit momento resistentia^e directæ, & perpendiculariter ad horizontem alterius fili terminum trahentis, & punctum concursus mobile fuerit secundum directionem resistentia^e; potentia absoluta obliquè trahens ad resistentiam, erit vt longitudo directionis obliquæ ad eius sublimitatem. Tab. 6. Fig. 10.

Potentia R mediante funiculo ACE obliquè flexo super lineam DCE trahat oppositam resistentiam T, ita vt punctum concursus C duarum directionum AC, & CE non sit fixum, sed procliue ad motum per lineam DCE perpendicularem ad horizontalem GCI; quod multipliciter præstari potest, siue excurrendo punctum C per canalem læuem, & lubricum in columna DE incisum, siue quia punctum C alligatur extremo termino vectis horizontalis GC conuertibilis circa fulcimentum G, siue termino vectis IC mobilis circa fulcimentum I, vel quia ab aliqua potentia manus, aut alterius rei H retineatur punctum concursus C, vt non per aliam semitam ferri possit, quàm per directionis lineam DCE, sitque momentum R æquale momento T, & ducatur AD perpendicularis ad DCE. Dico, potentiam absolutam R ad resistentiam T eandem proportionem habere, quàm AC ad CD. Ducatur GF perpendicularis ad CA; & quoniam angulus, seu vinculum O funiculi inflexi non est fixum, sed retinetur, aut in veste, vel in cauitate canalıs, aut à potentia H, vt solummodò moueri possit per directionis

nis lineam DE, prout vnà cum pondere T trahitur, vel relaxatur funis ab opposita potentia R; igitur T perinde retinetur in C, ac si semper neceretur, suspendereturque in extremitate vectis CG conuertibilis circa stabile fulcimentum G, in qua positione cogeretur moueri idem punctum C per DE tangentem circulum radio GC descriptum; quare duæ potentiaë R, & T æqualibus momentis trahunt extremum punctum C vectis GC circa centrum G, & T trahit directè, & perpendiculariter ad vectem per directionem CE, sed R obliquè per CF, ergo potentia R ad resistentiam T se habet, vt vectis longitudo CG ad distantiam GF, suntque triangula ADC, & CFG similia (eò quod anguli alterni GCF, & CAD æquales sunt ob parallèlas AD, GC, & anguli F, & D recti sunt) igitur, vt AC ad CD, ita est GC ad GF, seu potentia absoluta R ad resistentiam T, quod erat ostendendum. Q. E. D.

Cap. 13.
Lemmata
pro mu-
liculis ob-
liquè tra-
hentibus.

aEx prop.
13. huius.

COROLLARIUM.

Pater, si directiones potentiarum æquilibrium efficiunt in directum constitutæ fuerint, esse absolutas potentias æquales inter se; nam directio CA potentiaë R, & eius sublimitas CD à plano CG per quodlibet punctum C communis directionis educto perpendiculariter ad directionem ED coincidunt; & ideo sublimitas DC æqualis est directioni CA.

b Tab. 6.
Fig. 11.
a Ex prop.
13. huius.

Cap. 13.
Lemmata
pro mu-
sculis ob-
lique tra-
hentibus

PROPOS. LXV.

Iisdem datis, nulla potentia finita poterit subleuare,
aut retinere quamlibet exiguam resistentiam
vsque ad situm horizontalem.

Tab. 6. Fig. 12.

Sit potentia R cuiuscunque vastitatis, & resistentia
 T quantum vis exigua, sed mobilis per directionem
 ED . Dico, quod nunquam potentia R , trahendo fun-
niculum AC oblique extensus, eleuare poterit resi-
stentiam T vsque ad D in situ horizontali DA consti-
tutum. Vt potentia R ad T , ita fiat T ad S ; & ut R
minus S ad S , ita fiat quadratum AD ad quadratum DH .
Ostendendum est primo loco, quod resistentia T pra-
gise vsque ad H eleuari poterit, & non ulterius; quia
in triangulo ADH , rectangulo in D , quadratum ipsius
 AH æquale est quadratis ex HD , & ex DA ; ergo qua-
drata AD , & DH simul, idest quadratum AH , ad qua-
dratum HD erit, ut potentia R ad S ; & hæc dum subdu-
plicatae rationes eadem quoque erunt, scilicet recta
 AH ad HD erit, ut potentia R ad T . Quare translata
resistentia T in H , fiet æquilibrium inter poten-
tias R , & T ; et si ulterius traheretur, ut in O , tunc
recta AO ad OD maiorem rationem haberet, quam
 AK ad HD (ut facile probari potest) scilicet AO ad
 OD maiorem rationem, quam habet potentia R ad
resistentiam T ; & Ideò momentum potentiae R minus
esset momento resistentiae T ; & proinde non posset po-
tentia R retinere, & multò minus eleuare resistentiam
 T vsque ad O ; Quod verò absolutè resistentia T per-
duci, aut retineri non possit in horizontali DA , patet,
quia

Ex prop.
13. hinc.

Ex præ-
ced. prop.

quia T in D solummodo moueri potest per DE tangentem circulum radio AD descriptum, & sic linea tractionis AD per vectis DA fulcrimentum A transieret, & ideo potentia R sustinere non posset exiguam resistantiam T, quod erat ostendendum.

Cap. 13.
Lemmata
pro mu-
sculis ob-
liquè tra-
hentibus.

PROPOS. LXVI.

bEx Prop.
12. huius.

Si duæ potentiae in extremitatibus libræ applicatae quiescant ad inuicem aequilibratae, momentum vnus earum exercetur contra momentum portionis fulcimenti, & opposita resistantiae simul sumptarum. Tab. 6. Fig. 13.

Sit libra AB cum ponderibus R, & S, cuius centrum grauitatis C, & innitatur libra super fulcrimentum T, vel sit T potentia manus, quæ sustineat, prohibeatque descensum libræ AB cum annexis ponderibus. Dico, quod momentum potentiae R, nedum agit contra momentum portionis fulcimenti, vel manus T, sed etiam agit contra momentum potentiae S; & vna actio alteram non impedit. Quia per eandem directionem CT, & eadem velocitate nititur ferri deorsum centrum grauitatis libræ C, quæ trahitur sursum à potentia manus T, vel sustinetur à fulcimento, & vna alteri non praualeat, cum libra in eodem situ quiescat; ergo vis, quam exercet fulcrimentum, vel manus T, æqualis est vi ponderis compositi ex R, & S; & ideo momentum ponderis R æquale erit momento portionis potentiae manus T; postea, quia in libra AB, aequilibrata circa centrum grauitatis eius C, duo pondera R, & S quiescunt, & talis quies non dependet ab inertia, sed ab exercitio actuali potentiarum integrarum R, & S, qua-

tenus

Cap. 13.
Lemnata
pro mul-
tisculis ob-
liquè tra-
hentibus.

tenuis pondus R tanta vi comprimit libræ radium CA , quanta est energia, qua pondus S nititur flectere deorsum radium CB ; Verum est ergo, quod momentum folius ponderis R exercetur contra resistantiam S , & pariter exercetur contra manus T portionem resistantiæ, & vna actio alteram non impedit.

Eodem modo adhibitis pluribus immo innumerabilibus libris, ordinatè vna reliquam ex centro suspendente. Ostendi potest, quod momentum vnius ponderis R exercetur, ne dum contra pondus S , sed etiam contra portiones innumerabilium fulcimentorum C , D , &c.

PROPOS. LXVII.

Si terminis contiguis duarum librarum idem pondus appendatur, quod æquilibretur duobus ponderibus in extremitatibus oppositis earundem appensis; quodlibet horum æquatur momento portionis illius. Tab. 6. Fig. 14.

Sint duæ libræ AC , DC contiguae in C , quarum fulcimenta B , & E , & suspendatur ex contiguis terminis C idem pondus V , atque ex oppositis terminis A , & D pendeant duo pondera R , & S , quorum momenta æqualia sint momento communis ponderis V , scilicet, tam libra AC , quam CD quiescant in situ horizontali æquilibrata. Dico, quod momentum ponderis R non est æquale momento totius V , sed portionis eius; & S æquilibratur non toti, sed porzioni residuæ eiusdem V . Fiat R ad X , vt CB ad BA , & S ad Z , vt CE ad ED ; & amoto pondere V , & substituto X in C , patet a libram AC pressam à ponderibus R , & X

a Prop. 3.
de æque-
pon. in
Archim.
Auctoris.

circa

circa centrum B in æquilibrio horizontali manere; at tunc altera libra DC non poterit in æquilibrio quiescere; quia pondus X ipsi R æquilibratum nil comprimet radium CE, & propterea non poterit impedire descensum ponderis S cum radio ED; Vt igitur libra CD quiescat æquilibrata, debet ex C aliud pondus Z præter pondus X suspendi, & tunc ambæ libræ quiescent; & momenta duorum ponderum R, & S æqualia erunt momento aggregati ex X, & Z; erant autem ex hypothesi momenta R, & S æqualia momento ponderis V; Igitur momentum aggregati ex X, & Z æquale est momento ipsius V, & pendent ex eisdem terminis C radiorum eorundem BC, & EC; ergo pondera X, & Z æqualia sunt ponderi V, & ideò momentum ipsius R æquatur momento portionis ipsius V, quæ æqualis est X, & S æquatur momento portionis V, quæ æqualis est ipsi Z; quare patet propositum.

Cap. 13.
Lemmata
pro mu-
sculis ob-
liquè tra-
hentibus.

S C H O L I V M.

Facile colligitur ex hac propositione^b, quod siue R, & S sint æquales inter se, siue inæquales, possunt ab vno pondere V æquilibrari in eisdem vectibus; Nam existente BC æquali ipsi EC, si R, & S fuerint æqualia, & secto pondere V in partes X, & Z, quarum X æquibretur ipsi R, & Z ipsi S; erit X ad R, seu ad ei æqualem S, vt AB ad BC, seu ad ei æqualem CE; postea S ad Z erit, vt CE ad ED. Ergo ex æquali ordinata, X ad Z, erit, vt AB ad ED, & R, S simul ad V erunt, vt BCE ad AB, & ED simul, atque R ad V erit, vt BC ad AB cum ED.

b Tab. 6.
Fig. 15.

c Archim.
ibidem.

+211

Si postea^d partes ipsius V æquilibratæ ipsis R, & S, nempe

d Tab. 7.
Fig. 1.

Cap. 13.
Lemmata
pro mu-
sculis ob-
liquè tra-
hentibus.

nempè X , & Z fuerint inter se æquales; erit quoque X , seu ei æqualis Z , ad R , vt AB ad BC , seu ad ei æqualem CE , & S ad Z est, vt CE ad ED ; ergo ex æquali perturbata, S ad R erit, vt AB ad ED ; & R , S simul ad V , erunt, vt AB cum ED ad BCE ; atque R ad V erit, vt ED ad duplum CE .

Si vero BC ad CE ponatur, vt R ad S : erit X ad Z , vt AB ad ED ; & RS simul ad V erunt, vt BCE ad AB , & ED simul; & tandem, vt R ad V , ita est BC ad AB , & ED simul.

Et hic notandum est, quod quando comparantur R , & V inter se, non æquantur eorum momenta in eadem libra AC , in qua R æquilibrium efficiebat cum pondere X , sed in alia libra longè diuersa debet elongari radius BA , vt additamentum æquale sit ED , & à termino huius elongati radij suspendi debet pondus R , & V suspendi debet ex C .

Hic summopere aduertendum est, quod eisdem libris permanentibus AC , DC contiguus in C , possunt mille modis variari, & commutari tria pondera suspensa, & nihilominus æquilibrium efficient; vt pondera R , & X siuè augeantur, siuè minuantur I , & K , dummodò retineant eandem proportionem, scilicet R ad X sit, vt BC ad BA , semper æquilibrium efficient; Sic in altera libra CD , siuè addantur ipsis S , Z , siuè subtrahantur pondera H , & L proportionalia illis, semper permanebunt æquilibrata.

f Tab. 7.
Fig. 4.

Similiter fretentis iisdem ponderibus variari possunt libræ, ita vt in eis semper quiescant æquilibrata; vt pondera æqualia R , S æquilibrantur cum ponderibus XV , VZ in libris AC , DC id ipsum continget, si pondus R suspendatur ex f , & postea, vt CB ad Bf , ita fiat

fiat R ad XT; atque, vt TZ ad S, ita fiat radius gE ad EC, & S suspendatur ex g.

Cap. 13.
Lemmata
pro mu-
sculis ob-
liquè tra-
hentibus.

PROPOS. LXVIII.

Si momenta duarum potentiaram trahentium obliquè duo ex tribus filis inter se connexis, æqualia fuerint momento resistentiæ tertium filum trahentis, ita vt nodus, seu punctum concursus filorum mobile sit, secundum directionem tractionis eiusdem resistentiæ: momentum cuiuslibet potentiæ obliquè trahentis æquale est momento vnus portionis communis resistentiæ. Tab. 7. Fig. 5. & 6.

Sint tres funes AC, BC, EC colligati in C, & pondus T trahat funem CE per directionem CE perpendiculararem ad horizontalem DCL, & trahatur sursum, sustineaturque æqualibus momentis idem pondus T à duabus potentijs R, & S trahentibus funes AC, BC per directiones obliquas; hac lege, vt punctum C concursus funium mobile sit, vel procliue ad motum per eandem directionem CE; quod verificabitur, si T fuerit pondus appensum in C. Dico, quòd momentum potentiæ R æquatur, non totius T momento, sed vni portioni eius, & S æquilibratur reliquæ portioni eiusdem T. In horizontali DCL, ex duobus punctis G, & I æquè remotis à nodo C, ducantur GF, & IK perpendiculares ad AC, & CB, & abscindantur DG æqualis GF, & IL æqualis IK, atque amota potentia R substituatur ei æquale pondus M in D; pariterque coercita potentia S ei æquale pondus N in L substituatur; quia absolutæ potentiæ R, & M sunt æquales, & trahunt perpendiculariter radios æquales GF, & GD;

R

Ergo

Cap. 13.
Lemmata
pro mu-
sculis ob-
liquè tra-
hentibus .

a Ex Prop.
15. & 16.
huius.

b Ex Schol.
prop. 67.
huius .

c Ex præc.
prop.

ergo momenta potentiarum R , & M sunt æqualia ;
Eadem ratione momenta potentiarum S , & N æqualia
erunt . Quare duobus momentis potentiarum R , & S
æqualia erunt momenta ponderum M , & N , sed ex
hypothesi momentum solius resistentiæ T æquale erat
momentis earundem potentiarum R , & S . Igitur mo-
menta ponderum M , & N æqualia erunt momento re-
sistentiæ T^b ; & proinde duæ libræ horizontales DC ,
& LC quiescent æquilibratę , ideòque resistentiæ T
vna pars, vt X , æquilibratur ponderi M , seu potentiæ
 R , & reliqua pars Z æquilibrata persistet cum pondere
 N , siue cum potentia S^c , vt erat propositum .

S C H O L I U M .

d Tab. 7.
Fig. 5.

Hic quoque noto, quod retentis eisdem inclinatio-
nibus filorum ; possunt vires trahentes, & pondus ap-
pensum mille modis variari, & nihilominus possunt ad
inuicem æquilibrari^d, dummodò R ad X sit, vt GC
ad GF , vel vt AC ad CH , pariterque quodlibet pon-
dus S æquilibrabitur cum Z , si ad id se habeat, vt IC
ad IK , vel vt BC ad CH , & proindè innumerabilia
pondera siuè æqualia, siuè non possunt iisdem filorum
inclinationibus æquilibrari ; duobus alijs ponderibus
 X , Z ex C pendentibus .

e Tab. 7.
Fig. 6.

E contra retentis iisdem ponderibus (dummodò
intermedium ZX minus sit duobus extremis) possunt
æquilibrari multis modis, variata filorum inclinatione ;
Supponantur^e anguli filorum ACD , BCD æquales, &
in tali situ potentię R , S æquilibratę ponderi XZ , dimi-
nuto angulo ACD , vt aC sit ad CD , sicut R ad portio-
nem X , & postea translato filo B , quousque bC ad CD
sit,

fit, vt S ad residuum Z; ergo necessariò in noua filorum inclinatione quiescent pondera R, & S æquilibrata cum pondere XZ.

Animaduersione dignum est, quod ablatis vectibus i CG, & CI, potentia R verè vim aliquam exercet, dum ad se trahit vinculum C, & dum retinet filum BCE in eadem inflexione; & vicissim potentia S exercet vim aliquam, vt ad se trahat vinculum C, vt in eodem situ permaneat, & retineat aliud filum in eadem inflexione ACE; At hæ contrariæ tractiones perindè agunt, & retinent vinculum C in eadem linea CE perpendiculari ad horizontalem DCL, ac si punctum C alligatum esset terminis duorum vectium CG, CI; & sicut tractiones funium AC, & BC contra vectium fulcimenta G, & I non impediunt, quin tota potentia R exerceat suam vim contra resistantiam X, ita vt potentia R, & X æquilibrentur, pariterque potentia S, & Z in æquilibrio persistant; sic quoque tractiones oppositæ vinculi C factæ à potentijs R, S, non impediunt, quin totales eadem potentia R, & S æquantur momentis resistantiarum X, & Z.

Cap. 13.
Lemmata
pro musculis obli-
què tra-
hentibus.

f Tab. 7.
Fig. 5.

PROPOS. LXIX.

Isdem positis, duæ potentia sustinentes ad resistantiam, erunt vt longitudines funium obliquæ, quæ proportionales sint conterminalibus potentijs ad earum sublimitates. Tab. 7. Fig. 7.

Supponantur eadem, quæ in præcedenti, & vt potentia R ad S, ita fiat longitudo AC ad CM, & ducantur duæ MO, & ABD perpendiculares ad DCE directionem resistantiæ T; Dico, potentias R, & S simul,

R 2

Cap. 13.¹
Lemmata
pro mu-
sculis ob-
liquè tra-
hentibus .

a Ex præc.
prop.

b Ex Prop.
64. huius.

mul, ad resistentiam T eandem proportionem habere, quam duæ obliquæ longitudines AC , CM ad eorum sublimitates DC , CO . Quia duæ potentiaë R , & S obliquè trahentes æquibantur resistentiæ T , et directionum punctum concursus C non est fixum, sed mobile; vel proclive ad motum per directionem DCE ; Ergo ^a momentum potentiaë R æquatur non momento totius T , sed portionis eius, quæ sit X ; pariterque S æquatur momento reliquæ eiusdem T portioni Z ; Quare ^b potentia absoluta R ad resistentiam X ei æquilibrem, et mobilem per directionem DCE , erit, vt longitudo AC ad eius sublimitatem CD : pari ratione potentia absoluta S ad resistentiam Z ei æquilibrem, erit, vt BC ad CD , seu vt MC ad CO (ob parallelas BD , MO) fuit autem AC ad CM , vt R ad S ; ergo duæ potentiaë R , S simul sumptæ ad duas X , et Z , seu ad resistentiam T , eandem rationem habebunt, quàm duæ AC , CM simul, ad duas DC , OG simul. Quod erat propositum.

C O R O L L A R I U M .

Facile constat, quod portio X ad Z erit, vt DC ad CO , et potentia R ad resistentiam T , erit vt AC ad duas DC , CO simul sumptas.

S C H O L I U M .

Manifestè colligitur ex dictis propositionibus, quòd duæ qualibet potentiaë R , et S , siue æquales, siue inæquales inter se fuerint, possunt æquilibrari alicui resistentiæ, trahendo funes obliquos, efficientes cum directione resistentiæ angulos acutos ACD , et BCD , siue
æqua-

æquales, siue inæquales inter se. Quia in qualibet funiculi ACE inflexione cuilibet potentia R reperiri potest pondus aliquod X, quod illi æquilibretur; & similiter potentia S aliquod pondus Z illi æquilibre reperiri potest, quamcumque proportionem habeant R, & S inter se, & qualescumque sint anguli ACD, & BCD; Ergo duæ potentia R, S æquilibrari possunt aggregato duorum ponderum X, & Z. Patet etiam, quod tria fila AC, BC, & EC retineri possunt in vno plano, & in duobus ad inuicem inclinatis; dummodò in vtroque casu punctum C mobile supponatur per directionem DCE: sequitur, quod potentia R ad X, cui æquilibratur, sit, vt AC ad CD, & similiter potentia S ad Z erit, vt MC ad CO, vt priùs.

Cap. 13.
Lemma 1.
pro multis
sculis obli-
què tra-
hentibus.

cEx prop.
64. huius.

DIGRESSIO.

Quia Stevinus, & Herrigonius, & alij viri doctissimi alia longè diuersa via hanc eandem propositionem se demonstrasse putant, cogor paucis innuere rationes, quibus methodum à viris præclaris seruata, non omninò tutam, & legitimam censuerim. Estque Herrigonij propositio hæc, sed aliter, & clariùs ostensa. Tab. 7. Fig. 8.

Si idem pondus T pendulum sustineatur à duabus potentijs R, & S obliquè trahentibus funes AC, BC, & à quolibet puncto D pendulæ diametri DCK ponderis T ducantur DM parallela BC, & DN parallela ipsi AC. Ait, quod potentia absoluta R ad T, est, vt MC ad CD; atque potentia S ad T est, vt NC ad CD; & proinde R ad S erit, vt MC ad CN; & R, & S simul

Cap. 13.
Lemmata
pro mu-
fculis ob-
liquè tra-
hentibus .

simul ad T erunt, vt MC, & CN simul ad CD.

Ob maiorem suæ demonstrationis euidentiā supponit Herrigonius, quod pondus T sit circulare, cuius centrum C, & pendula diameter DK, & perinde esse ait, si pondus T in æquilibrio suspendatur à duabus potentijs R, & S trahentibus fila AC, & BC obliquè, ac si pondus T fulciretur à duobus planis, vel lineis inclinatis ad horizontem OIG, & VIH tangentibus circulum in punctis O, & V, vbi funium directiones ACV, BCO pertingunt; & tunc ait, quòd vis, qua premitur planum OIG, æqualis est potentiæ absolutæ S; & vis, qua premitur planum VIH æqualis est potentiæ R. Remoucantur iam potentia S, & planum VIH, & intelligatur pondus T innixum in O super planum inclinatum OIG, & retentum in tali situ, nè deorsum dilabatur à potentia R trahente funiculum CA; & ducantur CL parallela plano inclinato GO, & GH parallela horizonti, atque IP perpendiculari ad horizontem GH, quia DL parallela supponitur ipsi BO, & CL parallela plano GO; ergo angulus DLC æqualis est angulo BOG recto, & idèd angulus L rectus est, & æqualis recto angulo P. Præterea DC, & IP sunt parallelæ, cum sint perpendiculares ad horizontem, & LC parallela quoque est ipsi OIG; ergo anguli DCL, & GIP æquales inter se sunt. Quare triangulum DCL simile est triangulo rectangulo GIP; & DC ad CL est, vt GI ad IP. Innititur verò pondus T super planum inclinatum OG; ergo pondus absolutum T ad eius momentum in tali plano ^a est, vt GI ad eius sublimitatem IP, seu vt DC ad CL. Porro si potentia R traheret pondus T per directionem CL parallelam plano GO esset planè potentia R æqualis momento

^a Schol.
prop. 63.
huius.

mento ponderis T in eodem plano OG constituti; At quia id ipsum sustinet trahendo funem per directionem CA ; Infert Herrigonius cum Steuino, quod potentia absoluta R ad pondus absolutum T se habet, vt MC ad CD , quod nescio, an ab eis demonstratum fuerit. Poterit tamen suppleri hac ratione. Ducta OQ perpendiculari ad CA , quia duo anguli LCM , & MCB rectum faciunt, pariterque duo anguli MCB , seu QCO , & COQ rectum complent, ergo ablato communi MCO , seu æqualibus MCB , QCO erunt duo anguli LCM , & COQ æquales inter se, suntque duo anguli L , & Q recti; Igitur triangu-
la LCM , & QOC similia sunt, & ideo LC ad CM erit, vt QO ad OC : Verum, quia pondus T suspenditur in C termino vectis CO , cuius punctum fixum O , & C mobile est per directionem LC parallelam plano inclinato OG , & trahitur obliqua directione CA à potentia R , quæ agit æquali momento, non contra absolutum pondus T , sed contra vim, quam exercet in dicto plano inclinato, nempe contra eius momentum mensuratum à CL , quare momentum ipsius T ad absolutam potentiam R erit, vt OQ distantia directionis CA ad CO vectis longitudinem, seu vt LC ad CM ; erat autem prius pondus absolutum ipsius T ad eius momentum in plano inclinato OG constitutum, vt DC ad CL ; Igitur ex æquali pondus absolutum T ad potentiam R erit, vt DC ad CM . Eodem progressu ostendetur, quod pondus T ad potentiam S eandem rationem habet, quam DC ad NC . Quapropter potentia R ad S erit, vt MC ad NC , & pondus T ad duas potentias R , & S erit; vt DC ad MC , & CN simul sumptas.

Cap. 13.
Lemma
pro mu-
sculis ob-
liquè tra-
hentibus.

Aliter hanc eandem propositionem insignis Geometra
neote-

Cap. 13.
Lemmata
pro mu-
sculis ob-
liquè tra-
hentibus .

b Tab. 7.
Fig. 9.

c Prop. 13.
huius .

neotericus demonstrat ^b. Descripto parallelogrammo DMCN, circa diametrum DC cadant ex A, & B perpendiculares ad funes BC, AC productos, quæ sint AE, & BF; & quia duæ potentiaë R, S, & pondus T quiescunt in æquilibrio; Ergo perindè linea, seu virga CA firmiter retinetur in A, nè decingat, ac si, amota potentia R, figeretur clauo A, & tunc terminus C eiusdem virgæ AC trahitur deorsùm à pondere T per directionem DC, fursùm verò suspenditur à potentia S per directionem BCE, et quiescunt potentiaë S, et T æquilibrataë; ergo earum momenta æqualia sunt, atque pondus absolutum T ad eius momentum, seu ad ei æquale momentum ipsius S est, vt CA ad DA ^c; et momentum S ad eius potentiam absolutam est, vt EA ad AC; ergo ex æquali perturbata, vt pondus absolutum T ad potentiam S, ita est EA, ad DA, seu sinus anguli ACE, vel DNC ad sinum anguli ACD, vel CDN, neipè ita est DC ad CN. Eodem ratiocinio ostendetur, quod potentia absoluta R ad pondus T est, vt MC ad CD: quare potentia R ad S est, vt MC ad CN; et duæ potentiaë R, et S simul sumptæ ad resistantiam T erunt, vt duæ MC, et NC simul ad DC.

Colligitur ergo ex his duabus demonstrationibus; quòd quotiescumque duæ potentiaë trahendo duo fila obliquis directionibus sustinuerint idem pondus, et cum eo æquilibrataë fuerint; necessariò quælibet duarum potentiarum ad pondus suspensum erit, vt latus conterminale parallelogrammi à filis comprehensi circa pendulam diametrum directionis ponderis ad eandem diametrum parallelogrammi.

Et è conuerso, quoties facta eadem parallelogrammi descriptione, supposito, quòd quælibet potentia-

rum

rum ad pondus suspensum eandem proportionem habeat, quam latus conterminale eiusdem parallelogrammi ad eius diametrum: tunc duæ potentiaë æquilibrari debent cum pondere suspenso.

Cap. 13.
Lemmata
pro mu-
sculis ob-
liquè tra-
hentibus.

Harum propositionum primam in illa vniuersalitate absque determinatione pluribus momentis suspectam, & fallacem reputo. Secundam, & particularem verissimam esse censeo, quam demonstrari posse mea methodo mox ostendam in Tab. 7. Fig. 10.

Descripto parallelogrammo DGCH circa diametrum DC directionis ponderis T, & ductis GL, & ADB perpendicularibus super DC; Supposito, quòd potentia R ad pondus T sit, vt GC ad CD, & S ad T sit, vt CH, vel GD ad DC; Dico, quòd duæ potentiaë R, & S filis obliquis AC, CB sustinebunt æquali momento in tali situ pondus T. Amoto pondere T, substituat in E pondus X, quod æquilibretur potentiaë R, addaturque in E aliud pondus Z, quod æquilibretur potentiaë S; patet^a R ad X esse, vt AC ad CD, seu vt GC ad CL (ob parallelas AD, GL): pariterque potentia S ad Z erit, vt BC ad CD, seu vt CH, vel ei æqualis GD ad DL (ob similitudinem triangulorum BDC, & GLD); quare potentia R ad duas resistentias X, & Z erit, vt GC ad CL, & LD simul sumptas, scilicet ad integram CD; Erat autem ex hypothesi R ad T, vt eadem GC ad CD; Ergo R eandem proportionem habet ad X, & Z simul sumptas, quam ad T; & ideo pondus T æquale erit ponderibus X, Z; manebant autem potentiaë R, & S æquilibrataë cum ponderibus X, & Z; Igitur eadem potentiaë R, & S similiter dispositaë æquilibrium efficient cum resistentia ponderis T æquali ipsis X, & Z, & alligati eidem filo CE, quod erat ostendendum.

^aEx prop.
64. huius.

S

Sed

Cap. 13.
Lemmata
pro mu-
sculis ob-
liquè tra-
hentibus.

b Prop.
68. huius
eiusque
Schol.

Sed licèt hæc particularis propositio vera sit, non tamen de eius conuersa vniuersali id ipsum affirmari potest; quod euincitur ex demonstratis ^b, de cuius firmitudine dubitare posse neminem puto. Ostensum enim est, quòd duæ potentix R, & S obliquè sustinendo pondus T, cum eodem æquilibrari possunt, licèt R ad S habeat quamcumque proportionem; & proindè maiorem, aut minorem ea, quam GC habet ad CH, & licèt duæ potentix R, & S simul sumptæ ad pondus T habeant quamcumque diuersam proportionem ab ea, quam GC, & CH simul sumptæ habent ad CD.

Porro nedum demonstratiua certitudine, sed etiam euidenti experientia hæc mea sententia confirmari potest. Tab. 7. Fig. II.

Circa duos clauos leuigatos, & lubricos, vel circa duas trochleas A, & B in horizontali AB affixas, extenso filo vtrinque tracto à duobus ponderibus inter se æqualibus R, & S, deprimatur punctum eius C, tracto filo EC in C alligato, ita vt angulus ACD factus à filo, & à CD productione ipsius EC perpendiculari ad AB minor sit angulo BCD, & descripto parallelogrammo DGCH circa diametrum CD, erunt anguli alterni GDC, & DCH æquales inter se, & idcò vterque maior erit angulo GCD; & proindè in parallelogrammo GH latus GC maius erit latere GD, seu CH, & facta CF æquali ipsi GC, ducantur FO, & GL parallelæ ipsi ADB; & reperiatur pondus T, ad quod R eandem proportionem habeat, quam GC ad duas LC, & OC simul sumptas, & suspendatur pondus T ex termino E fili EC, tunc experientia constat, prædicta tria pondera quiescere æquilibrata, quod ex Arrigonij demonstratione esset impossibile; oporteret enim, vt
pondus

pondus R maius effct, quàm S in proportionē GC ad CH; insuper pondus T minus iusto esse deberet, mensuratum scilicet ab ipsa DC, non verò ab LC, & OC, & hoc sexcentis alijs modis repugnantibus sententiæ Arri-
gonij experiri potest, vt si pondus T æquale sit ipsi R, vel S æquilibrium efficiatur

Anguli

ACD

BCD

G		G	
14	. 4	88	. 17
34	. 55	79	. 38
44	. 16	73	. 30
45	. 44	72	. 25
54	. 54	64	. 51
60	. 0	60	. 0

Cap. 13.
Lemmata
pro mu-
sculis ob-
liquè tra-
hentibus.

existentibus angulis inæqualibus, vt apparet in hac tabella. Vndè euincitur eius methodum fallacem esse.

Modo allucinationis causam, & originem indicare erit operæ pretium, estque suppositio falsa, & impossibilis, scilicet quòd vterlibet terminorum funis A, vel B, vt centrum vectis fixum vsurpari possit, & quòd vna potentiarum R, vel S æquetur momento totius resistantiæ T, quod erroneum esse ostendemus hac ratione. Tab.7. Fig.12.

Sit A centrum fixum fune penduli, vel virgæ ferreæ AC, patet, quòd pondus T in C alligatum mobile est per circumferentiam circuli radio AC descripti, & ideò perindè se habet pondus T, ac si inniteretur super planum inclinatum NIC extensum per tangentem circulum prædictum in C; & tunc ducta perpendiculari IL ad LC horizontalem; patet^a, quòd pondus T ad eius momentum in tali plano inclinato, est vt IC ad IL, & ad vim, qua idem T innititur, & comprimit idem planum IC; est vt IC ad LC^b: sed vis, qua pondus T fulcitur à plano IC, æqualis est vi potentiæ R, quæ id sustinendo in eodem situ, fulcientis plani vi-

^aEx Schol.
prop. 63.
huius.

^bProp.42
de Viper-
cussionis.

Cap. 13.
Lemmata
pro mu-
sculis ob-
liquè tra-
hentibus.

cem supplet. Ergo pondus T ad potentiam R se habet, vt IC ad LC ; & quia anguli LCD , & ICK sunt æquales, nempè recti, ablato communi ICD , erunt anguli ICL , & DKC æquales, & ducta DK perpendiculari ad AC erunt anguli L , & K recti, & idè triangula ILC , et DKC similia erunt; Ergo, vt IC ad IL , ita erit DC ad DK , & vt IC ad LC , ita erit DC ad CK . Quare DC erit mensura absoluti ponderis T , & DK eius momenti, atque CK indicabit potentiam R .

Postea, quia potentia S agit æquali momento, non contra integrum pondus T , sed contra eiusdem momentum DK , quod exercet in plano inclinato IC , trahiturque directione obliqua per CB ; Ergo, vt in restitutione propositionis Herrigonij ostendimus, absoluta potentia S ad resistentiam T in plano inclinato IC constitutam, seu ad ipsius T , momentum DK est, vt OC ad CN parallelam, & æqualem ipsi DK ; Quare potentia absoluta S mensuratur ab ipsa CO , et potentia R ab ipsa CK , atque pondus T ab ipsa CD .

c Tab. 7.
Fig. 13.

Ductis deinde c DM parallela BC , et DP perpendiculari ad BC , patet primò, quod in hac methodo, supposito puncto B fixo, potentia S mensuratur à PC , non verò à maiori OC , vt in primò casu; et potentia R mensurabitur ab MC , non verò à minori KC , vt priùs. Secundò in illa Herrigonij demonstratione potentia S mensurabatur ab OC , et potentia R ab MC mensurabatur, manente in vtraque methodo semper DC mensura ponderis T .

Et hæc quidem contingunt, supposito, quòd sigillatim termini A , et B funium AC , vel BC fixi sint, et funes sint vectes, vel virgæ conuertibiles circa clauos A , et postea B .

Sup-

Supponamus ^d modò, quòd idem pondus T sustineatur à duobus funiculis AC, & BC, qui simul tempore affixi sint clavis in centris A, & B. Hoc profectò perindè est, ac si pondus T fulciretur à duobus planis inclinatis CK, & CG tangentibus circulos radijs AC, & BC descriptos; Et tunc pondus T dum moveri niteretur per duas rectas inclinatas CK, & CG cogeretur moveri, aut nifum exercere per diagonalem CO secantem angulum GCK bifariam. Quare supponendum est, pondus T sustentari à plano inclinato CO, super quod vim suæ gravitatis, & compressionis exercerbit; Igitur ex mechanicis pondus absolutum T ad eius momentum in plano inclinato CO erit, vt CO ad CP; Et ^e idem pondus absolutum T ad vim, quæ comprimit planum CO eandem rationem habebit, quam CO ad OP, seu (ducta DX perpendiculari ad OCX productam) eandem rationem, quam habet DC ad DX. At quia vis, quam patitur planum CO à compressione ponderis T æqualis est viribus ambarum potentiarum R, & S, quæ sustinendo idem pondus in tali situ plani CO inclinati vicem suppleant; Ergo pondus absolutum T ad duas potentias R, S simul sumptas, eandem rationem habet, quam CO ad OP, seu quam DC ad DX. Hoc autem ne dum est euidenter falsum, sed etiam contra eosdem præclaros auctores, qui censent pondus T ad duas potentias R, & S esse, vt DC ad MC, & CN simul sumptas, quæ multò maiores sunt, quam DX, vt facillè ostendi potest.

Si igitur hi progressus essent legitimi, cum omnes vrantur eadem hypothefi, quòd scilicet puncta A, & B figillatim, vel coniunctim sint fixa, & funes, non secus, ac vectes similiter situati, & inclinati sustineant idem

Cap. 13.
Lemmata
pro mu-
sculis ob-
liquè tra-
hentibus.

d Tab. 7.
Fig. 14.

e Ex prop.
42. de Vi
percussio-
nis.

Cap. 13.
Lemmata
pro mu-
sculis ob-
liquè tra-
hentibus.

idem pondus T , necessariò deberet ex eis eadem conclusio deduci, quòd nimirum potentia R , & S haberent tum inter se, tum ad pondus T vnā, eandemque proportionem, non diuersas, & inæquales inter se; cumque hoc non contingat, fatendum est, latere in hisce processibus aliquod vitium, quod cum non oriatur ex fallaci argumentatione, nec quicquam assumptum sit, præceptis mechanicis repugnans, necesse est, vt suppositio ipsa possibilis non sit, nec vera; quòd nimirum duo termini funium A , & B sigillatim, vel coniunctim, vt centra fixa vectium vsurpari possunt, & quòd sola potentia R , vel sola potentia S æquari possit momento totius resistentia T .

Et profectò quando à potentijs R , & S sustinetur in æquilibrio idem pondus T , tractionibus obliquis, singula fila ab oppositis potentijs trahuntur, & ideo, licet potentia sint æquilibratae, & actu ab vno loco ad alium non transferantur, saltem procliuitas ad motum eis negari non potest; immò, cum quies illa non sit iners, sed resultet ex oppositis tractionibus, constituent motum quemdam tonicum, qui in omnimoda quiete concipi non potest, vt alibi ostendi. Ex hoc inquam motu tonico sequitur, vt punctum, seu vinculum funium C , procliue quoque sit ad motum, qui non per aliam semitam exerceri potest, quàm per directionem CE f per quam tractio ponderis T exercetur; Ex ipsius verò vinculi C procliuitate ad motum per directionem CE , sequitur, quòd sola potentia R , vel sola potentia S , non possit æquilibrari cum integra resistentia T , vt Herrigonius supponit, sed cum eius portione g . Quapropter ædificium huic falso fundamento innixum, fragile omninò erit.

Sed

f Tab. 7.
Fig. 10.

g Prop. 68.
huius.

Sed omiffa hac proluxa digreffione, redeo ad inftitutum.

Cap. 13.
Lemma 2a
pro mu-
feulis ob-
lique tra-
hentibus.

P R O P O S. LXX.

Si idem pondus fuffineatur æqualibus momentis à pluribus, quàm duabus potentijs obliquè trahentibus totidem fila in eodem plano, vel in diuerfis exiftentia, & punctum concursus funium mobile fit fecundùm directionem refiftentiæ: potentiæ ad refiftentiam erunt, vt longitudines filorum proportionales potentijs conterminalibus ad earum fublinitates. Tab. 8. Fig. 1.

Pondus T fuffineatur æqualibus momentis à potentijs R, S, & Q obliquè trahentibus funes AC, BC, & FC, quæ in vno, vel diuerfis planis iaceant; & punctum concursus C procliue fit ad motum per directionem DCT, & vt R ad S, & ad Q, ita fiat AC ad CE, & CG; & ex A, E, & G ducantur AD, EI, & GH perpendiculares ad directionem DCT. Dico, quòd potentiæ R, S, & Q ad refiftentiam T erunt, vt AC, EC, & GC fimul fumptæ ad earum fublinitates CD, CI, & CH fimul; Quia omnes potentiæ R, S, & Q fuffinent idem pondus T æquali momento, & punctum concursus funium C mobile eft per directionem DCT; ergo^a quælibet earum æquilibratur portioni ipsius T, fcilicet R ipfi X, S ipfi V, & Q ipfi Z. Quare^b potentia R ad X erit, vt AC ad CD, S ad V erit, vt EC ad CI, atque Q ad Z erit, vt GC ad CH; funtque antecedentes proportionales, fcilicet R, S, & Q & AC, EC, & GC. Igitur omnes potentiæ R, S, & Q fimul fumptæ ad omnes X, V, & Z, feu ad refiftentiam T erunt, vt omnes

a Prop. 63.
huius.

b Prop.
66. & 69.
huius.

nes

Cap. 13.
Lemmata
pro mu-
sculis ob-
liquè tra-
hentibus.

nes AC, EC, & GC simul ad earum sublimitates DC, IC, et HC simul sumptas. Quod erat ostendendum.

C O R O L L A R I U M.

Patet, quòd si omnes potentiae inter se, atque omnes inclinationes earum inter se fuerint aequales; tunc omnes potentiae ad resistantiam erunt, vt vnus fili longitudo ad eius sublimitatem. Quia existentibus omnium filorum inclinationibus inter se aequalibus, erunt anguli omnes ACD, BCD, & FCD inter se aequales; & ideo omnia fila existent in superficie vnus Coni recti, cuius axis erit CD directio fili resistantiae T; Præterea, cum omnes potentiae R, S, & Q supponantur aequales, erunt quoque longitudines filorum eisdem proportionales, aequales inter se; et earum sublimitates etiam aequales erunt inter se, & vni CD, ob angulorum aequalitatem; et ideo omnes longitudines filorum simul sumptæ ad omnes sublimitates earum, seu potentiae R, S, et Q ad resistantiam T erunt, vt vna AC ad vnâ CD.

P R O P O S. LXXI.

Si idem pondus sustineatur aequalibus momentis à quatuor, vel pluribus potentijs trahentibus fila ex utroque latere colligata longitudini eiusdem fili, à quo resistantia pendet, quòd filum mobile sit secundum eius directionem, et potentiae vnus lateris aequales inter se sint, et trahant fila æquidistantia, idem pariter supponatur de potentijs, et filis alterius lateris; Omnes potentiae ad resistantiam erunt,

vt

vt duo fila in vtroque latere sumpta proportionalia potentij collateralibus ad duas earum sublimitates. Tab.8. Fig.2.

Cap.13.
Lemmata
pro mu-
sculis ob-
liquè tra-
hentibus :

Pondus T sustineatur æqualibus momentis à pluribus potentij R, V, Z, S, X, & Y, quarum primæ vnus lateris R, V, Z sint inter se æquales, & trahant fila AC, HE, KF parallela inter se, alligata filo DCF, ex quo resistentia T pendet: secundæ S, X, Y sint etiam æquales inter se, & trahant fila BC, IE, &c. alteriùs lateris parallela inter se alligata eisdem punctis C, E, & F; Sitque filum CEF mobile secundum directionem DCFT; & fiat vna AC ad vnam CB, vt potentia R ad potentiam S, & ductis AD, & BG perpendicularibus ad DCF. Dico, quòd omnes potentie R, V, Z, S, X, Y simul sumptæ ad resistentiam T se habent, vt AC, & BC simul sumptæ ad duas sublimitates DC, & GC simul. Quia omnes potentie R, S, V, X, Z, & Y simul agendo sustinent pondus T, & cum eo æquilibrantur; suntque puncta concursuum C, E, & F, seu filum CFT mobile per eandem directionem; Ergo ^a quælibet potentiarum æquatur momento, seu æquilibratur portioni ipsius T, scilicet R æquilibratur ipsi L, V ipsi M, Z ipsi N, B ipsi O, X ipsi P, & sic vterius. Quare ^b potentia R ad resistentiam L erit, vt AC ad CD. Postcà secta HE æquali ipsi AC, & ducta Hg perpendiculari ad DCF, patet triangula ACD, & HEG similia esse, ob æquidistantiam AC, HE, & AD, Hg; & ideò, vt AC ad CD, ita erit HE ad Eg; eruntque DC, & Eg æquales quoque inter se; & quia potentia V ad resistentiam M, cui æquilibratur, est vt HE ad Eg, quare V ad M, erit, vt eadem AC ad eandem DC. Eadem

^aEx prop.
68. huius.

^b Prop.
66. & 69.
huius.

T

ratione

Cap. 13.
Lemmata
pro mul-
sculis ob-
liquè tra-
hentibus .

ratione potentia Z ad ei æquilibrem resistantiam N erit, vt AC ad CD , eo quòd potentia Z æqualis est ipsi A , & KF parallela est ipsi AC : vndè sequitur, quòd omnes potentia R , V , & Z simul sumptæ ad resistentias L , M , & N simul, eandem rationem habeant, quam AC ad CD . Postea, quia potentia S , & X , & Y æquales supponuntur inter se, & earum directiones BC , IE , aF sunt parallelæ; ergo vt potentia S ad resistentiam O , cui æquilibratur: ita quoque erit potentia X ad ei æquilibrem resistantiam P , & ita quoque erit Y ad Q , & omnes S , X , & Y ad omnes O , P , & Q erunt, vt vna S ad vnam O , estque S ad O , vt BC ad CG ; ergo omnes potentia S , X , & Y simul sumptæ, ad omnes O , P , Q simul erunt, vt BC ad CG , & antecedentes proportionales sunt. Igitur colligendo omnes, potentia R , V , Z , S , X , & Y simul ad omnes resistentias L , M , N , O , P , Q , scilicet ad T erunt, vt duæ AC , CB simul ad duas sublimitates DC , & GC simul sumptas, & potentia vnus lateris R , V , Z , ad resistentiam T erunt, vt AC ad duas DC , & GC simul, quæ ostendenda fuerant.

C O R O L L A R I V M.

Deducitur etiam, quòd si omnes potentia vtriusque lateris, earumque inclinationes, æquales inter se fuerint, omnes potentia ad communem resistentiam erunt, vt vna fili longitudo ad eius sublimitatem.

Si enim singulæ potentia vnus lateris R , V , Z sint æquales, ne dum inter se, sed etiam singulis potentijs alterius lateris S , X , Y , atque omnes anguli inclinationum sint æquales, vt ACD æqualis sit BCD , & sic cæteri

teri omnes; manifestum est, quòd vnaquæque poten-
tia R ad L portionem resistentiæ, cui æquilibratur, est
vt AC ad CD. Quare omnes potentiæ simul ad om-
nes resistentias erunt, vt vna ad vnâ; vndè patet pro-
positum.

Cap. 13.
Lemmata
pro mu-
sculis ob-
liquè tra-
hentibus.

P R O P O S. LXXII.

Si eadem virga vniformiter grauis, in situ horizontali
sustineatur æqualibus momentis à pluribus poten-
tijs trahentibus fila, in eodem plano existentia, quo-
rum medietas sit ad easdem partes inclinata, trahan-
turque ab æqualibus potentijs; pariterque altera fi-
lorum medietas tracta à potentijs inter se æqualibus,
sit æquè ad partes oppositas inclinata: erunt omnes
potentiæ ad resistentiam, vt filorum inæqualiter in-
clinatorum duæ longitudines proportionales ipsis
potentijs ad earundem sublimitates. Tab. 8. Fig. 3.

Sit Columna TV vniformiter grauis, & æquè cras-
sa mobilis per directionem perpendicularem ad eius
longitudinem TV in plano horizontali extensam; &
singula longitudinis eius puncta c, c, c, media cylindro-
rum æqualium, in quibus tota columna TV diuisa in-
telligi debet, trahantur à binis potentijs R, & S me-
diantibus duobus filis Ac, & BC, quæ omnia fila in
eodem plano erecto ad horizontem iaceant; sintque
omnes potentiæ R, r, r æquales inter se, & fila omnia
Ac, ac, ac ab eis tracta, sint parallela inter se, & æquè
inclinata ad partes F; pariterque omnes potentiæ S, s, s
sint inter se æquales, & trahant fila BC, bc, bc in eo-
dem cum illis plano existentia, parallela inter se, &
æquè inclinata ad partes H; Postea, vt vna æqualium

Cap. 13. potentiarum R ad vnam potentiam S pariter inter se
 Lemmata æqualium, ita fiat vna æquidistantium filorum longi-
 pro mu- tudo AC ad vnam longitudinem BC; & à punctis A,
 sculis ob- et B, cadant AF, et BH perpendiculares ad longitudi-
 hentibus. nem columnæ FcH. Dico, quòd omnes potentiæ
 R,r,r vnà cum omnibus potentijs S,s,s ad communem
 resistantiam columnæ TV eandem proportionem ha-
 bent, quam duæ filorum longitudines Ac, et BC, ad
 duas earum sublimitates AF, et BH. Quia binæ quæ-
 libet potentiæ R, et S duobus filis obliquis AC, Bc
 eidem puncto medio cylindruli c alligatis, sustinent
 id ipsum cylindrum æqualibus momentis, estque
 punctum c mobile per directionem perpendicularem
 ad horizontalem FcH; Ergo a duæ potentiæ R, et S
 aEx Prop: duobus filis obliquis Ac, BC eidem puncto medio cy-
 69.huius. lindruli c alligatis, sustinent id ipsum cylindrum
 æqualibus momentis, estque punctum c mobile per
 directionem perpendicularem ad horizontalem FcH;
 Ergo b duæ potentiæ R, et S ad resistantiam cylindru-
 li c ab eis sustentati, erunt, vt duæ longitudines Ac,
 et BC ad earum sublimitates AF, BH simul sumptas;
 Idemque verificatur in reliquis potentijs æquilibratis
 cum reliquis cylindrulis; Igitur, vt vna potentiarum
 coniugatio ad vnam resistantiam, scilicet, vt AB, BC
 simul, ad AF, BH simul, ita sunt omnes potentiarum
 coniugationes ad omnia cylindrula, scilicet ad colum-
 nam TV. Quod erat ostendendum.

C O R O L L A R I V M.

Constat etiam, quòd si omnes potentiæ vtriusque
 lateris,

lateris, earumque inclinationes filorum, æquales inter se fuerint : Omnes potentix ad communem resistantiam columnæ erunt, vt vna filorum longitudo ad eius sublimitatem .

Cap. 13.
Lemmata
pro mu-
sculis ob-
liquè tra-
hentibus .

Si enim singulæ potentix ad finistram partem trahentes R, r, r, sint æquales, ne dum inter se, sed etiam singulis potentijs S, s, s, ad dexteram partem trahentibus, atque omnes anguli inclinationum filorum, vtriusque lateris sint æquales inter se, vt quilibet anguli ACF æquales sint tum inter se, tum angulis singulis BCH; patet, quòd quælibet potentia R, vel S ad semissem resistantiæ cylindruli C, cui æquilibratur, eandem proportionem habet, quam vna longitudo AC ad eius sublimitatem AF, vel quam longitudo BC æqualis AC ad sublimitatem BH æqualem ipsi AF; quapropter potentix R, r, r, & S, s, s simul sumptæ ad omnes resistantias, seu ad columnam TV erunt, vt vna longitudo AC ad vnâ sublimitatem AF.

PROPOS. LXXIII.

Si idem pondus sustineatur æqualibus momentis à pluribus potentijs inter se æqualibus, trahentibus fila, extensa ad peripheriam quadrantis circuli, sitque concursus filorum mobilis per directionem resistantiæ: omnes potentix ad resistantiam erunt, vt omnes filorum longitudines inter se æquales ad eorum sublimitates. Tab. 8. Fig. 4.

Pondus T sustineatur æqualibus momentis à pluribus potentijs inter se æqualibus R, V, X, Z, S, &c. trahentibus fila AG, BH, FI, ZK, ML, &c. extensa ab vna quadrantis peripheria GKL ad ei concentricum, & similiter

militer positum quadrantem ADM, ita ut eorum concursus fiat ad punctum C terminum directionis CE, & ductis ad ECD directionē resistentiæ T perpendicularibus AN, VO, XP &c. erunt NC, OC, PC &c. sublimitates æqualium longitudinum filorum. Dico, potentias omnes inter se æquales R, V, X, &c. ad communem resistentiam T, cui æquilibrantur, eandem proportionem habere, quam longitudines filorum AC, VC, XC, &c. ad eorum sublimitates NC, OC, PC, &c. hoc enim facillè ostendetur, ut in prop. 70. factum est.

PROPOS. LXXIV.

Si idem pondus sustineatur æqualibus momentis à pluribus potentijs inter se æqualibus, trahentibus fila extensa ad superficiem sectoris sphaerici quadrantalibus, & concursus filorum, mobilis sit per directionem resistentiæ: omnes potentiæ ad resistentiam erunt, ut omnes filorum longitudines, inter se æquales ad eorum sublimitates.

Hoc, eodem modo demonstratur, ac præcedens propositio.

De musculis obliquè trahentibus, varia structura, & actione.

C A P V T XIV.

HActenus considerauimus flexiones articulorum, quæ à musculis ex fibris inter se æquidistantibus constant directè trahentibus: modo aliæ flexiones decla-

declarari debent, quæ à musculis radiosus fiunt, quorum vsum haud exactè aliqui perceperunt.

PROPOS. LXXV.

Si musculi radiosus tendo in eodem situ retineri nequeat: fibræ partiales, se contrahendo, non per eandem directionem resistantiam mouebunt. Tab. 8. Fig. 5.

Pondus, vel resistantia R sustineatur à musculo radiofo ACEG, cuius finis BDFG carnosus, vel tendinosus sit amplius, vel si tendo GI extremus, teres fuerit, non retineatur fascijs, vt intra vaginam, vel circa trochleas cogatur moueri, sed liberè hinc indè transferri queat. Dico, quòd si omnes fibræ AB, CD, EF, vel AB, & EF simul, aut solummodò fibræ CD contrahantur, quiescentibus reliquis, resistantia R directè per eandem directionem IGDC mouebitur: Verùm si laterales fibræ AB solummodò contrahantur, reliquis non operantibus, pondus R obliquo motu transferetur per directionem parallelam fibris AB; & quando agunt solummodò fibræ EF, resistantia R obliquè eleuabitur directione parallela ipsis EF. Et primò si fibræ CD in directum positæ ipsi tendini GI, tantummodò agant se contrahendo, remanentibus collateralibus relaxatis, patet, quòd ascensus resistantiæ R per aliam semitam effici non potest, quàm per IGC, per quam tractio efficitur, non impedita à laxis fibris AB, & EF.

Secundò si fibræ obliquæ AB, & EF agant, quiescentibus fibris CD, tunc, si tractiones fuerint æquales, scilicet, si fibræ AB, & EF æquè decurrantur per dire-

Cap. 14.
De muscu-
lis oblique
trahenti-
bus, varia
structura,
& actione.

directiones æquè inclinatas, non poterit punctum concursus G magis trahi versus A, quàm versus E, & ideò mouebitur per diagonalem IGC, bifariam secantem angulum AGE.

Tertiò id ipsum continget fibris CD contractis vnà cum collateralibus; eò quòd actio ipsarum CD non perturbabit, sed potiùs adiuuabit actionem fibrarum AB, & EF.

Quartò agant solummodò fibræ AB, otiantibus scilicet, & laxis remanentibus fibris CD, & EF, manifestum est, punctum concursus G cum annexa resistentia R, obliquo motu trahi debere per directionem GBA à G versùs A, ad quem terminum trahitur, dum tendo GI non retinetur, nec impeditur, quin vbilibet transportari possit; non secùs, decurtatis tantummodò fibris EF, punctum G cum R ascendet per obliquam directionem GFE à G versùs E. Quare patet propositum.

P R O P O S. LXXVI.

Si musculi radiofi tendo teres canali, seu vaginæ inclusus, vel trochlea, aut fascia in eodem situ retineatur. Resistentia semper per eandem directionem tendinis mouebitur, siue omnes, siue aliquæ solummodò fibræ laterales contrahantur. Tab. 8. Fig. 6.

Resistentia R æquali momento sustineatur à musculo radiofo ACEG trahente teretem tendinem DGI, qui tendo fibris, aut fascijs G, O, in eodem situ DGI retineatur. Dico, quòd siue solummodò fibræ AB contrahantur, non operantibus musculis CD, & EF, siue

Cap. 14.
De muscu-
lis obliquè
trahenti-
bus, varia
structura,
& actione.

siuè solummodò CD, aut EF, siuè omnes simul trahant, semper resistentia R per eandem directionem DGI mouebitur. Quia tendo DGI fibulis, aut fascijs G, O, in eodem situ retinetur; Igitur dum trahitur ob contractionem musculorum omnium, vel vnus AB, tendo recedere non potest à canali, vel à vagina GO. Igitur siue omnes fibræ AB, CD, EF agant, siuè solummodò AB, reliquis laxis remanentibus, semper resistentia R per eandem directionem GI mouebitur.

Hoc verificatur in musculis tibiam extendentibus, qui licèt sint amplii, & fibræ ad opposita latera spargantur obliquè, & omnes contrahantur, siue aliquæ tantummodò, quiescentibus reliquis, semper vnica motio directâ consequitur, quæ est tibiæ extensio; sic quoque musculus temporalis, cuius fibræ sphericè sparguntur, vnica tantummodò mandibulæ inferioris tractionem efficiunt, licèt aliquæ fibræ tantummodò operari supponantur; & ratio est, quia eorum tendines in genu, atque sub osse iugali firmitèr veluti circa trochleam retinentur. Idem contingit in omnibus alijs musculis, quorum tendines per trochleas, seu annulos, aut fascias membranosas, veluti intra vaginas excurrunt, vt sunt omnes flectentes, & extendentes articulos crurum, & digitorum, præcipuè auium, & testaceorum, in quibus muscoli intra cavitates ossium implantati, & alligati sunt, quorum fibræ radiose, vel penniformes ab vnica linea tendinosa discedunt.

Hinc colligi potest, quòd, quando agunt simul omnes fibræ eiusdem musculi radiose, maius pondus suspendere possunt, quàm si aliquæ fibræ eiusdem musculi tantum vim exercerent, reliquis non operantibus;

Cap. 14.
De muscu-
lis oblique
trahenti-
bus, varia
structura,
& actione.

bus; dummodò quælibet ex dictis fibris vim exerceat determinati, & eiusdem gradus. Cum aliundè non sit impossibile, ut in eisdem fibris, imperio voluntatis, aut necessitate aliqua applicari possit maior, aut minor vis motiua, cum videamus ab eisdem musculis cubitum flectentibus v. g. sustineri pondus lib. 20, eadem brachij situatione, qua sustinetur pondus vnus vniciæ, cum quo pariter æquilibratur vis eorundem musculorum; sed hæc melius exponentur suis locis.

P R O P O S . LXXVII.

Structuram musculorum penniformium, eorum actionem, & vires indagare.

Tab. 8. Fig. 7.

Dari in animali musculos penniformes, autopsia constat eidentissimè in cancris, & gammaris, estque eorum forma similis figuræ annexæ ABFDCH; cuius perimenter BAHCD est firmus, ossæus nempe, vel cartilagineus, & in alijs animalibus tendinosus, aut membranofus, huic perimetro annectuntur fibræ musculosæ duplici ordine, sinistra HABFG, dexteræ HCDFG, quæ alligantur termino intermedio FEG; prolongato versus I, H, constituentes angulos BFG, & DFG, ut plurimum æquales inter se, quarum laterales partes HABFG, & HCDFG constant ex fibris æquidistantibus inter se; Omnes tamen fibræ sunt columnares, crassæ, se mutuò tangentes, æquali laxitate, & mollietie. Annectitur postea termino E tendinis mobilis GFE pondus, vel resistentia ossis articulum constitutis, quod à vi muscoli trahitur, sustentaturque. Et licet extremitates supremæ AHCI penniformium musculorum

seulorum videantur quodammodò componi ex fibris radiosis, attendenti tamen patebit, hoc verum non esse, nam tendo intermedius EFG, cui capillitia rhomboidalia fibrarum collateralium alligantur, non prolongatur in directum, vsque ad summitatem musculi H, sed definit in I, & reliqua pars IH non tendinosa, sed fibra est carnosa, cui adnati sunt duo ordines fibrarum ferè æquidistantes reliquis rhomboidalibus fibris, vt in pennis auium obseruamus, & tota triangularis, vel quadrilatera figura AICH, ex fibris composita, trahit fursùm terminum I tendinis IFE.

Cap. 14.
De muscu-
lis oblique
trahenti-
bus, varia
structura,
& actione.

Actio verò totius penniformis musculi valdè quidem differt ab actione hætenùs expositorum muscutorum, qui vnicum fasciculum ex fibris parallelis inter se constituentes, se contrahendo, trahebant resistantiam per eandem directionem earundem fibrarum; At penniformes se contrahendo per directiones tendentes ad partes oppositas laterales, nempe ab FGI versus terminos BA, & versus DC, fit, vt libræ laxæ constituentes æquales acutos angulos AGC, & BFD decurtatæ, & tensæ minùs acutos angulos constituent^a, & proinde trahant transuersali motu terminos tendinis mobilis IGF versus IH vnà cum appensa resistantia R. Quare verò natura suum instinctum, simplicitatem, & facilitatem sectandi in hisce musculis penniformibus reliquerit, suo loco indicabimus.

aEx Prop.
71. huius.

Modo methodum ostendemus, qua vires eorundem musculorum indagantur. Quia momentum virium, quibus contrahuntur fibræ musculi penniformis, tunc æquantur momento resistantiæ, quando potentiæ contrariæ quiescunt æquilibratæ, scilicet, quando vna

Cap. 14.
De muscu-
lis oblique
trahenti-
bus, varia
structura,
& actione.

b Ex Co-
rol. prop.
72. huius.

alteri non praeualet; Ergo quamdiu fibrae musculorum contrahuntur, & resistentia eleuatur, nempe dum fibrarum anguli BFD, AGC augentur, semper momentum musculi maius est momento resistentiae R; & ideo in illa laxa fibrarum inclinatione AGC, potentia musculum contrahens ad resistentiam R maiorem proportionem habebit, quam longitudo fibrarum AG, vel CG ad sublimitatem GK. Verum cum maximè fibrae contractae sunt in fine motus, quando quiescunt in situ AIC, tunc idem pondus, vel resistentia R aequalibus momentis sustinetur à totidem potentijs, quot sunt fibrae ex utroque latere resistentiam oblique trahentes, & tendo FGI mobilis est secundum directionem EFI; Ergo^b omnes potentiae fibrarum, scilicet potentia musculum penniformem contrahens ad resistentiam R erit, ut fibra AI contracta ad eius sublimitatem KI, existentibus potentijs fibrarum aequalibus inter se, & fibris aequè inclinatis. Postea, quia angulus AIK factus à fibris contractis cum tendine mobili EFI semper minor obseruatur tertia parte vnius anguli recti, qualium partium fibra AI est decem, erit eius sublimitas nouem partes ferè. Et ideo qualium partium potentia absoluta apparens, musculum penniformem contrahens, est decem, erit eius momentum, seu resistentia R nouem partes.

Iam ad inueniendam structuram, & actionem radioforum musculorum, praemitti debet hoc lemma.

PROPOS. LXXVIII.

Si idem pondus trahatur duobus filis obliquis, & horum singulis in bina ramificatis à duabus potentijs obli-

obliquis tractionibus, & æqualibus momentis sustineatur; Omnes potentie ad pondus compositam proportionem habebunt ex ratione quatuor filorum ramificatorum proportionalium potentijs ad eorum sublimitates, & ex ratione filorum immediatè trahentium, & proportionalium momentis, quibus trahuntur ad eorum sublimitates. Tab. 8. Fig. 8.

Cap. 14.
De muscu-
lis oblique
trahenti-
bus, varia
structura,
& actione.

Pondus T alligetur duobus filis obliquis BE, & HE, & filum EB subdivisum sit in duo alia fila BA, & BC; pariterque filum EH subdivisum sit in duo alia fila obliqua HG, & HF; atque quatuor potentie A, C, G, & F trahendo obliquis directionibus pondus T, cum eo æquibrentur; & ut potentia A ad C, ita fiat filum AB, ad BC, & ut potentia C ad G, ita fiat BC ad HG, nec non ut potentia G ad F, ita fiat HG ad HF, atque à punctis A, C, G, F ducantur perpendiculares AI, CO, GL, FN ad directiones filorum EBI, EHNL, postea, ut duæ IB, BO ad duas LH, HN, ita fiat longitudo fili BE ad EH, ducanturque BD, & HK perpendiculares ad directionem PED. Dico, quòd omnes potentie A, C, G, F, ad pondus T compositam proportionem habent ex ratione quatuor filorum AB, BC, GH, HF ad eorum sublimitates IB, BO, LH, HN, & ex ratione, quam habent longitudines filorum BE, EH ad eorum sublimitates DE, EK. Quia pondus T sustinetur æqualibus momentis ab illis potentijs, quæ trahunt fila BE, EH, quæ sunt A, C, G, F; ergo duæ potentie A, C æquibrentur portioni ipsius T, quæ sit X; & potentie G, F æquibrentur reliquæ portioni Z; Postea amota resistentia X substituatur resistentia M, quæ trahendo funem BE per directionem IBE æquibretur eisdem poten-

Cap. 14.
De muscu-
lis oblique
trahenti-
bus, varia
structura,
& actione.

^aEx Prop.
69. huius.

^bProp. 64.
huius.

potentij A, C , estque punctum concursus B mobile per directionem IBE , & ut potentia A ad C , ita fuit AB ad BC . Ergo ^a duæ potentia A, C , ad resistantiam M erunt, ut ABC ad IBO . Deindè, quia tam resistantia X , quam M æquilibrantur eisdem potentij A, C ; igitur potentia M momentum æquale erit momento ipsius X , & trahunt funem BEP inflexum, existente puncto E mobili secundum directionem DEP . Ergo ^b potentia M ad X erit, ut BE ad DE , seu ut BE ad eius sublimitatem ED . Componitur verò proportio potentiarum A, C , ad resistantiam X ex ratione potentiarum A, C ad M , & ex ratione M ad X . Igitur proportio potentiarum A, C ad X componitur quoque ex ratione, quam habent ABC , ad IBO , & ex ratione, quam habent BE ad ED . Eadem ratione proportio potentiarum G, F , ad Z composita erit ex ratione GHF ad LHN , & ex ratione HE ad eius sublimitatem EK . Postremò, quia ut potentia A ad C , ita fuit AB ad BC , & ut C ad G , ita fuit BC ad GH , atque ut G ad F , ita fuit GH ad HF , & ut momentum potentiarum A, C , scilicet M ad momentum potentiarum G, F , scilicet Q , ita facta fuit BE ad EH . Igitur quatuor potentia A, C, G, F simul sumptæ ad resistantias X, Z , seu ad T compositam proportionem habebunt ex ratione, quam habent quatuor fila AB, CB, GH, FH ad quatuor sublimitates IB, OB, LH, NH , & ex ratione, quam habent duo fila BE, EH ad sublimitates DE, KE , quod erat ostendendum.

Si postea resistantia T ex puncto E sustineatur à pluribus, quam duobus filis, id ipsum concludemus.

PROPOS. LXXIX.

Cap. 14.
De muscu-
lis obliquè
trahenti-
bus, varia
structura,
& actione.

Musculi radioſi componi non poſſunt ex fibris ab extremo tendinis termino, tamquam à centro difcedentibus. Tab. 8. Fig. 9.

Sit musculus radioſus ADGH alligatus in periphæria, vel ſuperficie ſtabili oſſea, vel cartilaginea ADG ſuſpendens reſiſtentiam T ex termino H tendinis IH. Dico, impoſſibile eſſe, vt omnes eius fibræ ad inſtar radiorum circuli, vel ſphæræ, eductæ ſint à centro H ad ſuperficiem ADG, ſi enim fieri poteſt, fibræ AH, BH, CH &c. ex omnibus punctis ſuperficie ADG concurrant ad H, veluti ad centrum circuli, vel ſphæræ; & quia fibræ muſculorum non ſunt longitudines lineares indiuiſibiles, ſed ſunt corporeæ columnares, æquè craſſe ſe ſe tangentes, & debent inſtari æqualiter per totam longitudinem earum, & ſpätium propè centrum eſt anguſtiſſimum, ſi non indiuiſibile; Ergo neceſſe eſſet, vt propè céntrum H prædictæ columnæ fibroſæ ſe ſe penetrarent, quod eſt impoſſibile. At ſi ſupponamus, quod fibræ non pertingant ad centrum H; licèt verſus idem punctum dirigantur, ſed alligentur in amplum ſpätium tendinoſum H; at in locis remotioribus ABG valdè ab inuicem fibræ recedant, admittent interſtitia magis, ac magis ampla, prout exigent æquè amplæ craſſitudines columnarum figurarum. Quod eſt falſum; & contra ſenſus euidèntiam; Videmus enim fibras columnares muſculorum contiguas ferè eſſe, & componere faſciculos æquè repletos, & æquè conſtipatos. Non igitur eſt poſſibile,

Cap. 14. le, vt fibræ AH, BH, CH, &c. concurrant versus H ad
De muscu- instar radorum circuli, vel sphaeræ.

lis oblique
trahenti-
bus, varia
structura,
& actione.

PROPOS. LXXX.

Radiofi musculi necessario componi debent ex pluri-
bus penniformibus musculis se tangentibus, siue
planis, siue solidis. Tab. 8. Fig. 10.

Ex prac.
prop.

Sit musculus radiosus AEGLP, qui habeat princi-
pium amplum, aut circulare, vel sphaericum AEGL,
& desinat in extremitatem paruam P tendinis PQ, cui
alligetur resistentia T; quia necesse est, vt ex rota am-
plitudine originis eiusdem musculi AEGL fibræ orian-
tur, à quibus resistentia tereti tendini appensa traha-
tur. Et est impossibile, vt fibræ descendentes à prin-
cipio amplo AEGL ad instar radorum circuli, vel
sphaeræ vniantur, & concurrant in centro P; Et
aliundè oportet, vt commodè dilatari, & inflari queant
columnares fibræ se se lateraliter tangendo, eo quòd
spatia inania inæqualia interciperentur; Igitur opor-
tet, vt prædictæ fibræ disponantur ea forma, vt sem-
per inter se sint parallelæ, & contiguae; Hoc autem
saluari non potest, nisi musculus sit penniformis; Ergo
necesse est, vt musculus radiosus compositus sit ex plu-
ribus penniformibus musculis, cuius structura talis est.
A centro P circuli AEGL spargantur plures radij ten-
dinosi PF, PK, PO, non pertingentes ad peripheriam,
vel superficiem AEGL; qui radij ex utroque latere ca-
pillitia fibrosa carnosæ diffundant, vt CFAB, & CFED,
ex quibus vnus penniformis musculus consurgat; hu-
ius verò capillares fibræ alligari debent duobus tendi-
nibus AB, & ED, firmis terminis annexis in A, & E, &

tunc

tunc præclare possunt capillitia fibrarum columnarium contrahi, & æquè inflari, seruando inter se contiguationem, & parallelismum, trahendo tendinem FCP per directionem CP. Additis postea tendinibus GH, & LM alligatis in G, & L, & vnique ex intermedijs ED, GH connectantur duo ordines capillitiorum, vt HE, HG, & NG, NL, tunc planè consurgent duo alij penniformes muscoli trahentes punctum P per directiones PI, PN, & proindè omnes trahent resistantiam T, per communem directionem QP; quod erat ostendendum.

Cap. 14.
De muscu-
lis oblique
trahenti-
bus, varia
structura,
& actione.

S C H O L I V M.

Hanc musculorum radioforum structuram, quam mechanicum ratiocinium mihi suaserat, experimentis confirmare non licuit, nisi imperfectè in locustis marinis, & gammaris. Postea valdè gauisus sum, cum viderè à diligentissimos, & præclaros Anatomicos Ste-nonem, & Lorreriũ in humano musculo Deltoide bel-lè, & exactè eandem structuram obseruasse, & dili-gentissimè delineatam edidisse.

P R O P O S. LXXXI.

Data resistantia, & inclinationibus tendinum, & fi-brarum musculorum radioforum: vires eorundem musculorum reperire.

In eadem figura cognita sit resistantia T, æquali mo-mento sustentata à viribus, contrahentibus fibras om-nes AEGLNIB, & datis angulis fibrarum BCF, & DCF, & reliquis omnibus, qui æquales inter se esse
X solent;

Cap. 14.
De muscu-
lis oblique
trahenti-
bus, varia
structura,
& actione.

^aProp. 64.
huius.

^bProp. 78.
huius.

solent; & ut plurimum octo gradus videntur non superare, pariterque datis angulis à tendinibus penniformium, & à directione resistentiæ comprehensis CPI, NPI &c. quorum intermedij inter maximos, & minimos angulos videntur gradus 45. non superare, nec deficere à gradibus 26. debet reperiri vis contrahens muscolum integrum AELP. Quia anguli fibrarum BCF, DCF &c. octo gradus non superant^a; erit longitudo vnus cuiuslibet fibrarum ad eius sublimitatem, ut sinus totus ad sinum secundum anguli BCF, scilicet, ut 100. ad 99; Postea, quando anguli à tendinibus penniformium, & directione resistentiæ contenti in loco intermedio, ut CPI est graduum 45; erit longitudo tendinis ad eius sublimitatem, ut 100. ad 71, & quando idem angulus est graduum 30. tendinis sublimitas erit 87. At quia^b potentia omnium fibrarum musculorum penniformium ACE, EIG, & GNL inter se æqualium, ad resistentiam T, compositam proportionem habent ex ratione vnus earundem fibrarum BC ad eius sublimitatem, seu 100. ad 99, & ex ratione longitudinum tendinum CP &c. proportionalium momentis, quibus trahuntur ad eorum sublimitatem, scilicet 99. ad 70, vel 86; Quare potentia omnium fibrarum muscoli AEGLP ad resistentiam T, erit ut 100. ad 70, quando anguli tendinum sunt graduum 45, & ad 87, quando anguli tendinum sunt graduum 30, vel ad 89, quando anguli tendinum sunt graduum 26, qui quarebantur.

Vires musculorum radiosorum hætenus expositorum vero proximiores indagare.

CAP. V. T. XV.

Considerauimus Capite 10, & 11. apparentes plurius musculorum vires, nempe extendentium, & flectentium carpum, secundum, & tertium articulum digitorum Deltoidis, & Gluteorum, supponendo, compositos eos fuisse ex fasciculis fibrarum æquidistantium, & trahere tendinem, cum ei annexa resistentia per directionem parallelam longitudinibus earundem fibrarum; Cumque hoc verum non sit, quia ex fibris radiosiss componuntur; Ideò oportet accuratius eorum vires limitare; vnde constabit adhuc maiori conatu musculos prædictos contrahi debere.

PROPOS. LXXXII.

Vires musculorum tertium, secundum, & primum articulum digitorum, & carpum flectentium; nec non Deltoidis in casu Propos. 45. limitare. Tab. 4. Fig. 10.

In eadem figura propos. 45. musculus KO flectens tertium articulum FC digitorum manus agit, ne dum flectendo vectem FG circa centrum F, sed etiam vnà cum lumbricalibus musculis, flectendo vectem DG trium articulorum digitorum manus; Et portio illa potentiae musculi KO, quæ agit flectendo tertium articulum digitorum FG ostensa fuit æqualis vi ponderis libr. 76; Hoc autem verum esset, si fibræ musculi KO

Cap. 15.
Musculo-
rum radio-
forum vi-
res adhuc
limitare.

aProp. 64.
huius.

parallelæ essent directioni eiusdem tendinis directi
HO, cum verò fibræ sint radiosæ constituentes penni-
formem musculum KO; igitur augeri debet eius vis
motiua pro inclinatione fibrarum; Estque talis incli-
natio non maior gradibus 14, prout coniectura assequi
potest; ergo potentia portionis eiusdem musculi ad
resistentiam R^a erit, vt fibrarum longitudo ad earum
sublimitatem, nempe, vt 100. ad 97, seu vt 78. pro-
ximè ad 76. Igitur portio potentiae musculi KO, à qua
flectitur tertius articulus FG æqualis est proximè vi
ponderis libr. 78.

Postea, quia musculi KO portio vnà cum lumbrica-
libus MQ agunt, flectendo vectem DG trium articulo-
rum manus, & supponebatur, quod si omnes compo-
siti fuissent ex fibris parallelis directioni BM, vel KO,
eorum vires esse debuerant æquales vi libr. 190; Po-
namus, vires lumbricalium, ob earum exiguitatem, mi-
nores esse viribus portionis musculi KO, quæ destina-
tur flexioni vectis DG, relinquetur potentia eiusdem
portionis maior potentia 95. libr. & ob inclinationem
fibrarum eius erit earundem potentia ferè libr. 98,
sed prius potentia portionis musculi KO, quæ trahe-
bat vectem FG fuit libr. 78; Igitur vis totius musculi
penniformis KO non erit minor potentia libr. 176.

Præterea musculus KN flexor secundi articuli digi-
torum manus si compositus esset ex fibris parallelis di-
rectioni tendinis KN, eius potentia ostensa fuit æqua-
lis vi ponderis 152. libr.; at quia talis musculus est
penniformis, & inclinatio fibrarum eius non videtur
maior gradibus 14. Igitur vires prædictarum obli-
quarum fibrarum ferè æquales erunt potentiae libra-
rum 157.

Quartò, quia musculus KL flexor carpi, si constaret ex fibris parallélis directioni tendinis KL, eius potentia, quam exercet contra resistantiam prementem vestem totius manus CG, ostensa fuit æqualis vi ponderis libr. 240, estque talis musculus penniformis, & inclinatio fibrarum eius non videtur maior gradibus 14; igitur vires earundem obliquarum fibrarum erunt maiores potentia libr. 247.

Quintò, quia musculi AK flexores cubiti exercebant vires maiores potentia librarum 552; & in eis ob exiguam fibrarum inclinationem parum augetur eorum vis motiva; Ergo saltem æquabunt vires 558.

Postremò musculus Deltoides IP in casu prop. 45. flectens integrum brachium horizontaliter extensum AG, si compositus esset ex fibris parallélis directioni tendinis IP, eius potentia, quam exercet contra resistantiam prementem vestem horizontalem AG, æqualis fuisset vi ponderis libr. 780. At quia Deltoides est radiosus compositus ex pluribus penniformibus, & inclinatio fibrarum cuiuslibet penniformium videtur gradus 8. non superare, & intermediae tendinum inclinationes maiores non sunt gradibus 30. Igitur vires, quæ exercentur à fibris radiosus Deltoidis ferè æquales sunt potentia libr. 907.

Quapropter incrementa virium eorundem musculorum ob fibrarum obliquitatem erunt 150. libr.; sed prius vires omnium musculorum sustinentium brachium horizontale supino situ cum pondere R reperiæ fuerunt æquales potentia libr. 1990; Igitur vires apparentes, quæ exercentur à prædictis musculis, ferè æquales sunt potentia libr. 2140. Quod &c.

Cap. 15.
Musculorum
radio-
rum vi-
res adhuc
limitare.

bEx Prop.
81. huius.

Cap. 15.
Musculo-
rum radio-
rum vi-
res adhuc
limitare.

PROPOS. LXXXIII.

Vires musculorum Gluteorum in casu propof. 53. li-
mitare. Tab. 6. Fig. 1.

^aProp. 53.
huius.

Sit arcus ABC, compositus ex AB, spina dorſi à ca-
pite vſque ad coccygem inclinata, & BC femore ad
inuicem inclinatis, & innixus termino C medio fe-
moris, comprimatur à pondere R, in qua inclina-
tione ſuſtinetur à viribus musculorum Gluteorum
GFH ^a, vt dictum eſt; Debent eorum vires limitari
ob radiosam fibrarum eorundem productionem, &
quia in casu propof. 53. ſuppoſuimus, quòd fibræ
musculorum Gluteorum eſſent directæ, & parallele
tendini FH, & inter ſe, & tunc vires, quas exerce-
bant ſuſpendendo pondus R, & corporis ABC, æqua-
les erant potentix ponderis libr. 1840s. At quia Glu-
tei ſunt radioſi, compositi nempè ex pluribus penni-
formibus ſolidis, longioribus fibris donatis, & incli-
nationes fibrarum cuiuslibet penniformium maiores
eſſe videntur 8. gradibus, atque intermedia tendinum
inclinationes videntur ſemirectum æquare; Igitur ^b
vires, quæ exercentur à fibris radioſis Gluteorum ma-
iores ſunt potentia ponderis libr. 2621.

^bEx prop.
81. huius.

PROPOS. LXXXIV.

Vires totales musculi Deltoidis ferè duplo maiores
ſunt, quàm propof. 82. determinauimus.
Tab. 8. Fig. 11.

Scholio propoſitionis 45. indicauimus, quòd mu-
ſculi brachij concurrentes ad ſubleuationem ponderis
in

in extremitate manus appensi non exercent totales eorum vires, accommodari enim debent actioni debilioris musculi flexoris, nempe tertij articuli digitorum, & in illa actione vires partiales Deltoidis ostensæ fuerunt ^a æquales potentiaë libr. 907; At quia nos quærimus totales vires radiofi musculi Deltoidis maximas, quas exercere potest; ideò considerari debet experimentum, in quo actio solius Deltoidis exercetur; Eritque, cum humerus AB in situ horizontali comprimitur deorsum immediatè à maximo pondere R, vnà cum pondere brachij, & suspenditur à vi Deltoidis CD; tunc experientia constat pondus R maius esse libr. 55, & quia longitudo vectis AB, ad distantiam directionis musculi CD à centro A, seu ad semidiametrum tuberculi supremi humeri se habet, vt 14. ad 1; Ergo ratione vectis erit vis musculi æqualis potentiaë libr. 770. Verùm, quia musculus CD fixè alligatur in C; Ergo b duplicari debet vis eiusdem musculi, quare erit æqualis potentiaë libr. 1540. Tandem ob fibrarum obliquitatem ^c vires totales musculi Deltoidis CD æquales erunt potentiaë libr. 1750, quæ paulò minores sunt, quàm duplæ illarum, quæ prop. 82. reperiæ fuerant. Quod &c.

Cap. 15.
Musculorum radio-
forum vires adhuc
limitare.

a Prop. 82.
huius.

b Ex prop.
34. eiusque
Schol. &
prop. 35.
huius.

c Ex prop.
81. huius.

P R O P O S. LXXXV.

Vires totales musculorum Gluteorum maiores, quàm duplæ sunt illis, quæ propof. 83. determinauimus.
Tab. 8. Fig. 12.

Ostendimus propof. 83, quòd vires musculi Glutei in casu propof. 53. æquales erant potentiaë libr. 2621, quòd verò illæ non sint totales, euincitur ab alio experimento,

Cap. 15.
Musculo-
rum radio-
rum vi-
res adhuc
limitare.

rimento, in quo actio eorundem Gluteorum immediata exercetur, quando scilicet extenso fœmore AB, & crure BC in directum prono situ, & horizontali suspenditur in extremitate calcanei C maximum pondus R, quod sustineri potest; hoc autem maius est pondere lib. 65; & quia longitudo vectis horizontalis AC ad distantiam directionis musculorum à centro A, seu ad semidiametrum tuberculi fœmoris se habet, vt 31. ad 1; Ergo ratione vectis erunt vires Gluteorum æquales potentiae ponderis lib. 2015, & ob firmam eorundem musculorum colligationem affixam in Fosse Ilij erunt ^a vires eorundem duplæ illarum, nempe æquales potentiae lib. 4030, & tandem ob insignem fibrarum obliquitatem ^b vires totales Gluteorum ED ferè æquales erunt potentiae lib. 6000, quæ maiores sunt, quàm duplæ lib. 2621. scilicet illarum, quæ propos. 83. taxatæ fuerunt.

PROPOS. LXXXVI.

Vires musculi penniformis tertij articuli flexoris pollicis reperire. Tab. 9. Fig. 1.

Sit cubitus AB deorsum pendulus perpendiculariter ad horizontem, suspendaturque in extremo termino E tertij articuli pollicis DE, horizonti æquidistantis, maximum pondus R, quod in tali situ sustineri potest, quod non superat libras 20, & quia semissi crassitiei tertij articuli pollicis ad eius longitudinem se habet, vt 1. ad 3, estque distantia tendinis musculi flexoris FC à centro D, tertij articuli pollicis, æqualis semissi crassitiei eiusdē articuli; Ergo ratione vectis vis motiua musculi FC æqualis est potentie lib. 60, & quia muscu-

musculus FC fixè alligatur cubito in F; Ergo a duplicari debet eius potentia, & ideò æqualis erit potentie ponderis lib. 120. Tandem, quia prædictus musculus FC pennæ figuram refert, existentibus eius fibris tendini medio alligatis, cum eoque constituentibus angulos non minores gradibus 14. in statu maximæ contractionis earundem, quæ alligantur lateraliter cubito, & alijs firmis ligamentis; quare ^b vis totalis musculi FC erit æqualis potentie lib. 124. ferè.

Cap. 15.
Musculorum radio-
rum vi-
res adhuc
limitare.

a Ex prop.
34. eiusque
Schol. &
prop. 35.
huius.

PROPOS. LXXXVII.

b Ex prop.
81. huius.

Strukturam, & machinam, quibus muscoli mandibulam flectentes operantur, & methodum inveniendi eorum potentiam motiuam indicare. Tab. 9. Fig. 2.

Inter instrumenta mechanica, quæ à sapientissima natura vsurpantur in animali, animaduersione digna mihi videtur structura machinæ, quæ Forceps dicitur; hæc elegantissimè exprimitur in mandibulis animalium. Verum tamen est, quòd valdè differt Forceps in mandibula vsurpata à vulgari forcipe: nam licet vtraque ad vectem reducatur, non minori tamen vim magna resistantia superatur, vt in vulgari forcipe, sed è contra maiorem vim motiuam requirit. Sunt enim mandibulæ rotundæ figuræ, semiellipses aliquo pacto representantes, quarum inferior reuoluitur circa duo capitula cylindrica, quæ in sinibus ossis temporum figuntur, alligantur, & reuoluuntur; possuntque planè vsurpari duæ eiusdem medietates, vt duo vectes; sed exterius coniuncti in mento, vt in hac figura, os rotundum ACa est mandibula inferior, constans ex duobus vectibus AC, & aC coniunctis in C,

Y

qui

Cap. 15.
Musculo-
rum radio-
foram vi-
res adhuc
limitare .

qui simul flecti , & circumuolui possunt circa duo capitula A, & a, eisque applicantur duo paria musculorum, bini in dextera, & totidem in sinistra parte, quorum vnus est temporalis F, ortum habens à tota cauitate ossis temporum , qui sine tendinoso figitur in processu maxillari D , alter verò EB, Masseter dictus, superne in osse iugali , & osse primo maxillæ superioris annectitur , & inferiori loco B mandibulæ alligatur ; præterea opposita forcipis pars est suprema mandibula, quæ stabilis est , excipitque ictus ab inferiori mandibula illatos ad instar incudinis . Adsunt quoque in inferiori mandibula dentes acuti , quibus inciduntur comestibilia corpora consistentia , & molares , qui ad conterendum destinati sunt ; Itaque resistentia , quæ superari debet à vi prædictorum musculorum , est durities , & tenacitas corporum comestibilium , quæ in ore prius imminuuntur , præparanturque , ne dum , vt faciliè deglutiri possint , sed præterea , vt in stomacho digerì , & fermentari faciliè queant .

Quia verò quæritur comparatio inter virtutem motiuam musculorum mandibulam flectentium , & resistentiam corporum , quæ à dentibus secantur , & conteruntur , propterea primo loco considerari debet vis machinæ , quæ in prædicta actione adhibetur ; secundo, musculorum mandibulam mouentium structura, situatio , & dispositio ; tertio, determinari debet vis resistentiæ , quæ superari debet . Quoad primum , manifestum est forcipem prædictum ad simplicem vectem reduci , cuius fulcimentum sunt duo capitula fixa A , & a mandibulæ inferioris ; resistentia applicatur , vel in extremis dentibus C , vel in molaribus G ; potentia verò motiua applicatur in D, & in B , vbi duo mus-
culi

sculi temporalis, & manforius alligantur. Præterea in sectione facta à dentibus acutis alia machina longè diuersa à forcipe adhibetur, quæ est cuneus; sunt enim dentes totidem cunei, in quibus, ex mechanicis, potentia cuneum impellens ad resistentiam, eandem proportionem habet, quam basis cunei ad eius latus. Si verò consideretur simplex compressio, siue contusio, quæ à molaribus dentibus efficitur ad modum præli, tunc actio cunei locum non habet, sed tantummodò simplex vectis adhibetur. Secundo loco prædicti musculi non videntur esse fasciculi ex fibris parallelis inter se, & suis tendinibus; sed radiosi sunt, quod multò euidentius in temporali musculo obseruatur, in quo à tendine terete fibræ sparguntur, subdividunturque in plures partes penniformes, solidas, per totam cavitatem ossis temporalis diffusas, occupantes, & replentes prædictum spatium cauum; In hisce anguli inclinationum fibrarum 8. gradus non superare videtur, nec anguli medij inclinationum tendinum in temporali gradus 25. excedere consentaneum est. Tertio loco, quia non potest vis motiua absoluta musculorum cognosci, nisi ab effectu, quem producant, scilicet à resistentia, quam superant, ideò necesse est, vt mensura prædictæ resistentiæ aliquo experimento præcognoscatur; Hoc autem facillè consequi posse videtur hac ratione. Alligetur in extremis dentibus G molaribus pondus R maximum inter omnia, quæ à prædictis musculis humanis sustineri possunt, quod quidem ingens esse videtur, & memini circulatorẽ quendam sustulisse è terra pondus lib. 169. licet alij viri fide digni, pondus impendiò libras 300. excedens, se eleuari sedentibus alligatũ, vidisse mihi retulerunt;

Cap. 15.
Musculorum radio-
forum vi-
res adhuc
limitare.

Cap. 15.
Musculo-
rum radio-
forum vi-
res adhuc
limitare.

runt; Quia verò vis, & energia, quæ prædicti musculi mandibulam stringentes superare, & suspendere possunt tam vasta pondera, adhibentur eodem conatu ad incisionem, contusionem, & fractionem comestibilium corporum solidorum, ideò coniiciemus, quod resistentia, quæ à musculis temporalibus, & mansorij superatur, maior est potentia ponderis 166. libr.

P R O P O S. LXXXVIII.

Vim motiuam musculorum temporalium, & mansoriorum proximè æquari potentiaë librarum 534. Tab. 9. Fig. 2.

In eadem figura, quia resistentia ponderis R, appensi in primis molaribus dentibus, æquatur libris 200. ferè, & à mansorij, & temporalibus simul operantibus sustinetur; Et videtur moles mansorij maior mole temporalis musculi, & hic magis radiosus est, quam ille: ideò compensatis excessibus cum defectibus, coniicere possumus, quòd semissis resistentiaë R à mansorij, & reliqua medietas à temporalibus sustinetur; postea, quia mansorij sunt aliquo pacto radiosius, quorum inclinationes fibrarum octo gradus non superant, ideò vis absoluta musculi mansorij ad eius momentum, ob fibrarum obliquitatem, ferè eandem proportionem habet, quam 100. ad 99; In temporalibus verò, quia præter obliquitatem eandem fibrarum, reperitur quoque obliquitas tendinum penniformium solidorum, quorum intermedia obliquitates gradus 25. non superant; Ergo vis absoluta temporalium ad eorum momentum erit, vt 100. ad 90; Et ideò vires absolutæ musculorum temporalium, & mansoriorum simul

simul sumptorum ad eorum momentum erit, vt 200. ad 189. Deinde considerata vecte mandibulæ ductis à fulcimentis A, a, ad directiones musculorum EB, & Ed perpendicularibus aM, & AM, quæ videntur esse quatuor quintæ partibus distantia aG extremorum molarium dentium à centro, in quibus pondus R suspenditur; Igitur potentia absolutæ musculorum temporalium, & manforiorum ad resistantiam R se habet, vt 100. ad 75, seu vt 4. ad 3; ^a Sed quia prædicti muscoli alligati sunt ossibus firmis; Ergo ^b potentia absoluta eorundem musculorum duplicari debet, & ideo qualium resistantia est tres partes, erit vis motiua musculorum 8, & erat pondus R ferè libr. 200. Ergo potentia eorundem musculorum erunt æquales ponderi libr. 534. proximè.

Cap. 15.
Musculorum radio.
forum vires adhuc limitare.

^aEx prop. 22. huius.

^bEx Schol. prop. 34. huius.

S: C H O L I V M.

Si mirabile videtur, quod muscoli pusilli, qui simul sumpti pondus vnus libræ non superant in homine, tantam vim motiuam habeant, multò mirabilior erit vis illa, quæ exercetur ab iisdem musculis, in Canibus, Lupis, Vrsis, & Leonibus; in quibus vectis longitudo multò magis augetur, prout elongatur rostrum, seu distantia à dentibus extremis vsque ad centrum reuolutionis mandibulæ inferioris: est enim huiusmodi distantia aliquando quadrupla, & quintupla distantia directionis musculorum, flectentium inferiorem mandibulam ab eodem centro, & propterea momentum potentia eorundem musculorum erit octuplum, vel decuplum resistantiæ; & si addatur excessus pendens ab obliquitate fibrarum eorundem musculorum.

Cap. 15.
Musculo-
rum radio-
rum vi-
res adhuc
limitare.

sculorum, erit potentia absoluta eorum nonupla fere dictæ resistantiæ. Hæc autem, cum sit grandis, canes enim molossi vitulum, aut aprum trahunt, & subleuant, scilicet pondus eleuant plus quàm 150. libr. Igitur vis absoluta musculorum mandibulam flectentium superat potentiam 1350. libr. Quàm verò grandis sit eadem vis in Vrsis, & Leonibus, constare potest ex eo, quòd integrum bouem dentibus trahunt, vnde conijcitur vastitas potentiae motiuæ, quæ à tam exiguis musculis exercetur.

Animaduertendum tamen est, quòd prædicti musculi, mandibulam stringentes, non exercent totalem eorum vim, & energiam, quando dentibus apprehendunt, & subleuant pondera superius enarrata, eo quòd ad hanc actionem concurrunt plures alij musculi, nempè hi, qui caput eleuant, & vertebrae colli, & thoracis distendunt, & dirigunt; Et quia sufficit, vt dictum est, vt vnus duorum musculorum debilius operetur, & minus pondus suspendere valeat, quàm temporales, & mansorij, si integram suam vim exercere possent; hinc fit, vt nequeat mensurari totalis vis eorundem musculorum ex pondere, dentibus molari-
bus, & incisorijs subleuato.

Quòd verò hæc non sit suspicio vana, constat ex confusione, & attritione durissimorum nucleorum, & fistularum ossæarum, & ferrearum, quam Canes, vrsi, & Leones dentibus, & gammari, vel astraces suis chelis efficiunt, quæ ope vectis, & forcipis ferrei aliquando nequeant à compressione ponderis 1000. libr. frangi, & conterì, & proindè conijcitur, vires totales eorundem musculorum multò maiores esse, quàm superius taxatæ fuerunt.

PRO-

PROPOS. LXXXIX.

Structuram, & machinam, quibus muscoli intercostales operantur, & methodum inueniendi eorum potentiam indicare.

Cap. 15.
Musculorum radio-
forum vi-
res adhuc
limitare.

Licet costarum ossa similia videantur esse mandibulæ inferioris, (utraque enim sunt rotunda, & semiellipsidis figuram imitantia,) & vectem bicipitem mobilem circa duo capitula extrema constituent, valde tamen differunt inter se hæ duæ machinæ.

Primò, quia mandibula circumduci facili, & lubrico motu circa duo capitula eius, annexa firmis sinubus ossis temporum, at costæ difficilè, & obscuro motu circa sua fulcimenta moueri, & circumduci possunt; nec sunt ambo centra omninò firma; nam sternum, seu os pectoris, cui alligatur antèrius costæ capitulum non est firmum, & immobile, vt sunt vertebræ spinæ, cui posterius eiusdem costæ caput alligatur.

Secundò, mandibulæ duo latera non stringuntur ad inuicem, nec ampliantur, & ideò vectem bicipitem constituunt: at costæ non retinent eandem curvaturam, sed ad instar arcus eius, brachia, seu latera parùm dilatantur, & proindè ne dum vectis bicipitis, sed præterea arcus vim, & vsum habent.

Tertiò, in mandibula musculorum, tendines in vno determinato eius loco alligantur, nempe in processu maxillari, & in eius basi; at in costis fibræ, in totam costæ longitudinem rotundam implantantur, & proindè vis motiua non in vnico situ vectis, in quo vnicus tendo alligatur; sed potiùs per totam muscoli intercostalis superficiem, ex innumerabilibus fibris compositam

Cap. 15.
Musculorum
radic.
forum vi-
res adhuc
limitare.

sitam, in acie ossis costæ applicatur; Quare reperiri debet centrum applicationis motiue virtutis compositæ ex tot particulis, quot sunt fibræ.

Quartò, fibræ musculorum mandibulam stringentium radiosæ sunt, at intercostalium fibræ, duplici ordine dispositæ, parallelæ sunt inter se, & vnus ordo alteri decussatur ferè perpendiculari inclinatione.

Quintò, in mandibula reperta fuit resistentia, quam superant eius muscoli, ex pondere suspenso in dentibus; at in costis licèt talis suspensio minimè fieri possit, non est tamen difficile pondus alio modo applicare, cui vis musculorum intercostalium æquibretur. Nempè, si super costas hominis iacentis superponatur columna tantæ grauitatis, quæ ne dum tolerari possit, sed insuper in qualibet aeris vehementi inspiratione euidenter attollatur parumper columna sursum. Hanc ego vidi non minorem fuisse libris 50; attamen hoc pondus non est mensura præcisa resistentiæ, eo quòd muscoli intercostales superare quoque debent duritiem, & tenacitatem costarum, earumque agglutinationem cum vertebris, quæ nimirum resistunt flexioni ad instar arcus tensi, quæ resistentia insignis est, vt suo loco dicemus, & poterit forsan æquari ponderi incumbentis columnæ; Quare vera resistentia maior erit potentia librarum 100. His præmissis.

PROPOS. LXXXX.

Vim motiuam musculorum intercostalium proximè indagare.

Si effectus ab inspiratione productus, scilicet im-

missio

missio aeris intra pectus fieret impulsu, seu insufflatione proculdubio exiguam vim requireret, cum aër nil ferè resistat, & indifferens sit ad motum, & ab eadem exigua vi inspiratio efficeretur, si thorax non resisteret distractioni, & ad instar vtrius indifferens esset ad sui amplificationem, & restrictionem; at negotium, secùs se habet, nam thorax est veluti follis, qui compressus retinetur à tot machinis validissimis, quot sunt costæ, & ideò dilatari non potest, nisi prius costarum machinæ distrahantur; verùm vis, à qua machina arcus distrahi debet, æqualis est energię resistentiæ eiusdem; Ergo momentum potentiæ musculorum intercostalium æquale esse debet potentiæ, qua omnes costæ distractioni resistunt, & licèt talis gradus resistentiæ certò mensurari non possit, tamen duplici coniectura ostendemus, ingentem vim exercere. Vna desumitur ab hac experientia, nuper in Anglia facta. Imposito grandi pondere lib. 100. supra vesicam suillam semiplenam aere, & per fistulam eius collo alligatam, & valuula munitam, videmus, quòd ab aere insufflato à thorace hominis gracilis vesica tumida efficitur eleuando grande illud pondus. Verum est tamen, quòd in tali inflatione violenta concurrunt quoque muscoli abdominis cum diaphragmate, & ideò ex tali experimento colligi non potest præcisa vis musculorum intercostalium. Minùs ambigua mihi videtur consideratio multitudinis fibrarum omnium musculorum intercostalium, quæ multitudo videtur ferè dupla multitudinis fibrarum duorum musculorum temporalium, & duorum manseriorum, & illarum momentum considerata inclinatione anguli semirecti, qui auget vires in proportionem sexquialtera; ergo vis

Cap. 15.
Musculorum
radio-
rum vi-
res adhuc
limitare.

earum æquatur resistantiæ plurium, quàm 534. librarum, vt dictum est; Ergo vis motiua intercostalium superat resistantiam ponderis 1068. librarum.

Premittuntur leminata mechanica, quæ ad exactiorem inquisitionem virtutis motiue muscutorum requiruntur.

CAPUT XVI.

PROPOS. LXXXI.

^a Tab. 9.
Fig. 3.

Si a duæ potentiæ A, & B trahentes terminos virgæ CD, adhærentes regulis NO, OP per directiones MQ, & MF, ad inuicem perpendiculares, à quibus non discedant, habuerint æqualia momenta. Dico, quod potentia A ad B se habet, vt CM ad MD; nempè, vt latera conterminalia directionum à virga intercepta. Ductis à C, & D perpendicularibus ad regulas GC, GD conueniant in G, à quo cadat GH perpendicularis supra CD in H, & ex H cadant perpendiculares HK, & HL super GC, DG, & in H applicetur potentia I, cuius momentum æquetur momento A, vel B; & amota potentia B, quia momenta A, & I æqualia sunt, & concursus C est mobile per CF^b; Ergo potentia A ad I est, vt sublimitas HK ad longitudinem CH, seu vt CM ad CD, ob triangulorum similitudinem.

^b Prop. 64.
huius.

Non secùs potentia I ad B, se habet, vt DH ad HL, & ob similitudinem triangulorum, vt DC ad DM; igitur ex æqualitate potentia A ad B eandem rationem habet, quam CM ad MD.

P R O P O S. LXXXII.

Recta linea DEH^a bifariam secta in E, & funiculus ACB adhærens regulæ DH, & duæ potentiaë X, & Z in DH extendant funem oppositis tractionibus per lineam AEB, & tertia potentia RS trahat intermedium punctum funis C per ECF, perpendiculariter ad AB, usque ad C; & excurrant potentiaë per canales DE, HE ea lege, vt semper AC, CB æquales sint sibi ipsis, & DE, EH; & fiat æquilibrium potentiarum in C. Dico, potentiam RS ad potentias XZ esse, vt CE ad AE.

^a Tab. 9.
Fig. 4.

Quia potentia RS agit contra duas potentias X, Z; ergo medietas R contra X agit, & reliqua medietas S agit contra Z, & eorum momenta æquantur; propterea quod quiescunt, & trahunt potentiaë R, X terminos A, C, rectæ lineæ AC per directiones ad inuicem perpendiculares; ergo, vt potentia R ad X, ita est CE ad EA. Similiter potentia S ad Z crit, vt CE ad EB, seu ad ei æqualem EA. Igitur RS ad X, Z se habet, vt CE ad EA.

C O R O L L A R I V M.

Hinc constat, duas potētias X, Z, licet immensas, sed finitas agendo contra minimam resistantiam R, S, extendere funem ACB in directum non posse.

Quia maximæ potentiaë X, Z ad minimam resistantiam RS habent aliquam proportionem, nempe eam, quam habet AE ad EC, non ad nihilum; & idcò incuruabitur funis ACB.

Cap. 16.
Lemmata
pro exa-
ctiore in-
quisitione
potentiæ
musculo-
rum.

PROPOS. LXXXXIII.

Iisdem datis, reperire maximam inflexionem, quam
resistentia RS efficere potest.

Tab. 9. Fig. 4.

In angulo recto KIL, vt potentiæ XZ ad resistentias RS, ita sit KI ad IL, & vt LK ad KI, ita fiat dimidium funis DE ad AE, seu ad ei æqualem EB; fiat angulus EAC æqualis K, & AC occurrat EF in C, iungaturque CB. Dico, funem ACB in tali positione tractū quiescere.

Sin minùs, quiescat alibi, vt in MNO, ergo potentiæ XZ ad resistentias RS eandem proportionem habent, quam ME ad EN; & quia duo anguli K, & EAC æquales sunt, & angulus I æqualis est E recto; Ergo triangulum KIL simile erit AEC; & ideò KL ad IK eandem proportionem habet, quam CA ad AE, sed DE ad AE se habet, vt LK ad KI, ergo CA æqualis erit DE. Tandem AE ad EC eandem proportionem habet, quam KI ad IL, seu potentia XZ ad RS, quæ est, vt ME ad EN. Ergo duo triangula AEC, & MEN similia sunt, & hypothenusa AC æquatur MN, quia æquatur eidem DE, dimidio totius funis. Ergo EC æqualis est EN, & punctum concursus N cadit super C, quod repugnat hypothesi; non ergo fit æquilibrium alibi, quàm in C.

PROPOS. LXXXXIV.

^a Tab. 9.
Fig. 5.

Duo funes ^a ACB, & ADB æquales sint, & colligati

gati in A, B, trahantur ad oppositas partes à potentijs X, & Z, & potentia G, & F dilatent contiguos funes vsque ad C, D; & ibi fiat æquilibrium. Dico, potentias G, F ad resistantiam potentiarum X, Z eandem proportionem habere, quam DC ad AB, Cap. 16.
Lemmata
pro exa-
ctiore in-
quisitione
potentia
musculo-
rum.

Quia potentia Z trahit deorsum duas chordas BC, BD, & potentia X fursum easdem AC, AD, poterit intelligi quælibet XZ diuisa bifariam, vt M, & O trahant funem ADB, & P, Q trahant funem ACB; & quia funis ADB distenditur directe à potentijs O, M contra resistantiam G transuersè, & perpendiculariter ad AB, & fit æquilibrium. Ergo potentia G ad duas potentias O, M est, vt DE ad EA; Similiter potentia F ad duas resistantias P, Q se habet, vt CE (seu ei æqualis DE ob rhombum) ad EA. Igitur G, F ad potentias O, M, P, Q, eandem rationem habent, quam DE ad EA, seu vt eorum duplæ DC ad AB. Quod &c.

P R O P O S. LXXXV.

Iisdem positis ^a sint funes clauo firmo X in A colligati. Dico, quòd potentia rarefaciens, seu F, G, ad resistantiam Z se habet, vt CD ad AE. a Tab. 9.
Fig. 6.

Quia idem præstat clauus in A, ac potentia X sustinendo, & distrahendo funes, ergo potentia F, G, æquilibrantur cum resistantia Z, & cum clauus resistantia; & potentia F, G ad resistantiam X, Z eandem rationem habent, ac CD ad AB, ergo potentia F, G ad resistantiam dimidium Z eandem habent rationem, quam CD ad dimidium AE totius AB.

Hinc constat, quòd si prædicti funes à quacunque
immen-

Cap. 16.
Lemmata
pro exa-
ctiore in-
quisitione
potentiæ
musculo-
rum.

immensa potentia Z trahantur, nempè à pondere 10000. libr. possunt à qualibet exigua vi rarefactiua, vel expansiua funium, quæ pondus vnius libræ non superat, aliquantulum dilatari, quousque scilicet fiant momenta æqualia, scilicet in rarefactione DC, erit vna pars decies millesima ipsius AB.

PROPOS. LXXXXVI.

a Tab. 9.
Fig. 7.

Duo æquales funes non graues a ADBFC, & AEBGC æqualibus interstitijs colligati in A, B, C, qui sustineantur à clauo X, & directè trahantur ab opposita potentia Z, & puncta media D, E, F, G interstitiorum transuersè, æquè dilatentur ab oppositis potentijs æqualibus H, I, K, L, secundum directiones DRE, FSG, perpendiculares ad AC, ita vt existentibus rhombis æqualibus, & similiter positis ADBE, & BFCG fiat potentiarum æquilibrium. Dico, omnes potentias dilatantes H, I, K, L, ad resistentiam Z se habere, vt omnes dilatationes æquales DE, FC, ad AR semissem distantie AB.

Quia potentie H, I agunt dilatando funes ADB, & AEB contra duas resistentias, scilicet contra tenacitatem clauis X, & contra eam vim, quæ trahit deorsum nodum B, quæ æquales sunt inter se; Ergo duæ potentie H, I ad eam vim, quæ trahit deorsum nodum B, se habent, vt DE ad AR. Postea, quia duæ potentie K, L agunt dilatando funes BFC, & BGC contra duas resistentias, scilicet contra pondus Z, & contra eam vim, quæ trahit fursum nodum B versus A, quæ clauis officium supplet. Ergo duæ potentie K, L ad resistentiam Z eandem proportionem habent, quam FG ad BS, seu

feu quam DE ad AR, ob æqualitatem rhomborum. Et quia omnes potentiaë H, I, K, L agunt contra quatuor resistentias, clavi X, ponderis Z, & eius, quæ trahit nodum B deorsùm, & eius, quæ eundem æquali vi fursùm impellit; sed duæ potentiaë, quæ in B sibi ipsis aduersantur, æquales sunt nihilo, eo quòd potentia, quæ in B resistit tractionibus factis à potentijs H, & I, & impedit excursum puncti B, versus R est tractio, quam facit deorsùm pondus Z, quod perindè agit, ac si in B esset appensum; Et è contra nulla alia resistentia in B vim exercet contra potentias K, L, quæ nituntur trahere deorsùm nodum B, præter clavi tenacitatem, & ideò intermediæ potentiaë, trahentes nodum B, se mutuò destruunt, & tunc respectu alterius tantùm trahit, quantum resistit. Igitur licèt trahant, & operentur, nil tamen proficiunt; & ideò perindè est, ac si non essent, & non agerent contra potentias H, I, K, L, quare potentiaë H, I, K, L simul sumptæ æquilibrantur ab vna potentia Z, licèt reuera suas vires exerçant contra quatuor resistentias æquales inter se X, Z & duas in B sibi aduersantes, ad quas se habent, vt DE, FG ad AB, BC; ergo quatuor potentiaë H, I, K, L ad vnam resistentiam Z se habent, vt DE, vnà cum FG, ad AR quadrantem totius AC.

Cap. 16.
Lemmata
pro exa-
ciore in-
quisitione
potentiaë
musculo-
rum.

PROPOS. LXXXXVII.

Idem aliter demonstrare. Tab. 9. Fig. 7.

Quia potentiaë omnes H, I, K, L rhombos funium dilatantes sunt æquales inter se, & dilatationes DE, FG sunt quoque æquales in quolibet ex rhombis simul connexis. Ergo potentiaë H, I, K, L dilatantes omnes rhombos

Cap. 16.
Lemmata
pro exa-
ctiore in-
quisitione
potentiæ
multicula-
rum.

rhombos ad potentiam KL dilatantem vnicum rhombum, eandem proportionem habent, quam omnes dilatationes DE, FG ad vnicam dilatationem FG. Postea, quia funes colligati BFC, BGC fixè retinentur in B, (eo quòd dilatatio superiorum chordarum tam firmiter prohibet descensum nodi B, ac si funes inferiores à clauo affixo in B retinerentur), & potentia KL funes inferiores dilatans, æquali momento suspendit resistentiam Z, cum vna alteri non cedat. Igitur potentia dilatans KL, ad resistentiam Z eandem habet rationem, quam dilatatio FG ad BS, semissem ipsius BC; Quare ex æqualitate ordinata, potentiæ omnes H, I, K, L dilatantes omnes rhombos ad resistentiam Z se habent, vt omnes dilatationes DE, FG, ad BS; seu ac tot dilatationes, quot sunt rhombi æquales, & similes ad AR, semissem cuiuslibet diametri AB, quod &c.

Hinc patet, quòd licèt potentiæ multiplicentur, vt plures rhombos dilatent, non proindè maiorem resistentiam, quam sit Z, suspendere possunt; Eòquòd momentum ipsius Z augetur, prout motus ascensus eius reciprocè multiplicatur, vt ostensum est a, scilicet ad maiorem altitudinem subleuatur.

a Prop. 33.
huius.

P R O P O S. LXXXXVIII.

Iisdem positis, multæ potentiæ dilatantes plures rhombos subleuant resistentiam directè prementem per spatium multiplex eius, quod subleuatur in vnico rhombo à binis potentijs pro multitudine rhomborum. Tab. 9. Fig. 7.

Quia omnes rhombi ADBE, BFCG &c. sunt inter se æquales, & similes, & similiter positi; Ergo in singulis

gulis latera, & Diametri homologī sunt æquales inter se, & tantum præcisè deficit Diameter AB à fili longitudine ADB, quantum BC minor est filo BFC, æquali ipsi ADB; & proindè ascensus vinculi B versus A, æqualis est ascensui vinculi C versus B, sed post contractionē, interuallū, quo resistentia Z distat ab A, constat ex tot diametris æquè decurtatis, quot sunt rhombi; Ergo ascensus ponderis Z ex C versus A toties multiplicatur, quot sunt rhombi.

Cap. 16.
Lemmata
pro exa-
ctiore in-
quisitione
potentiæ
musculo-
rum.

P R O P O S. LXXXIX.

Iisdem datis, dilatationes funiculorum, eorumque decurtationes, in numeris exhibere.

Tab. 9. Fig. 7.

Sit datus angulus DAE dilatationis chordarum, eiusque medietas angulus DAR; erit triangulum DAR rectangulum in R, sitque RO excessus sinus totius DA supra AR, sinum secundum anguli DAR; Vnde OR erit sinus versus eiusdem anguli DAB. Patet, quòd quælibet ex æqualibus dilatationibus funiculorum, vt DE, vel FG, mensuratur à subtenſa DE, seu chorda anguli DAE dilatationis funium. Ostendendum modò est, quòd subleuatio resistentiæ Z mensuratur à duplo ipsius RO sinus versi anguli DAR, toties sumpto, quot sunt rhombi.

Quia sinus versus OR est excessus portionis funiculi AD supra AR, & priùs, ante dilatationem funis, eius portio AD in situ AO iacebat, & postea terminus D translatus est ad sublimitatem DRE. Ergo RO est mensura decurtationis portionis funis AD; suntque omnia latera rhomborum DB, BF, FC æqualia inter se,

A a

& ipsi

Cap. 16.
Lemmata
pro exa-
ctiore in-
quisitione
potentiæ
musculo-
rum.

& ipsi AD, & similiter inclinata ad directionem ABC; Ergo OR est mensura decurtationis interualli directi, competens cuilibet ex lateribus rhomborum, & ideo duplum OR est decurtatio laterum ADB, cuius rhombi; & sic in reliquis. Quare duplum OR toties sumptum, quot sunt rhombi, determinat decurtationem totius funiculi ADBFC.

Hoc exemplum computatum est in vnico rhombo ADBE dilatato à potentijs HI, & directè tractum à resistentia Z, sed si rhombi multiplicentur ad instar catenæ, dilatationes funium remanent æquales inter se, & eiusdem mensuræ, at subleuationes resistentiæ æquæ, ac rhombi multiplicantur.

Vt si fuerint quindecim rhombi continuati existente angulo DAR o. 49, tunc qualium mensura dilatationis cuiuslibet rhombi est vna pars, subleuatio resistentiæ Z quindecies augebitur, scilicet erit. $\frac{1}{4} \frac{5}{4} \frac{5}{2}$

Verùm è contra, si potentiæ dilatantes H, I multiplicentur quindecies, remanet resistentia Z semper eiusdem ponderis, & energiæ, scilicet, qualium HI erat vna pars, postea quindecies multiplicatæ potentiæ erunt partes 15. at pondus Z erit 35. partes.

Vtque pateat vsus præcedentis propositionis confecta est hæc tabella.

Angelus D AR qui est semisus di- lationis DAB, G	Sinus totius AD	Anguli DA Rhous DR, caius du- plum DE.	Eiusdem Ab- guli sinus se- cundus AR.	Eiusdem Anguli si- nus versus RO.	Qualium DE, vel potentia HI, aut funis AD B est vna pars,	Esti- ren- tia Z.	Et suble- uatio eiusdem Z.;
O. I. 10.	100000. 00	67. 88.	99999. 99		I.	1473.	I 100000. 00
O. I.	100000. 000	58. 18.	99999. 996	4.	I.	1719.	4 100000. 00
O. 10.	100000. 00	581. 78.	99999. 58	42.	I.	172.	42 100000. 00
O. 30.	100000. 0	1745. 3.	99996. 2	39.	I.	57.	390 100000. 0
I. 00.	100000.	3490.	99985.	15.	I.	29.	1500 100000. 0
5. 0.	100000.	17431.	99619.	381. 00	I.	6. 3.	381. 00 100000. 0
10. 0.	100000.	34730.	98481.	1519. 00	I.	3.	1519. 00 100000. 0
20. 0.	100000.	68404.	93969.	6031.	I.	1. $\frac{1}{2}$	6031 100000.
15. 0.	100000.	51764.	96592.	3408.	I.	2.	3408 100000.
25. 0.	100000.	84524.	90631.	9369.	I.	I.	9369 100000.
26. 34.	100000.	89448.	89441.	10559.	I.	I.	10559 100000.
30. 0.	100000.	100000.	86602.	13398.	I.	86602. 100000.	13398 100000.
35. 0.	100000.	114715.	81915.	18085.	I.	81915. 100000.	18085 100000.
40. 0.	100000.	128558.	76604.	23396.	I.	76604. 128558.	23396 100000.
45. 0.	100000.	141421.	70711.	29289.	I.	70711. 141421.	29289 100000.
50. 0.	100000.	153209.	64279.	35721.	I.	64274. 153209.	35721 100000.
55. 0.	100000.	163850.	57358.	42642.	I.	57358. 163850.	42642 100000.

Cap. 16.
Lemmata
pro exa-
ctiore in-
quisitione
potentiæ
musculo-
rum.

P R O P O S. C.

Si duæ catenæ inæquales, compositæ ex filis æquè robustis, & similiter colligatis, dilatentur à potentijs æquè validis, specie scilicet, vt omnes rhombi similes fiant; duo pondera, quibus æquilibrantur, æqualia erunt inter se. Tab. 9. Fig. 8.

aEx prop.
97. huius.

Sit Catena AB maior, & CD minor, & ambæ ex filis æquè robustis, & similiter colligatis constent, & clavis affixæ distrahantur à ponderibus R, S, & potentia X dilatet omnes rhombos catenæ AB, nec non potentia Z omnes rhombos catenæ CD, ita tamen, vt omnes rhombi similes inter se deueniant, & potentiæ X, Z æquilibrentur resistentijs R, S. Dico, quòd pondera R, & S æqualia sunt inter se. Quia a eadem resistentia, quæ suspendi potest ab vnico rhombo AE, dilatato à correlatiua portione potentiæ X, dilatatur quoque à tota serie rhomborum AB, æqualium, & similium illi tracto à tota potentia X. Ergo idem pondus R, quod suspenditur à potentia X, dilatando catenam AB, suspendetur quoque æquali momento à potentia dilatante vnicum rhombum AE.

Similiter idem pondus S suspendetur à potentia Z, dilatante, totam catenam CD, nec non à potentia dilatante vnicum rhombum CF. Sed quia machinulæ, seu rhombi AE, & CF sunt æquales, similes, & dilatantur ab æqualibus potentijs, & ideò suspendent æqualia pondera; Ergo pondera R, & S, suspensa ab inæqualibus catenis AB, CD, æqualia sunt inter se.

P R O P O S. C I.

Iisdem positis, vt longitudo catenæ AB ad CD, ita
est potentia X ad potentiam Z.

Tab. 9. Fig. 8.

Quia omnes machinulæ, seu rhombi, qui siue in
vna catena, siue in vtraque continentur sunt inter se
æquales, similes, & similiter positi; Ergo omnes al-
titudines eorum æquales sunt inter se; Ergo in cate-
nis inæqualibus AB, CD, in quibus altitudines ordi-
nata serie continuantur, erit longitudo AB ad CD, vt
multitudo rhomborum ipsius AB, ad multitudinem
rhomborum catenæ CD, seu eandem proportionem
habebit, quam omnes dilatationes, vel diametri trans-
uersæ rhomborum in AB contentorum ad omnes di-
latationes rhomborum ipsius CD, vel potius eandem,
quam potentia X ad potentiam Z.

Hinc constat, quod pondera æqualia subleuantur
ad altitudines proportionales longitudinibus, & po-
tentijs trahentibus catenas inæquales. Quia tot sunt
paria sinuum versorum medietatum angulorum, qui-
bus funiculi rhomborum dilatantur, scilicet tot sunt
decurtationes altitudinum rhomborum, quot sunt
rhombi. Sed, vt multitudines rhomborum, ita sunt
longitudines catenarum, compositæ ex altitudinibus
rhomborum, & ita pariter sunt potentiæ contrahen-
tes; Ergo pondera æqualia subleuantur ad altitudi-
nes proportionales longitudinibus catenarum, & po-
tentijs eas contrahentibus.

Cap. 16.
Lemmata
pro exa-
ctiore in-
quisitione
potentiæ
musculo-
rum.

Cap. 16.
Lemmata
pro exa-
ctiore in-
quisitione
potentiæ
musculo-
rum.

P R O P O S. LCII.

Iisdem positis ^a; At catenæ AB, CD sint inter se æqua-
les, & potentiæ LX, KZ inæqualiter validæ specie,
& eleuent ad æquales altitudines BG, DH, pondera
R, S: erunt potentiæ proportionales ponderibus.

^a Tab. 9.
Fig. 10.

Sint machinulæ minimæ, seu rhombi AE, CF, quo-
rum potentiæ contrahentes LM, KN; & quia catenæ
AB, CD sunt æquales, & similes inter se, ergo com-
ponuntur ex æqualibus multitudinibus rhomborum;
Et quia post æquales contractiones remanent catenæ
decurtatae AG, CH, æquales quoque inter se, igitur
singuli rhombi AE, CF æquales, similes, & similiter
positi erunt, & sic reliqui omnes; Et ideò eorum
amplitudines inter se, nec non semialtitudines æqua-
les erunt. Sed ^b potentia LX ad resistentiam R ean-
dem proportionem habet, quam dilatationes omnium
rhomborum catenæ AG ad semissem altitudinis vnus
rhombi AE, seu quam dilatationes omnium rhombo-
rum CH ad dimidiam altitudinem vnus rhombi CF,
(cum sint æquales, similes, & similiter dilatati) &
in eadem proportionem est potentia KZ ad resistentiam
S; Ergo potentia LX ad pondus R eandem propor-
tionem habet, quam potentia KZ ad pondus S, cum
sint, vt dilatationes omnium rhomborum catenæ AG,
vel CH ad semialtitudinem vnus rhombi AE, vel CF.
Quare permutando, vt potentia LX ad KZ, ita erit
pondus R ad S.

^b Prop. 96.
huius.

PROPOS. CIII.

Si catenæ ex fibris similiter colligatis compositæ a, vt AB, CD, EF &c. fuerint æquales, similes, parallelæ, & contiguæ inter se; & fasciculus ex eis conflatus contrahatur à potentijs æquè validis specie XZT, ita vt rhombos æquales, similes, & alternè dispositos ad instar retis efforment; & æquilibrentur ponderi RV ab eis sustentato; sitque pondus R illud, quod æquali momento à potentia X vnus catenæ AB sustinetur. Dico, potentiam XT ad potentiam X, & pondus RV ad R, eandem proportionem habere, quam omnes catenæ fasciculi ABGH ad vnam catenam AB.

Quia pondus RV eleuatur, suspenditurque à pluribus catenis, contractis à peculiaribus potentijs æquè validis specie, & æqualibus inter se, nec vlla catena remanet otiosa; Ergo quælibet catena sua peculiari potentia suspendit correspondentem partem totius ponderis RV; quare omnes catenæ integrum pondus RV, communi actione perindè sustineant, ac si esset diuisum in tot particulas, quot sunt catenæ; Cùmque catenæ supponantur similes, & æquales inter se, & contrahantur à potentijs æqualibus (eoquòd sunt æquè validæ specie); Ergo ex sui natura singulæ potentie sustinere possunt æqualia pondera æqualibus momentis, & erunt tot numero, quot sunt catenæ. Quapropter, vt omnes catenæ fasciculi ABGH ad vnam catenam AB, ita est potentia integra XT ad potentiam X, & ita totum pondus RV ad pondus R.

Cap. 16.
Lemmata
pro exactiore in-
quisitione
potentiæ
musculo-
rum.

a Tab. 9.
Fig. 10.

PRO-

Cap. 16.
Lemmata
pro exa-
ctiore in-
quisitione
potentiæ
musculo-
rum.

P R O P O S. CIV.

^a Tab. 9.
Fig. 10.

Iisdem datis ^a, potentia XT totius fasciculi ABGH, ad pondus RV ab eo æquali momento suspensum, eandem proportionem habet, quam dilatationes omnium rhomborum vnius catenæ AB simul sumptæ, ad semissem altitudinis vnius rhombi.

^a Prop. 96.
huius.

In eadem figura, quia particula potentiæ X, contrahendo catenam AB, sustinet æquali momento ponderis particulam R, erit ^a potentia X ad pondus R in eadem proportionem, qua dilatationes rhomborum totius catenæ AB ad semissem altitudinis vnius rhombi eiusdem; sed æquè multiplices sunt catenæ in fasciculo ABGH contentæ vnius catenæ AB, atque tota potentia XT partiæ eius X; nec non integrum pondus RV portionis eius R; & partes cum pariter multiplicibus in eadem sunt proportionem; Ergo XT ad pondus RV se habet, vt dilatationes omnium rhomborum vnius catenæ ad semissem altitudinis vnius rhombi eiusdem catenæ.

P R O P O S. CV.

^a Tab. 9.
Fig. 11.

Si fuerint duo fasciculi ^a AC, & EG ex eisdem catenis æquè crassis, & inæqualium altitudinum; Pondera R, & S, æqualibus momentis à potentijs XZ, & TV æquè validis specie suspensa, erunt æqualia inter se, & potentiæ, & subleuationes ponderum eandem proportionem habebunt, quam longitudines fasciculorum AB, & EF.

Parti-

Particula X potentiaë XZ, contrahendo vnicam catenam AB, suspendat æquali momento particulam I totius ponderis R, pariterque particula potentiaë T, contrahendo catenam EF, suspendat æquali momento particulam O totius ponderis S.

Quia potentia XZ ad potentiam X, nec non pondus R ad pondus I eandem proportionem habet, quam multitudo æqualium catenarum fasciculi AC ad vnam catenam AB; Similiter potentia TV ad T, & pondus S ad O eandem proportionem habet quam multitudo catenarum fasciculi EG ad vnicam catenam EF; suntque multitudines catenarum in vtroque fasciculo æquales inter se; Ergo, vt omnes catenæ fasciculi AC ad vnam AB, ita se habent, omnes catenæ fasciculi EG ad vnam EF, & ideò potentia XZ ad X se habet, vt potentia TV ad T, pariterque pondus R ad I, vt pondus S ad O, & sunt pondera I, & O æqualia inter se; Ergo pondus R ad S, potentia XZ ad TV, & decurtatio fasciculi AC ad abbreviationem fasciculi EG, eandem proportionem habent, quam longitudo AB fasciculi AC ad longitudinem EF fasciculi EG.

Paret ergo, quòd idem pondus R, quod sustinetur ab integro fasciculo AC cuiuscunque longitudinis, suspenditur quoque à minimo fasciculo BC, scilicet ab aggregato omnium infimorum rhomborum eiusdem fasciculi ABCD.

P R O P O S. CVI.

Sint vt priùs duo fasciculi ^a AC, & EG æquè alti, &
B b craf-

Cap. 16.
Lemmata
pro exa-
ctiore in-
quisitione
potentiaë
musculo-
rum.

a Tabl 9.
Fig. 12.

Cap. 16.
Lemmata
pro exa-
ctiore in-
quisitione
potentiæ
musculo-
rum.

crassities AD maior sit crassitie EH . Dico , poten-
tiam XZ ad potentiam TV , nec non pondus R ad
pondus S eandem habere proportionem,quam cras-
sities AD ad crassitiem EH , & pondera æquè sub-
leuari .

Quia catenæ AB,EF, sunt æquales , & similes , &
potentiæ minimæ X , & T sunt æquè validæ specie ;
Ergo sunt æquales inter se , nec non pondera I , & O
sunt quoque æqualia inter se , eo quòd æqualibus mo-
mentis sustentantur ab æqualibus potentijs ; Postea ,
quia potentia XZ ad minimam eius portionem X , seu
ad potentiam T ei æqualem , nec non pondus R ad
pondus minimum I , seu ad O , ei æquale , eandem pro-
portionem habet , quam omnes catenæ inter se æqua-
les fasciculi AC ad vnicam catenam AB , seu EF ; Si-
militer potentia T ad potentiam TV , nec non pondus
minimum O ad pondus S , eandem habet proportio-
nem , quam vnicæ catena EF ad omnes catenas fasci-
culi EG ; Igitur ex æqualitate ordinata , potentia XZ
ad TV , nec non pondus R ad S , eandem rationem
habet , quam omnes catenæ fasciculi AC ad omnes
catenas fasciculi EG , scilicet , quam crassities AB fa-
sciculi AC ad crassitiem EH fasciculi EG , eo quòd in
vtroque fasciculo catenæ sunt æquales similes , & si-
militer contractæ , & contigux inter se .

Præterea , quia omnes catenæ æquales similes à
potentijs æqualibus distractæ æquè decurtari debent ,
sequitur , vt fasciculi AC,EG æquè contrahantur .

PROPOS. CVII.

Cap. 16.
Lemmata
pro exa-
ctiore in-
quisitione
potentiæ
musculo-
rum.

Iisdem positis a sint altitudines, & crassities fasciculo-
rum inæquales. Dico, pondus R ad S eandem ha-
bere proportionem, quam crassities AD fasciculi
AC ad crassitiem EH fasciculi EG; & eleuationem
ponderis R ad eleuationem ponderis S eandem
quoque, quam altitudo AB ad EF: Atque poten-
tiam XZ ad potentiam TV.

a Tab. 10,
Fig. 1.

Secunda altitudine KB æquali ipsi EF, fiat potentia
XZ ad potentiam MZ in eadem proportionem, in qua est
altitudo AB ad KB, erit potentia MZ illa, à qua con-
trahuntur omnes catenæ fasciculi KBCL.

Quia idem pondus R tam à potentia XZ, contrahen-
do fasciculum AC, suspenditur, quam à potentia MZ,
contrahendo fasciculum KC, & sunt duo fasciculi KC,
EG æquè alti &c. Ergo b tam potentia MZ ad TV, bProp. 106
quam pondus R ad S, eandem proportionem habent, huius.

Postea fasciculi KC, EG æquè decurtantur, & ad
æquales altitudines eleuant pondera suspenfa R, S c;
& idem pondus R à fasciculis AC, KC æquè crassis cProp. 105
eleuatur ad altitudines proportionales longitudinis huius.

Tertio loco, quia potentia XZ ad MZ eandem pro-
portionem habet, quam altitudo AB ad altitudinem
KB, & potentia MZ ad potentiam TV eandem, quam
crassities BC ad FG, estque proportio XZ ad TV com-
posita ex proportione XZ ad MZ, & ex proportione
MZ ad TV. Ergo proportio potentiæ XZ ad TV
B b 2 com.

Cap. 16.
Lemmata
pro exa-
ctiore in-
quisitione
potentiæ
musculo-
rum.

componitur ex proportionem altitudinum AB ad EF, & ex proportionem crassitierum BC, ad FG.

PROPOS. CVIII.

Si extremitas eiusdem catenæ^a AC, obliquè iacentis, clauo alligetur in A, & reliquum extremum C trahatur à pondere R per directionem CH inclinamatam ad CA, & punctum concursus C mobile fit per directionem BCH, eiusque momentum æquale sit momento potentiæ XZ, catenam AC contrahentis. Dico, quòd absoluta potentia XZ ad pondus appensum R, eandem proportionem habet, quam omnes dilatationes rhomborum catenæ AC ad sublimitatem CH semissis CE altitudinis vnus rhombi.

^a Tab. 10.
Fig. 2.

^b Prop. 97.
& 104. hu-
ius.

^c Prop. 64.
huius.

Amota resistantia R, substituaturs eius loco potentia S, quæ æquali momento resistat directæ tractioni catenæ SCA, quam efficit eadem potentia XZ, dilatando omnes rhombos. Patet, momenta R, & S æquari inter se, cum æqualia sint momento eiusdem potentiæ XZ; Præterea^b potentia XZ ad resistantiam S directè tractam, seu ad ei æqualem potentiam VZ, tractam ab infimo rhombo, eam proportionem habet, quam omnes dilatationes rhomborum catenæ AC ad CE, semialtitudinem vnus rhombi. Postea amota potentia XV, restat potentia VZ, scilicet vis ipsius S, quæ altitudinem CE, non secus, ac filum trahendo, æquilibratur ponderi R; estque concursus C directionum mobile per CH; Ergo^c potentia VZ, seu ipsius S, ad pondus R eandem proportionem habet, quam CE ad sublimitatem CH. Igitur ex æquali potentia XZ ad pondus R, eam habet proportionem, quam dilata-
tiones

tionem omnium rhomborum catenæ AC ad sublimitatem CH.

P R O P O S. CIX.

In triangulo rectangulo AHB^a, ab angulo acuto A ducatur linea AC, secans cathetum BH intra triangulum. Dico, quòd catheti segmentum HC abscissum, ad ductam hypothenusam CA minorem, habet proportionem, quàm differentia hypothenusarum BD ad reliquum catheti segmentum BC.

Centro A, & radio AC fiat circulus CDEF, & producantur BCH, BA ad oppositam peripheriam FE, & fiat BG ad BC, sicut est BC ad BD. Quia duæ lineæ BF, BE secant circulum, & se mutuò; Ergo rectangulum EBD æquale est rectangulo FBC. Ideòque FB ad EB eandem proportionem habet, quàm BD ad BC, seu BC ad BG, seu FC ad EG, sed GE minor est, quàm ED, ergo CF ad ED, seu CH ad AD, vel ad CA, minorem habet proportionem, quàm CF ad EG, seu quàm BD ad BC.

P R O P O S. CX.

Eadem catena AB^a, quæ à potentia XZ contracta, primò directè trahendo suspendat pondus S, & deinceps obliqua tractione suspendat pondus R, mobile per directionem BCH. Dico, pondus S maius esse, quàm R; & S eleuari ad altitudinem minorem, quàm R, itaut pondus S ad R minorem habeat proportionem, quàm eleuatio ipsius R ad ascensum ponderis S.

Cap. 16.
Lemmata
pro exa-
ctiore in-
quisitione
potentia
musculo-
rum.

a Tab. 10.
Fig. 3.

a Tab. 10.
Fig. 4.

Quia

Cap. 16.
Lemmata
pro exa-
ctiore in-
quisitione
potentia
musculo-
rum.

bProp. 96.
huius.
c Prop.
108. huius.

d Ex præ-
ced.

Quia potentia XZ ad pondus S directè tractum, b eandem proportionem habet, quam omnes dilatationes catenæ AC ad semialtitudinem vnus rhombi, quæ sit CE, & è conuerso; Postea eadem potentia XZ ad pondus R eandem proportionem habet c, quam omnes dilatationes rhomborum catenæ AC ad GC sublimitatem semialtitudinis vnus rhombi, scilicet CE; Ergo pondus S ad R se habet, vt CE ad CG, estque GC minor, quàm CE; Ergo S est maior, quàm R. Secundò, quia quantum decurtatur catena AC, tantum ascendit versus A pondus S directè tractum, & decurtatio est DC differentia AB, & AC; Ergo ascensus S mensuratur à DC; E contra ascensus R mensuratur à translatione BC per directionem, seu canalem BCH, estque differentia DC duorum laterum AB, BC minor, quàm basis BC trianguli ABC; Ergo maius pondus S ascendit minùs, quàm minus pondus R. Tertiò ducta BI parallela CA, erit BI minor, quàm BA, & ideò IB ad BH minorem rationem habet, quàm AB ad BH; atque S ad R, vt EC ad CG, seu vt IB ad BH (ob similitudinem triangulorum HBI, GCE) ergo S ad R est in minori ratione, quàm IB ad BH; estque IB ad BH ratio minor, quàm BC ad CD d igitur S ad R ratio minor est, quàm BC, eleuatio ipsius R ad CD eleuationem alterius S.

P R O P O S. CXI.

Iisdem positis, & dato angulo inclinationis catenæ, eiusque contractione, exhiberi possunt in numeris, ponderum inæqualium, eorumque eleuationum proportionibus. Tab. 10. Fig. 4.

In

In eadem figura fit angulus ACH grad. 30, & de-
 curtatio CD fit quinta pars totius catenæ CA. Ergo
 qualium partium AD, seu AB est 100. erit CD 25.
 partēs, & HB erit 86. 6. partes, cum fit sinus secun-
 dus anguli grad. 30, & in eisdem dabitur AH partium
 50; Ergo in triangulo AHC rectangulo, in quo da-
 tur AH 50, & hypothenusa CA 125. dabitur CH par-
 tium 114. 6. et proinde excessus BC supra HB, erit-
 que BC 28. partes. Postea, vt est BH ad BA, ita fiat
 25. ad 26. 5. proximè; Erit ergo ^a pondus S ad R in
 eadem proportione, quam habet AB ad BH, seu vt
 26. 6. ad 25; & ascensus S ad ascensum R in eadem,
 ac habet CD ad BC, seu quam habet 25. ad 28.

Cap. 16.
 Lemmata
 pro exa-
 ctiore in-
 quisi-
 tione
 potentia
 musculo-
 rum.

^aProp. 64.
 huius.

P R O P O S. CXII.

Quare musculis radiosus penniformibus natura vtatur
 in animalibus, rationem reddere.

Tab. 10. Fig. 5, & 6.

Certum est, minori vi trahi, & suspendi idem pon-
 dus directo motu, quàm obliquo per funes inclinatos
 ad motus directionem ipsius resistentia; cumque fibræ
 inclinatae musculorum sint funes, quæ sua contractione
 agunt per directionem earundem fibrarum; ergo à fi-
 bris inclinatis maiori vi trahitur resistentia, quàm si
 directè traheretur per eandem directionem, qua fibræ
 extensæ sunt; & quia natura semper compendia, bre-
 uitatem, & facilitatem quærit in suis operationibus,
 mirum est, fibras obliquas in musculis adaptasse. Ve-
 rum attendenti facilè patebit, quòd natura non spon-
 tè, sed necessitate materiae coacta prolixam, & diffici-
 liorem viam eligit, vtque necessitas in casu nostro per-
 cipia-

Cap. 16.
Lemmata
pro exa-
ctiore in-
quisitione
potentia
musculo-
rum.

a Tab. 10.
Fig. 5.

b Tab. 10:
Fig. 6.

cipiatur, aduertendum est primò, quod aliqui muscu-
li exercere debent ingentem vim, vt sunt Glutei, &
Vasti, & alij consimiles; at talis excedens vis motiua,
nullo alio modo haberi potest, quàm multiplicando
numerum fibrarum, seu catenarum ex machinulis
rhomboidalibus compositarum; nam tunc quælibet fi-
bra trahere potest correspondentem particulam resi-
stentiæ, & sic grandis multitudo fibrarum poterit va-
stum pondus suspendere. Verùm tot copiosæ fibræ si
contiguæ, parallelæ inter se essent, & perpendiculari-
ter insisterent super basim, aptarentur, & componerent
prisma rectum, vt est ABCD^a, tunc crassities BC ta-
lis fasciculi nimis excreceret, & ideò exigeret am-
plum spatium, in quo collocari, & suum motum exer-
cere posset, quæ spatia tam ampla, nec dantur in late-
ribus ossium, nec dari possunt, cum ibidem collocari
debeant alij plures muscoli ad alios motus destinati;
Præterea crassissimæ bases AD, BC illius musculi, pris-
matis recti formam habentis, connecti deberent am-
plis tendonibus, & crassis tuberculis ossium, quod val-
dè incommodum esset; nulli enim alij musculi in eis-
dem tuberculis affigi possent, & ideò alij motus eiuf-
dem articuli impedirentur; Vt ergo natura hisce om-
nibus necessitatibus prouideret, sagacissimè in angustis
locis musculos immensam copiam fibrarum habentes,
vt est FH, IKL^b, efformauit strictis lateribus, & sub-
tilibus finibus, & principijs tendinosi N, & M, radi-
cando fibras non in vnica base plana, & ampla, sed in
toto circuitu funiculi tendinosi NOI: eadem indu-
stria, qua pluribus manibus longum funem cum pon-
dere appenso trahere solent plures homines longa se-
rie dispositi, qui in via stricta, & oblonga facillè aptari
& vim exercere possunt.

Hoc

Hoc, inquam, modo musculi ferè omnes conformati sunt, vt possint commodè situari, & adaptari in spatijs lateralibus strictis ossium, in quibus longitudo musculi proluxa, & restricta absque aliorum impedimento collocari potest; estque talis naturæ lex adeò necessaria, vt in articulis paruis, vt sunt digiti, non aptauerit musculos motorios in eisdem ossibus digitorum, sed eos in loco diffito, nempe in tuberculo cubiti affixerit, & fasciculos fibrosos inter cubitum, & carpum extenderit, qui mediantibus funiculis, seu loris trahunt ossiculos articularum.

Nec te moueat obliquitas fibrarum, nam hæc vt plurimum minima esse solet, & rarò quinque, vel sex gradus superat. Et proindè vis absoluta fibrarum parum augeri debet supra eius momentum, vt dictum est; & tale virium dispendium euitari non potest, quia est necessarium, & insuper longè maiori lucro tot commoditatum compensatur.

De exactiori inquisitione virtutis motiue musculorum superius expositorum.

C A P V T XVII.

PER hætenùs exposita de excedenti vi motiua, qua natura per musculos resistentias, & pondera appensa suspendit, & mouet, adhuc integra non est, sed multò maiorem exercet, quam ostendemus ab alijs causis mechanicis pendere.

Cap. 17.
De exactiore in-
quisitione
virtutis
motiue mu-
sculorum,

Cap. 17.
De exa-
ctiore in-
quisitione
virtutis
motiug mu-
sculorum.

P R O P O S. CXIII.

Fila tendinosa, & neruea, quæ post distractionem contrahuntur, necessario componi debent ex pluribus machinulis longo ordine inter se connexis, ad instar catenæ ex arcubus contrahibilibus compositæ.

Cum naturæ dictamine à notis ad ignota procedere debeamus, quia quærimus, quibus machinis, & quibus modis fibræ tendinosæ, & fila metallica contrahibilia, siue propria indole post violentam distractionem, siue à causa externa contrahantur, & decurtentur, inspicere debemus consimiles operationes sensui manifestas; hæ sunt illæ, quæ in machinis curuis, vt sunt arcus, & anuli, obseruamus: In ijs enim partes extremæ nimis distractæ sibi ipsis viciniore sunt, quapropter fibræ illæ à simili structura machinæ contrahi, & decurtari debent; videmus autem, quòd contractio illius fibræ, vel fili metallici non fit in vna eius parte tantum, sed in omnibus eius partibus; quod tali experimento euincitur. Distinguaturs filum chalybeum in partes æquales, quæ alternè colore nigro, & albo pingantur ad instar graduum astrolabij; in tali filo gradus omnes per totam fili longitudinem æquè decurtantur post violentam distractionem; id ipsum in fibris carneis contingit, nec possunt exiguæ illæ particule ad inuicem approximari, nisi à vi machinæ. Cogimur ergo affirmare, quòd binæ qualibet particule illius fili, quæ viciniore sibi ipsis sunt, à vi consimili machinæ arcus, vna versus alteram moueantur. Nec sufficit vna sola machina ad hanc vniformem
contra-

contractionem faciendam : nam videmus, quòd longi-
tudines brachiorum vnus arcus non decurtantur, sed
retenta pristina longitudine, flectuntur vnum versùs al-
terum; & sic interuallum extremorum terminorum im-
minuitur : secùs autem contingit in contractione fili,
vt dictum est, in quo, binæ quæque particulæ in tota
fili longitudine distributæ, sibi ipsis viciniore fiunt,
vna versùs alteram accedendo. Quare concedendum
est, fibram carneam, vel filum chalybeum constare ex
tot machinulis formam arcus imitantibus, quot sunt
connexiones binarum particularum integram fili lon-
gitudinem componentium. Igitur non ineptè compa-
rare possumus fibram carneam, & filum chalybeum,
catenæ cuidam ex anulis, seu arcubus connexis, &
longa serie continuatis. In hac enim structura præci-
pue verificari potest insignis illa proprietas fibrarum,
quæ vbique, & vndique flecti, complicari, & innoda-
ri possunt, quæ contorsiones absque internodiis, qui-
bus anuli catenæ connectuntur, fieri non possent.

Cap. 17.
De exa-
ctiore in-
quisitione
virtutis
motuque mu-
sculorum.

PROPOS. CXIV.

Quælibet fibra musculosa similis est catenæ ex pluri-
bus rhombis compositæ, quæ contrahi possunt ad
instar arcus.

Quia muscoli sunt fasciculi compositi ex subtilissi-
mis filis tendinosi tenacissimis, qui decurtantur non
secus, ac fides citharæ, & fila Chalybea distracta, &
multò maiori vi fibræ ab imperio voluntatis contra-
hantur; cùmque talis contractio intelligi non possit
absque machina ad instar arcus, nec contractio om-

Cap. 17.
De exa-
ctiore in-
quisitione
virtutis
motiue mu-
sculorum.

nium partium fibræ concipi potest absque continuata serie machinularum ad instar catenæ, vt dictum est; Ergo quælibet fibra musculi similis erit catenæ ex machinulis compositæ. Tales autem machinulæ similes anulis, aut arcubus, non possunt esse duræ, & rigidæ, cum fibræ carneæ in omnibus partibus longitudinis earum sint molles, & flexibiles; Ergo potius similes erunt rhombis ex filis colligatis, qui à facultate motiua dilatantur, & proindè contrahuntur; Quare concipi debet, subtilissima fila, seu fibras musculorum, esse seriem machinularum forma porosa, seu rhomboidali similem catenæ ex rhombis filaribus compositæ, de qua egimus superiori capite.

PROPOS. CXV.

Machinulæ, seu pori rhomboidales fibrarum carnosarum, tam exigui esse debent, vt eorum longitudo non sit maior vigesima parte vnus digiti.

Quia fila, seu fibræ musculorum subtiliores sunt quolibet muliebri capillo; hinc fit, vt porositates, seu rhomboidales cauitates machinularum intra crassitiem earundem fibrarum existentium, minores sint crassitie eorundem filorum carneorum; & ideò series rhomborum, continuata per longitudinem totius fibræ, erit saltem tam multiplex crassitie vnus carnei fili, quàm multitudo rhomborum illius seriei multiplex est vnus ex illis machinulis; sed quinquaginta fibræ carneæ inter se contiguæ non æquant latitudinem vnus digiti; Ergo machinulæ, seu pori rhomboidales, tam parui sunt, vt series quinquaginta machinularum latitudinem vnus digiti non superent. Nos verò cautionis gratia

gratia supponemus, quod series viginti machinularum iuxta se positarum æquent latitudinem vnus digiti.

Cap. 17.
De exa-
ctiore in-
quisitione
virtutis
motiua
musculo-
rum.

P R O P O S. CXVI.

Musculi textura similis est fasciculo reticulari ex catenis contiguis composito,

Sensu constat, quòd fibræ carnosæ, quando ociantur, sunt molles, elongatæ, & distensæ, ad instar fidium citharæ laxatarum; Ergo necesse est, vt facies internæ laterales pororum earundem conniueant, & se mutuo tangant, & proindè altitudines elongatæ erunt. E contra quando agunt, decurtantur, indurantur, & inflantur, diminuta nempe altitudine earum, tùm quia filamenta fibrosa distrahi non possunt, tùm etiam, quia concipi non potest decurtatio, & inflatio columnæ fibrosæ absque eo, quòd pororum diametri transversales crescant, & rectæ diametri diminuantur. Verùm in tali inflatione oportet, vt fibræ acquirant formam similem catenæ ex rhombis compositæ, suntque musculi fasciculi ex columnis contiguis, & parallelis inter se coaceruati; Ergo necesse est, vt machinulæ, seu vesiculæ inflatæ vnus fibræ, sint contiguæ alijs machinulis simili modo contractis, & ideò texturam conficiant similem reticulato fasciculo, ex machinulis rhomboidalibus composito.

P R O P O S. CXVII.

Vis motiua contrahens vnicam machinulam fibræ musculosæ

Cap. 17.
De exactiore in-
quisitione
virtutis
motiue mu-
sculorum.

sculofæ ad resistantiam ponderis appensi, eandem proportionem habet, quam dilatatio eiusdem rhomboidalis machinulæ ad semialtitudinem eius. Tab. 9. Fig. 6.

Quia vt dictum est machinulæ, ex quibus fila carnea, & tendinosa muscutorum componuntur, similes sunt rhombo ADBC ex filis ADB, & ACB inter se colligatis in A, & C, & affixis clauo X, quæ trahantur à pondere Z. Adsint postea duæ potentiæ G, & F dilatantes funes. Hæ ad resistantiam Z erunt, vt funium dilatatio DC ad AE semissem diametri AB. Modò, quia vis motiua contrahens vnicam machinulam fibræ musculofæ ADB, qualiscunque illa sit, certè agit abbreviando interuallum AB, & eleuando resistantiam Z; hoc autem concipi non potest absque filorum dilatatione, flectendo nempe ea, & complicando ad instar arcus; Ergo similiter potentia motiua contrahens machinulam similem rhombo appenso loco firmo X, ad resistantiam Z se habet, vt DC dilatatio rhombi ad AE semissem altitudinis diametri AB.

C O R O L L A R I V M.

Facile percipitur, quòd quælibet minima vis motiua potest suspendere quamlibet immensam resistantiam ponderis appensi, vt si pondus Z fuerit 10000. libr. poterit suspendi, & aliquantulum eleuari à potentia motiua, quæ pars centesima sit vnus libræ; quoniam dilatatio CD esse potest 1000000. ipsius AE, tunc fiet potentiarum æquilibrium.

PRO-

P R O P O S. CXVIII.

Morus potentiæ vnicam machinulam fibrosam contrahentis, ad motum eleuationis resistentiæ, erit, vt sinus semianguli dilatationis fibrarum rhombi ad duplum sinus versi eiusdem anguli. Tab. 9. Fig. 6.

In eadem figura, quia in machina rhomboidali AC DB, duæ potentiæ G, F eam contrahentes, dilatant terminos intermedios fibrarum ab E ad C, D; Ergo cuiuslibet potentiæ C, vel D motus mensuratur à lineis EC, & ED, qui sunt sinus medietatum anguli CAD ipsius rhombi; E contra motus resistentiæ Z mensuratur à diminutione interualli AB, seu à differentia longitudinis diametri AB, ab integra longitudine fibrarum ACB, vel ADB, estque talis differentia æqualis duplo sinus versi anguli CAE; Ergo a motus potentiæ GF ad motum eleuationis resistentiæ erit, vt CE sinus anguli CAE ad duplum sinus versi eiusdem anguli.

Cap. 17.
De ex-
tioris in-
quisitione
virtutis
motiua
musculo-
rum.

a Prop. 99.
huius.

Deducitur ergo ex tabula propositionis 99, quòd dilatatio rhombi vsque ad angulum graduum 51. efficit potentiam minorem, quàm sit resistentia, & deinceps semper potentia excedit resistentiam; E contra motus potentialium, seu dilatatio rhomborum, semper maior est subleuatione resistentiæ.

P R O P O S. CXIX.

Vis motiua contrahens seriem machinularum vnius filii carnosii, ad resistentiam ponderis appensi, se habet, vt dilatationes omnium machinularum simul sumptæ ad semialtitudinem vnius rhombi.

Quia

Cap. 17.
De exactiore in-
quisitione
virtutis
motiue mu-
sculorum.

aProp. 96.
huius.

Quia ostensum est^a in catena ex rhomboidalibus
filaribus composita, quòd omnes potentia dilatantes
rhombos, ad resistentiam suspensam, eandem rationem
habent, quam omnes diametri transuersales simul
sumptæ ad semialtitudinem vnus rhombi: Ta-
lis autem catena, & eius operatio similis est fibræ
musculosæ ex machinulis compositæ; Ergo similiter,
vt omnes potentia, quæ singulas machinulas contra-
hunt ad resistentiam appensam, sic se habent dilata-
tiones omnium machinularum, seu rhomborum simul
sumptæ ad medietatem altitudinis vnus rhombi, seu
machinulæ contractæ.

C O R O L L A R I U M .

Hinc deducitur, quòd idem pondus, quod sustinetur
ab innumeris potentijs contrahentibus totidem ma-
chinulas fibræ carnea, sustinebitur quoque ab vni-
ca potentia vnicam machinulam contrahente.

Et in fasciculo ex pluribus fibris carnosissimis compo-
sito, seu in musculo id ipsum verificatur, scilicet idem
pondus, quod suspenditur ab innumeris potentijs
contrahentibus totidem strata machinularum eius-
dem fasciculi, sustinetur quoque à potentijs contra-
hentibus vnicum stratum machinularum, ita vt, si se-
ries machinularum totius musculi fuerit millicupla
earum, quæ in vnico strato continentur, non proinde
potentia motiua, millies multiplicata, suspendet maius
pondus, quàm sustinebat millesima pars illius, quæ
contrahebat vnicum stratum machinularum, vt ex di-
ctis patet.

PROPOS. CXX.

Cap. 17.
De exa-
ctiore in-
quisitione
virtutis
motuæ mus-
culorum.

Vis motiua contrahens seriem machinularum in filis fasciculi musculosi contentarum, eleuat idem pondus ad altitudinem tam multiplicem eleuationis, factæ à vi motiua, contrahente vnicum stratum machinularum, quàm multiplex est illa potentia huius potentiae, & quàm multiplex est multitudo stratorum machinularum vnus strati.

Quia ostensum est ^b, quod in catena ex machinulis composita pondus suspensum eleuatur ad altitudinem tam multiplicem eius, quæ ab vnica machinula eleuatur, quàm multiplex est multitudo machinularum catenæ vnus machinulæ, & in eadem proportionem erunt potentiae machinulas eleuantes. Eodem modo in fasciculis musculosis compositis ex fibris, seu catenis ex machinulis compositis debet pondus suspensum eleuari à vi motiua tam multiplice eius, quæ vnicam fibræ contrahit, quàm multiplex est multitudo machinularum vnus cuiuslibet fibræ singularis machinulæ infimæ, quod erat &c.

PROPOS. CXXI.

Si duo muscoli eiusdem animalis fuerint æquè crassi, scilicet compositi ex pari multitudine fibrarum, sed earum longitudines inæquales fuerint; suspendent quidem æqualia pondera: at potentiae motiuae, & altitudines suspensionum eandem proportionem habebunt, quam longitudines musculorum.

Hoc quidem deducitur ^a, quia duo fasciculi æquè ^aEx prop. 105. huius.
D d crassi,

Cap. 17.
De exa-
ctiore in-
quisitione
virtutis
motus mu-
sculorum.

crassi, & inæqualiter alti, compositi ex catenis machi-
nularum prius expositarum, suspendent æqualia pon-
dera: & potentiaæ motiuæ, nec non altitudines suspen-
sionum eandem proportionem habebunt, quam longi-
tudines fasciculorum, suntque muscoli fasciculi æquè
crassi, & inæqualiter alti, compositi ex fasciculis filo-
rum musculosorum, quæ constant ex machinulis; er-
go patet propositum.

P R O P O S. CXXII.

Si verò altitudines musculorum fuerint æquales, &
crassities eorum inæquales: Potentiaæ motiuæ, &
pondera suspensa, proportionalia erunt crassities
musculorum; at pondera ad æquales altitudines
ascendent.

aEx prop.
106. huius.

Sequitur ^a, quia in duobus fasciculis æquè altis, &
inæqualiter crassis, ex catenis contrahibilibus compo-
sitis, potentiaæ, & pondera suspensa, sunt, vt crassities
eorundem fasciculorum, & ad æquales altitudines
pondera eleuabunt. Ergo duo muscoli æquè alti, &
inæqualiter crassi, eleuabunt pondera ad æquales alti-
tudines, quæ pondera erunt, vt potentiaæ, & vt crassi-
ties musculorum.

P R O P O S. CXXIII.

At, si tam altitudines, quàm crassities musculorum
inæquales fuerint, pondera suspensa erunt, vt cras-
sities musculorum; altitudines eleuationum eorum
erunt, vt longitudines musculorum; at potentiaæ
com-

compositam proportionem habebunt ex ratione crassitierum, & longitudinum.

Cap. 17.
De exa-
ctiore in-
quisitione
virtutis
motuꝝ mu-
sculorum.

Constat hoc ^a, quia in duobus fasciculis ex supra dictis catenis contrahibilibus, si altitudines, & crassities inæquales fuerint, pondera suspensa erunt, vt crassities: eleuationes, vt altitudines: & potentia compositam proportionem habebunt ex rationibus altitudinum, & crassitierum; Ergo in musculis id ipsum verificabitur.

^aEx prop.
107. huius.

COROLLARIUM.

Hinc percipitur necessitas, quare natura cogatur adhibere excedentem vim motiuam in musculis longioribus.

Hoc fit, vt pondera ad grandes altitudines eleuet, quia pori, seu machinulae fibrarum musculorum, sunt angustissimi, & parui, scilicet non excedentes crassitiem vnius fibræ: quare pondus suspensum eleuari non posset, nisi per spatium æquale medietati altitudinis vnius machinulae rhomboidalis; Ergo necessario multiplicari debuerunt machinulae longo ordine, vt à totidem exiguis eleuationibus confurgeret grandis illa eleuatio articulorum, quæ ad motus animalis efficiendos requirebatur.

His præmissis exactius vires musculorum indagari possunt, & primò.

PROPOS. CXXIV.

Musculorum tertium, & secundum articulos digitorum

Cap. 17.
De exa-
ctiore in-
quisitione
virtutis
motiæ mu-
sculorum.

rum manum flectentium, nec non Deltoidis exa-
ctiores vires inquirere.

aProp. 82.
huius.

Quia a ostendimus, quòd musculus flexor articu-
lorum primi, & tertij digitorum manus ob ve-
ctum longitudines, & ob inclinationem fibrarum,
penniformium exercet vim æqualem ponderi libr.
176, & fibræ eiusdem musculi obliquæ longiores sunt
duobus digitis, atque in digitali longitudine fibrarum
continentur plusquam viginti machinulæ catenam fi-
brosam constituentes; Ergo in singulis fibris prædicti
musculi continentur plusquam quadraginta machinu-
læ; verum ab infimo strato machinularum musculi
eadem resistantia sustinetur, quæ ab integro fascicu-
lo totius musculi, & ad illam resistantiam libr. nouem
cum dimidia sustinendam requirebatur potentia moti-
ua æqualis ponderi 176. libr; Ergo hæc vis exercetur
ab infimo strato machinularum, sed ab omnibus cate-
nis fibrosis eiusdem musculi exercetur vis motiua qua-
dragesiès maior, quàm ab infimo strato.

Igitur vis, quæ exercetur à musculo flexore primo-
rum, & tertiorum articulorum manus, maior est, quàm
vis ponderis 7040. libr.

Eodem modo, quia vis motiua musculi flexoris se-
cundorum articulorum manus æqualis ostensa est vi
ponderis librarum 157; Ergo ob longitudinem fibra-
rum, seu catenarum, ex machinulis compositarum,
quadragesiès vis illa multiplicari debet: idcò æqualis
erit ponderi libr. 6280.

Tandem, quia vis motiua musculi Deltoidis, quæ
in tali constitutione exercetur, æqualis ostensa est pon-
deri libr. 907, & integra eius vis reperta fuit æqualis
poten-

potentiæ libr. 1540; Ergo ^b ob longitudinem fibrarum, & multiplicationem machinularum plusquàm quadragesies erit vis motiua Deltoidis maior, quàm potentia ponderis libr. 61600.

Cap. 17.
De exactiore inquisitione virtutis motiue musculorum.

PROPOS. CXXV.

Vires Musculorum Gluteorum in casu propof. 53. exactiùs limitare.

bProp. 84. huius.

Quia ostendimus, quod vires Gluteorum musculorū ratione vectiū, erant æquales ponderi libr. 1840, ^a & ob inclinationem fibrarum radiosarum vires eorundem musculorum æquales erant ^b potentiæ ponderis libr. 2621, & totales vires fuerunt æquales ponderi libr. 6257, ^c & tandem, quia fibræ illæ radiosæ longæ sunt; Videntur enim superare latitudinem quatuor digitorum (ponantur maiores tribus digitis;) Ergo catenæ fibrosæ compositæ erunt ex pluribus, quàm sexaginta machinulis; & proindè plus, quam sexagiès multiplicari debent vires superiùs expositæ, quare superabunt potentiam ponderis libr. 375420.

aProp. 53. huius.

bProp. 83. huius.

cProp. 85. huius.

PROPOS. CXXVI.

Vires musculi flexoris tertij articuli pollicis manus exactiùs limitare.

Quia ^a ostendimus, quod vis musculi flexoris tertij articuli pollicis manus est proximè æqualis ponderi libr. 124, & fibræ illius penniformes sexquidigitum excedere videntur: Ergo plusquàm trigesies multiplicari debet vis illa; & proinde exactior potentia eiusdem musculi erit proximè æqualis ponderi libr. 3720.

aProp. 86. huius.

PRO-

Cap. 17.
De exactiore in-
quisitione
virtutis
motus mu-
sculorum.

P R O P O S. CXXVII.

Vim motiuam muscutorum temporalium, & manso-
riorum exactiorem reperire.

aProp. 88.
huius.

Quia ^a ostensa fuit vis motiua muscutorum tempo-
ralium, & manseriorum proximè æqualis ponderi
libr. 534, & longitudines fibrarum radiosarum, &
penniformium prædictorum muscutorum sexquidigito
maiores non sunt; Ergo hoc nomine saltem trigesies
vis illa multiplicari debet; & ideò eorundem muscu-
lorum potentia motiua non erit minor, quàm sit vis
ponderis libr. 16020.

P R O P O S. CXXVIII.

Vim motiuam muscutorum intercostalium
exactiorem indagare.

Propositione 90. ostensa fuit vis motiua musculo-
rum intercostalium proximè æqualis ponderi libr.
1068. & longitudines fibrarum eorundem musculo-
rum sexquidigitum æquare videntur. Ergo vis illa
ferè trigesies multiplicari debet.

Quare potentia absoluta muscutorum intercosta-
lium non erit minor vi ponderis libr. 32040.

Eadem methodo reperiri possent vires absolutæ,
quæ exercentur ab alijs musculis hominis, & reli-
quorum animalium. Sed hæc sufficient ad propo-
situm nostrum.

De statione Animalium.

CAPVT XVIII.

Postquam copiosè egimus de ingenti vi motiua, quæ à natura exercetur in varijs musculis, dum motiones simplicissimas edit suspendendo artus ipsos, & reliqua graua resistentia appensa, modò considerari debent operationes ipsæ partium, & totius Animalis, scilicet motus varij artuum, & resultantes ab eis, vt rationes mechanicæ, quibus eadem operationes peraguntur, percipiamus. Et primò agemus de statione, seu de ipso standi actu animalium. Quæ speculatio nedum utilis, & scitu iucunda per se est, sed etiam, quia gressus Animalium stando peragitur, & sine statione intelligi non potest.

P R O P O S. CXXIX.

Naturalis situatio articulorum non est directa, sed parumpè inflexa.

Experientia ipsa nouimus, quòd, dum in lecto iacemus in nulla positura libentiùs quiescimus, quàm inflexis parumper articulis. Et hoc rationi consonum videtur; nam extremæ positiones articulorum maximè extensæ, aut nimium contractæ, & inflexæ fieri non possunt absque violenta distractione, aut compressione tendinum, membranarum, & musculorum; quæ ex sui natura molestæ, & dolorificæ sunt. Ergo status medius inter extremas distractiones, & inflexiones erit naturalis, & ideò à molestia immunis, & suauis.

Cap. 18.
De statio-
ne Ani-
malium .

suavis . Ostendendum modò est , quòd status parum inflexus articularum est medius , & naturalis . Quia articuli facti sunt , vt flectantur , & vt extendantur ; extensio maxima est illa , qua in directum expanduntur ; flexio maxima fit , quando articuli omninò incurvantur ; sed media constitutio iacet inter extremas . Ergo inter articuli rectitudinem , & eius curuitatem maximam , scilicet inflexio intermedia erit naturalis articularum constitutio .

P R O P O S . CXXX.

Musculi flexores eiusdem articuli breuiores sunt extensoribus ; & vtrique æquè contrahuntur .

Tab. 10. Fig. 7.

Ex dictis in præcedenti propositione facilè detegitur error illorum , qui aiunt , quòd musculi flexores eiusdem articuli longiores sunt suis antagonistis musculis extensoribus . Quia nomine longitudinis musculi intelligunt non solummodò fasciculum carneum , eiusque fibrarum extensionem in longum , sed fasciculum simul cum funiculis tendinosi , quibus ossibus alligantur ; & inquiunt , quòd motus flexionis multò maior est extensione eiusdem articuli : pariterque aiunt , quòd musculi flexores longiores sunt , & magis decurtantur , quàm sit longitudo prædicti articuli ; quæ omnia falsa esse ostendentur .

Sit AB os humeri , & FO cubiti , & DC radij connexa circa articulum B ; sitque ED musculus flexor cubiti alligatus in confinio D interno ossis radij DC , & in E summitate humeri ; atque FG sit musculus extensor alligatus in F externo tuberculo cubiti FO , &
in G

in G summitate humeri. Et primò, translato cubito in H, vt humerus AB cum cubito FC in directum constituitur: patet, quòd in tali directà constitutione completur articuli dilatatio; nec absque ossium luxatione vlterius cubitus torqueri potest, vltra terminum H versus sinistram partem I. Ergo terminus H rectæ linæ ABH, erit finis dilatationis, & initium flexionis: & è contra terminus L erit finis inflexionis, & principium dilatationis; circumductio verò cubiti FO efficitur per arcum HCL, paulò minorem semicirculo: cùmque eadem via arcus percurratur ab H ad L, quando articulus flectitur, & ab L ad H, quando articulus dilatatur: ergo præcisè quantum dilatatur articulus, tantum inflectitur.

Cap. 18.
De statione Animalium.

Secundò, quia labrum D cavitatis articulationis radij, quando maximè discedit ab E, in directà articuli constitutione, non digreditur supra conuexum tuberculi B ipsius humeri; Ergo longitudo maxima musculi flexoris ED æqualis est longitudini ipsius humeri AB. At externum supercilium F ossis cubiti FO, quando maximè inflexum est in situ contiguo ipsi BA, tunc oportet, vt ambiendo tuberculum B perueniat F ad latus eius dextrum D. Quare longitudo maxima musculi extensoris FG, æqualis erit, nedum longitudini humeri GB, sed etiam spatio semicirculi BFD circumambientis articulationem. Quare tantum abest, vt musculus extensor sit minor longitudine flexoris, vt è contra extensor GFD superet longitudinem flexoris DE, excessu funiculi semicircularis BFD.

Tertiò, quia in conuersione cubiti ferè semicirculari HCL, supercilia cavitatis eius D, & F, æquè remo-

Cap. 18.
De statio-
ne Ani-
malium.

ta à centro tuberculi, coguntur rotari per æquales semicirculares arcus, tam in expansione, quam in inflexione; sed tantum præcisè decurtantur muscoli ED, & FG, quantum termini eorum D, & F, rotando, appropinquantur suis principijs. Ergo æquè decurtantur muscoli ED, & GF, & proinde falsum est, quòd flexor DE magis contrahitur, quam extensor GF.

P R O P O S. CXXXI.

Retentio articuli in directum non fit à tonica actione musculorum antagonistarum. Tab. 10. Fig. 7.

In eadem figura fit articulus ABC in media, & naturali sui ipsius inflexione, scilicet fit angulus ABC paulò maior recto, tunc planè ambo muscoli ED flexor, & extensor GF nil agunt, utpotè in naturali eorum extensione constituti. Dirigatur postea articulus, translato cubito in situ FH, tunc patet, quòd musculus ED plus iusto elongatur, distractis eius machinulis, & è contra musculus GF relaxatur, quia intervallum inter F, & G minuitur. Quare si consideretur materialis vis machinularum, manifestum est, quòd catena musculosa DE, distracta, spontè nisum aliquem exercebit, ut se ad pristinam contractionem reducat; at extensor GF, relaxatus, nullam vim contractivam efficiet. Verùm talis facultas materialis machinularum adeò exigua, & obscura esse videtur, ut à quolibet minimo obstaculo ponderis, aut alterius resistentiæ impediatur; idèò adhiberi debet vis animastica contractiva musculorum; & in tali casu; Dico, quòd solummodò musculus extensor GF, ab imperio voluntatis contrahi, tendi, & inflari debet, nil operante flexore ED,

re ED, quia, à quacunque vi contrahatur musculus extensor GF, nunquam flectetur articulus FC versus I: aliter ossa luxarentur; Quare actio tonica, impediens flexionem cubiti versus I, efficitur à processibus ossium: & proinde non est necessaria contractio animastica muscoli flexoris DE; conseruari ergo potest directio articuli, absque tonica tractione musculorum antagonistarum, sed à sola tractione extensoris.

Cap. 18.
De fractione Animalium.

PROPOS. CXXXII.

Corpus graue, & durum solo innixum quiescet, si linea INNIXIONIS, scilicet recta linea, à centro grauitatis eius ad contactum pauimenti extensa, perpendicularis fuerit ad horizontem: sin minus, ruet ad partes, vbi talis recta linea pendet. Tab. 10. Fig. 8.

Sit corpus graue, & durum ABC, cuiuscunque figuræ, & innitatur plano horizontali RS in V, & à centro grauitatis eius G, ad contactum V, coniungatur recta linea GV. Dico, quòd si GV perpendicularis est ad horizontalem RS, tunc corpus ABC quiescet in tali situ erecto, at si angulus GVR fuerit acutus, necessariò ruet versus R.

Quia centrum grauitatis est punctum illud, à quo si graue suspendatur, quiescit; & suspensio fieri debet per directionem eiusdem rectæ lineæ, per quam nifus, & motus grauium exercetur, scilicet per perpendicularem ad horizontem: ergo graue ABC, suspensum ex G, centro grauitatis eius, per directionem fili DG perpendicularis ad RS, in tali situ quiescet immotum. Verùm perinde suspenditur, fulciturque graue ABC à duritie pauimenti V, directione GV, perpendiculari

Cap. 18.
De statio-
ne Ani-
malium.

ad horizontem, ac si à filo GD retineretur: igitur graue ABC innixum super V, quiescet immotum. At si angulus GVR fuerit acutus, necessariò ABC ruet versus R; ducta GX perpendiculari ad RS, cadet punctum X inter V, & R. Et quia graue AB fulcitur à veſte inclinato GC circa centrum, vel fulcimentum V; & nisus grauitatis eius exercetur per GX, perpendicularem ad horizontem RS: ergo ex mechanicis perinde est, si graue AB fulciatur à veſte inclinato GC, ac si innixus fuisset super planum GH, perpendicularare ad GC, quod planum GH est inclinatum ad horizontale planum RS: ergo graue AB necessariò labetur deorsùm in tali inclinato plano constitutum, proindeque necessariò vnà cum veſte GC flectetur, & cadet graue AB versus X.

Hæc vera sunt, quando corpus graue tangit pauimentum in vnico puncto V; at si contactus fuerit amplius occupans spatium VT, tunc graue variè dispositum quiescere potest, dum perpendicularis à centro G ad planum horizontale educta, cadit intra spatium contactus VT. Sed ruet subitò, postquam perpendicularis CX cadit extra contactum VT.

P R O P O S. CXXXIII.

Quot modis impediri possit ruina corporis grauis solo innixi, cuius linea innixionis inclinata sit ad horizontale planum. Tab. 10. Fig. 9. 10. 11.

^a Tab. 10.
Fig. 9.

Sit graue ABC^a, cuius linea innixionis GV educta ex centro grauitatis eius G ad contactum pauimenti V, efficiat cum horizontali RS angulum acutum GVR: impediri quidem poterit eius ruina.

Primò,

Primò, si in parte C obtusi anguli GVS addatur Cap. 18.
De statio-
ne Ani-
malium. aliud corpus D, ita vt amborum grauium ABC, & D centrum communis grauitatis O, secet rectam GD, in ratione reciproca ponderum eorundem; & ex O coniuncta OV: hæc, inquam, si perpendicularis fuerit ad RS, procul dubio grauia ABC, & D quiescent in tali situ. Et vocabitur OV linea PROPENSIONIS. Quia propensio grauium fit per lineam perpendicularem ad horizontalem RS.

Secundò, absque additione noui ponderis, ruina impediri potest b, si rotunda portio BC extendatur b Tab. 10.
Fig. 10. in longum ad instar brachij humani exprorecti, vt centrum grauitatis portionis BC transportetur in D, longius à puncto G, quam prius fuerat; & proinde commune centrum grauitatis figuræ elongatæ ABC, sit O in OV perpendiculari, seu linea propensionis, vt in priori casu extiterat.

Tertiò, non alterata figura corporis ABC, præcipitium impediri poterit c, addito fulcro XZ, quod cū linea innixionis GV constituat triangulum GVX, & c Tab. 10.
Fig. 11. perpendicularis GT, ex centro grauitatis G cadat in aliquod punctū T, interceptū inter puncta X, & V ipsius basis XV.

P R O P O S . CXXXIV.

Corporis humani in directum extensi, centrum grauitatis inter nates, & pubim existit.

Tab. 10. Fig. 12.

Extenso homine nudo super tabulam planam AB, in eius medio supposui cuneū prismaticum ED triangularem ad fulciendā tabulam AB perpendiculariter in
eius

Cáp. 18.
De statio-
ne Ani-
malium!

eius centro grauitatis, hæc tabula quiescebat æquili-
brata, quotiescunque fulcimentum cunei in puncto C,
existente inter nates, & pubim hominis super tabu-
lam iacentis, pertingebat. Quare centrum grauitatis
illius hominis extensi in illo situ existerat.

P R O P O S. CXXXV.

Exponitur, quibus posituris, & actionibus homines
stare in situ erecto possunt.

Machina humani corporis constat ex pluribus co-
lumnis osseis, quæ ad inuicem connectuntur, articula-
tionibus rotundis, læuigatis, & lubricis. Hinc fit,
vt vna ossea columna super aliam superponi, erigi, &
retineri in perpendiculari situ ad horizontem non pos-
sit absque fulcris, & colligationibus funium tendino-
forum, & musculorum; eoquod ob dictam rotundi-
tatem basium columnarum ossearum, innixiones fiant
in punctis, non verò in superficiebus planis, eo modo,
quo partes columnæ ex pluribus saxis ex explanatis
compositæ, stabili contactu basium planarum erectæ
persistunt.

Patet ergo, quod ossa artuum animalis inseruiunt,
vt columnæ, & insuper, vt vectes: vt columnæ, in situ
erecto sua duritie pondus totius animalis sustinent,
nec indigent auxilio musculorum. At, quando virgæ
osseæ inclinantur, & comprimuntur à proprio, & ab
incumbente pondere, in tali situ quiescere non pos-
sunt, nisi à vi animastica prohibeatur casus, & pro-
cidentia eorum, trahendo funes musculorum, quibus
alligantur.

His præmissis: quia homines stare dicuntur, cum
vniuer-

vniuersa machina corporis eorum in situ erecto perpendiculariter ad horizonrem permanet; & tunc ossæ Columnæ tibiæ, fæmorum, & spinæ, erectæ, vna super alteram incumbunt, hac tamen lege, vt linea suspensionis, ex centro grauitatis totius humani corporis, cadat perpendiculariter inter plantas duorum pedum, aut super vnius pedis plantam (aliter in situ erecto consistere non posset, sed rueret ad partes, vbi linea innixionis inclinata est super planum horizontale): igitur in tali positura, ossa officium columnarum præstant; & ideò sua duritie opus sustentationis absoluunt, nec laborioso vllò molimine animastica facultas fatigari deberet. At quia instabilis est positura illa erecta, ob lubricitatem capitum articulorum, vt dictum est: hinc fit, vt homines stantes perpetuò vacillent, & ideò auxiliaribus funibus musculorum indigeant, à quorum tractione errores corrigantur, & lapsus prohibeantur.

P R O P O S. CXXXVI.

Non conseruantur homines in situ erecto, actione tonica, à musculis antagonisticis omnium articulorum.

Videndum modò est, à quibus musculis hominum stantium vacillationes corrigantur.

Et primò reijci debet error eorum, qui censent ab omnibus musculis extensoribus, & flexoribus simul tonica actione operantibus posituram erectam hominis conseruari. Quia nutatio, & lapsus fieri potest ante, retrò, & ad latera: casus anterior fit flectendo crura versus pedes, & flexa spina versus genua; fæmur enim

Cap. 18.
De statio-
ne Ani-
malium.

enim antèrius circa genu flecti non potest absque luxatione; at inclinatio angulorum pedis, & fæmoris impediri, & dilatari non potest, nisi à musculis extensoribus pedis, nempe à Soleis, & à Gluteis; non verò à musculis flexoribus eorundem articulorum; nam hi potius ruinam sollicitarent. Quare otiosi permant. Ergo flexio, & casus versùs anteriorem partem, impeditur solummodò ab extensoribus musculis, non verò actione tonica ab extensoribus, & flexoribus simul operantibus.

Casus posticus fit nimis extenso pede, flexo fæmore retrorsùm circa genu, vel circa summitatem tibie, & inclinata spina retrorsùm: ergo flexura genuum dirigi solummodò poterit à musculis extensoribus eius, non autem à flexoribus eiusdem. Verùm est tamen, quòd nimia pedis extensio, & retrograda incurvatio coxæ, impeditur à musculis flexoribus pedis, & fæmoris.

Eodem modo vacillatio lateralis ab extensore contrapòsiti musculi reparari, & dirigi poterit. Igitur homines non stant retenti actione tonica omnium muscùlorum antagonistarum, sed solummodò operantibus omnibus extensoribus, & aliquibus flexoribus, dum aliqui musculi flexores genuum in otio quiescunt. Vndè in pedibus, & coxis actio tonica locum habere potest, non verò in Genu.

P R O P O S. CXXXVII.

Homines singulari calcaneo, aut apice pedis innixi stare non possunt; difficilè super vnica planta pedis: & facillimè super duobus pedibus innixi stant.

Flexo

Flexo pede , & eleuata eius planta, contingat pauimentum apex calcanei , qui cum sit rotundus , & globosus , necesse est, vt tangat pauimentum ferè in puncto ; quare linea innixionis coniungens centrum grauitatis totius humani corporis , & contactum pauimenti, super vno puncto consistet , vtque homo stare possit, oportet, vt talis linea sit quoque propensionis , scilicet sit perpendicularis ad idem planum horizontale , & talis innixio perpendicularis super vno pede videtur impossibile , vt conseruari possit firmiter ; eo quòd nunquam humana machina , eiusque partes solidæ , & fluidæ in omnimoda quiete permanere possunt ; cum respiratio , fluxus humorum , & mille causæ externæ continenter eam concutiant : ergo in perpetua vacillatione constitutus homo, innititur super apicem vnus pedis , aut super saxum , aut lignum acutum .

Si verò tota planta pedis solum tangat , licet non sit impossibile, difficultate non leui homo stabit super vno pede innixus ; quia vi muscutorum potest homo se torquere , inflectere , & erigere reducendo lineam propensionis, vacillantem per amplum contactum (pauimenti, occupatum à planta pedis, quæ in aliquo puncto illius spatij consistere potest perpendiculariter erecta ad planum horizontis ; & tunc stabit homo , vt dictum est .

Tandem si duobus fulcris crurum , & duobus plantis pedum homo innitatur, facillimè stabit . Quia intra grande spatium quadrangulare , occupatum à duabus plantis pedum, & à superficie soli subiecti, inter eas intercepta, vagari potest linea propensionis, quæ facile situm inueniat , in quo perpendiculariter insistat super

Cap. 18.
De statione
Animalium.

planum horizontale; & proinde licet homo vacillet, poterit stare absque ruina.

P R O P O S. CXXXVIII.

Gradus virium, quos singuli pedes exercent, dum homo stat, inquirere. Tab. 10. Fig. 13.

Sit R machina humani corporis, cuius centrum gravitatis sit A; & duabus columnis inclinatis pedum BA, & CA, corpus R fulciatur; sitque linea propensionis ADH, & secetur linea AG, ad quam linea BA fit, vt potentia fulcri BA ad potentiam fulcri AC; coniungatur GI parallela horizontali BC: producantur in directum lineæ BA, CA, secenturque ab FHE parallela CB. Dico, quòd, vt pondus R ad vim, quam exercet fulcrum pedis AB, ita est DA simul cum AI ad AB; & vis fulcri AB, ad vim, quam exercet fulcrum AC, est, vt AB ad AG. Quia perindè, & eadem vi pondus R sustinetur à fulcris BA, & CA, ac si filis AE, & AF similiter inclinatis suspenderetur: Ergo potentia funiculi EA ad potentiam funiculi FA, seu potentia fulcri BA ad potentiam fulcri CA est, vt BA ad AG. Quare ^a potentia fulcri BA mensuratur à longitudine lineæ BA, & potentia fulcri AC mensuratur à linea AG; atque pondus R totius hominis mensuratur à lineis AD, & AI simul sumptis. Igitur cognita gravitate hominis, habebitur gradus potentia, quam exercet quilibet pedum.

^aProp. 69.
huius.

P R O P O S. CXXXIX.

Cap. 18.
De statio-
ne Ani-
malium.

Vacillatio hominis stantis, super plantis pedum innixi, exiguo labore corrigitur. Tab. 10. Fig. 14.

Intelligatur corpus graue R esse humanum corpus innixum plano horizontali ST, crure, & fæmore BD inclinato, ita vt linea perpendicularis BV, à centro grauitatis B ducta ad punctum V, sub planta pedis existens, perpendicularis sit ad horizontalem ST: patet ex ante præmissa, quòd homo stabit, & retinebitur in tali situ parum inclinato à potentia musculorum pedem extendentium. Ostendendum modò est, quòd exiguo labore erigi omninò potest, vt directio cruris BD fiat perpendicularis ad horizontem ST. Quia arcus BDV comprimitur à duabus potentijs contrarijs, scilicet à pondere R, & à resistentia pauimenti per eandem directionem BV; & earum momenta sunt æqualia, eo quòd vna alteri non cedit; atque resistentia soli firmi, perinde prohibet descensum vectis DV, ac si in libra inflexa BDC radiorum æqualium, fulta in centro D suspenderetur, & ex C termino radij horizontalis aliud pondus X, quod æquilibraretur ponderi R: ergo a tunc potentia absoluta R, obliquè premens radium BD, per directionem BV perpendicularem ad radium horizontalem CD ad eius momentum, seu ad pondus X, perpendiculariter premens radium DC, eandem proportionem habebit, quam CD, seu ci æqualis DB habet ad DV.

a De Vi.
percussio-
nis prop.
39.

Quia verò in principio vacillationis, distantia DV exigua est respectu longitudinis BD, seu DC, sit, vt totius machinæ humani corporis R momentum sit mi-

Cap. 18.
De statio-
ne Ani-
malium.

nima pars ponderis absoluti eiusdem ; & proinde musculi extensores articuli pedis , qui officium ponderis X suppleant , exercere debent minimam vim , vt erigant vectem DB versus perpendicularum .

PROPOS. CXL.

Quotiescunque linea propensionis corporis humani cadit extra vnus pedis innixi plantam , aut extra quadrilaterum comprehensum à duabus plantis pedum : impediri ruina à quocunque musculorum conatu non potest. Tab. 10. Fig. 15.

Sit Corpus humanum R innixum pavimento ST, quod tangat tota amplitudo plantæ pedis BC. Et primò sit angulus articuli pedis ABC obtusus , tunc perpendicularis AV cadet extra plantam pedis . Dico, quòd à quocunque musculorum conatu ruina impediri non potest . Quia non potest prohiberi ruina corporis grauis R versus V , nisi vectis AB flectatur versus S , scilicet , nisi angulus ABS imminuatur : at flexo , & acuto reddito angulo articuli B, à vi musculorum cruris, oportet, vt pes CB approximetur cruri AB ; quod fiet eleuato pede CB , & flexo vsque ad BD : non enim possibile est, vt vniuersa corporis R grauitas, existens in A, cedat pusillo ponderi pedis CB, quod non alligatur, sed simplici contactu vnitur pavimento ST. In tali casu tota machina RABD innitetur super calcaneum B ; & proinde pondus vniuersale ex A ruet versus V .

Secundò , cadat perpendicularis linea propensionis AV ad partes anguli acuti ABC ultra pedis apicem C, eadem

eadem ruina irreparabilis fequetur. Quia impediri ruina non poteft, nifi à mufculis extenforibus pedis, ita vt articulus B maiorem angulum acquirat; quare innixio fiet in C apice pedis; & proinde linea innixionis AC adhuc inclinata erit ad planum fubiectum horizontale. Igitur ruet pondus R verfus perpendicularum ad partes V.

Cap. 18.
De ftatione Animalium.

P R O P O S. CXLI.

Iisdem pofitis, exponuntur modi, quibus initium ruinae impediri poteft. Tab. 11. Fig. 1.

Ex haftenus dictis colligitur, quòd vacillatio hominis ftantis, propriè fit inclinatis cruribus hinc inde à linea perpendiculari erectionis fupra planum horizontale; dum tamen linea propenfionis, ex centro gravitatis humani corporis ad horizontem educta, licèt hinc inde moueatur, non tamen egreditur extra plantam vnus pedis ftantis, aut extra fpatium quadrilaterum à duobus pedibus comprehenfum: & talis vacillatio facilè corrigitur à mufculis flexoribus, aut extenforibus pedum, & crurum.

At, quando linea perpendicularis propenfionis cadit extra fpatium à pedibus occupatum, tunc ruina fubfequi poteft, nifi mechanicis adiumentis corpus ruens fulciatur. Hoc autem quomodo, & quot modis præftari poffit, modò exponendum eft.

Ruina corporis obliquè folo innixi, in principio eius, fit motu tardiffimo, & exiliffima vi; hinc fit, vt citò adhiberi medicina huic malo poffit. Subito a poftquam linea innixionis AB recedit à fitu perpendiculari ad hori-

a Tab. 11.
Fig. 1.

Cap. 18.
De statione
Animalium.

horizontem TS, incipit motus circularis corporis grauis R in A vim exercentis, vnà cum vecte AB, circa centrum B, qui transitus summitatis radij, ob minimam decliuitatem supremæ circumferentiæ, tardissimo motu fit, vt constat ex mechanicis. Ergo poterit ab animastica vi, caput, aut pectus R, celerrimè per musculos flecti ad partem DE, oppositam inclinationi ABV, quousque centrum grauitatis communis A transferatur in E, ita vt EB fiat linea propensionis perpendicularis ad horizontem TS, & tunc ruina impeditur.

bProp. 13.
huius.

Præterea, quando incipit inclinatio ABS, momentum, quod exercet graue R innixum columnæ, seu vecti AB minimùm inclinato est quoque minimùm; cùm^b habeat eandem proportionem ad pondus absolutum eiusdem grauis R, quam VB habet ad radium, seu vectem AB; & ideò à translatione capitis, vel pectoris, per exiguum spatium compensari, & æquilibrari illud minimum momentum potest.

Euidentiùs hoc præstatur, extenso crure AH, vel brachio CD ad partem oppositam lateris ruentis; tunc enim extenditur vectis, à quo pondus exiguum brachij acquirit maius momentum, ob longitudinem vectis CD, à quo facilè centrum grauitatis ex A ad E transportatur, & sic ruina impeditur.

Multoties lapsus impeditur ab innixione, & percussione facta super aerem ambientem; sicut Aues, alarum percutiendo aerem dextrum, reuoluuntur versus sinistram. Sic quando homo incipit ruere versus dexteram T, tunc manus CD extensa, & expansa percutit aerem velocissimè per arcum DF, à cuius resistentia homo repellitur versus S: & siquidem energia talis percus-

percussionis transferre valet centrum communis gra-^{Cap. 18.}
uitatis vsque ad E, vt EB fiat linea propensionis per-^{De statio-}
pendicularis ad horizontem, tunc lapsus impediatur.^{ne Ani-}
Hoc euidenter obseruatur à funambulis, qui hasta præ-^{malium.}
longa nedum æquilihrantur producta hasta ad instar
vectis modò ad dexteram, modò ad sinistram; sed etiam
quando vrget maius periculum lapsus, tunc vehemen-
tissimè hasta percutiunt aerem illius lateris, & sic re-
stituuntur in situ erecto æquilibrati.

Tales porrò artificiosissimi motus mechanici habitu
quodam fiunt, acquisito ab infantia; & ideò, nobis non
aduerrentibus, absque vllò actu reflexo fiunt.

P R O P O S. CXLII.

Quomodo homines, flexo corpore, persistere, erigi, &
magis incuruari possunt, vno, vel duobus
pedibus innixi, absque ruina.

Tab. 11. Fig. 2.

Flexis articulis cruris, & pedis, homo pauimento,
extremis pedibus innixus, stabit quidem, quotiescun-
que linea propensionis à centro grauitatis totius cor-
poris perpendiculariter ceciderit super plantam pedis
innixi, aut super spatium à duobus pedibus occupa-
tum. Vt flexis articulis clunium C, genuum D, & pe-
dum E. Centrum grauitatis capitis, thoracis, & ven-
tris proni sit A; centrum grauitatis coxendicum sit G;
atque centrum grauitatis crurum sit H: tunc linea re-
cta, coniungens centra grauitatum A, & G, diuidatur
legibus mechanicis in I^a, scilicet in proportionem reci-
proca ponderum. Et rursus coniuncta recta IH sece-
tur in ratione ponderum reciproca in L, erit L cen-
trum

^{2 Prop. 3.}
De æquep.
in Archi-
med. Au-
ctoris.

Cap. 18.
De statione Animalium.

trum grauitatis totius corporis humani sic inflexi. Tandem si ex L cadat perpendicularis LB ad horizontem ST, quæ pertingat in aliquo puncto pedum F, E, vel inter duas plantas pedum, tunc tota machina inflexa, permanebit erecta absque ruina, & hoc semper verificabitur, quomodolibet variata inflexione, tam in motu, quàm in quiete; itaque quantum antèriùs promouetur vèctis CR capitis, pectoris, & ventris, tantundem clunes C retrocedunt, vt semper linea propensionis LB media sit, & incidat perpendiculariter super plantam pedis, vt dictum est.

Et admiratione dignum est, quòd in tanta motuum varietate, in cursu, saltu, & tripudio, semper hæc naturæ lex æquilibrij obseruatur; & quotiescunque negligitur, aut affectatè transgreditur, necessariò lapsus, & ruina subsequitur.

• Hinc est, quòd stantes iuxta parietem posticè sibi contiguum, non possunt pectus profundè antèriùs inclinare absque ruina; sed necesse est, vt linea propensionis perpendiculariter cadat inter duos pedes, vt stare possint.

Hinc quoque est, quòd sedentes, pectore, & cruribus ad horizontem erectis, surgere è sella non possunt; quia tunc centrum grauitatis pectoris, & coxendicum cadit retrorsum longè à plantis pedum: ergo eleuari non possunt, nisi caput, & pectus valdè inclinentur antèriùs, vel nisi pedes retrocedant, aut connectantur firmiter alicui retinaculo, ad instar vncini, & tunc à centri grauitatis commutatione, vel à valida musculorum actione genua dirigi, clunes, & pectus suspendi, & antèriùs incuruari possunt.

P R O P O S. CXLIII.

Cap. 18.
De statio-
ne Ani-
malium.

Quare stando alternis pedibus perpendiculariter innixis minùs fatigamur, quàm quando à duobus simul operantibus fulcimur, ratio indicatur. Tab. 11. Fig. 3.

Experientia constat, quòd diuturna statio super duos pedes B, & C, æquè inclinos laboriosam lassitudinem inducit, quam moderare, & minuerè solemus innitendo vniuersam machinam humani corporis super vnum pedem AB, perpendiculariter erectum ad Horizontem, nil ferè tunc cooperante reliquo pede AC. Postea commutata vice, pes qui priùs quieuerat onus vniuersum suscipit, & talis vicissitudo minùs laboriosa esse solet, quàm illa continuata sustentatio facta à duabus columnis pedum simul æquali vi, & consimili positura operantibus.

Hoc problema aliqui resoluunt, dicendo, quòd dum stamus duobus pedibus innixi, omnes muscoli amborum crurum, tam flexores, quàm extensores motu tonico laborant; è contrà quando ab vnico pede fulcimur huius pedis muscoli solummodò agunt, & reliqui quiescunt otiosi: & quia duplo laboriosa est actio, quàm omnes muscoli exercentur, quàm si eorum medietas laboret. Ideò suademur faciliùs, & minori lassitudine stare nos posse super vno pede, quàm super duobus innixi.

At non animaduertunt hi præclari viri falsitatem assumpti eorum. Verum est, minori labore, nempe sub duplo, ab vna manu dextra pondus decem librarum sustineri, quam si aliæ decem libræ à sinistra quo-

Cap. 18.
De statio-
ne Ani-
malium.

que suspenderentur; nam tunc duæ manus duplum pondus 20. libr. eleuarent, quàm vna manus sola; At falsum est, quòd idem pondus 20. libr. facilius ab vnica manu sustineatur, quàm si sub diuiso onere 10. libræ à singulis manibus suspenderentur. Eodem modo fatigari magis deberent muscoli vnius pedis duplum pondus totius hominis sustinendo, quàm subdiuiso onere super duobus pedibus; itaut mediætas ab vno quoque fulciri deberet.

Et passim obseruamus, quòd ingens pondus integrum multoties ægrè mouere possumus, at in partes subdiuisum faciliè attollimus, & transportamus. Quia nempe ad minorem resistentiam superandam, muscoli vires sufficiunt, eorum fibræ minùs distrahuntur, & minùs lacerantur. Insuper videmus, quòd præcipua, & potissima causa lassitudinis, & molestiæ facultatis animalis, est assidua, & continuata actio eorundem musculorum; Cùm è contra actione interrupta, pausis interpositis, minùs molestè pondera grauiora sustineamus; sicuti stando maiorem lassitudinem patimur, quàm lenitè deambulando. Quare patet, quòd alterna positura, & innixio modò super vnum, modò super alium pedem est quædam commutatio similis deambulationi. Horum effectuum primaria causa indicabitur inferiùs ^a. Caterùm tanta est vtilitas commutationis, & quietis à labore, vt sedendo, & duobus pedibus solo innixis molestiam patiamur, & mirè recreemur imposito vno crure super aliud, per breue tempus, & vicissim si illud, quod subijciebatur postea alteri superponatur; in qua alterna transpositione crus subiectum comprimitur à pondere proprio, & à pondere cruris incumbentis, & nihilominùs talis commutatio delectat.

a Cap. 19.

PRO-

PROPOS. CXLIH.

Auium bini pedes aliquo pacto differre à pedibus hominum. Tab. I I. Fig. 4. 3. & 6.

Cap. 18.
De statione Animalium.

Aues quoque binis pedibus stant, & gradiuntur; sed non eodem modo; ac homines; quod pendet ex structura diuersa articularum pedum. Differunt enim primò, quoad numerum ossium; secundò, quoad formam eorundem; tertio, quoad distributionem, & structuram musculorum; quartò, quoad articulos.

Et primò Aues RS habent os fæmoris BC minùs longum, quàm crus CD, secus quàm homines, annexum supernè firmo offi carinæ HS, quæ coxendici humanæ correspondet; infernè verò vnitur tibiæ circa genu C. Huic in homine connectuntur duo ossa æquè longa, tibiæ nempe, & fibulæ; at in Auibus os tibiæ CD solitarium, & prælongum succedit, & loco fibulæ habent Aues aliquæ breue, gracile, & acuminatum officulum. In homine, tibiæ annectitur extremus pes compositus ex pluribus ossibus, quæ veluti secundam tibiæ plantarem exporrectam constituunt, quia prostrata tota eius longitudo solo innititur; at in Auibus succedit tertium os DE prælongum, & rotundum, quod suspensum à Terra retinetur; idque vocari potest crus pedale. Tandem in hominis extrema parte pedis succedunt digiti, qui non secus, ac tota plantæ longitudo pauimentum tangunt. At in Auibus succedunt paritèr digiti longiores EG veluti à centro in orbem expansi, ijs solummodò Auis pauimentum tangit, & super eos innititur, vt nos calcaneis eleuatis aliquando extremis digitis pedum solo innixis stare, & ambulare solemus.

2 Tab. II.
Fig. 4.

Cap. 18.
De statione
Animalium.

b Tab. II.
Fig. 3.

c Tab. II.
Fig. 4.

Secundò conformatio pedum valdè diuersa esse videtur, nam in hominibus prima articulatio à Terra eleuata, quæ genu M^b constituit, antrorsum vergit, & retrorsum flectitur; at in Auiibus prima articulatio D^c eleuata, Terræ proxima, retrorsum vergit, & antrorsum flectitur. Verùm accuratiùs aduertenti, illa Auis prima articulatio est calcaneus pedis, non genu tibiæ, quia fæmoris, & tibiæ articulatio C , quæ patellam habere solet, & genu humano M correspondet, in Auiibus occultatur à pluribus musculis, & antrorsum vergit: postea auium articulatio subsequens D tibiæ, & cruris pedalis calcaneum constituit, & correspondet calcaneo humano eleuato L , quando innitimur extremis pedum digitis.

d Tab. II.
Fig. 6.

Tertiò diuersissima quoque est distributio, & conformatio musculorum; in homine enim omnes musculi digitos pedum flectentes initium habent, aut in calcæ B , aut in tibia MB , & nullus supra genu M prolongatur; At in Auiibus d nullus musculus flexor digitorum in ipso pede propriè dicto EG , nec in tibia pedali ED , aut in termino supremo eius D , calcaneo humano respondente, initium habet, sed aliqui, aut summmitatem tibiæ cruralis C attingunt, aut supra genu ad fæmur BC feruntur, aut supra altissimam fæmoris articulationem spinæ ossis coxendicis, vt in HS annectuntur. Talis est musculus biuenter, qui prolixo tendine, per canalem in conuexitate fæmoris tuberculi infimi incisum, perque vaginam tendinosam in illo genu efformatam transiens, postea per aliam cartilagineam vaginam in conuexitate calcanei eleuati cruralis excurrentis, & tandem per fasciam, trochleamque in extrema planta pedis alligatam producitur, & ad extremos

mos digitos ramificatur; vt eos flectat.

Quartò Auium articulationes pedum euidenter quatuor sunt. Primâ in supremo osse coxendicis B; Secunda in genu C; Tertia in calcaneo eleuato D; Quarta in E planta extrema pedis, & ad radices digitorum. In hominibus hæc quoque quarta articulatio adest, sed deficere videtur, quia innixio fit super totam longitudinem pedis, & super duos articulos, calcanei scilicet, & connexionis digitorum.

Notandum etiam est, quod articuli prædicti auis B, C, D, E, ad partes oppositas alternè vergunt, exceptis duobus infimis; nam primus, omnium supremus B flectitur anteriùs; secundus, nempe genu C posteriùs; tertius D calcanei flectitur anteriùs, & E quatuor digitorum in Auibus incuruatus est versùs eandem partem anteriorem.

Quintò notabilis quoque est situatio supremæ articulationis pedum in Auibus, quarum ventres cum pronè Orizonti parallelæ iaceant fulciri debent in B medio longitudinis earum RS. Contra hominis erecta positura fulciri debet in A infima parte ventris, seu longitudinis eius.

Cap. 18.
De statione Animalium.

e Tab. II.
Fig. 4.

f Tab. II.
Fig. 3.

P R O P O S . CXLV.

In Auibus muscoli extensores pedum multò longiores sunt suis flexoribus correspondentibus, quàm in hominibus.

Quia Aues ferè omnes victum, & lapillos rostro prono in campis sibi quæritant, non possunt stando, & deambulando longis pedibus altius à Terra remoueri, sed

Cap. 18.
De statio-
ne Ani-
malium.

11. de T.
p. 84

a Tab. 11.
Fig. 4.)

b Prop. 130.
huius.

sed valdè illi approximari debent. E contra non pos-
sunt volatum inchoare, nisi prolixo saltu è terra exi-
liant, ne aë expansæ solo impactæ disrumpantur; &
talis saltus fieri non potest, nisi crura valdè elongen-
tur; ergo pedes Avium valdè elongabiles esse debue-
rant ob volatum; & simul valdè contrahibiles, vt ter-
ræ proximi famem explerent. Hoc autem exigebat
excedentem longitudinem ossium pedis, sed valdè in-
flexam; & quia frequentius, & diuturniori mora pa-
scendo, volando, & dormiendo pedes inflexi, & de-
curtati retineri debuerant; igitur magis apti, & dispo-
siti esse debuerunt muscoli ad incuruatam situationem
pedum retinendam, quàm ad directam eorum exten-
sionem. Hinc deducitur, quòd naturalis situatio arti-
culorum Avium sit multò magis inflexa, quàm in ho-
minibus, vt patet ^a, scilicet constituent angulos valdè
acutos. Cùmque naturalis musculorum constitutio
aptari, & conformari debuerit dispositioni naturali
articulorū, hinc fit, vt muscoli extensores, qui per ambi-
tus conuexos articulorum circumduci debebant ^b lon-
giores fieri debuerint, quàm muscoli flexores, qui
breuiori circuitu cavitatum articulorum commen-
surari debebant. Necessitas prædictæ inæqualitatis fa-
cilè percipitur ex eo, quòd plurium linearum curua-
rum inter se æquidistantium, eisdemque terminos ha-
bentium, semper internæ, concavæ, & contentæ, bre-
uiiores sunt conuexis continentibus.

P R O P O S. CXLVI.

Inquiritur modus, quo Aues stant.

Videmus, quòd neque stando, neque perambu-
lando

lando Auium pedes diriguntur, vt eorum articulis omninò explicatis, ossæ columnæ rectam lineam constituent; & ad instar columnarum, perpendiculariter plano horizontali innitantur, vt in hominibus contingit, sed semper vectes ossei pedum complicati, & ad inuicem inclinati ad angulos acutos sustinent ex centro grauitatis machinam Auis pronam. Ex eo igitur, quod Auis sic fulta stat absque ruina, deducitur, quod lineæ rectæ propensionis ex centro grauitatis Auis perpendiculariter ad horizontale planumeducta incidat in spatium à planta vnus pedis occupatum, vel à duobus pedibus comprehensum.

Præterea ex eo, quod omnes quatuor articuli complicati sunt, sequitur, quod nullus articulus retinetur in tali situ inflexo actione tonica, scilicet operantibus musculis antagonisticis æquali vi, sed necesse est, vt soli musculi extensores totum opus sustentationis peragant, in otio remanentibus musculis flexoribus. Hæc omnia faciliè ex dictis eliciuntur.

P. R. O P O S. CXLVII.

Quæritur, quare Aues vno pede innixæ faciliùs stant, quàm homines. Tab. 11. Fig. 4. & 3.

Ratio, quare homines vno pede innixi difficilè stant, est, quia ob vacillationem ægrè retinetur lineæ propensionis AB^a, scilicet ex centro grauitatis ad horizontem perpendicularitereducta intra spatium angustum, à planta vnus pedis occupatum. At in Auib^b multò faciliùs impeditur digressio lineæ propensionis AE^b à spatio occupato à digitis prælongis EG vnus

a Tab. 11.
Fig. 3.

b Tab. 11.
Fig. 4.

Cap. 18.
De statio-
ne Ani-
malium.

vnus pedis, eo quòd faciliùs vacillationes corrigun-
tur: primò, quia sicut prælonga hasta horizontaliter
extensa, & à puncto intermedio suspensa faciliùs ful-
citur, retineturque æquilibrata, quàm in situ erecto
super manus plantam fulta, sic corpus auis in situ
prono faciliùs ex media longitudine sustinetur æquili-
brata, quàm corpus hominis erecta positione. Se-
cundò, linea innixionis AE in auibus breuissima est, at
valdè prolixa in hominibus, ergò vacillationes, quæ
à prædictis radijs inæqualibus describuntur, faciliùs
in Auibus corriguntur ob exiguitatem, quàm in homi-
nibus. Tertiò, Aues corpore parum graui donantur,
vt postea ostendemus; contra homines ponderosi
valdè sunt; quare faciliùs vacillationes leuis, & rari
corporis Auis corrigi possunt, quàm hominum. Quar-
tò, digiti pedis humani breues coniuncti, & paralleli
inter se diriguntur per eandem pedis directionem: at
articuli pedis Auis EG prælongi, articulati, & ad in-
star radiorum in orbem expanduntur; ergò faciliùs ab
Auibus impediri possunt vacillationes, nedùm ante-
riores, & posteriores, sed etiam laterales, prout digiti
distincti, pavimento innixi, vt fulcra, machinam ruen-
tem sustentant. Ob has igitur causas Aues faciliùs
singulari pede innixæ stare possunt, quàm homines.

P R O P O S. CXLVIII.

Quomodò funis à regulæ inflexione trahi possit.

Tab. 11. Fig. 5.

Intelligentur duæ regulæ duræ AB, & BC connexæ
circa nodum, seu articulum B, sitque postea funis ten-
dinofus DEF alligatus termino firmo regulæ AB
in D;

in D, & excurrēs circa trochleam F distendatur à pondere appenso R. Manifestum est, quòd quando duæ regulæ in directum constitutæ sunt, tunc longitudo recta funis DF æqualis est longitudini duarum regularum, quæ mensuratur ab axibus AB, BC, quia latera opposita parallelogrammi AD, FC æqualia inter se sunt. At si regulæ circa centrum nodi B inflectantur, vt BC transferatur in sitū BC, efficiendo angulum ABC; tunc necesse est, vt longitudo conuexa funis DEH comprehendens maior sit longitudine comprehensa earumdem regularum mensurata ab Axibus earum, & à fune DEF; & proindè funis circumductus DEH maior erit, quàm DEF; at supposebatur funis tensus, & tractus à pondere R; ergò post inflexionem pondus R sursum eleuabitur; traheturque ob solam inflexionem regularum. Et aduerto, quòd quantò magis incuruatur Arcus ABC, eò magis trahitur sursum pondus R; itaut si omninò regulæ flectantur, vt earum facies semutuo tangant, tunc eleuatio ponderis R æquatur semicircumferentiæ tuberculi, seu nodi B.

P R O P O S. CIL.

Necessitate mechanica digiti pedum Auium strictè complicari debent ab inflexione articulorum pedis. Tab. 11. Fig. 6.

Præmissa hoc lemmate, sit AB extremitas carinæ ossæ Auis, & in cuius acetabulo C annectitur tuberculum supremum fæmoris CD; huic verò annectitur in genu ID os tibiæ DL, atque in huius extremo calcaneo suspenso E coniungitur crus pedale LF, & tandem in F annectuntur articuli digitorum FG.

H h

Postea

Cap. 18.
De statione
Animalium.

Postea obseruauit, quod præcipuus musculus biuenter flexor digitorum connectitur extremitati ossis carinæ in HC; & deinceps tendine valido, & tereti coniungitur patellæ in I in aliquibus, at in Cygno, Aquila, & Accipitre per canalem in genu I incisum intra vaginam tendinosam excurrit, & per trochleam lateralem K fertur ad posteriorem terminum tibiæ, & ibidem alijs musculis flexoribus digitorum, originem habentium in termino D fæmoris, & in principio tibiæ vniuntur eorum tendines in M cum priori tendine biuentris muscoli, qui omnes simul vniti excurrunt in E, & ibidem in ipso calcaneo per vaginam cartilagineam leuem, & lubricam insinuantur, excurruntque ad infimum terminum pedis F, atque hic per nouam vaginam, seu fasciam tendinosam insinuantur, & deinceps ramificati per infimos canales tendinosos, terræ contiguos, excurrunt vsque ad radices vnguium G, G, G.

Præterea notaui, quod, quando articuli I, & L diriguntur, quando scilicet tria ossa CD, DL, LF rectam lineam constituunt, vel parum à rectitudine recedunt; tunc tendines HIKEF non sunt omninò tensi, & ob relaxationem eorum digiti FG expansi, & dilatati permanent. At si compressa carina AB articuli totaliter flectantur, vt fæmoris CD facies suprema IC tangat faciem carinæ AC, & tibiæ facies suprema DE tangat infimam faciem fæmoris DC, atque suprema facies cruris pedalis EF tangat infimam faciem tibiæ IL, vt videre est tab. 11. fig. 7. tunc articuli pedis FG arctissime complicantur, & ad inuicem constringuntur tanta vi, vt in Aquila, & Accipitre mortuis non potuerim cuneum ligneum inter digitos insinuare. Hinc manifestum est, quod talis valida tractio pendet ex lege mecha-

mechanica mōx expōita a, ſcilicet, quā dimenſio funis tendinoſi HIKEF poſt complicationem articulorum breuior eſt interuallis conuexis oſſium CDEF comprehenſorum.

Cap. 18.
De ſtatione Animalium.

Et quia tendines prædicti tenaciſſimi, & inextendibiles ſunt, neceſſe eſt, vt extremæ partes tendinoſæ FG tractæ per F verſus E compenſent elongationem factam ab illis conuexis curuaturis articulorum, & ideo pedis digiti FG neceſſariò complicari, & ſtringi inter ſe debent.

a Prop.
148. huius.

Hinc facile problema noſtrum ſolui poteſt.

P R O P O S. CL.

Quæritur, quare Aues ſtando, ramis Arborum comprehenſis, quieſcunt, & dormiunt abſque ruina.

Tab. 11. Fig. 7.

Cum certum ſit, in ſomno facultatem motiuam muſculorum otari, & quando muſculi pedum nil agunt eorū articulos concidere, nec eleuatos in aliqua determinata inflexione firmiter retineri poſſe, ergo videtur impoſſibile, vt Aues RS dormientes non proſtrentur ad inſtar terreſtrium animalium; & quieſcere poſſint dormiendo, recondito capite O ſub vna alarum innixæ ſuper ſubtilibus virgultis arborum GF, abſque ruina, etiam à ventis concuſſæ. Quia verò, talem firmam auium ſtationem, dum dormiunt, paſſim conſpicimus, erit operæ pretium huius admirandæ operationis cauſam inquirere; ideo aduerto, quòd machina Auis RS ponderoſa, ſubtili ramo GF innixa, ſuſtentatur à durtie eiufdem rami, quem tangit os acuminatum peſto-

Cap. 18.
De statio-
ne Ani-
malium .

ris , & licèt tribus fulcris machina eius super ramum innitatur, osse nimirum pectoris , & duobus pedibus, fulcrum tamen præcipuum , à quo pondus avis sustentatur , est os pectoris ; duo verò pedes inflexi inferuiunt , vt fulcra , quæ sua duritie impediunt , ne machina ruat ad dextrum , vel sinistrum latus . Restat modò difficultas maxima dissoluenda , quomodo Avis non ruat anteriùs versùs R , aut posteriùs versùs S, cum innixio fiat non in plana, & ampla superficie pavimenti , sed in simplici linea transversali GF summitatis ramusculi , quare firmiter ibidem retineri non posse percipimus , nisi pedum digiti E tam arctè , & validè ramum GF apprehenderent , vt ad instar forcipum forti connexionione Avis ramo annecteretur . Quæ adhesio tam tenax esse debet , vt resistat, nedùm vacillationibus ipsius Avis , sed etiam iùtibus venti ; ergo prædicta fortis constrictio , & comprehensio digitorum E ab aliqua vi motiua fieri debet, quæ violenter contrahendo, vel trahendo musculos flexores digitorum, eos constringat ; & quia in otio, quiete , & somno , immò post mortem musculi non agunt, nec contrahuntur , necesse est, vt ab aliqua alia causa, pendente ab ipsa structura musculorum, talis tractio tendinum fiat .

Avis ergò RS extensis pedibus , & digitis expansis vigilando; primò innititur ramusculo Arboris GF ; secundò flexis articulis pedum B, C , & D, quousque os pectoris eidem ramo innitatur necessitate breuitatis tendinum musculorum HILE extendentium articulos pedum ; oportet , vt digiti E valido constringantur conatu a , & ideò apprehendent ad instar forcipum ramusculum Arboris FG . Et hoc fiet, non à vi motiua musculorum , sed à simplici grauitate naturali corporis

a Prop.
150. huius.

ris

ris Auis , quæ descendendo, omnes articulos pedum complicare debet . Quare nullo opere motus voluntarij musculorum, & ideò nullo laborioso conatu, imò quiescendo , & dormiendo, ramum arboris , cui inniuntur, firma , & valida constrictione apprehendunt , ob quam constrictionem vacillare , ac proinde ruerè nequeunt, & ideò in quiete persistunt, nil prorsus agendo .

Cap. 18.
De statione Animalium.

P R O P O S . CLI.

Quadrupedia Animalia stare non possunt, innixa vno, vel binis pedibus . Tab. I I . Fig. 8.

Differunt quadrupedia ab hominibus ; primò, quia eorum corpus prælongum pronò situ stat , & sic incedunt ; homines verò corpore erecto ; secundò illa habent pedes acutos , homines verò ampliores , & prælongos. Differunt verò quadrupedia ab Auibus, nedum in plantarum amplitudine, sed etiam, quia harum centrum grauitatis incumbit super pedes ; At in illis centrum grauitatis non fulcitur perpendiculariter ab vilo pedum . Hinc fit, vt quadrupedia stare non possint innixa binis pedibus anterioribus AB . Primò, quia erigi non potest prælongum eorum corpus, itaut centrum grauitatis G ; & linea propensionis GH perpendiculariter inter duos pedes A , B incidat ; & licet violenter erigatur, tamen ob acutiem pedum , facillè linea innixionis GH vltra , vel citra plantas AB digreditur , & sic ruina sequitur . Eadem ratione quadrupedia innixa binis pedibus posterioribus C , D , stare per aliquod tempus non possunt ; at si corpore erecto , applicentur pavimento extrema crura pedalia, vt homines faciunt, tunc

Cap. 18.
De statione Ani-
malium.

tunc stare per aliquod tempus possunt, ut Vrsi, & Canes aliquando stare videmus.

Postea corpore prono, corpus quadrupedi incumbens binis pedibus lateralibus dextris A, D, stare non poterit, quia ob pedum acutiem linea propensionis GH, hinc indè à linea AD duos dextros pedes, aut duos sinistros coniungente, vacillando digredietur, & idèò ruet.

Si verò innixio fiat super duos pedes AC diametraliter oppositos, similiter linea propensionis GH, ex centro gravitatis perpendiculariter ad subiectum planum educta, ob vacillationem digredietur ab illa linea AC pedes coniungente, proindèque ruina subsequetur.

Igitur si stare nequeunt quadrupedia corpore prono super pedes duos innixa, multò minus super vno pede stare poterunt.

PROPOS. CLII.

Quadrupedes corpore prono stare non possunt, nisi quatuor, aut tribus pedibus innitantur.

Tab. 11. Fig. 8.

Quia corporis quadrupedis centrum gravitatis G in medio longitudinis eius, scilicet in ventre, inter pedes anteriores, & posteriores consistit, ergo in situ prono, linea propensionis GH ex centro gravitatis eius, perpendiculariter ad Horizontem insistentis, cadit necessariò intra spatium quadrangulare ABCD, comprehensum à quatuor plantis pedum, quare à quatuor pedibus perpendiculariter ad longitudinem corporis quadrupedis insistentibus ad instar columnarum, com-
modè

modè fulciri potest tota machina eius, cuius vacillatio tam grandis esse non potest, vt linea propensionis GH egrediatur vltra limites spatij quadrilateri ABCD à pedum plantis comprehensi, & ideò stabit animal absque ruina.

Id ipsum continget suspensio à Terra vno pede B, nam tres reliqui A, C, D suis plantis occupare facile possunt spatium triangulare, intra cuius aream cadat linea propensionis GH, ergò corpus animalis fultum à tribus columnis stabit, vt dictum est.

P R O P O S. CLIII.

Quærentur vires, quas exercent singuli pedes quadrupedum, in ipso standi actu.

Tab. 11. Fig. 8. 9. & 10.

Sint primò tres plantæ pedum A, D, C quadrupedis, quibus machina eius innitatur, & linea propensionis Gh perpendiculariter cadat in h, patet, quòd perinde corpus R animalis sustinetur à tribus fulcris pedum A, D, C, ac si eadem moles R appensa esset in h, & vecte AE suspenderetur terminus A. à potentia ibidem operante, & terminus E sustentaretur vecte DC à duabus potentijs in D, & C agentibus: Tunc a diuiso pondere R in duas partes, quarum X ad Z fit, vt Ah ad hE, postea diuiso pondere X in partes M, O, vt fit M ad O, vt CF, ad ED. Patet ex mechanicis, quòd pondus Z sustinetur à potentia A, pondus M à potentia D, atque pondus O eleuatur à potentia C.

Secundò, pondus R, à quatuor plantis pedum A, B, C, D fulciatur, & centrum grauitatis perpendiculariter

Cap. 18.
De statione Animalium.

a Tab. 11.
Fig. 10.

Cap. 18. lariter innitatur in H, coniunctis rectis AB, DC diui-
De statio- datur FE in H secundum proportionem reciprocam
ne Ani- virium, quas pedes exercent. Tunc ^b diuiso ponde-
malium. re R in partes X, Z, vt sit X ad Z sicut FH ad HE, at-
que Z diuidatur in M, N, vt M ad N sit, sicut BF ad
b Tab. 11. FA; pariterque ipsius X portio O ad residuam P sit,
Fig. 9. vt CE ad ED. Manifestum quoque est ex mechani-
cis, quòd pondus M sustentatur à pede A; N à pede
B; atque O à pede D, & tandem pondus P suspendi-
tur à pede C. Aduerto tantum, quòd quando pedes
inclinati sunt ad horizontem, tunc eorum vires abso-
lutæ maiores sunt suis momentis secundum proportio-
nem longitudinis pedis inclinati ad eius sublimitatem,
& hoc nomine alteratur supradicta proportio.

Præterea maior pars virtutis, quam exercent pe-
des, sustinendo onus corporis animalis, debetur duri-
tiei osseæ columnarum pedum, non verò actioni mu-
sculorum, & ideò talis labor parum molestus est.

Hinc forsan est, quòd pedes anteriores quadrupe-
dum paucioribus, & minùs validis musculis donan-
tur, quia scilicet articulis in directum extensis, & per-
pendiculariter ad horizontem erectis insistere solent,
& ideò sua ossea duritie ad instar columnarum pon-
dus animalis sustentare possunt; Cum è contra pedes
posteriores, quorum articuli nunquam directè exten-
duntur, sed semper inflexi sunt dum animal stat à vi
musculorum retineri debent in tali curuatura.

PROPOS. CLIV.

Sexipedes, & multipedes maiori labore,
quàm quadrupedes stant.

Iisdem

Alisdem legibus mechanicis, quibus quadrupedes, debent quoque stare animalia multipedia, sed maiori labore, nam, vt patet in insectis, eorum pedes, nunquam diriguntur ad instar columnarum, sed semper inflexis articulis, angulis acutis, solo innituntur, & ideo necesse est, vt opus sustentationis fiat à vi musculorum. Hoc autem minimum incommodum eis affert, nam ob corporis exiguitatem, eorum pondus in subduplicata proportioneminiuitur respectu ad eius molem, vt eleganter Galileus demonstrauit. Et hinc est, quòd Elephantes etiam pedes posteriores directos, & perpendiculariter solo insistentes ad instar columnarum habent.

De Gressu Bipedum.

C A P V T XIX.

DE Gressu Animalium Aristoteles, & alij recentiores scripserunt, sed ni fallor, nec modum, nec causas talis motus progressiui ritè exposuerunt, vt ex sequentibus patebit.

PROPOS. CLV.

Dum homo incedit, non suspenditur à vi musculorum tota eius moles à terra, sed solummodò eius pars, minor quadrante.

Tab. II. Fig. II.

Eatenus differt saltus à gressu, quòd in saltu tota machina corporis humani suspenditur è Terra duobus pedibus eodem tempore eleuatis, & ad instar proiecti

I i

fursum,

Cap. 19.
De Gressu
Bipedum.

furfum, & anteriùs machina vniuerfa impellitur. At in gressu femper corpus humanum solo innititur, alternis tamen pedibus, in qua alterna innixione videtur, quòd medietas tantum ponderis humani corporis per vices suspenditur, & transportatur; Vt si fuerit columna AB prostrata, terræ innixio termino eius B, potest subleuari à terra terminus A, & transferri per arcum AC circa centrum B, & in tali casu potentia eleuans terminum columnæ A æqualis est semissi ponderis totius columnæ; propterea quòd reliqua medietas ponderis sustinetur à pauimento; vt constat ex mechanicis. Postea columna in BC, translata rursus circa centrum C subleuato altero extremo B per arcum BD, transferri potest ad situm CD pariter à potentia æquali medietati ponderis columnæ, & sic vltèriùs. At maius compendium quærit natura sapientissima in gressu; minùs enim quadrante ponderis humanæ molis è Terra alternatim suspenditur à vi musculorum.

a Tab. 10.
Fig. 13.

Sit corpus humanum R erectum a, & stans, super duobus pedibus B, & C innixum; linea propensionis AD ex centro grauitatis A cadet inter duos pedes in D, eritque triangulum ABC isoscele. Patet ad oculum, quòd distantia DC minor est quarta parte longitudinis totius coxendicis, & pedis BA, vel AC. Postea considero, quòd pondus totius hominis R suspensum retinetur à duplici potentia, scilicet à duritie ossæ columnarum, vel fulcrorum AB, AC; & à vi musculorum, quæ in directum extensas retinet easdem columnas, & impedit, ne ossa dissoluta, & flexibilia circa articulos inflectantur. Porro certum est, quòd vis, quæ exercetur à duritie columnarum AC, AB,

mensu-

mensuratur à perpendiculari linea AD. E contra vis, quæ exercetur à musculis vnus pedis, æqualis est momento dimidij ponderis R fulti à conto, seu vecte AC flexibili circa centrum C, quòd momentum mensuratur à linea DC. Quare momentum virtutis motiux musculorum impediens incuruationem crurum, & pedum AC, AB, minus est quarta parte ponderis R, quando homo stat.

Consideremus modò motum incessus hominis; & noto, quòd machina R promoueri versus K non potest, nisi triangulum isoscelium ABC transformetur in rectangulum, & ambligonium, ita vt angulus ABC fiat primò rectus, & postea obtusus; hoc autem præstari non potest, nisi longitudo lateris AC augeatur, & latus AB decurtetur; at talis operatio facile fit, dirigendo plantam pedis C efficiendo angulum calcanei obtusum; sic enim apex pedis tanget pauimentum, & contus AC elongabitur; & simul flexo parumper genu, & angulo calcanei B decurtabitur longitudo contus AB; ex quo fit, vt machina R promoueatur, quousque linea propensionis AD coincidat cum AB, scilicet quousque linea innixionis AB fiat perpendicularis ad horizontem. Tunc patet, quòd potentia illa, quæ pedem AC distendit, dum alter pes AB solo innititur, minor est quadrante ipsius ponderis R. Quando verò machina erecta est in situ RAB perpendiculari ad horizontem, vniuersum pondus sustinetur à duritie ossea columnæ AB, & tunc contus AC inutilis est, & machinam R non fulcit; & ideò facilè suspendi, & eleuari pes C à terra potest absque periculo ruinæ hominis; Et quia pes AC integer minor est quadrante totius hominis, ergo vt suspendatur adhiberi debet vis musculo-

Cap. 19.
De Gressu
Bipedum.

sculorum flexoriorum cruris, quâ minor sit quadrante ponderis hominis. Postea idem pes promouetur à simplici lapsu, & relaxatione musculorum, & sic denuò vice commutata; Quare minus, quàm quadrans ponderis R, suspendi debet alternatim in humano incessu à vi musculorum.

P R O P O S. CLVI.

Differitur, quomodo in ingressu moles humani corporis antèriùs promoueatur. Tab. 11. Fig. 12.

Non incederet homo, si solummodò alternatim pedes à Terra suspenderet, & eisdem locis reponeret, è quibus subleuati fuerant; sed oportet, vt loca commutet in plano horizontis, promouendo antèriùs molem integram humani corporis. Inquirendum igitur est, quibus organis, & quibus operationibus hoc fiat. Et primo intuitu incessus humanus videtur assimilari posse motui circini erecti BAC super planum horizontale, qui stando efficit triangulum Isoscelium ABC, & linea propensionis AD cadit præcisè inter duos pedes B, & C. Postea eleuato pede C à terra, quousque linea propensionis AD coincidat cum linea innixionis AB; & fiat perpendicularis ad horizontem; tunc girando circa Axem AB, describit pes AC superficiem conicam ACE, deindè innixo pede AC in E denuò erigitur circinus, vt pes AE fiat perpendicularis ad horizontem, & alterum latus AB rotando, arcum BF describit, & sic vltèriùs alternando erectiones, & giros promoueri potest. Verùm talis modus incedendi deformis, & incommodus esset, ideò natura faciliiori, & elegantiori motu machinam humani

-oluo!

corpo-

corporis promouet. In statione enim certum est, quòd pedes pauimento innixi constituunt triangulum Iso-
 scelium ABC, & deinceps eodem tempore plures
 motus circulares inchoat, & efficit natura, ex quibus
 resultat motus progressiuus. Circa centrum B^a ante-
 rioris pedis reuoluitur columna, seu vestis cruris BA
 in plano perpendiculari ad horizontem, eodemque
 tempore machina totius corporis R antèrius versùs K
 promouetur. Talis autem promotio fit hac ratione;
 extenso enim pede LC, tractis musculis soleis efficitur
 angulus ALC obtusus, & quia apex pedis pauimen-
 tum tangit in C, longitudo totius cruris, & coxæ elon-
 gatur additione longitudinis pedis CL, & sic triangu-
 lum illud Isofelium transformatur, efficiturque pri-
 mò rectangulum, quando scilicet crus AB perpendi-
 culariter insistit ad horizontem. In tota hac actione
 noto, quòd integra machina R à duobus pedibus ful-
 citur, & ideò facilè tantillum inclinari potest, vt crus
 AB perpendiculariter plano subiecto insistat. Præter
 ea ab ipsamet pedis extensione, & cruris AC elon-
 gatione impellitur pauimentum à pedis apice C, &
 ideò motu reflexo machina R antèrius versùs K pro-
 mouetur; non secus, ac nauicula à nautis conto im-
 pulsa, ripa ab ea recedit. Talis porrò impulsio mirè
 facilitatur à capitis, & supremi ventris exili incurua-
 tione antèrius versùs K, vnde centrum grauitatis vni-
 uersi corporis, & ideò linea propensionis vltra pedis
 BO confinium incidendo, procliuis fit ad ruinam, &
 ideò sponte sua antèrius machina grauis R transfertur,
 & tunc ruina illa subito reparatur, eleuato scilicet
 pede LC, & citò antèrius translato in K, vltra confi-
 nium lineæ propensionis, & sic denuò statio firma re-

Cap. 19.
De Gressu
Bipedum.

a Tab. 10.
Fig. 13.

Cap. 19. nouatur; & hoc artificioſo modo in motu progreſſiuo
De Grefſu promouetur machina humani corporis.
Bipedum.

P. R. O P O S. CLVII.

Homines incedere non poſſunt præciſè per rectam
lineam: Quia machina corporis humani incedere non po-
teſt, niſi alternis pedibus ſucceſſiue pauimento inni-
tatur: & talis innixio fit, transferendo lineam propen-
ſionis modò ſuper plantam pedis dextrì, modò ſuper
ſiniſtrì pedis plantam, & tales plantæ pedum transfe-
runtur non per eandem, ſed per duas lineas rectas
inter ſe parallelas. Quod patet ſenſui. Obſerua ve-
ſtigia plantarum pedum hominis ambulantis ſuper ſo-
lum puluerulentum, vel luto madidum, quæ veſtigia
conſpiciuntur parallela inter ſe, non verò vnā re-
ctam lineam conſtituentia. Præterea Anſeres, & ho-
mines lati, & breuium crurum euidentiffimè, nedum
pedes per duas parallelas lineas mouent, ſed inſuper
vacillando incedunt alternatim, modò ſuper dextrum,
modò ſuper ſiniſtrum pedem ſe erigendo, & transfe-
rendo centrum grauitatis eius. Id ipſum reliqui om-
nes homines faciunt, ſed minùs euidenter. Erectis
enim duabus virgis vna alba, altera nigra perpendi-
culariter ſuper planitiem aliquam, notabili ſpatio in-
ter ſe diſtantibus, & exiſtente homine in directum
cum virgis prope nigram, vt hæc tegat remotiorem
virgā albam, tunc, quantumuis homo nitatur incede-
re præciſè per eandem rectam lineam, nunquam hoc
aſſequetur; ſed alternatim conſpiciet virgā albam
modo

modo ad dextram, modo ad sinistram eiusdem virgæ nigræ intermediæ. Quod est argumentum evidentissimum, incessus hominum non fieri per lineam rectam, ergo linea propensionis tortuoso, & serpentino itinere transfertur hinc inde, ab una ad alteram parallelarum; & proinde per unicam simplicem rectam lineam machina humani corporis motum progressuum incessus efficere non potest.

Cap. 19.
De Gressu
Bipedum.

P R O P O S . CLVIII.

Omnes motus, qui in humano incessu fiunt, enarrantur.

Dum homo incedit, semper machina eius grauis solo stabili innititur, fulciturque à duritie columnarum ossæarum pedum, quæ innixio fit exiguo labore musculorum, & minima molestia facultatis sensitivæ ob compressionem tendinum, & distractionem membranarum. Præterea dum innititur super duos pedes, fit motus promotionis centri gravitatis eius, quatenus uno conto cruris postici elongati per extensionem pedis, impulso pavimento retrorsum, erigitur machina uniuersa perpendiculariter super anticum alterum pedem firmum, & parum antè impellitur, & sic motu transversali promouetur; postea subito pes posticus elongatus à Terra suspenditur, flexis tribus articulis coxendicis, genu, & pedis extremi à proprijs musculis, qui minus quarta parte ponderis humani corporis suspendunt, & ab impetu concepto à præcedenti impulsu, & à flexione capitis, & pectoris ultra situm pedis firmi solo figitur. Quo facto, secunda statio celebratur,

Cap. 19.
De Gressu
Bipedum.

bratur, & postea eadem periodo pes posticus operando gressum continuat.

PROPOS. CLIX.

Incessus in superficie horizontali explanata facilis, & minimùm molestus, & aliquando iucundus esse solet.

Quia in superficie horizontali explanata, nullæ montuositates, aut foveæ, nec loca accliuia, nec decliuia existunt, ideò articuli pedum insensibili flexione incuruari debent, dum promouentur, quantum nimirum sufficit, ut planta pedis non impingat plano subiecto; Hinc fit, ut parum laborent muscoli flexores. Præter ea non coguntur plantæ pedum in foveis, & locis inæqualibus inflecti, & violenter luxari, cum ossa plantas pedis componentia non patiantur nimiam distractionem, & luxationem, quia non innituntur verticibus acuminatis saxosis, aut incuruatis foveis, & ideò non læduntur. Igitur in locis planis, nedum parum laborioso molimine incessus fit, sed etiam absque noxa dolorifica. Aliundè postea motus artuum non valdè laboriosus, nec molestus mirificè circulationem sanguinis, transpirationem insensibilem excrementorum, & partium refectionem adiuuat, & proindè suauem, & iucundum sensum inducere solet, nisi modum excedat.

PROPOS. CLX.

Quare incessus in loco accliu laboriosus, & molestus est, ostenditur.

Quod

Quod ascensus per gradus scalarum valde laboriosus, & molestus sit, patet experientia; Causa verò talis effectus non est difficilis inuentu, si illæ operationes articulorum, quæ fiunt in ascensu, accuratè considerentur. Stando enim super duos pedes in infimo gradu, primò pes dexter, verbi gratia, eleuari ferè perpendiculariter ad horizontem debet. altiùs, quàm sit subsequenti gradus altitudo, at talis eleuatio fieri non potest absque grandi inflexione articulorum pedis, in qua notabili inflexione relaxatur naturalis longitudo musculorum flexorum ^a, & ideò laborioso conatu animastica, & voluntaria contractio eorum fiet. Et sic licèt pondus totius pedis, & coxendicis minus sit quarta parte molis humani corporis, nihilominùs ob dictam lassitatem musculorum, pondus valdè excedens illum quadrantem vis animastica superare tenetur, vnà cum difficultate vectis, vt priùs dictum est.

Secundò ab impulsu innixionis factæ ab eodem pede dextro ante eius discessum à primo gradu, & ab inclinatione capitis, & pectoris, promouetur anteriùs centrum grauitatis humani corporis; & ideò, quando eadem planta dextra innititur secundo gradui scalæ, tunc linea propensionis cadit perpendiculariter super eandem plantam in secundo gradu existentem. Tertiò, pes sinister suspenditur, contrahendo, & flectendo articulos, proindèque superari eius resistentia de quò debet, quæ quarta pars est ponderis humani corporis. Quartò, necesse est, vt positura dextri pedis incuruati dirigatur perpendiculariter insistendo super plantam pedis in secundo gradu scalæ existentis; hæc autem operatio fieri non potest, nisi trium articulorum coxendicis, genu, & calcanei inclinationes

Cap. I 9.
De Gressu
Bipedum.

aProp. II.
huius.

Cap. 19.
De Gressu
Bipedum.

extendantur, ampliënturque; quæ actio difficilis est, quia vniuersum pondus machinæ humani corporis eleuari perpendiculariter debet superando mechanicas difficultates alibi expositas. Itaque in vno quoque gradu scalarum suspendi, & eleuari debet à vi muscutorum quarta pars ponderis humani corporis, bis, & semel integrum pondus eiusdem hominis, & hoc eò laboriosius, & molestius fiet, quò celerius gradus scanduntur.

Et animaduertendum est, quòd in incessu super explanatam superficiem horizontalem nunquam suspendi, & eleuari debet à vi muscutorum integra moles corporis humani, cùm semper super columnam erectam osseam vnus pedis innitatur, aut conuertatur. At in ascensu per gradus ponderis corporis eleuatio fit à vi muscutorum, non à duritie columnarum ossearum; & hinc oritur molestus labor, & lassitudo.

Ascensus postea per superficiem planam accliuem laboriosus quoque est ob easdem causas, & insuper, quia solo insistendo plantæ pedum acutos angulos cum tibijs efficiunt, in qua positione non naturali musculi extensores plùs iusto distrahuntur, nec innixio est firma, & ideo laboriosa, & molesta est.

P R O P O S. CLXI.

Descensus per decliua paulò laboriosior est, quàm incessus in plano horizontali.

In descensu, siuè per gradus, siuè per planum decliue, neque crura, nec Vniuersa machina humani corporis sursùm eleuari, & impelli debet, imò spontè sua

sua vi grauitatis deorsum rueret, & hoc nomine facillimus esse vulgò censetur descensus. At si hoc negocium accuratius perpendatur, patebit, non posse absque aliquo laborioso conatu descensum peragi; nam, vt homo discedat ex statione in supremo gradu scalarum, oportet, vt pes dexter, verbi gratia, parumper eleuetur, & promoueatur; at tunc, si centrum communis grauitatis anteriùs quoque impelleretur, procul dubio moles tota deorsum rueret, vt gravis, & pes promotus super subsequenter gradum illideretur, non sine noxa, & dolore. Quod incommodum vitatur retento centro grauitatis in pristino situ, scilicet retenta linea propensionis erecta perpendiculariter super plantam pedis innixi in supremo gradu, & tunc flexis articulis eiusdem supremi pedis innixi, deprimitur sensim tota moles corporis, & decurtatur longitudo totius columnæ pedis dextri; & interim elongato reliquo pede anteriùs promotò, fit, vt tota machina pedibus inæqualiter longis, innitatur gradibus proximis, supremo nempe, & subsequenti. Postea perducta linea propensionis super plantam pedis infimi, officium columnæ exercentis, discedit pes sinister à supremo gradu, & transfertur deorsum eodem progressu superiùs exposito.

Quia verò dicta depressio centri grauitatis non fit lapsu, & ictu quodam, sed musculis agentibus sustinendo ponderosam molem, eamque sensim deorsum transferendo; hinc est, quòd absque laborioso conatu musculorum extensoriorum, sensim se relaxando, depressio illa centri grauitatis fieri non potest; Qui labor eò euidentior est, quòd lentiori motu per gradus descendimus. Cumque talis necessitas substanta-

Cap. 19.
De Gressu
Bipedum.

tionis à musculis in gressu per loca plana non requiratur, quando alternatim sustentatio ab offea columnari duritie fiat, deducitur, quòd descensus sit magis laboriosus, quàm sit incessus per loca plana.

Et in superficie plana decliui plantæ pedum innixæ angulos obtusos cum cruribus efficiunt; quæ positura non naturalis, laboriosa quoque est.

P R O P O S. CLXII.

Quare in tenebris, aut negligenter. scalas ascendendo, vel descendendo, quando adhuc gradus superesse putamus, grandi concussu pes solo illiditur.

Primò in ascensu, quia inualuit persuasio restare gradum in scalis, quem scandere debere putamus, centrum grauitatis totius corporis nostri retinetur perpendiculariter erectum super plantam pedis firmi, & perseverante tali positura alter pes eleuatur, vt innitatur, & quiescat super gradum, quem superesse putamus; Quod fieri debet promouendo anteriùs centrum grauitatis vna cum linea propensionis ultra plantam pedis firmi; ex quo fit, vt ruina non præuisa, immò à nobis sollicitata subsequatur; & proindè pes eleuatus grandi concussione totius corporis, & eiusdem pedis illusione lædatur.

At in descensu ad planum pauimenti perducti, quia suademur, adhuc descendere nos debere, pes pauimento innixus, flexis articulis incipit abbreviari, alter verò incipit extendi, vt gradum in inferiori situ imaginatum attingere possit, hisce duobus motibus inopi-

natò à pauimento resistitur percussione quadam, ergo subsequitur læsio non dissimilis ei, quam calcibus solum percutiendo percipere solemus.

Cap. 19.
De Gressu
Bipedum.

PROPOS. CLXIII.

Incessum Auium aliquò pacto differre ab incesu hominum.

Aues eodem modo, & eisdem operationibus mechanicis, ac homines gradiuntur, & differunt tantum quoad applicationem facultatis motiue, nam homines à duritie ossea pedum, veluti à columnis alternè fulciuntur, at Aues nunquam pedibus in directum, extensis solo innituntur, sed semper eorum articuli inflexi sunt, & ideò moles integra Auium semper à vi muscutorum erecta retinetur, & muscoli pedis alternatim à Terra eleuati quiescunt, & minùs laborant, quàm muscoli pedis fixi, & continenter operantis, quia quando Auis duobus pedibus innititur, tunc muscoli extensores cuiuslibet eorum medietatem ponderis Auis sustinent; at in altero pedè eleuato muscoli extensores nil agunt, & soli flexores pondus eiusdem pedis eleuant, quod pondus minus esse videtur, vna parte sexta eiusdem Animalis.

PROPOS. CLXIV.

Exponitur modus, quo fiat incesus hominum super glaciem. Tab. 12. Fig. 1.

Pedibus AB, CD alligantur Calopodia ferrata, & stante

Cap. 19.
De Gressu
Bipedum.

stante homine erecta positura, innixio centro grauitatis eius, super dextro pede CD, sinister AB retrorsum, transuersali motu glaciem impellit, eamque abradendo excurrit vsque ad E; hinc fit, vt pes dexter DC motu reflexo excurrat per directionem aciei ferratæ Colopodij, quæ facillè cæsim ob glaciei læuitatem, & lubricitatem excurrere potest; & subito post impressionem impetus eleuatur pes AB, & sic corpus hominis æquilibratur super pedem DC, ob vim impetus percussiu. excurrit directè vsque ad F. Deindè sinister pes AB antèriùs promouetur in G, & ibidem, centrum grauitatis humani corporis innititur, dexter verò transuersali ictu corrosiuo retrocedit vsque ad H, & promouet pedem G, per directionem aciei ferratæ, & subleuato in aere dextro pede H, pes G cum incumbente centro grauitatis hominis excurrit vsque ad I; & sic alternatim repetitis impulsionibus, & excursionibus, ad instar proiecti, super glaciem, resultat incessus velocissimus, factus non per rectam lineam, sed via tortuosa ad dextram, & sinistram declinante.

Porro artificium, quo cursum, & impetum extinguunt, & quomodo directionem itineris commutant, tale videtur esse; non renouant ictum, & sic sensim impetus desinit; aut flexo parumper pede ad dexteram, & pectore ad læuam, acies ferrea cogitur in latum glaciem abradere, & retardato, & retento retrorsum centro grauitatis, impetus extinguitur.

Flectunt verò directionem itineris, impellendo potius pedem præcisè transuersè, & perpendiculariter ad pedem anticum, & simul flectunt aciem ferri pedis innixi, nec temperant fluxum centri grauitatis, vt non impediatur motus, & non recedat à debito situ innixionis aciei ferratæ.

De

De incesſu Quadrupedum.

CAPVT XX.

EGregiè in hac parte allucinantur, nedum vulgares homines, ſed etiam præclari Philoſophi, & anatomici; qui potiùs falſæ opinioni per manus traditæ, quàm proprijs oculis fidem præſtare volunt.

P R O P O S. CLXV.

Greſſum quadrupedum nō fieri motis alternatim duobus pedibus diagonaliter oppoſitis, reliquis duobus quieſcentibus. Tab. 11. Fig. 8.

Inualuit opinio, quòd quadrupedum greſſus fieret promotis alternatim duobus pedibus, quieſcentibus reliquis, ſicuti in bipedis inceſſu fit, translatione viciffitudinaria vnus, & innixu alterius pedis, factò hoc præiudicio, obſeruarunt antiqui, quod quadrupedia dum ſtant, plantæ quatuor pedum in plano ſubiecto conſtituunt figuram quadrilateram ABCD; cùmque viderent, quòd quando currunt, pedes anteriores AB ſimul eleuantur, & anteriùs promouentur, dum ambo poſteriores pedes CD ſolo EF innixi quieſcūt, & deinceps poſtquàm AB denuò terram attingunt, ſubitò eleuantur ambo poſteriores CD, & promouentur propè AB, & ſic totum quadrilaterum ABCD ſe contrahendo, & deinceps ſe elongando ſucceſſiuè curſus efficit, quod ad oculum in curſu equorum, vel canum patet.

At in motu gradario conſtat, quòd duo anteriores,
vel

a Tab. 13.
Fig. 7.

Cap. 20.
De Inces-
su Quadru-
pedum .

vel duo posteriores non eleuantur simul , nec promo-
uentur eodem tempore , sed alternatim , quando A
mouetur , B quiescit , & è conuerso , quando B trans-
fertur , A solo innitur . Id ipsum in posterioribus pe-
dibus contingere certum est . Verùm non æquè faciliè
distingui potest , quo ordine anteriores pedes cum
posterioribus in motu conueniant , scilicet , an eodem
tempore duo pedes sinistri A , & D ; vel A cum C mo-
ueantur , quia celeritas motus tale criterium impedit ,
ideò ratiocinatione hoc assequi posse censuerunt . Si
eodem tempore duo pedes sinistri A , D suspenderen-
tur , & promouerentur , tunc rueret Animal versus si-
nistram , ergò potiùs dexter anticus B cum sinistro pe-
de postico D eodem tempore eleuari , & promoueri
debent , itaut semper diametraliter oppositi pedes , aut
simul moueantur , aut simul quiescant . Talis porrò
erronea imaginatio adeò inualuit , vt in statuis eque-
stribus æneis , & marmoreis antiquis , & recentibus
semper duo pedes è diametro oppositi à Terra suspen-
si exculpti , & in tabulis depicti sint .

Et miror sanè difficultatem , & absurditatem talis
motus perceptam non fuisse . Iam ipsi concedunt in
motu debere animal stabiliri , ne vacillet , aut ruat , &
ideò negant , moueri posse simul tempore duos pedes
sinistros A , & D , nam tunc centrum grauitatis vastæ
molis oblongæ quadrupedis , & linea propensionis eius
perpendiculariter incideret , aut in eandem rectā lineā
BC ; vbi innituntur duo pedes dextri , aut ultra eam
ad partes AD , & proindè Animal vacillaret , aut
rueret .

At quando simul tempore eleuantur , & mouentur
duo pedes diametraliter oppositi BD , paritèr tota
moles

moles Animalis inniti debet super duos pedes firmos, Cap. 20.
De incessu
su Quadru
pedum.
scilicet linea propensionis insistet perpendiculariter non super spatium amplum, sed super lineam AC; ergo pariter Animal vacillabit, & proinde infirmum, & instabilem posituram tunc temporis habebit.

Secundò consideremus pedum configurationem post primum motum, quando scilicet pes B translatus est in K, & D in S, tunc duo pedes sinistri A, & S contigui facti sunt, & dextri KC ab inuicem remotissimi erunt, itaut quatuor pedes triangularem figuram constituent, cuius Basis KC longissima sit, & minima altitudo AB, quare statio parum firma esset, & ab hac positione post motum pedum C, & A, eorumque translationem ad I, & V, restitueretur Animal ad firmam posituram quadrangularem ISVK similem prioris ABCD. Huiusmodi stationes firmæ, & vacillantes, successivè se consequentes, imprudenter ordinatæ à natura fuissent, quando facilè hæc incommoda poterant evitari.

Sed quid quærimus rationes, quando experientiæ reclamant. Obserua equum lento motu gradientem, nunquam videbis duos pedes A, & C diagonaliter oppositos simul tempore moveri, sed semper vnicus pes à terra eleuatur tribus reliquis firmis manentibus. Id ipsum postea diligenti inspectione etiam obseruabis in gressu celeriori in omnibus quadrupedum speciebus.

P R O P O S. CLXVI.

Exponitur modus, quo gressus quadrupedum efficitur. Tab. 12. Fig. 2.

Intelligatur machina oblonga equi quatuor fulcris

L 1

crurum,

Cap. 20.
De inceſſu
ſu Quadru
pedum.

crurum, veluti columnis ſolo innixis in A, B, C, D, conſtituere quadrilaterum reſtangulum. Tunc linea propenſionis ex centro grauitatis equi cadet perpendiculariter in E propè centrum quadrilateri, & ideo ſtatio Animalis firmiſſima conſurget. Incipit poſtea grefſus ab vno pede poſtico, vt à ſiniſtro C, qui ſolum firmum valido innixu retrorſum impellendo promouet centrum grauitatis ab E ad G, quo factò ſubito pes B eleuatur, & anteriùs transfertur vſque ad H, qui motus translaticius commodè fieri poteſt, quia centrum grauitatis primò cadit intra triangulum ABD; ſecundò intra trapetium ABFD, ſcilicet fulcitur à tribus, vel quatuor columnis. Deinceps, firmis remanentibus tribus pedibus ADF, comprehendentibus centrum grauitatis G, immediatè anterior pes ſiniſter B promouetur vſque ad H, & ab impetu præconcepto pariter centrum grauitatis transfertur in I, nempe in centro rhombi AHFD; completo grefſu duorum ſiniſtrorum pedum incipit impulſus, & motus poſtici pedis dextri D, & deindè anterioris A, & ſic ſemper ordine ſuperiùs expoſito abſoluitur grefſus quadrupedis Animalis.

Et licèt ad hanc veritatem comprobendam ſufficiat accurata obſeruatio ocularis, nihilominùs Philoſophi munus eſt inquirere vtilitatem, & neceſſitatem talis operationis. Lex perpetua naturæ eſt, vt agat minimo labore, medijs, & modis ſimpliciffimis, facillimis, certis, & tutis, euitando, quàm maximè fieri poteſt, incommoditates, & prolixitates. Et quia inceſſus Animalium non eſt motus omnium partium eorum, æquè velociter translatarū, & per eandem directionē, vt eſt volatus, ſaltus, aut raptatio, ſed potiùs eſt mo-

tus

cus resultans ex translatione aliquarum partium, quæ innituntur super alias partes quiescentes, & proinde Animal incedens stando promouetur. Quapropter statio, & translatio, quæ fit in gressu Animalium, debet esse non vacillans, & ruinosa, sed firma, & stabilis, quæ præterea minimo labore musculorum, sufficienti tamen, præstari debet. Vt verò statio machinæ quadrupedis, dum incedit, seruari possit absque ruinæ periculo, oportet, ut fulciatur à pluribus, quàm duobus columnis, scilicet à tribus, vel quatuor, inter quas cadat perpendiculariter linea propensionis ex centro grauitatis Animalis: Hoc planè egregiè præstatur in gressu exposito in hac propositione.

Cap. 20.
De incessu
Quadrupedum.

Secundò oportet, ut talis sustentatio, & innixus, quàmminimo labore, & molestia Animalis fiat, & hoc efficietur ab ipsis columnis crurum erectis, quæ ob suam duriciem, & sensus stupiditatem facile pondera incumbentia tolerant, absque notabili molestiæ sensu.

Præterea motus totius machinæ Animalis facilè absoluitur, quia eius integra moles suspendi, & à Terra eleuari non debet, sed solummodò vnicus pes sustolendus, & mouendus est. Primò impellendo solum posticum, non quidem ab vno pedum anteriorum; nam, hoc elongato, & solo anteriori innixo, centrum grauitatis Animalis retrocederet; sed è contra à pede postico elongato, ad instar conti, promouetur anteriùs; ex quo fit, ut tota moles Animalis anteriùs promoueat, flexis tribus columnis erectis, non secus, ac currus rotis innixus transfertur. Secundò suspendendo eundem pedem posticum, flexis articulis à suis musculis, deindè promoto pede antico, eiusdem

Cap. 20.
De inceſſu
ſu Quadrup
pedum.

lateris, vt dictum eſt, hæc, inquam, compendia ſua-
dent neceſſitatem talis operationis.

PROPOS. CLXVII.

Quomodo quadrupedia duos anteriores pedes, vt ma-
nus, uſurpare queant, obiecta contrectando.

Tab. 13. Fig. 11.

a Prop.
156. huius.

Quia Animalia quadrupedia ſituatione prona ſtare,
non poſſunt, niſi tribus ſaltem pedibus erectis, tan-
quam columnis, fulciantur, vt dictum eſt ^a, ergò tunc
quartus pes, ſiue poſticus, ſiue anticus eleuari poteſt,
flexis articulis, & eodem, ad inſtar manus, tangere,
contrectare, & impellere obiecta circumſtantia po-
teſt, vt equi calcem impingunt, aut proprium corpus
fricant; & feles, & Vrſi anticum pedem, vt manum
uſurpant, vnguibus digitorum raptando, & pugnan-
do. At, duobus pedibus anticis eleuatis eodem tem-
pore, obiecta contrectare facile non poſſunt, niſi pro-
ſtrati pectore, & niſi duobus pedibus reliquis Terræ
innitantur. Verùm, longis cruribus pedalibus pau-
mento applicatis, erecto corpore ſtare poſſunt, vt Ca-
nes, Simiæ, & Vrſi diutiùs ad inſtar hominum, & tunc
planè anterioribus pedibus pugnare, & contrectare
obiecta poſſunt, ſed non ſine moleſtia, eo quòd arti-
culi pedum, & præcipuè calcanei non æquè firmè ſu-
ſtentare poſſunt grauem machinam illius Animalis,
cuius ſtructura accommodata eſt, vt ſitu prono ſuper
quatuor pedum columnas innitatur; Et hinc eſt, quòd
Canes ſtando facile ruunt, niſi poſticæ parieti inni-
tantur. Simiæ verò, & Vrſi, qui plantas pedum non
omninò diſſimiles humanis plantis habent, minori mo-
leſtia,

lestia, & diutiùs erecti stare, & pedibus anterioribus subleuatis pugnare possunt.

Quando Canes extremis digitis, & equi extremis ungibus posteriorum pedum innituntur, tunc quidem quiescere in situ erecto non possunt, facile enim ruunt. Possunt tamen perambulare, quia vacillationes ab ipso motu reparantur, sicut Pueri duobus baculis cruribus alligatis perambulant, & currunt, at quiescere super illis fulcris non possunt absque ruina.

P R O P O S. CXLVIII.

Animalia sexipedia, quomodo incedant, inquirere.

Insecta Animalia, quæ corpore prono, & prælongo senis pedibus innituntur, eodem modo stare, & incedere videntur, ac quadrupedia, scilicet stant, si linea propensionis ex centro grauitatis Animalculi perpendiculariter ad horizontem edueta, cadat intra spatium comprehensum à pluribus, quàm binis pedibus, & tunc duo, vel tres pedes à Terra eleuati vsurpantur, vt manus, obiecta contrectando.

Incessus verò commodissimè fieri potest; Primò, pedibus posterioribus simul, vel successiuè impellendo solum, ad hoc, vt centrum grauitatis promoueatur; Si enim anteriores pedes primo loco extenderentur retrorsum Animal ferretur, & ideo initium incessus à posterioribus pedibus fieri debet: reliqui motus fieri debent eodem modo, ac in quadrupedibus, licet alterari possit methodus illa, quia semper remanere possunt tres

Cap. 20.
De incessu
Quadrupedum.

Cap. 20.
De Inces-
su Quadru-
pedum.

tres columnæ pedum erectæ, quibus Animal innita-
tur. At commodissimè fieret, si tres pedes vnius la-
teris, vnus post alterum promoueretur, dummodò ini-
tium motus fieret à posteriori, cui succederet medius,
& ultimò anticus; sic enim tres pedum plantæ paral-
lelogrammum obliquangulum constituerent, commo-
dum sustentationi, & incessui Animalis.

Magis tamen laboriosus videtur incessus sexipedis,
quàm quadrupedis, quia in illis nullus pedum dirigi-
tur ad instar columnæ, sed semper articulis flexis ad
angulos acutos stant, & incedunt; proindèque non
à duritie ossium sustentantur, sed à vi musculo-
rum.

At hoc incommodum facilè toleratur ab insectis,
ob minimam grauitatem corpusculi eorum, respectu
molis eorundem, cum pondera decrescant in-
duplicata proportionem dimensionum eorum, quæ si-
miles figuras habent, vt præclarè Galileus demon-
strauit.

PROPOS. CLXIX.

Quomodo muscæ, & culices pronis superficiebus vi-
treis læuigatis pendentes adhærent, & per eas in-
cedunt absque ruina.

Quantumuis pusilla, & rara supponatur corporea
moles muscæ, formicæ, aut culicis, & similium Ani-
malculorum, semper tamen grauitatem aliquam ha-
bebit excedentem specificam aeris grauitatem, & ideo
est impossibile, vt in aerè innatando prædicta Anima-
lia quiescant, vt pisces in Aqua æquilibrantur; sed
necesse est, vt decendant deorsum, non secus, ac festu-

cæ in aere tranquillo lento motu cadunt. Hoc posito non video, quomodo prædicta Animalcula adhærere possint superficiebus læuigatis vitreis inclinatis, & prœnis absque ruina; vnguibus enim curuis intra poros vitri insinuatæ harpagati non retinentur, vt ad oculum patet, ergo potius dicendum, quod spongiosa tubercula plantarum pedum, immediato contactu pronæ superficie vitri adhærendo, pusillum pondus animalculi sustineant, sicut vitra explanata ab exquisito contactu suspenduntur; non quidem ob vacui timorem, vt vulgò credunt, sed ob pondus, ac vim elasticam circumambientis aeris, vt alibi diximus^a. Eodem modo pueri planta manus vitreæ phialæ exactè applicata, eam suspendunt, & eleuant.

Hoc confirmatur ex molestissimo illo pruritu corrosiuo, quem in cute nostra affert contactus pedum muscarum æstate, pluuia imminente, quando superficie tenus humectata cute facilius excluditur aer intermedius, & proindè tenaci adhæsione tubercula plantarum muscarum nostræ cuti agglutinantur, & difficilius ab inuicem extricantur, separanturque.

Caterum molestus ille pruritus oritur ex simplici titillatione; quam vngues, pili, & asperitates plantarum faciunt contactu, & fricatione papillarum neruearum cutis nostræ, sicuti festuca cuti ciliorum, aut narium confricata sensum molestum corrosiuum producit.

Maiorem dolorificam passionem inducunt muscæ, & culices, sua proboscide fodiendo cutem, & sorbendo sanguinem, ad instar hyrudinū, at pulices, & pediculi, & cimices suis multiplicibus linguis spinosis, & articulatis, ad instar manuum, sanguinem lambunt, effusum ex cicatricibus venularum capillarium ab eis incisarum.

Cap. 20.
De incessu, Quadripedum.

a De Motion. natur. à grauit. pend. cap. 12.

De saltu.

CAP. V. T. XXI.

Cum nedum gradiendo Animalia loca continent, sed etiam saltando, de hac operatione pariter differere debemus, quæ non minori artificio à natura exequitur; & primò.

P R O P O S. CLXX.

Saltus non fit, nisi prius articuli pedum inflectantur.

Videmus, quòd dum homines stant directè extensis articulis pedum, ad instar columnarum, licet velint, & adhibeant quemcumque grandem conatum, saltare non possunt. Verùm è contra flexis, & valdè incurvatis articulis, postea grandi impetu tractis, & decurtatis musculis extensoribus, saltus subsequitur. Bruta, & insecta aliqua, quæ omnium pedum, aut saltem postremorum articulos semper inflexos retinent, possunt ad libitum saltare, & nihilominus, quando vehementiorem saltum aggrediuntur, tunc plùs solito eos incurvant, & Reptilia, quæ pedibus carent, non saltant, nisi spinam, hinc indè inflectant. Vnde patet propositum.

P R O P O S. CLXXI.

Quare virga, aut arcus erectus, & innixus plano firmo, si comprimatur, inflectaturque, resilit, & saltat. Tab. 12. Fig. 3.

Si virga directâ , & rigida , vel Arcus FEC innitatur pauimento firmo RS in C , & comprimatur à potentia manus , vel ponderis M , quousque violenter inflectatur,acquirendo curuam configurationem ABC, & postea citissimè potentia M remoueat, tunc videmus , quòd Virga , nedum pristinam directionem acquirit , sed præterea veloci saltu à terra eleuatur . Causa huius effectus est , quia centrum grauitatis E ipsius Virgæ à compressione deprimitur vsque ad D , & quando postea potentia M remouetur , subito vis Arcus nititur se dilatare , & ideò vim facit , vt æque extendat in directum duo brachia BA , & BC , scilicet , vt tantumdem deprimat terminum Arcus C , quantum eleuari debet terminus A . At quia durities pauimenti RS impedit descensum termini C , igitur necesse est , vt motu reflexo , pariterque motu directo , centrum grauitatis D cum integro arcu , sursùm impellatur , vsque ad E ; cùmque talis motus per lineam DE fieri non possit , absque eo , quòd impetus imprimatur à vi expansiua arcus , estque talis impetus semel impressus ex sui natura perseverans , & indelebilis , vt demonstraui^a ; Igitur , postquam Virga directionem extensam acquisiuit , impetus ille vicens otiosus esse non poterit , & ideò vltèriùs promouebit Arcum , eiusque centrum grauitatis per eandem directionem DE supra terminum E , & proindè ad instar proiecti recedet Virga FC à pauimento, & eleuabitur, facto saltu, quousque vis grauitatis eius continenter crescendo æqualis reddatur gradui impetus proiectitij , & tunc, facto æquilibrio, ascensus terminabitur , & deinceps casus subsequetur , vt in libro de vi percussionis^b ostendimus .

a De vi
percus.
cap. 9.

b Prop.
114.

Cap. 21.
De saltu.

P R O P O S. CLXXII.

Arcus ex duabus regulis compositus terræ innixus, & à funis contractione velociter distractus, saltum efficiet. Tab. 12. Fig. 4.

a In antec.
prop.

Sit Arcus ABC flexus, circa nodum B erectus, & terræ innixus in C, eiusque centrum grauitatis sit D, & velocissimè distrahatur à contractione externi funis GQH. Dico, quòd à Terra resiliet, saltum efficiendo. Quia, ^a vt dictum est, in actu contractionis funis, dilatatur Arcus, impellendo brachia sursùm, & deorsùm, ergo sicuti in figura 3. ob soli RS resistentiam, centrum grauitatis D reflexo motu sursùm impelletur à D ad E, & talis motus continuus, sine impetu impresso fieri non potest, estque talis impetus perseuerans; nec extinguitur, dum velocitas perseuerans motum continuum potius auget; Ergò completa expansione arcus, impetus impressus otiosus esse non potest, & ideò vlteriùs arcum, eiusque centrum grauitatis transportabit ab E ad F, & talis motus absque saltu fieri non potest.

P R O P O S. CLXXIII.

Organa, & mechanicas operationes, quæ in saltu fiunt, expromere. Tab. 12. Fig. 5.
& Tab. 13. Fig. 8.

a Tab. 12.
Fig. 5.

Sit machina humani corporis ABE, stans in situ erecto ^a, vt nimirum ossa cruris, fæmoris, & spinæ rectam lineam ad instar columnæ constituent, perpendicula-

diculariter insistentem super planum horizontis RS; Tunc centrum gravitatis communis G distabit à pavimento, toto intervallo æquali offibus cruris, & fæmoris. Postea in octava figura tab. 13. flexis articulis B, C, D, vt constituent angulos, adeò acutos, vt distantia GE centri gravitatis à pavimento æqualis ferè fiat longitudini solius cruris, scilicet medietas sit prioris distantie extensæ centri in homine stante. In hac positura, si validissimè, & velocissimè simul tempore contrahantur muscoli glutei, vasti, & solei, necessario tres arcus inflexi ABC, BCD, CDE, maximo impetu extendentur; & ob pavimenti resistantiam necesse est, vt centrum gravitatis G impellatur fursùm, vsque ad F, & quia talis motus sine impetu impresso fieri non potest, igitur talis impetus acquisitus ex sui natura perseverans non poterit esse otiosus, & proindè necessario remouebit molem corporis humani à contactu pavimenti, idque, facto saltu, fursùm per aliquod spatium impellet, quousque impetus gravitatis sensim auctus æquetur impetui illo projectio saltus.

Putabit fortè quispiam, quòd huic theoriæ repugnet experientia, quando flexis iisdem tribus articulis motu continuo homo surgit, erigiturque, dilatando angulos articulorum, quòd fieri non potest absque motu fursùm centri gravitatis, & tamen à tali impetu, quo fursùm impellitur non subsequitur saltus.

Pro resolutione difficultatis memorandum est, quòd in motu tardo, vel interrupto ob frequentissimas motulas, licèt fiant saltus brevissimi, hi tamen occultantur, quia immediatè subsequentes casus à gravitate pendentes subitò reducunt deorsùm corpus hominis;

Cap. XI.
De saltu.

& sic sensus non distinguit minimos illos saltus. Qui pariter occultantur ob distractionem partium molliū, vt culcitra fursū tracta, & impulsā, non separatur à Terræ contactu, quando motus fursū non superat distractionem eius. Igitur, vt fiant saltus euidentes, oportet, vt dilatatio articulorum sit grandis, & celeri motu facta, vt vim percussiuam exercere possit, & tunc necessariò saltus subsequitur.

Ex supra dictis patet, quòd in homine exercentur tres arcus, non quidem à materiali duritie, & tensione articulorum, vt in ligneis, & chalybeis virgis contingit, sed à vi voluntaria musculorum extensoriorum.

Præterea mirabilis est structura, & dispositio prædictorum trium Arcuum alternè dispositorum. Primò, vt triplicato spatio impellatur centrum grauitatis, & sic validiùs imprimatur in corpus Animalis impetus proiectitiuus, vt altiùs id ipsum ascendat, quia gradus velocitatis continenter impressi toto tempore, quo articuli explicantur, perseuerantes componunt impetum magis intensum, vt dictum est. Secundò, vt impulsus fiat per rectam lineam, siuè perpendicularem, siuè inclinatam ad horizontem, quia motus artuum sunt circa nodos omnium articulorum; ergò oportet, vt aliqua centra eorundem diuersis velocitatibus moueantur, vt omnes motus circulares componant iter rectilineum. Tertiò, alterna dispositio trium articulorum iuuat ad extinctionem impetus in descensu, ne pedes forti ictu pauimento illidantur, & luxentur; sensim enim cedendo, impetum casus, & præcipitij extinguunt.

PROPOS. CLXXIV.

Cap. 21.
De saltu.

Si idem corpus P^a perpendiculariter ad horizontem
fursum proiectum percurrat spatia inæqualia C, &
D; vires motiue A, & B, id impellentes subdupli-
catam proportionem, quam spatia habebunt.

a Tab. 12.
Fig. 6.

Quia spatium C, per quod corpus P ad horizontem
perpendiculariter fursum projicitur à vi motiua, seu
impetu A æquale est descensui naturali eiusdem à
quiete inchoati, in cuius fine impetus acquisitus æqua-
lis sit projectio impetui A^b. Similiter spatium D,
quod percurrit idem P, fursum perpendiculariter ad
horizontem impulsus vi motiua B æquale est spatio
descensus naturalis à quiete, in cuius fine impetus
æqualis sit B; Habent verò spatia naturalium descen-
sum eiusdem mobilis duplicatam proportionem ve-
locitatum c, seu impetuum in fine motuum acquisito-
rum, ergò impetus, seu vis motiua A ad B subdupli-
catam proportionem habet, quam spatium C ad D.

b De Vi
perc. prop.
114.c Ibidem
prop. 81.

PROPOS. CLXXV.

Vis motiua saltum hominis efficiens, ad pondus cor-
poris eius subleuati, eandem rationem
habet, quam 2900. ad 1.

Tab. 12. Fig. 4.

Quia in saltu, nedum machina humani corporis
prius inflexa dirigi, & suspensa retineri debet, sed
etiam vi projectitia fursum impellenda est; ergo vi-
dendum est, quanta vi musculorum simplex erectio
homi,

Cap. 21.
De saltu.

a Prop. 53.
huius.

b Prop.
47. huius.

c Prop. 38.
huius.

d Prop.
25. huius.

hominis fiat, & postea vis proiectitia inquirenda est. Et primò, vt supra dictum est, sit machina humani corporis ABVDE, cuius articuli pedum alternè inflexi sint eadem inclinatione, quæ ad saltum efficiendum requiritur, & posito, quòd pondus totius hominis sit librarum 150. erit pars suprema ABC libr. 110. & AB. VX libr. 140, atque distantia MB sit quadrupla distantie tendinum GQH à centro B vectis, & distantia TV sit tripla OV, atque PD sit sexquialtera distantie DK. Postea^b, vt TV ad MB, seu, vt 3. ad 4, ita erit pondus arcus ABVX librarum 140. ad potentiam Z librarum 186. & $\frac{2}{3}$. Deindè, vt DP ad BM, (seu vt 3. ad 8, ita erit arcus ABVDE librarum 150. ad potentiam S librarum 400.

His præmissis, vt semidistantia tendinum Gluteorum GQH à centro B ad distantiam MB, seu vt 1. ad 8.^c ita fiat pondus ABC librarum 110. ad pondus 880. potentie, quam exercent Glutei. Similiter, vt semidistantia VO ad VT, seu vt 1. ad 6, ita fiat potentia Z librarum 186. $\frac{2}{3}$ ad potentiam 1120. quam exercent muscoli vasti duorum pedum NOC. Non secus, vt semidistantia KD ad DP, seu vt 1. ad 3. ita fiat potentia S librarum 400. ad potentiam librarum 1200. quam exercent muscoli solei, quare potentie musculorum dirigentium tres articulos amborum pedum æquales sunt libris 3200; & ideò potentie, quas exercent omnes prædicti muscoli, dum corpus humanum suspendunt, plusquam vigesies, & semel superant pondus hominis, & hæc tota vis denuò plusquam vigesies multiplicari debet ob machinulas, quibus fibræ eorundem musculorum componuntur. Ergo vis^d, quam muscoli exercent, vt hominis molem alternè inflexam,

& ter.

& terræ innitendo erigant, plusquam quadringentijs, Cap. 21.
De saltu.
& vigefies pondus hominis superant.

Ostendendum modo est, quod vis motiua, quæ in saltu exercetur à natura, contrahendo eosdem musculos ferè ter millies superat pondus humani corporis. Et profectò ex facilitate, qua simplex erectio fit, & è contra ex grandi conatu musculorum, & ex nimia latitudine, & virium dispendio, quo saltus efficitur, satis liquet, saltus vires multò maiores requirere. Præterea videmus, quòd dum homo erigitur, semper extremis digitis pedum pauimento innititur, & sic tota eius moles innititur articulis calcanei, genu, & coxendicis, ergò ab ipsa duritie pauimenti, & ab ossibus articulis sustentatur tota machina humani corporis. Scus autem in saltu, quando vis proiectitia à musculorum explosione producta officium fulcimenti exercet, per aerem suspendendo eandem hominis molem grauem his triplicatis vectibus.

Sed, vt efficaciore demonstratione propositum ostendamus, considero, quòd dum homo extremitatibus pedum terræ innixis erigitur, verè saltus producit, quia motus, quo fursùm impellitur grauitatis centrum, non fit absque impetu impresso, qui non deletur, & proinde completa expansione articulorum, ille impetus vigens suum effectum producet, subleuando corpus hominis à contactu pauimenti; scilicet saltum producet. Hic verò saltus ob sui exiguitatem occultatur, eo quòd machina Animalis, constat ex aliquibus partibus mollibus, & distrahibilibus, quæ in breui saltu non remouentur à contactu soli, sicuti culcitra fursùm proiecta distrahitur, & sic infimæ partes eius non remouentur à Terra. Pari modo concedendum est, quòd

e De Vi
percus.
cap. 9.

Cap. 21.
De saltu.

quòd, quando homo erigitur, semper saltum efficit, saltum per spatium semidigiti ferè, licèt ob distractionem extremitates pedum à terræ contactu non recedant.

f Prop.
174. huius.

Hoc posito, quia in saltu euidenti, & grandi, corpus hominis aliquando eleuatur à terra in altum vltra duos pedes, scilicet plusquam digitos 24; & vires motiue, quæ prædictos saltus inæquales efficiunt f subduplicatam proportionem habent, quàm spatia ab eis transacta. Igitur vis motiua, quæ in euidenti saltu exercetur, sextupla erit eius, quæ in occulto saltu, scilicet in simplici erectione corporis producitur. Sed hæc vis ostensa fuit quadringentupla, & vigecupla ponderis totius hominis; ergò illa erit maior, quàm bis millecupla, & nonagecupla ponderis eiusdem hominis.

PROPOS. CLXXVI.

Quò longiores sunt vestes extremi crurum, saltus maiores fiunt.

Quia dispoſitiones omnium muscutorum, articulos pedum extendentium, æquè velocitèr fiunt ad instar pulueris pyrij, ergò arcus articulorum pedum æqualis, & eodem tempore ampliantur, extendunturque à musculis extensoribus contractis; sed quò brachia arcus, seu vestes longiores sunt, eò maiores circulos describunt, & idè celerius moueri debent eodem tempore. Igitur ea animalia, quæ longiora crura habent, comparata ad molem corporis eorum, celerius sursùm impelluntur, quando in saltu crura explicantur. At proiecta, quæ celerius impelluntur prolixius spatium confi-

conficiunt, ergò Animalia habentia crura longiora Cap. 21.
De saltu
maiores saltus efficiunt.

Hinc est, quòd locustæ, grilli, & Pulices longos saltus efficiunt, quia nempe eorum pedes posteriores valdè prolixi sunt, vt æquent, aut superent longitudinem eiusdem animalculi. Contra in hominibus, & quadrupedibus.

P R O P O S. CLXXVII.

Animalia minora, & minùs ponderosa maiores saltus efficiunt respectu sui corporis, si cætera fuerint paria.

Quoniam ostensum est ^a, quòd duo corpora inæqualia impulsà à potentijs motiuis, eandem proportionem habentibus, quam corpora ipsa, mouentur æqualibus velocitatibus, verbi gr. si corpus primum fuerit duplū secundi, eorumque virtutes motiue pariter sint in dupla proportione, spatium transactum à primo æquale erit ei, quod à secundo eodem tempore percurritur. Hinc sequitur, quòd si in equo, & cane existent virès motiue proportionales molibus corporeis eorum, scilicet si pondus, & moles canis sit vna quinquagesima pars ponderis, & magnitudinis equi, & virès motiue in eorum corporibus diffusæ fuerint vni-formes, & homogeneæ, erit quoque vis motiua canis vna quinquagesima pars virtutis motiue equi. Igitur (si cætera fuerint paria, nempe vestes, & reliqua organa sint in eadem proportione) saltus canis tantum spatium percurreret, quantum ab equo transigitur, scilicet ambo spatium octo pedum vnico saltu pertransibunt.

^a In lib.
De Vi per
cuf. prop.
12.

N n

Verum,

Cap. 31.
De saltu.

Verum, quia saltus octo pedum longitudinem equi non superat, & corporis canis longitudinem quater comprehendit, hinc fit, quod saltus canis respectu sui corporis quater maior, & vehementior fit saltu equi.

Aduerto tamen, quod impetus in saltu non imprimitur in instanti; vt in percussione, sed motu sociali, quo centrum grauitatis Animalis promouetur eo tempore, quo articuli explicantur; At quia expansio articulorum cruralium canis non æquat quartam partem expansionis crurum equi, hinc deducitur, quod gradus velocitatis impressus in cane multò minor fit impetu impresso in equo, & proindè hoc nomine saltus canis minor esse deberet saltu equi. Igitur ab alia causa velocitas saltus canis augetur, quæ talis esse videtur.

Demonstrauit eximius Galileus (de motu locali,) quod in corporibus Animalium proportionaliter decrefcentium minuitur pondus in maiori proportionem, nempe duplicata resistentiæ, & roboris eorum; & ideò ossa maiorum Animalium crassiora fieri debebant, vt suo robore incrementum ponderis sustentare valerent; Et hinc fit, vt Animalia vasta, quæ corpus valdè ponderosum habent, minùs viuacia, & minùs agilia sint, quam exigua Animalia. Quare verum est, quod minùs ponderosa Animalia maiores saltus respectu sui corporis efficiunt.

P R O P O S. CLXXVIII.

In saltu ad horizontem obliquo, motus fit per lineam parabolicam proximè.

Quandò saltus fit per lineam perpendicularem ad hori-

horizontem, patet, quòd ascensus, & descensus fiunt per eandem perpendicularem, vt contingit in proiectis versus verticem. At si impulsus fiat per lineam inclinatam ad horizontem ad angulos obliquos, tunc linea descripta in saltu à centro grauitatis, erit curua parabolica, quia componitur ex motu recto proiectio vniformi, & ex descensu accelerato corporis grauis, vt à Galileo de motu projectorum ostensum est.

Cap. 21.
De saltu.

P R O P O S. CLXXIX.

Quare cursus saltum longiorem, & altiore
producit, declarare.

Quia in cursu corpus Animalis acquirit impetum, non secus, ac pila super planum horizontale proiecta, & talis impetus non deletur à nouo transuersali impulsu, sed motum prosequitur per nouam directionem, igitur eodem modo impetus, quo transportatur corpus Animalis currendo, non extinguitur à declinatione, quam saltus producit, sed tantummodò directionem itineris commutat. Et quia vterque impetus, cursus nempè, & saltus vigent, simul iuncti component vehementiam maiorem ea, quæ à simplici saltu effici potest, & proindè maius spatium excurrere possunt. Quare saltus augebitur, quoad longitudinem, & altitudinem à cursu præcedente.

a De Vi
perc. cap.
3. prop. 5.

Hinc est, quòd qui currunt, ab eodem impetu, quo feruntur, faciliùs per loca accliuia scandunt, dum ille impetus perseuerat.

Cap. 21.
De saltu.

PROPOS. CLXXX.

In saltu, capitis, & pectoris inflexio commutat directionem motus centri grauitatis.

Ex dictis patet, quòd motus ipsius saltus non est alius, quàm continuatio eiusdem directionis, per quam Arcus articulorum pedum terræ innixi explicantur, & impellunt centrum grauitatis totius corporis. Et quia talis impulsus fieri debet per illam directionem, per quam Arcus crurum, & incumbens centrum grauitatis inclinatur, cùmque talis inclinatio varietur à capitis, & pectoris deuiatione, & inclinatione antrorsum; vel ad latera, ergo à capitis, & pectoris flexione dirigitur, & commutatur motus saltus &c.

PROPOS. CLXXXI.

Quo artificio euitetur læsio pedum in lapsu post saltum, indicatur.

Duplici impetu impresso corpus Animalis in fine saltus solum attingit, impetu nempè projectio à musculis impresso, & ab acquisito impetu in descensu ponderosi corporis eius. Hisce velocitatibus affectum necesse est, vt idem corpus fortitèr percutiat pavementum, à cuius duritie plantæ pedum contundi, frangi, aut luxari possunt. Vt verò talis noxa euitetur, experientia, & habitu edocti solemus articulos pedum extendere, & elongare, vt extremis digitis terram attingamus; postea subito cedendo, & sensim flectendo eosdem articulos, impetum præcipiti

pitij, & percussionis continenter debilitamus, & ferè
extinguimus.

Insuper impetum, quo fertur centrum gravitatis, so-
lemus refranare in fine saltus retrorsum capite, &
thorace reflexo, vt à tali motu contrariò ruina impe-
diatur.

Iisdem legibus, & operationibus mechanicis fiunt
saltus Animalium multipedum, proindèque non indi-
gent noua expositione. Id ipsum in Reptilibus verifi-
catur, licèt pedibus careant, nam spina hinc indè tor-
tuosè inflexa æquiualeat articulis pedum Animalium
quadrupedum, & à musculis plicas extendentibus
fiunt saltus.

DE VOLATV.

CAP. VT. XXII.

Sicuti Terrestria Animalia super Terram, sic Aues
per aërem volando incedunt. Talis motus effici-
tur mirabili artificio, & organis mechanicis, quorum
théoriam explicare conabimur.

PROPOS. CLXXXII.

Structuræ alarum, earumque partium expositio.

Tab. 12. Fig. 7.

Animalia omnia bipedia, & quadrupedia præter pe-
des posteriores habent duo brachia scapulis annexa,
quæ in quadrupedibus inseruiūt, vt pedes ad ambulan-
dum; in hominibus ad contrectandum, in Auib; ad
volan-

Cap. 32.
De Volatu.

volandum. In hisce omnibus animalibus brachia componuntur ex pari numero articulorum, & ex ossibus principalibus similiter dispositis ex scapula, ex humero, ex cubito, ex radio, & ex carpo.

Scapulæ fixè annectuntur extremis terminis radiorum claviculæ; & huius nodus angularis affigitur mediæ sterni summitati. At in auibus scapulæ structura diuersa, & magis artificiosa est, constat enim ex duobus ossibus oblongis DL, DM angulum LDM acutum constituentibus, quorum vnum supremum LD costis dorsi adhæret, alligaturque pluribus musculis spinæ, dorsi; infimi verò ossis scapulæ terminus M planus, & circularis firmissimo tendine annectitur aciei laterali ossis sterni. Verùm in angulo scapulæ N agglutinatur vnus terminus claviculæ KN, & in angulo scapulæ D excauatur sinus rotundus, intra quam rotatur humeri supremum tuberculum, ibidem valido tendine alligatum.

Præterea in cauitate anguli scapulæ adest foramen I, seu trochlea, per quam excurrit tendo CIH musculi eleuatoris alæ. Tandem admiratione digna naturæ prouidentia obseruatur, cum firmissimè centrum flexionis alæ binis fulcris ossium DM infimæ scapulæ, & claviculæ KN stabilivit innixis aciei, & cristæ ossis sterni, vt nimirum resistere valerent actioni robustissimi musculi pectoralis BG alæ depressoris. Extremo humero annectuntur duo ossa cubiti, & radij longiora, quàm humerus. Hisce annectuntur ossa carpi, quæ manum in hominibus, & extremum articulum alæ in Auibus constituunt, estque carpi longitudo paulò minor humero.

Longitudo ossium alarum, & pinnarum earumdem

non

non est vniformis in omnibus Auibus, scilicet non habent eandem proportionem ad longitudinem corporis ipsius Auis. Struthio-cameli enim breuissimas, & gracilissimas alas habent respectu sui vasti corporis; Gallinæ, & cæteræ Aues, quæ parum, & rarò à terra volitando eleuantur, aliquantò maiores; Columbi adhuc longiores; sed valdè prolixas alas habent Aquilæ, cigni, hyrundines, & reliquæ Aues, quæ ferè semper per aerem volitant. In hisce ossa cuiuslibet alæ æquant, vel superant longitudinem corporis eiusdem Auis à fine colli, vsque ad coccigen, & vna cum pinnis triplæ ferè sunt longitudinis totius corporis eiusdem.

Cap. 22.
De Volatu.

Consistentia eorundem ossium Auium mirabilis quoque esse videtur; sunt enim fistulæ subtilissimæ, & durissimæ, multò magis excauatæ, quam ossa artuum hominum, aut quadrupedum. Hoc factum est, sicuti egregiè Galileus demonstrauit in scientia noua mechanica, vt diminuto pondere ossium, augeretur robur, & resistentia eorum à figura fistulosa, vt Auium alæ parum graues, & simul robustæ aptiores essent ad volatum.

Non minùs accurata solertia pennæ alarum efformatæ à natura fuerunt, vt leuissimè, fortissimè, & ad instar arcus resilientes validam percussione aeri inferre possent. Earum substantia cartilaginea, sed dura ad instar cornu est, quarum radices directæ sunt fistulosæ, valdè excauatæ, & subtiles, & earundem productiones incuruatæ replentur medulla spongiosa minimùm graui, tegunturque cortice durissimo, & subtili, & conuexo, & insuper alio cortice in facie caua bipartito in duos semicilindros, vt ambo post incur-

Cap. 22.
De Volatu.

incuruationem valida resilitione ad instar Arcus denuò dirigerentur, & post expansionem denuò incuruarentur, & sic vehementius aerem percuterent.

Præclare quoque filamenta villosa transuersalia pennarum efformata sunt, raram, leuissimam, & robustam consistentiam resilientem ad instar arcus habentia, & pilis ramosis latera filorum mutuò implicata contexuntur, ut ad instar veli nauium aeris percussu transitum impédiant. Utque melius penetrationem aeris vetent, superponuntur in interstitijs aliæ pennæ minores, & plumæ super alias ad instar squamarum Piscium, ut omnes simul æmulentur domorum tecta ex tegulis composita, & sic mutuò se adiuuando rimas omnes præcludant.

P R O P O S. CLXXXIII.

Quo ordine, & modo Aues, earumque alæ moueantur interrogatur in volatu. Ut artificium mechanicum, quo volatus efficitur, indagare possimus, oportet, ut exactè obseruemus, quænam partes alarum, quo ordine, & quibus circumstantijs moueantur, quando Aues volitant. Dum Aues quiescunt Terræ innixæ, articuli alarum complicati adhærent lateribus Animum. At quando volatum inchoare volunt, primò cruribus inflexis grandi saltu è Terra eleuantur: Secundò alarum articuli explicantur, ut rectam lineam constituent perpendiculariter insistentem ad superficiem lateralem pectoris; Ita ut duæ alæ in directum extensæ secent ad instar Crucis longitudinem corporis Auis. Postea, quia alæ cum

anne-

annexis pennis constituunt laminam ferè planam; hæ quidem parùm supra horizontem eleuatæ vehementissima vibratione, motu ad alarum plana ferè perpendiculari aerem subiectum percutiunt, & tali vehementissimo ictui aer, licèt fluidus sit, resistit, tum ob naturalem inertiam, qua in quiete retinebatur, tum etiam, quia à velocissimo impulsu machinulæ aeræ condensantur, & earum vi elastica resiliendo, resistunt compressioni, non secus, ac solum durum; ex quo fit, vt tota machina Avis resiliat, nouum saltum per aerem efficiendo; ac proindè volatus nil aliud erit, quàm motus compositus ex frequenter repetitis saltibus per aerem factis.

Cap. 22.
De Volatu.

Et noto, quòd ala facilè ad planam suam superficiem motu ferè perpendiculari aerem percutere potest, licèt vnicus eius angulus ossis humeri scapulæ alligetur, remanente libera, & dissoluta tota latitudine basis eius, cum pennæ maiores transuersales non alligentur pelli laterali thoracis. Hoc non obstante, alæ æquè benè ad instar Ventilabri circa eius basim circumuolui potest; quia ossium connexio suis prominentijs, & fulcris impediunt alæ deuiationem, & fortis ligatura, & insertio pennarum vetat earum circumductionem. Nec deficiunt ligamenta tendinosa, quæ ad instar funium velorum Nauium retinent easdem pennas, ne plus iusto explicentur.

Non minùs admirabilis est naturæ solertia in explicatione, & reductione alarum fursùm, eas enim non in latum, sed cæsim fursùm mouendo osseam partem, vbi radices pennarum inseruntur, fursùm reducit; Sic enim absque aeris impedimento veluti à gladio motus fursùm alæ planæ fieri potest, & proindè exigua vi sus-

Cap: 22.
De. Volatu.

spendi, & eleuari possunt. At postea à tractio ne transf. uersali, & ab ipsa aeris resistentia, cùm flectuntur eadem alæ explanantur, vt insinuatum est, & inferius clarius patebit.

P R O P O S. CLXXXIV.

Musculorum alas mouentium magnitudo, dispositio, & modus operandi consideratur.

Tab. 12. Fig. 7.

Alæ, quæ sunt brachia Volatilium non secus, ac in hominibus, distinguuntur in tres articulos, humeri, cubiti, & carpi; At illa carent manibus subdivisis in articulis digitorum. Par quoque est multitudo musculorum extendentium, & flectentium in vtrisque Animalibus; Verùm longè differunt, quoad magnitudinem, situm, & posituram.

Et primò pectorales muscoli hominis flectentes humeros, parui, & parùm carnosi sunt, non enim æquant quinquagesimam, aut septuagesimam partem omnium musculorum hominis: E contrà in Auibus pectorales muscoli vastissimi sunt, & æquant, immo excedunt, & magis pendent, quàm reliqui omnes muscoli eiusdem Avis simul sumpti; Vndè conijci potest, quàm grandis sit illa vis motiua, quæ exigitur ad alarum vibrationem efficiendam, vt postea ostendemus.

Secundò adnotari quoque debet situs, & connexio pectoralium musculorum, in hominibus enim initium sumunt ab osse plano sterni, à cartilaginibus, à medio clauiculæ, & à costis 6, 7, 8, quibus annectuntur; At in Auibus os sterni vastum est, durum, & graue simile thoraci ferreo militari, cristam, seu parietem habens in

in medio erectum; huic cristæ amplis faciebus, & plano eiusdem thoracis radicanitur fibræ vastorum musculorum pectoralium, quæ fibræ postea valido, & lato tendine, & sine carnosio annectuntur supremæ amplæ, & rotundæ aciei palmulæ proximæ tuberculo humeri; cum in hominibus infra tuberculum, in ipso osse cylindrico humeri inserantur. Hinc deducitur, quodd in Avibus distantia directionis musculorum pectoralium à centro vectis alæ sit exigua, æqualis nempe semidiametro tuberculi, quod rotatur intra scapulæ sinum, estque talis distantia minor sexta, vel septima parte longitudinis humeri, & decimaoctava longitudinis totius brachij ossi, atque quadragesima fere parte totius alæ cum suis pennis.

In hominibus ad brachij elevationem inseruit musculus Deltoides, qui externæ alligatur claviculæ, & summo apici scapulæ, estque antagonista, & contrapositus pectorali, & eandem externam faciem humeri oppositis motibus trahunt, nempe deorsum flectendo, & fursum eleuando. At in Avibus deficit Deltoides, & eius loco adest musculus oblongus teres, exiguus, repositus in angulo ossis thoracis à crista facto, qui musculus contrahendo fibras per eandem directionem, & ad easdem partes, ad quas fibræ pectoralis contrahuntur, producit nihilominus effectum contrarium, scilicet eleuat humerum fursum versum dorsum, & caput, dum pectoralis id ipsum deprimit, & flectit versum sternum.

Hoc autem, ut clarè percipiatur in hac figura, sit os humeri avis ABD, cuius caput, seu supremum tuberculum parum explanatum BFEC, annexum fortissimo tendine D in medio sinu scapulæ, & in loco C supremo

Cap. 22.
De Volatu.

mo aciei, seu cristæ palmulæ, & per totam longitudinem CB annectitur tendo cum fibris carneis BG musculi pectoralis, qui trahendo per directionem BG versus G humerum PA flectit, & deprimit versus G circa centrum eiusdem tuberculi. At in opposita facie in eiusque acie E eiusdem palmulæ extremæ alligatur tendo HIE musculi eleuatoris alæ; & hic circumductus per foramen excavatum in angulo ossis scapulæ I, veluti circa trochleam fit, vt ex tractione musculi eleuatoris per eandem directionem ab I versus H subsequatur circumductio contraria, nempe distractio, & remotio alæ à pectore GB, & proinde eleuatio humeri EA vnà cum tota ala, non in latum, sed cæsim pennis ponè sequentibus ad instar vexilli.

Necessitas verò, ob quam natura hanc diuersitatem in Auibus instituit, est, quia grandis musculus eleuator alæ in subtili, & debili osse LD supremo scapulæ alligari non poterat, nec illa suprema corporis pars à tanto musculo grauari debuerat, sed potius infima pectoris pars à tali additamento ponderosior reddi debuerat, vt centrum grauitatis totius Auis in profundiori, & infimo situ pectoris poneretur ob necessitatem inferiùs exponendam.

Præter hos duos musculos vnà cum alijs minoribus adiuuantibus flexionem, & dilatationem humeri, ad sunt alij flexores, & extensores cubiti, & carpi, qui in Auibus pusilli sunt, & breues, secus, quàm in hominibus, quia horum manus, grandes, plures, & validos motus exercere debuerant, qui pluribus prælongis, & crassis musculis indigebant. At in Auibus, quæ manibus carere debebant extremi articuli alarum solummodò dirigendi, & flectendi sunt, & idèò minori apparatu musculorum indiget.

PRO.

P R O P O S. CLXXXV.

Cap. 22.
De Volatu.
tu.

Centrum grauitatis Auium depressum esse debuit.

Tab. 12. Fig. 8. & 9.

Notum est ^a, centrum grauitatis esse punctum in medio corporis, ex quo si id suspenderetur in qualibet positura quiesceret æquilibratum; è contrà, quando suspenditur ex puncto distincto, & remoto à centro grauitatis, tunc corpus illud non quiescet, nisi in vnico situ tantum, nempe in eo, in quo recta linea coniungens punctum suspensionis, & centrum grauitatis, perpendicularis fuerit ad horizontem. Vt si fuerit corpus ABC, cuius centrum grauitatis D, & suspenderetur ex puncto E poterit quidem circumduci per circuli peripheriam FGD; cuius diameter FD perpendicularis sit ad horizontem. Manifestum est, quòd corpus ABC, sicuti penduli natura exigit, translato centro grauitatis D, in quolibet puncto G sublimi circumferentiæ illius non quiescet, sed descendet versùs infimum situm D, & ibidem quiescet, vbi nempe linea ED perpendiculariter ad horizontem insistit. Hinc deducitur è conuersò, quòd quotiescumque corpus pendulum ABC suspensum ex E quiescit, & post agitatione reducitur in eandem posituram, vt semper facies eius BC sit prona, concedendum est, quòd centrum grauitatis existit in aliquo puncto perpendicularis ad horizontem ED, posito infra punctum suspensionis E.

a De Æquep. def.
3. in Arch.
Auct.

Noto etiam, quòd si aliquod corpus in medio fluido constitutum, semper in eadem positura se accommodat, centrum grauitatis eius iacebit in inferiori parte

Cap. 23.
De Volatu.

parte Terræ proxima, ut si pila AB, siue in aqua, siue in aere existens semper punctum eius B in infimo situ se accommodauerit, concedendum est, quod centrum grauitatis totius pilæ existit, vltra medium in aliquo puncto C proximo ipsi B, quod pariter sequitur ex penduli natura.

b Tab. 12.
Fig. 9.

Similiter, quia videmus, quod Aues volantes semper ventre prono se disponunt in aere absque villo conatu, ergo concedendum est, quod centrum grauitatis earum in infima parte pectoris, & ventris existit.

Postea, quia Aues aere grauiore à vi Alarum sustentur, ne decident, & suspenduntur in nodis articulorum humeri, & scapulæ in suprema parte Auis positæ, ergo necesse est, ut infra Alarum radices in infima parte pectoris centrum grauitatis existat, & in recta linea perpendiculari ad horizontem, & ad longitudinem corporis eiusdem Auis.

Confirmatur hæc assertio ex praxi, qua solemus centrum grauitatis inquirere in corporibus irregularibus. Si enim Auem deplumatam super aciem cultri horizontaliter extensam varijs modis applicemus, reperietur punctum illud, in quo Auis æquilibratur, scilicet centrum grauitatis in recta linea à nodis, seu radicibus alarum ad medium ossis pectoris perpendicularitereducta ad longitudinem corporis ipsius Auis, & in tali positura quiescunt Aues dormiendo innixæ virgultis arborum.

Insuper videmus, quod ponderosiores partes Auis, scilicet ossa crassiora, & maiora, pariterque carnes in externo pectore, nempe in infimo situ eius collocantur. Ossa enim pedum, & sterni vasta, & crassa sunt. Econtrà spina, & costæ subtiles, & parum graues sunt.

fimi.

similiter muscoli pectoris coxendicum, & crurum deorsum pendentes æquant, aut excedunt molem viscerum, & reliquorum musculorum totius Avis, utque multò magis infima pectoris pars gravaretur, natura musculos leuatores alarum non posuit in suprema scapula, sed in medio pectorali musculo recondidit, ut dictum est. E contra suprema cavitates thoracis aere repletur, & idè minùs gravis est, quàm infima pars eius. In abdomine quoque cavitates maiori ex parte ab aere occupatur, qui supereminet intestinis à proprio pondere deorsum tractis super musculos abdominis. Ex qua dispositione partium percipimus, naturam sedulò curasse, ut centrum gravitatis Avium infra radices alarum apponeretur, ut semper prono ventre per Aerem suspenderentur. Sic enim à valida Alarum vibratione, & percussione subiecti aeris retineri potest suspensa machina gravis ipsius Avis, & impediri eius lapsus.

Contra adductam theoriam reclamare videntur aliquæ observationes. Videmus enim, quòd Aves dum stant, & gradiuntur æquilibrari solent circa punctum positum inter nodos scapulæ, & coxendicis, per quod transit linea perpendicularis ad horizontem, quæ inter digitos pedum terræ innixos incidit. Undè colligitur, quòd centrum gravitatis Avium cadit vltra nodos alarum versus caudam. Præterea Aves stando non præcisè in situ parallelo ad horizontem, sed corpore parùm inclinato quiescunt, & æquilibrantur.

Hæc omnia vera sunt, nec tamen repugnant superiori doctrinæ; nedum enim declinare centrum gravitatis ab exposita situatione potest, sed etiam posituram variare pro diuersa Animalis exigentia; est quippè collum

Cap. 22.
De Volatu.

collum Auis, valdè ponderosum ob multiplices vertebrae osseas, & ob capitis pondus; ex quo fit, vt retracto capite, vel extenso, & prolongato horizontaliter pro vectis maiori longitudine, vel minori, momentum eius varietur, & centrum grauitatis totius Auis modò versus caput promoueatur, modò versus caudam retrahatur. Sic quando Anseres volitant videmus, quòd collum dirigunt, & extendunt anteriùs ad instar brachij stateræ cum pondere capitis in eius extremo appenso. Quare tunc centrum grauitatis totius promouetur versus caput. Præterea, dum aues volant, articuli pedum exactè complicari solent, pectori adhærendo, præterquam in Anseribus, & alijs, quarum caput grauissimum est, vt pondus pedum anteriùs, vel posterius pro æquilibrij exigentia transferatur. Tertiò, dum Aues terræ innituntur, Alæ complicatæ lateribus adhærent, & idèò augment pondus posterioris partis; at dum volitant, alæ extenduntur, & flectuntur versùs caput, & idèò anterior pars Auis magis grauiatur. Ab his tribus causis per spatium notabile centrum grauitatis totius Auis anteriùs promouetur, quousque linea id connectens cum nodis alarum scapulæ, præcisè perpendicularis sit ad horizontem, & ad longitudinem corporis Auis, & sic commodissimè positura prona aerem subiectum ventilabris alarum percutiendo, repetitis saltibus per aerem volare possunt.

c Tab. 11.
Fig. 7.

Hæc Theoria præclarè quoque confirmatur ex solutione huius problematis; quare scilicet Aues, quando dormiunt, caput recondunt, sub vna alarum. Ratio prima, & euident est, quia actio voluntaria, & laboriosa in somno exerceri non potest; & idèò pondus

dus colli, & capitis tunc suspendi non potest, & proinde alicubi inniti debet. At altera causa, quæ ad rem facit, est, quia retracto capite, & reposito versus caudam non secus, quàm decurtato brachio statera, & retracto romano, centrum gravitatis retrocedit, ut cadat perpendiculariter in medio unguium pedum, quæ validè ramum arboris apprehendunt ad instar forcipum, ut dictum est d, & sic Avis æquilibrata facile quiescere potest. Deindè, ut opificium mechanicum, quo volatus perficitur, percipi possit, præmittuntur hæc lemmata.

Cap. 22.
 De Volatu.

d Prop.
 150. huius.

PROPOS. CLXXXVI.

Si arcus a EABF compositus ex tribus regulis EA, AB, BF æquè inclinatis, & solo innixis in E, F, à pondere incumbente D comprimatur, & anguli æquales A, B à funibus GL, LH constringantur; Dico, quòd potentia funes contrahens ad pondus incumbens D se habet, ut duplum KA distantiae directionum extremorum radiorum ad AO, distantiam directionis funium à centro A.

a Tab. 12.
 Fig. 10.

Quia pondus D per eandem directionem perpendicularem ad horizontem comprimit pavementum, quo hoc impulsui illius resistit, & æquilibrantur, ergò potentia ponderis D æqualis est resistantiæ pavementi.

Postea, quia potentia contrahentes funes GL, & HL agunt, & æquilibrantur cum pondere D, & cum resistantia soli, igitur, ut dictum est, semissis potentia funium agit contra pondus D, & reliqua medietas contra resistantiam pavementi.

P p

Insu-

Cap. 22.
De Vola-
tione.

Insuper, quia pondus D sustinetur à duobus fulcris AE, & BF æquè inclinatis, ergò semissis ponderis D sustinetur à fune GI, vecte AE, & altera medietas eiusdem D à fune HL, vecte BF.

His positis, quia vectis EA impellitur circa centrum A à resistantia soli E per directionem EK, cuius distantia à fulcramento est AK, nec non à semisse potentiae contrahentis funem GI, per directionem GI, cuius distantia à fulcramento est AO, ergò semissis potentiae funis ad resistantiam soli in E, se habet, vt AK ad AO.

Simili modo potentia reliquæ medietatis funis OI æquilibratur semissi ponderis D eadem actione vectis AE, & funis contractione circa centrum A, & per easdem directiones, ergò semipotentia funis GI ad semipondus D est, vt distantia AK ad AO; & idè integra potentia funis GI ad resistantiam soli in E, & ad semipondus D, est, vt duplum AK ad duplum AO, & ad solam resistantiam semissis D se habet, vt duæ AK ad simplam AO. Et tandem potentiae funium GI, & HL ad integrum pondus D se habent, vt quadruplum AK ad duplum AO, scè vt duplum AK ad simplam AO.

PROPOS. CLXXXVII.

Iisdem positis, si funes constringantur tanta vehementia, vt Arcus à Terra resiliendo, saltum euidentem efficiat, scilicet multò maiorem, quàm in debili constringitione: potentia funes contrahens ad pondus incumbens D, compositam proportionem habet ex ratione dupli AK ad AO, & ex ratione subduplicata saltuum minimi, & euidentis. Tab. 12. Fig. 10.

In

In eadem figura sit saltus, quo Arcus resiliendo eleuatur minimus vnus digiti in altum; grandis verò saltus vigitiquinque digitorum, & quia, dum Arcus ob debilem contractionem funium, debili motu proijcit pondus D fursùm, & saltum inobseruabilem ob exiguitatem, & extendibilitatem Arcus producit, tunc potentia funium ad pondus incumbens D est, vt ^a duplum AK ad simplam AO; & ad eius impetum ille impetus, qui vigesies, & quinquies altiore saltum producit, subduplicatam proportionem habet ^b, scilicet eam, quam habet quinariùs ad vnitatem, ergo ex ambabus rationibus componitur proportio potentie funium ad pondus D; & proinde in saltu euidenti potentia funium, ad idem pondus, eandem proportionem habebit, quam decuplum ipsius AK ad simplam AO.

Cap. 22.
De Volatu.

a Prop. 38.
huius.

b Prop.
174. huius.

PROPOS. CLXXXVIII.

Aeris portio ab ala in volatu percussa comprehenditur à sectore solido à radio longitudinis alæ in eius conuersione designato. Tab. 13. Fig. 1.

Sit Auis volans ACBG, cuius Alæ longitudo AI, quæ in valida flexione aerem percutiendo, circulariter mouetur circa centrum tuberculi humeri A. Quare in eius vertigine describit sectorem AEP; estque Ala AE, non linea simplex, sed superficies plana, & cum ea aerem percutit, ergo eius motu describet sectorem solidum. Verùm ala non percutit alium aerem, quàm illum, qui in tali sectore solido continetur descripto ab eius motu; igitur patet propositum.

Cap. 22.
De Volatu
tu.

PROPOS. CLXXXIX.

Sector aeris ab ala in volatu percussus suam resistentiam etiam exercet in centro grauitatis eiusdem sectoris solidi. Tab. 13. Fig. 1.

In eadem figura, vt Arcus EP ad duas tertias partes rectæ subtenſæ EP, ita fiat radius AI ad AQ; erit punctum Q centrum grauitatis sectoris circularis AEP, vt alij demonſtrarunt, & idè in ſectore ſolido prismatico ab alæ planæ circumductione deſcripto centrum grauitatis cadet in medio puncto lineæ interſecantis omnes planos ſectores interſe parallelos per centra grauitatum eorum ductæ; quare centrum ſectoris ſolidi Q abſcindet longitudinem alæ AI, vt AQ fit paulò minùs, quam duæ tertie partes longitudinis alæ. Ostendendum modò est, quòd ſector ſolidus aeris AEP exercet suam reſistentiam contra iſtum alæ in Q centro grauitatis eius. Quia ala AE impellit, & percutit aerem non in vnico ſitu tantum, ſed in tota eius longitudine, & amplitudine, & percuffiones ſiunt per circumferentias circulares inter ſe ſimiles proportionaliter creſcentes à centro ad alæ extremitatem, & idè inæqualiter veloces, ergò ſector aereus percutitur ab ala per eaſdem circumferentias ſectorem deſcribentes, & iſdem velocitatibus, ſed quanta eſt energia percuffionis, tanta eſt præciſè reſistentia, qua aer in prædicto ſpatio ſectoris ſolidi contentus impellitur, & condenſatur, cui impulſui, & condenſationi aer ille reſiſtit, non ſecùs, ac ſi eſſet ſector corpus ponderoſum, & ab ala ſuſpendi deberet. Igitur ſicut tale

corpus

corpus graue exercet suam resistantiam in centro grauitatis eius, sic quoque sector aereus resistet impulsui alæ in centro grauitatis eius Q , & proindè longitudo vectis alæ non erit tota eius longitudo AI ; sed AQ , cuius terminus Q premitur à sectore solido aereo sua vi elastica, quæ non secùs, ac grauitas resistit impulsui alæ in centro grauitatis eius.

Cap. 22.
De Volatu.

P R O P O S. CLXXX.

Quomodo aer resistit impulsui alarum, indicatur.

Licet verissimum sit, quòd aer à quacumque vi motiua, quantumuis debili, moueri, & distrahi possit, & proindè indifferens ad motum esse videatur; tamen experientia docet, quòd resistit forti, & validæ percussioni flabelli cò maiori energia, quòd motus percussius velocior fuerit. Causa huius resistantiæ duplex esse videtur. Primò, quia aer percussus moueri debet, quiescente aere collaterali, vt fluidorum natura exigit; vt verò exigua aeris portio solummodò moueatur, & locum commutet, necesse est, vt vertigine quadam rotetur intrà grandem molem aeris quiescentis, veluti intrà vas aliquod, & tunc necesse est, vt mutuò confricentur, & contorqueantur particulæ aeris cauæ quiescentes, pariterque conuexæ, quæ rotantur. Verum tales confricationes, & agitationes fieri non possunt absque violentia, & resistantia, & idè necesse est, vt impetus flabelli impediatur, & debilitetur à fluxu aeris moti.

Secundò idem aer percussus resistit impetui flabelli motu elastico, quo machinulæ aeræ ab impulsu compressæ

Cap. 22.
De Volatu.

pressæ nituntur se dilatare . Ab hiscè duabus resistentijs, nedum impeditur vehementia ; & motus flabelli alæ, sed præterea repellitur motu reflexo, & tales duæ resistentiæ semper crescunt, quo magis motus impulsivus flabelli continuatur, & acceleratur . E contra impetus alæ continentèr minuitur, & retardatur à resistentia aeris crescente ; Quare impulsus, & resistentia reducuntur ad æquilibrium, vt scilicèt tanta vi aer percutiatur ab ala, quanta ipse resistit .

P R O P O S . CLXXXI.

Si in Aue volante velocitas flexionis alarum æqualis fuerit velocitati, qua aer subiectus percussus resistendo retrocedit ; Avis consistet in eodem situ .

Tab. 13. Fig. 1.

In eadem figura, dum Avis in aere suspensa volitat, si ala AE eadem velocitate flectatur versus P, ac aer subiectus percussioni resistendo retrocedit ad eandem partes . Dico, quòd Avis ACBG, neque ascendet, neque descendet . Quia eatenus Avis sursùm ascendere potest, quatenus arcus EABF extremis vètibis solum firmum acreum impellendo saltum efficit recedendo ab eodem solo ; At quando solum non est firmum, sed retrocedit eadem velocitate, qua percutitur, tantùm præcisè Avis promouetur sursùm per saltum, & alarum flexionem, quantum retrocedit deorsùm ob descensum soli aerei, cui alæ innituntur ; ergò respectu spatij mundani in eadem distantia à terra consistet .

PRO-

P R O P O S. CLXXXII.

Iisdem positis, si velocitas flexionis alarum maior fuerit velocitate, qua aer percussus resistendo retrocedit: Avis fursùm eleuabitur, & ascensus æqualis erit differentię illarum velocitatum. Tab. 13. Fig. 1.

In eadem figura, quia supponitur, quòd velociori motu ala AE flectitur, quàm aer subiectus resistendo retrocedat, ergò eodem tempore Arcus, & subtendens EP transacta ab ala, maior est spatio descensus aeris subiecti; sed est impossibile, vt ala in aere flectatur, nisi sociali motu idem iter cum aere sibi contiguo percurrat. Igitur aliquo artificio mechanico motus maior alæ retardari debet, & decurtari ad hoc, vt æqualis efficiatur motui breuiori aeris. Hoc autem præclare præstari potest raptando fursùm centrum alæ A vnà cum Aue, & sic, licèt alæ extremitas E describat Arcum maiorem EP; tamen iter in spatio mundano confectum minuitur, præcisè quantum centrum alæ A, & ideo tota ipsa ala cum Aue retrocessit. Proindèque ascensus Avis æqualis erit excessui, quo velocitas flexionis alæ superat fugam aeris subiecti.

P R O P O S. CLXXXIII.

Potentia musculorum alas flectentium plusquàm decies millies superat pondus Avis volantis.

Ostendimus, quòd vis motiua saltum produciens in homine ferè ter millies superat pondus eius^a; verùm in

a Prop.
175. huius.

Cap. 22.
De Volatu.

in Auibus ostendi potest, quòd vis motiua saltum efficiens in maiori proportionem superet pondus eiusdem Auis. Quia earum pondus quoque ter ferè, & triplicato arcu suspenditur, & vectes pedum prolixiorum multò magis, quàm in hominibus multiplicant vim motiuam; quæ denuò ob multitudinem machinularum musculorum pedum earum plusquàm vigesies multiplicatur; & tandem ob saltus violentiam, & velocitatem vis motiua augebitur, vt superet plusquam ter millies pondus Auis saltum efficientis.

Hoc posito, quia volatus fit per saltus continuatos à vectibus alarum, quæ violentèr flectuntur à duobus musculis pectoralibus, suntque vires motiux, quas muscoli exercent in eodem animali proportionales magnitudinibus eorundem musculorum, vt dictum est, ergò existente multitudinè, & longitudine fibrarum, scilicet massa carnosà musculorum alas flectentium, magis densa, robusta, & non minùs copiosa, quàm sit massa carnosà omnium musculorum pedum earundem, fatendum est, quòd vis, quæ exercetur à natura pro alarum flexione maior est, ea, quæ adhibetur in earum saltu.

Noto postea, quòd moles, & pondus omnium musculorum pedum in hominibus, minorem proportionem habet ad molem, & ad pondus totius corporis eorundem, quàm moles; & pondus pectoralium musculorum ad molem, & ad pondus totius Auis, sed vires motiux musculorum ad resistentias corporum, quæ suspendere debent, eandem proportionem habent, quam eorundem moles, siue pondera; ergò vis motiua musculorum pedum hominum minori proportionem excedit pondus proprii corporis, quàm

quàm motiua vis alarum superat pondus eiusdem volatilis . Cap. 22.
De Volatu.

Præterea obseruo, quòd saltus, qui fiunt per aerem volando, continuari possunt per quatuor, & plures horas absque interruptione, imò hyrundines tota die volantes conspiciamus; at saltus per terram, nec ab hominibus, nec à quadrupedibus, imò nec ab ipsis Auibus deplumatis continuari possunt eadem frequentia per semihoram, aut horam integram. Atqui potentia motiua quantò diutiùs agit, & sufficiens est, vt multòties idem pondus subleuet, tantò copiosior, & validior esse debet, quàm alia, quæ non nisi breuiori tempore id ipsum præstare potest. Igitur potentia musculorum alarum multò maior est potentia musculorum pedum, eamque excedet plusquam quater. Quod tali ratiocinio suaderi potest. Innitatur homo primò super pavementum durum, & firmum: Secundò super culcitram, lanam, & arenam, aut super arcum compressibilem, postea flexis pedum articulis alternè, si eodem conatu saltus efficiat, manifestum est, quòd saltus in solo firmo erit maximus, è contra in solo fugaci, & cedenti erit minimus, vt ergo ambo saltus fiant æquales, scilicet ad æquales altitudines pertingant, oportet, vt ille, qui solo diffugienti innititur, exerceat vires tantò maiores reliquo, quantum ob soli instabilitatem motus resiliionis minuitur, cum talis resiliio sit causa saltus. Et quia pavementum aereum, super quo auium alæ innituntur, est fluidum, & ictum effugiens, ergo necessariò ad volatum, nempè ad saltus per aerem efficiendos, requiritur longè maior vis motiua, quæ saltum quadrupla erit eius, quàm ad saltus in solo firmo requiritur. Sed in his vis motiua ostensa est^b, ter mille-

^b Prop.
175. huius.

Cap. 22.
De Volatu.

millecupla ferè ponderis animalis fursùm impulsì. Igitur vis, quæ exercetur à musculis pectoris in volatu, non erit minor, quàm decies millecupla ponderis auis volantis.

PROPOS. CLXXXIV.

Causæ ingentis potentiæ motiux alarum inquiruntur.

Tantus excessus virtutis motiux musculorum pectoralium in Auiibus, videtur pendere, primò ex eorum vastitate, & ex firmiori, & fortiori structura organica fibrarum eorundem musculorum pectoralium; sunt enim tales fibræ spissiores, & compactiores componentes densam, & plenam carneam massam, similem consistentiæ fibrosæ cordis, & ventriculis carnosis eorundem Auium. Cum è contra muscoli pedum consistant ex carne rara, & laxa. Hinc fit, vt illi vehementiores, & validiores dispfusiones efficere possint, & idèd maiorem vim exercere valent, quàm isti.

Secundò, augetur actio alarum ob diminutionem resistentiæ, quia corpora Auium minùs ponderosa sunt in specie, quàm corpora hominum, & quadrupedum, scilicet pondus illarum ad horum pondus minorem proportionem habet, quàm moles ad molem. Hoc pater, quia ossa Auium fistulosa, valdè excauata, & subtilia sunt, ad instar radicum pennarum: scapulæ, costæ, & brachià parùm carnosà sunt; pectus, & abdomen, amplas cauitates aere plenas habent; pennæ tandem, & plumæ leuissimæ sunt; Vndè duplici nomine augetur potentia alarum, ob virtutis motiux musculorum

sculorum incrementum , & ob diminutionem ponderis resistentis .

Cap: 22.
De Volatu

Minuitur quoque resistentia ob defectum impetus descensiuū , qui producitur , & augetur ab ipsa gravitate Auis in aere innantis , & vim exercentis , ut deorsum feratur . Talis impetus descensiuus minuitur eò magis , quò motus eius deorsum retardatur ab expansione alarum , & extensione caudæ ; vnde vis motiua alarum facilius saltus per aerem repetere potest , diminuta nempe resistentia impetus descensiuī ipsius Auis .

Tertiò , in quolibet saltu per Terram , impetus proiectitiū extinguitur subito , postquam pedes Terræ impingunt , & ideò continenter impetus renouari debet ; Verum in saltu per aerem , dum Aues volant , impetus proiectitiū ab aere fluido non extinguitur , & ideò adiuuat subsequentes impulsus , qui per aerem sunt à vibratione alarum .

Quartò , in singulis saltibus per Terram , plantæ pedum non sine læsione , & molestia dolorifica terræ illiduntur , & hoc nomine lassitudo , scilicet debilitas , subsequitur . Talis autem læsio in saltibus per aerem non contingit , & ideò vis motiua minùs debilitata saltus maiores intensuè , & extensuè efficere potest . Ab omnibus hisce causis enarratis , id ipsum præstari potest .

Pro sequentibus propositionibus præmitti debet sequens lemma .

Câp. 22.
De Volta-
tu.

PROPOS. CLXXXV.

Quomodo impulsus obliqui transuersales, directè impellere possunt corpora, ad motum indifferentia. Tab. 13. Fig. 3.

Constat ex mechanicis, quòd actio cunei ABC, qua duæ partes EFG, & LMN, eiusdem corporis scindi, & ab inuicem separari debent, est translatio corporum resistentium DF, & HM super inclinatas superficies cunei CA, & CB, super quas coguntur ascendere, dum cuneus insinuat per directionem axis ab I versus C. Verum idem motus transuersalis ad partes oppositas super easdem superficies inclinatas CA, & CB fieri debet, si collateralia corpora DF, & HM nitantur se constringere, tunc enim cuneus læuis, & lubricus ABC motu contrario cogitur diffugere, & retrocedere à C versus I, expulsus nempe à compressione collateralium corporum, non secus, ac nuclei lubrici compressis digitis longius expelluntur; fitque talis explosio tanta vi, & impetu, quantum corpora comprimantur DF, & HM suis momentis stringunt plana inclinata CA, & CB: quæ momenta ad earum vires absolutas a eadem proportionem habent, quam planorum AI, & BI altitudines ad longitudines AC, BC inclinationum eorumdem.

aEx Schol.
Prop. 63.
huius.

PROPOS. CLXXXVI.

Si Auis in Aere suspensæ alæ expansæ aerem subiectum quiescentem percusserint motu perpendiculari ad horizontem, excurret auis transuersalimotu parallelo plano horizontis. Tab. 13. Fig. 2.

Sit

Sit Auis RS in aere suspensa; quæ ventre pronò alas BEA, & BCF expansas retineat; & primò à vento perpendiculariter ad horizontem ascendente percutiantur earum facies pronæ BEA, & BCF tanta vi, vt delapsus auis impediatur. Dico, quòd impelletur horizontali motu ab S versus R. Quia duæ alarum virgæ ossæ BC, BE vi muscutorum, & ob earum duritiem resistere possunt impulsui venti, & proinde retinere possunt eandem dilatationem, at tota latitudo stabelli cuiuslibet alæ cedit impulsui venti, cum pennæ flexibiles rotare possint circa manubria, vel axes ossæ BC, & BE; & ideo necesse est, vt pennarum extremitates A, & F ad inuicem approximentur; quapropter alæ formam cunei acquirunt, cuius acies tendet versus A, F. Tales autem cunei facies comprimuntur vtrinq; à vento ascendente. Ergo a necesse est, vt cuneus exprimatur, expellaturque versus basim eius CBE, cumque talis cuneus alarum promoueri non possit, nisi secum rapiat sibi annexum corpus auis RS in aere natantis, & ideo amouibilis è suo loco, proindeque cedere potest locum aeri aduenienti à vento impellente. Igitur auis horizontali motu excurret versus R.

a Prop.
antec.

Supponatur modò aer subiectus in quiete constitutus; qui percutiatur à stabellis alarum, motu perpendiculari ad horizontem. Quia perindè vela, & stabella alarum cunei formam acquirunt, acie versus caudam conuersa, & vim, & compressionem eandem ab aere patiuntur, siue alæ vibratæ aerem subiectum stagnantem validè percutiant, siue è contra alæ expansæ, fixè retentis ossæ manubrijs, percussione venti ascendentis excipiant; & in vtroque casu pennæ flexibiles cedunt

Cap. 22.
De Volatu.

dunt impulsui, & proindè ad inuicem approximantur. Ergo, ob eandem necessitatem mox expositam, auis promouebitur antrorsum versus R.

P R O P O S. CLXXXVII.

Exponitur modus, quo auium volatus horizontalis efficitur.

Naturam, volatum instituisse constat, vt aues sursum impelleret, suspensasque in aere retineret; & præterea, vt motibus transuersalibus circumferri possent. Primum præstari non poterat, nisi frequentibus saltibus, seu alarū vibrationibus sursum impelleretur, & descensus auis ponderosæ impeditus fuisset: & quia conatus descensiuus grauium fit perpendiculariter ad horizontem; ergo vibrationes planarum facierum alarum fieri debebant percutiendo aerem subiectum directione perpendiculari ad horizontem, & sic natura auium suspensionem in aere producit. Circa secundum motum transuersalem auium nonnulli mirificè allucinantur. Putant enim fieri debere ad instar nauium, quæ à remis horizontaliter impulsis versus puppim impellendo, & innitendo super aquam posticam quiescentem, & proindè resistentem, motu contrario resiliunt, & sic antèrius promouentur. Eodem modo aiunt, quod alæ vibrantur versus caudam horizontali motu, & ibidem aerem quiescentem offendunt, ob cuius resistentiam motu reflexo antèrius excurrunt. At hoc repugnat sensus euentiæ, & rationi; quia videmus, quòd Aues maiores, vt sunt Cygni, Anseres, & aliæ similes dum volitant, nunquam alas versus caudam

caudam ad instar remorum horizontali motu vibrant, sed semper eas deorsum flectunt, describendo circulos perpendiculariter ad horizontem erectos. Præterea in nauibus motus horizontalis remorum commodè exerceri potest, & percussio perpendicularis super aquam inutilis, & superflua esset, quia earum descensus prohiberi non debet, cum fulciantur ab aquæ pondere, & densitate. At in Auibus ineptè fieret talis motus horizontalis, qui potius volatum impediret, cum ab eo subsequeretur lapsus, & præcipitium auis ponderosæ, quæ proindè continuis vibrationibus alarum perpendicularibus ad horizontem suspendi debet. Coacta igitur fuit natura mirabili solertia adhibere motum, qui eadem actione auem suspenderet, & eam horizontaliter impelleret. Hoc quidem præstitit percutiendo aerem subiectum perpendiculariter ad horizontem, sed obliquis ictibus, quod sola pennarum flexibilitate consequitur, nam flabella alarum in actu percussio- nis formam cunei acquirunt, à cuius expressione necessariò auis antèrùs horizontaliter promoueri debet, vt dictum est a.

Cap. 22.
De Volatu.
III

P R O P O S. CLXXXVIII.

a Prop.
antec.

Vsus caudæ Auium est, flectere cursus volantium sursum, & deorsum, non verò ad dexterum, & sinistrum latus. Tab. 13. Fig. 4. & 5.

Inualuit opinio ab antiquis Philosophis deriuata, quòd cauda in Auibus, idem præstet, ac remò in Nauibus, & quia naues, innatantes super aquam horizontaliter explanatam, non possunt ope remonis flecti, nisi ad dexteram, & sinistram, hinc vulgò suadentur, quod

Aues

Cap. 22.
De Volatu.

Aues motu caudæ, dum volant, corpus flectant ad dexteram, & sinistram.

Verum falsitas huius opinionis facile, nedum ratione, sed etiam experientia conuinci poterat; Quia, si temo in naui aptaretur eodem modo, ac cauda in Auiibus situata est, scilicet, si facies tabellæ temonis, & Axis conuersionis eius Puppi annecteretur, non situ erecto perpendiculariter ad horizontem, & ad aquæ superficiem, sed extensa horizontaliter, ut intra aquam flecti posset deorsum, & fursum versus aquæ superficiem, tunc quidem videre poterant, quod naui à tali temonis conuersione, nil prorsus flectitur versus dextrum, aut sinistrum latus.

Præterea videmus, quod Columbi, hyrundines, & Accipitres, quando volantes cursum inflectunt horizontaliter ad dextram, vel ad sinistram, tunc caudam non expandunt, nec flectunt fursum, aut deorsum, sed directam eam retinent. Tandem, truncata cauda, Columbi, sicut vespertiones cauda carentes, commodè per aerem torquentur, & curuum volatum horizontalem conficiunt: & hæc satis ad vulgarem errorem redarguendum.

Non negabo tamen, quod cauda in Auiibus reuera vsus, & facultatem temonis exerceat, sed dico, quod inferuiat ad flectendum cursum volantis fursum, & deorsum. Quod sic demonstro.

Sit Auis AB, cuius centrum grauitatis C, hæc dum volat directè, & horizontaliter à G, versus F inflectat superficiem prolixa caudæ BH fursum. Quia dum Auis mouetur à G versus F in medio aeris stagnantis, & quiescentis, prona eius superficies AB in directum extensa liberè, & absque impedimento fluere potest;

Non.

Non sic pars suprema eiusdem, cuius facies supina non est directā, & explanata ob eleuationem amplā, & longissimā tabellæ caudæ BH, quæ impingit in aerem quiescentem, & ideò talis ictus aeris amouere nititur prædictum impedimentum, qui ictus in directum extenderet caudam, nisi à vi muscutorum firmiter in ea incuruata positura retineretur. Quare necesse est, vt tota machina Auis circa centrum grauitatis eius C, æquilibrata, & pensilis conuertatur, acquirendo positionem LK, transferendo fursùm caput ab A ad L.

Simili modo, depressa cauda in BI, perseverante volatu Auis directo à G versus F, impinget cauda in aerem subiectum quiescentem, & ideò ipsa cauda eleuabitur à B versus N circa idem centrum grauitatis C, & proinde caput A deprimetur ad O.

Quod demonstratio mechanica euicit, confirmari quoque potest ab experientia, hac ratione, in Fig. 5. eiusdem tabulæ.

Intra vas RTS aqua plenum demergatur lamina ferrea oblonga AB, quæ ex centro grauitatis eius C suspendatur filo alligato suberi D; vt lamina innatando horizontaliter moueri possit, & in postico eius termino, annectatur laminula BH similis caudæ Auium. Hæc si fursùm flectatur, & virga AB trahatur filo CF horizontaliter versus F, anterior terminus A flectetur veloci motu versus L, circa centrum grauitatis C; nec vnquam reuoluetur horizontaliter versus dextrum, aut sinistrum latus, quare id ipsum Auibus per Aerem volantibus contingere debet.

P R O P O S. CIC.

Quibus organis, & operationibus Aues per aerem volando, cursum flectant ad dextrum, aut sinistrum latus, ostendere.

Experientia, & ratio suadet, quòd paruus temo, flexus ad latus sinistrum, grandem nauim lento motu reuoluere potest ad easdem partes, quando directè nauis per aquam mouetur. At, dum nauis quiescit, scilicet, si à Vento, aut vi remorum non impellatur, tunc temonis flexio nullam prorsus vertiginem in naui producit.

E contra ablato temone, si remi dextri lateris flectantur aquam impellendo versus puppim, siuè nauis quiescat, siuè directè moueatur, semper velocissimè prora reuoluetur versùs sinistrum latus. Id ipsum continget, si remi dextri lateris celerius, quàm sinistri aquam retrorsum impellant. Ratio huius effectus cum sit euidens, non indiget vlla expositione; ergò eodem modo, dum Auis in medio fluido aeris innatat, volando æquilibrata in centro grauitatis eius, si sola dextra aladeorsum, sed obliquè flectatur, aerem subiectum impellendo versùs caudam, necessariò ad instar nauis mox memoratæ, promouebitur latus eius dextrum quiescente, aut tardiùs moto sinistro latere. Ex quo fit, vt Auis pars anterior circa centrum grauitatis eius reuoluta, flectatur versùs sinistrum latus. Hoc ipsum nos ipsi experimur, dum per aquam innatamus; flexo enim dextro brachio, manu expansa versus nates horizontaliter gyramus versùs sinistram. Id ipsum in Columbis volantibus obseruamus; quotiescumque enim

enim versus latus sinistrum flectere cursum volunt, alam dextram altius eleuant, & vehementius vibrant, motu obliquo aerem subiectum versùs caudam percutiendo; ex quo fit, vt humerus, & totum latus dextrum, Auis supra planum horizontale eleuetur, & latus sinistrum deprimatur, quia à debiliori vibratione non æquè suspenditur huius grauitas, ac pars dextra eleuatur. Et hæc circumductio, & flexio Auis horizontalis velocissimo motu fit.

Aduerto tandem, quòd caudæ Auium flexio efficere non potest lateralem motum ad instar temonis; quia cauda nunquam perpendiculariter ad horizontem erigi potest, sed tantum obliquè. Et talis obliquitas nil ager, si pennæ caudæ in directum cum reliquo corpore, seu Axe eius extenduntur, ad instar vexilli fluctuantis; sed oportet, vt duplici modo flectatur, declinando à directione axis Auis, & à directo motu in plano horizontis. Ergò ad summum obliquam flexionem inter verticalem, & horizontalem directionem producere posset. Et quia videmus in Columbibus volantibus, quòd talis inclinatio plumarum supra horizontem minima est, ergò minimum lateraliter, & valdè fursùm, aut deorsùm incederent; quod repugnat experientiæ; videmus enim, quòd in eodem plano horizontali velocissimè Aues torquentur.

Noto etiam, quòd Aues caudam non expandunt, quando volando lateraliter flectuntur, sed quando ascendunt, vel descendunt, & multò magis, quando præconcepsum impetum extinguunt, vt Terræ absque istu, & illusione innitantur.

Vt verò difficultatibus fieri satis possit, præmittitur hoc lemma.

Cap. 12.
De Volatu.

P R O P O S. CC.

a Tab. 13.
Fig. 6.

Si corpus Auis AC^a ab impetu præconcepto per aerem moueatur, secundum directionem longitudinis eius à C versus A, & in actu cursus collum prolixum cum capite BA flectat versus latus sinistrum BI, iter totius Auis inclinationem acquireret versus BI.

b In Arch.
Auct. de
Æquep.
prop. 3.

Sit D centrum grauitatis folius corporis Auis BC, & E sit centrum grauitatis capitis, & colli prolixi AB, & post colli flexionem in BI centrum grauitatis eius translatum sit in F, iungaturque recta linea DF, & ut pondus CB ad BA, siuè ad BI, ità fiat distantia EG ad GD, & ità pariter fiat FH ad HD. Patet b, quòd antè colli inflexionem centrum grauitatis totius Auis erat in G, quòd ab impetu impresso directè ferebatur à D versus E; At in actu flexionis colli, idem centrum grauitatis G declinat ab itinere illo directo à G versus H; retinendo tamen impetum impressum à cauda versus caput; ergò ex hisce duobus motibus componetur transuersalis motus per semitam DI, per quam in subsequenti motu Auis cursum prosequetur.

P R O P O S. CCI.

Non videtur credibile, declinationem citissimam volatus horizontalis fieri à capitis, & colli Auium flexione transuersali.

Videmus, quod duplici artificio naus per aquam excurrento flecti potest ad dexteram, & sinistram.

Primò,

Primò, si Remi vnus lateris vehementius aquam versus Puppim impellant, quàm Remi alterius lateris. Secundò, si dum naus excurrit, temo, siuè in Puppi, siuè in prora aptatus perpendiculariter ad horizontem flectatur lateraliter. Verùm differunt hæ duæ operationes inter se, quia idem effectus flexionis naus producitur à grandi conatu virtutis motiuæ remigantium, & è contrà ab insensibili vi Gubernatoris clauum tenentis, eò quod non ab eius vi producitur, sed ab impetu acquisito à naui, cui aqua temoni impacta resistit; præterea conuersio naus facta à remis vnus lateris completur citissimè, à temone verò tardissimè.

Ex his phænomenis percipere possumus in consimili actione volatus Auium, an flexio colli vsu temonis præstare possit.

Et primò, si collum lateraliter inclinatum vim temonis haberet, & flectere cursu Avis posset ad dexteram, & sinistram; Igitur simili modo inclinato, vel eleuato, & erecto collo cursus Avis volantis flecti posset deorsum, aut sursum. Quare tam vasta cauda, quæ euidentissimè motum sursum, & deorsum vi temonis producit, frustrà fabrefacta à natura fuisset, quod cum affirmari nequeat, fatendum est, colli flexionem vim temonis non habere.

Secundò, Aquilæ, Accipitres, & hyrundines breuissimum collum, caput exiguum, & parum graue habent, ergo centrum grauitatis, per minimum spatium deuiare à directione axis ipsius Avis posset, & ideò difficillimè, & tardissimo motu gyraret lateraliter; quod est adeò falsum, vt ferè ictu oculi suos gyros conficiant, & è contrà Anseres, Anates, Cygni, & aliæ consimiles Aues longissimum collum, & caput, & rostrum

Cap. 22.
De Volatu.

strum valdè graue habentes, tardissimè, dum volant, horizontaliter conuertuntur. Igitur fatendum est, quòd flexio colli, & capitis lateralis gyros horizontales nullo modo producit.

Tertiò, si ex colli inflexione laterali centrum grauitatis totius Auis, per notabile spatium ab axe eius recederet, non posset Auis persistere æquilibrata in situ prono parallelo horizonti, & idèd latus depressum ab ala eiusdem lateris violenter subleuari deberet, ex quo sequeretur actio contraria priori, nempe impediretur flexio facta à deuiatione centri grauitatis. Quæ inutilis, & frustranea actio esset, stulta, & indigna naturæ solertia.

Nec dicas, velocissimos gyros Auium fieri ab vnius alæ violenta vibratione versus caudam, at tardas conuersiones fieri posse à colli flexione laterali, absque nouo conatu alæ, sicuti naues absque vi motiua remigantium à temone lateraliter flectuntur: Aduerto enim, quòd tarda vertigo Auis non indiget maiori vi motiua vnius alæ, quàm in consueto volatu singulæ earum exercent; nam sufficit, vt ala vertiginem producat parumpèr versus caudam declinet, & ibidem aerem impellat, itaut absque nouo conatu, summo compendio tarda lateralis conuersio Auis absolui possit.

PROPOS. CCII.

Quarè Aues aliquando absque alarum vibratione, per breue tempus, nedùm horizontaliter, sed etiam fursùm obliquè per aerem ascendere possunt. Tab. 13. Fig. 9.

Ex

Ex dictis superiùs constat, quòd corpori Avis à vibratione alarum imprimitur impetus motiuus proiecti-
 tius, non secus, ac à Remorum percussione super
 aquam corpori navis imprimitur impetus, qui ex sui
 natura perseverans est ^a, licet actio remorum cesset;
 Nihilominùs navis cursum inceptum prosequitur,
 quousque ab externis obstaculis deleatur impetus
 ille.

Cap. 22.
De Volatu.

a. De Vi
percut.
cap. 9.

Itaque Avis, & navis ab impetu impresso agitatae,
 easdem proprietates habent, ac sagittae, & cæte-
 ra projecta, & sicuti in navi, dum movetur, si Axis
 eius à recto itinere flectatur à vi temonis, ille idem
 impetus vicens ^b, commutata via iter prosequi-
 tur, sic quoque Avis A ab impresso impetu impulsæ
 horizontaliter per rectam lineam ABC, quotiescun-
 que Axis eius dirigitur fursùm, per BD à vi temonis
 caudæ, necessariò impetus in ea vicens prosequetur
 motum fursùm per curvam parabolicam BEF; Verùm
 tamen est, quòd talis ascensus citò cessat, eò quòd
 nativa gravitas Avis semper suum effectum producit,
 tendendo deorsùm; & eo tempore, in quo impetus
 descensiuus minor est velocitate projectitia fursùm,
 perseverat ascensus Avis per BE; & quando vires
 æquantur in F, tunc in eodem situ aeris innatare parum
 Avis videtur, alis expansis excurrendo in eodem ferè
 plano parallelo horizonti, quia nunquam Avis prorsùs
 immota permanere potest in eodem situ aeris, eo quòd
 volatus fursùm numquam fit, præcisè itinere perpen-
 diculari ad horizontem, sed semper obliquo motu
 per lineam curvam parabolicam, ut projecta moveri
 solent.

b Ibidem
cap. 3. & 4.

Fit itaque talis ascensus, vel cursus horizontalis
 Avis

Cap. 22.
De Volatu.

Avis per breue tempus, quia citò cessat æqualitas, vel defectus impetus descensui ab impetu proiectio, cum ille continenter acceleretur, hic verò ab externis obstaculis retardetur. Hinc oritur necessitas renouandi saltus per aerem à nouis alarum vibrationibus.

Noto etiam, quòd prædicti duo impetus proiectiui, & naturalis descensiuus, aliquando se mutuò destruunt, & retardant, vt in ascensu contingit; aliquando se mutuò adiuuant, itaut resultet ex amborum compositione motus velocissimus, vt Accipitres ad instar sagittæ deorsum præcipitant, vt Auiculas percutiant, & vnguibus dilacerent. Non desunt verò, qui suspicentur, quòd Aues in altissimis aeris Regionibus minori labore suspensæ retineantur quàm propè terram, quia minùs grauitare putant, eo quòd minùs attrahuntur à vi magnetica globi telluris, quæ est causa descensus grauium iuxta eorum sententiam; sicuti enim ferrum, valdè remotum à magnetem, huius vim non sentit, nec ab ea allicitur, sic Aues remotissimè vim grauitatis amittere putant, & hanc esse causam, quare Aquilæ volantes longius à terra videntur in aere, quasi quiescere, prolixis pausis alas expansas, & immotas retinendo, cum propè terram frequentissimis, & velocibus vibrationibus aerem flagellare cogantur cum volatum inchoant.

At tales coniecturæ infirmæ esse videntur. Primò, ob hypothesi difficultatem, vt alibi ostendimus; secundò, quia Accipitres propè terram, in quo situ vis magnetica vigen, & efficacissima ab eis supponitur, postquam impetum acquisierunt, non percutiunt aerem frequentius, sed eadem raritate, qua in locis altissimis

simis excurrunt, & nihilominus facillimè volitant, ergò non ob defectum virtutis magneticæ telluris, sed ob vim, & impetum acquisitum possunt in altissimis aeris regionibus, absque frequenti alarum vibratione, suspensæ retineri.

Tertiò, ferè nunquam Regio sublimis aeris omninò tranquilla est, sed semper agitur à ventis, vt ex motu nubium euincitur; At faciliè à ventis alæ expansæ vnà cum Aue impelluntur sursùm; vel saltem tardissimè deorsùm descendere permittantur, in ipso aere ob nimis dilatatam figuram impetus descensiuus gravitatis retardatur, vt lamina ferrea subtilissima lentissimo motu per aquam descendit, quando prohibetur, ne cæsim deorsùm excurrat. Hinc colligitur, quòd hæc causa potissima esse potest facilitatis volatus Auium, in locis altissimis.

P R O P O S I T I O C C I I I.

Quomodo in fine volatus impetus ab Aue acquisitus extinguatur.

Quia naturæ lex exigit, vt corpora dura impetu affecta ad contactum alterius corporis duri, & quiescentis perducì non possint absque percussione; quæ percussio dissilationem, & partium rupturam afferre solet, ergò prouideri debuit, vt Aues completo volatu ad terram perducerentur absque luxatione, & fractione crurum, quare prohiberi debuit ictus ille vehemens, quem corpora impetu affecta inferre solent. Hoc autem fieri non posset, nisi impetus Auis sensim debilitaretur, extinguereturque, antequam ad soli contactum

Cap. 22.
De Volatu.
III.

perueniret. Sic enim impetui priuata placido ample-
xu terram attingere potest.

Porro modi, & artificia, quibus impetus præhabitus in fine volatus extinguitur, sunt hæc. Alas, & caudam Avis expandit, vt earum facies causæ perpendicularares sint ad motus directionem, & sic amplitudo pennarum, ad instar veli naui, impingendo in aerem stagnantem, retardat impetum ipsius Avis; qui vt maiori ex parte extinguitur, alas ipsas frequentèr, & vehementèr vibrando antrorsum, inducit motum contrarium impetui præcedenti, qui proindè ab illo extinguitur, vel valdè debilitatur. Tandem reliquias impetus quoque refrænât extensis pedibus, vt solum attingant non illidendo, sed sensim articulos flectendo, & ictui cedendo, & lento gradu musculos relaxando.

PROPOS. CCIV.

Est impossibile, vt homines proprijs viribus artificiosè volare possint.

Tria potissimum in volatu considerari debent. Primò, facultas motiua, à qua corpus Animalis per aerem suspendi debet. Secundò, Instrumenta idonea, quæ sunt alæ. Tertiò, resistentia corporis grauis eiusdem Animalis. Gradus virtutis motiue dignoscitur à mole, & quantitate musculorum, qui destinati sunt ad flectenda brachia, seu ad remigium alarum exercendum. Et quia vis motiua alarum in Auibus a ostensa est decies millies maior, quàm sit resistentia ponderis earumdem, vtque tam enormè excessum virtutis motiue natura

a Prop.
193. huius.

natura Auibus largiretur, auxit valdè molem musculorum pectoralium, & solertè imminuit pondus totius corporis eiusdem Auis, vt supra insinuauimus.

Quando ergò quæritur, an homines proprijs viribus volare possint, videndum est, an vires motiue musculorum pectoralium, (quorum vires indicantur, & mensurantur à vastitate eorundem musculorum) eodem excessu, scilicet decies millies superent resistantiam ponderis totius humani corporis, vnà cum pondere ingentium alarum, quæ brachijs aptari debent. Et patet, quòd motiue vires pectoralium musculorum in hominibus multò minores sunt, quàm necessitas volatus exigit, quia in Auibus moles, & pondus musculorum alas flectentium, non est minùs vna sexta parte ponderis totius corporis eius. Ergò oporteret, vt musculi pectorales hominis penderent, plusquàm vna pars sexta ponderis totius corporis eius; Sic enim brachia cum annexis alis vibrando, exercere possent vires decies millies maiores pondere ipso corporis humani; At longè absunt à tali excessu, cum prædicti musculi pectorales, nec centesimam partem ponderis totius hominis æquent. Quapropter, aut vires musculorum augeri deberent, aut pondus humani corporis imminuendum esset, vt proportio similis fieret ei, quæ in Auibus existit.

Hinc deducitur, omninò fabulosum fuisse artificium Icarium, vtpotè impossibile; nam nec musculi pectorales hominis augeri, nec pondus humani corporis minui potest, & adhibita quacumque machina vectis, aut alterius similis organi, licèt eius momentum augeri possit, numquam tamen æquè velocitè resistantia mouebitur, ac potentia impellit, & proindè alarum

Cap. 22.
De Volatu.
III.

vibratio, facta à musculorum contractione, non poterit vi machinæ eadem velocitate fursùm impellere corpus graue hominis, qua ipsi muscoli contrahuntur.

Restat solummodò imminutio ponderis humani corporis non absoluta, quæ impossibilis est, si remanere integra eius machina debet; sed specifica, & respectiua ad fluidum aereum, sicuti lamina plumbi super aquam innatare potest; si ei addatur tanta suberis moles, quæ reddat compositum ex plumbo, & subere æquè graue, ac pender aquæ moles æqualis parti demersæ ex Archimedis doctrina ^b. Et hoc artificio utitur natura in piscibus, in quorum ventrem inseruit vesicam aere plenam, cum qua in ipsa aqua æquilibrari possunt, itaut ibidem quiescant, non secùs, ac si essent moles aqueæ.

^bDe Insid.
Flu. prop.
2. in Arch.
Auct.

Hoc eodem artificio quidam recentiores sibi suaserunt, æquilibrari posse pondus humani corporis cum ipso aere, addita nimirum vasta vesica vacua, vel rarissimo fluido repleta, tantæ amplitudinis, vt possit in fluido aereo suspendere corpus humanum, vnà cum phiala.

At quam sit vana eorum spes facile percipimus, cum fabricari debeat vesica ex duro aliquo metallo, veluti ex ære, aut aurichalco, ex cuius interno ventre aer omninò exugatur, & tollatur, sitque tantæ vastitatis, vt vas tam grande in medio aerei fluidi occupet spatium aeris, quòd æquè pendeat, ac vasta phiala metallica, vnà cum ipso homine ei alligato; quæ proinde plusquam viginti duo mille pedes cubicos occupare deberet, & ideò lamina illa sphærica ad insignem subtilitatem redigi deberet. Talis porrò membranosa phiala, nec fabricari, nec conseruari posset; neque

ullo organo pneumatico lexinari posset, & multò minus ope hydrargyri, cuius tanta copia, nec reperitur in Tetra, nec tractari posset; & licet immensa illa vacuitas induceretur, tamen membranofum illud vas æreum resistere non posset contrā validam aeris compressionem, quæ vas illud diffringeret, aut contunderet.

Omitto, quòd tanta machina æquè gravis species, ac aer est, in eodem præciso æquilibrio cum aere conservari non posset, & ideò, aut inuitè ascenderet ad supremum aeris confinium ad instar nubium, aut caderet in terram. Rursus moveri tanta moles volando non posset, ob aeris resistantiam, sicut plumæ, & ampullæ aquæ spumosæ difficile per aerem moveri possunt, cum potius à qualibet levi aura impellantur, sicuti nubes aeri æquilibratæ à quolibet vento agitantur.

Hinc admiratio cessat, quare natatum piscium in aqua tam facilem, & volatum Avium per aerem Natura tam difficilem instituit, quæ aliundè ubique compendia studiosè sectari solet; Videmus enim, quòd pisces spontè, & absque vlllo laborioso conatu suspensi, & æquilibrati in medio aquæ persistere possunt, & facillimè ascendere, & per eam descendere; & solummodò vi muscutorum transferuntur transversè, & oblique veloci cursu. E contra Aves innatare non possunt in medio aeris, sed suspendi debent violentia continua, à vi, & facultate proiectitia non externa, sed naturali, & intrinseca contrahente musculos pectorales, à qua frequentes saltus per aerem repetuntur, qui requirunt vim ingentem, eo quòd non fiunt innixis pedibus solo firmo, sed innixis alis super fluidissimum, & maximè distrahibilem aerem.

Affero

Afferò nihilominus, quòd actio volatus non est prolixà, imò est simplicissima, & facillima inter modos possibiles, quibus volatus effici poterat; Et ratio, quare non fit eodem modo, ac natatus, est, quia natura non aggreditur impossibilia. Quippè aquæ valdè ponderosæ facillè pisces æquilibrari poterant; at est impossibile, vt Aues compositæ ex ossibus, carnibus, & fluoribus his millies grauioribus aere, cum eo æquilibrari possent.

DE NATATV.

C A P V T XXIII.

Est quoque natatus species quædam volatus, nã yterque motus fit in medio fluido, in quo pisces innixi non minùs, quàm Aues incedunt, sicut animalia terrestria super terram gradiuntur. Et quia, causæ, organa; & eorum mechanici operandi modi ab antiquis non omninò perspecti fuerunt, ea, quæ ab alijs neglecta sunt, supplere conabimur.

PROPOS. CCV.

Differentia inter volatum, & natatum, exponitur.

Non consideratur in præsentì diuersitas mediij fluidi aerei ab aqueo, sed inquiruntur operationes ipsæ, quibus per medium fluidum aeris, aut aquæ Aues, & Pisces incedunt; Et patet ex dictis, quòd ad volatum exiguntur duæ operationes. Prima est suspensio corporis grauis ipsius Auis in aere, quæ ingenti vi musculorum pectoralium fit, frequentes saltus per aerem efficien-

efficiendo. Secunda est motus transuersalis eiusdem
 Auis, quæ remigando progreditur. Verùm anima-
 lia natantia non indigent facultate vlla suspensiva,
 nam ab ipsa aquæ consistentia, & grauitate suspensa
 retinentur, vt nequeant cadere ad aquæ fundum, &
 ideò solummodò moueri, & incedere per eam possunt
 impulsa à proprijs motorijs Organis.

Cap. 23.
 De Nati-
 tu.

P. R. O. P. O. S. CCVI.

Differentiæ natatus exponuntur.

Ex Archimedis doctrina constat^a, quòd corpora,
 quæ in superficie aquæ innatant, non omninò demer-
 guntur, sed eorum aliqua portio eminet supra aquæ li-
 bellam, itaut pondus molis aquæ, æqualis parti de-
 merse, æquale sit ponderi totius corporis natantis, sci-
 licet partibus demersæ, & extantis simul sumptis, &
 hæc vocantur minùs graua specie, quàm aqua. At cor-
 pora, quæ omninò demersa in quolibet situ intra
 aquam quiescere possunt, hæc æquè ponderant, ac
 moles aquæ eis æqualis, & vocantur æquè graua spe-
 cie, ac aqua^b. Et illa, quæ post demersionem tota-
 lem non quiescunt, sed ad fundum perducuntur, gra-
 uiora sunt, quàm moles aquæ eis æqualis, & ideò spe-
 cie grauiora sunt.

^a De Insid.
 Flu. prop.
 2. in Arch.
 Aut.

^b Eisdem
 prop. 1.

Et quia videmus, quòd omnia Animalia terrestria,
 dum viuunt, & volatilia, & pisces, qui respirant, &
 pulmones habent, non demerguntur omninò, sed eo-
 rum portio spontè, absque vllò exercitio musculorum,
 aquæ supereminet, & hæc minùs graua specie sunt,
 quàm aqua, & ideò super eam incedere possunt non
 secùs,

Cap. 23.
De Natura
tu.

secus, ac terrestria super Terram; Verum, quia hæc animalia sustentantur à pondere, non à duritie aquæ, qua caret; hinc est, quòd incessus fiat à remigio pedum, & brachiorum, vt in nauibus; & hoc modo Animalia terrestria, Aues, Ranæ, & testudines, natant; Aut ab vnico vasto remo, seu cauda violentè agitata lateralitèr, vt lintres, & pisces catàcei directè super aquam incedunt; Aut cauda instar palæ explanata fursum, & deorsum aquam impellendo, vt Delphines incedunt se demergendo, & exurgendo.

Pisces postea omnes (exceptis Chonchis Ostreaeis, & paucis alijs) æquè graues specie sunt cum aqua, & idèò ab ipso pondere aquæ æquilibrati suspensi retinentur in quolibet situ profunditatis eius; quare liberè moueri, & incedere secundum quamlibet directionem possunt fursum, deorsum, & lateraliter, impulsæ aqua retrorsum, vt postea dicemus.

Deinceps, vt vltèrius procedere possimus, præmittuntur hæc lemmata.

P R O P O S. CCVII.

Quodlibet corpus æthèrogeum quiescens, aut latum in fluido, accommodabitur, vt centrum grauitatis eius in infimo situ reducat. Tab. 14. Fig. 1. & 2.

Sit corpus PL^a compositum ex portione plumbea PIH, & ex lignea rara, & leui LIH, sitque B centrum magnitudinis aggregati ex P, & L, & C centrū cōmunis grauitatis, & demersum sit intra aquam RST. Et primò totum compositum æquè graue specie sit, ac aqua. Patet, quòd demersum omninò intra aquam, vt fundum,

dum non attingat; ibidem quiescet ^b. Dico tamén, ^{Cap. 23.}
quòd in tali situ reuoluetur, vt pars ponderosior P in- ^{De Natu-}
fimum situm occupet.

Intelligatur moles aquæ A æqualis collaterali plum- ^{b De Inf-}
bo PIH; & moles aquæ E æqualis collaterali ligno ^{flu. prop.}
LIH, constituentur iam duæ libræ AP, & EL, quarum ^{r. in Arch.}
prima reuoluetur deorsùm, flectendo brachium, in quo ^{Anct.}
appensum est plumbum P; & in alia fursùm eleuabitur
pars, in qua leuius lignum L appensum est; cùmque ^{c Ibidem}
centrum magnitudinis aggregati PL non eleuetur, nec ^{prop. 8.}
deprimatur, ergò linea recta CB, coniungens centra
communis magnitudinis, & grauitatis ambòrum cor-
porum PL conuertetur circa centrum B immotum, de-
scribendo arcum circuli CD, quousque ad instar pen-
duli radius BC, perueniat in BD, vt fiat perpendicu-
laris ad horizontem, & centrum grauitatis C ad infi-
mum situm centro Terræ proximum perducatur, &
proindè P infimum, L verò sublimem situm occupa-
bunt.

Secundò, quando compositum PL superat, vel defi-
cit à specifica grauitate ipsius aquæ, tunc in ipso exer-
citio motus aggregati PL fursùm, vel deorsùm semper
constituuntur, & renouantur duæ libræ collaterales
AP, & EL, quæ non secus, ac si esset nauis, transpor-
tarentur à centro totius magnitudinis B; in qua naui
mota nihilominus duæ illæ collaterales libræ æquè be-
nè indoles suas exercerent, ac si nauis, & centrum ma-
gnitudinis eius omninò quiesceret. Quare necesse est,
vt pars grauior P deprimatur; vnà cum centro com-
munis grauitatis C versus infimum situm centro Terræ
proximior, & pars leuior L fursùm asportetur, vt
anteà dictum est.

Cap. 23.
De Natura
iii.

d Tab. 14.
Fig. 2.

e Prop. 19.
de Aequip
in Arch.
Auct.

f In Anch.
eiusdem,
de Infla.
prop. 2.

Tandem si idem compositum PL innatet super aquam, idem sequetur. Sitque, facilitatis gratia, figura eius sphaerica d EHFG; cuius centrum magnitudinis B e sit idem, ac centrum sphaerae; grauitatis verò centrum sit C, & emineat portio EHF super aquae libellam RS. Constat f, quòd compositum PL quomodo-cumque reuoluatur circa centrum B; semper portio illa FGE, quae demersa est, erit eiusdem magnitudinis, quia moles aquae aequalis parti demersae aequè grauis est, ac totum compositum PL. Hinc fit, vt sphaera PL, perindè quiescat in tali situ, ac si ex centro magnitudinis eius B clauo firmo suspensa esset; & tunc consurgit funependulum BC; quia vis grauitatis totius PL collocatur, & nisum exercet in C; ergò, vt penduli natura exposcit, gyrabit pendulum BC circa centrum fixum B, quousque centrum totius grauitatis perducat ad infimum situm D perpendicularem ad horizontem.

C O R O L L A R I V M.

Hinc facillè deducitur, quòd in quolibet corpore aetherogeneo quiescente, vel moto in fluido, centrum communis grauitatis eius existit in infima eius parte centro Terrae proximiori.

P R O P O S. CCVIII.

Situatio centri grauitatis in animalibus super aquam innatantibus inquiritur.

Quòd Animalia omnia terrestria, & volatilia dum viuunt,

viuunt, minùs grauià specie sint, quàm aqua, euinci-
tur ex eo, quòd super aquam innatare possunt, & si
omninò demergantur spontè exurgunt, vt aliqua pars
corporis eius extet supra aquæ superficiem, & hoc
contingit absque vllò conatu animalis, etiamsi pedes
non agitentur, impellendo aquam subiectam.

Modò, vt dignoscamus, quænam pars animalis gra-
uior sit, & in quo situ magnitudinis eius centrum gra-
uitatis existat, videndum est, quomodo situetur cor-
pus Animalis, dum super aquam innatat. Et quia
quadrupedia, & Aues quomodocumque, & quacum-
que positura cadant, aut intra aquam demergantur,
semper tamen fursùm ascendunt, & emergunt ventre
prono, & dorso, & capite supino, & fursùm exporre-
cto, ergò centrum grauitatis eorum in medio infimi
ventris consistit, & summitas pectoris, dorsum, & ca-
put minùs grauià sunt reliquis partibus. Hoc autem
in hominibus minimè verificatur, nam caput valdè
ponderosum habent, quòd post demersionem difficilè
super aquæ superficiem eleuatur, nisi industriose cor-
pus erigatur à remigio pedum, & manuum, quòd in
quadrupedibus absque vllò artificio perficitur; spontè
enim caput fursùm eminet. Pisces postea cætacei vi-
dentur habere centrum grauitatis in infimo ventre si-
tum, eo quòd semper ventre prono, & dorso supino
nant, quiescunt, & dormiunt super aquam. Non sic
testudines marinæ, quæ dormiunt ventre supino super
aquam. Quare centrum grauitatis earum collocatur
versùs dorsum, quod suadetur etiam ex vastitate ossi
clypei, quo dorsum eorum tegitur.

Cap. 23.
De Nátu-
tu.

P R O P O S. CCIX.

Quomodò Písces in medio profunditatis aquæ æqui-
librati quiescere possunt.

^a De In-
sid. Flu.
prop. 1.

Certum est ex Archimede ^a, quòd nullum corpus infrà aquæ superficiem demersum, & à fundo non sustentatum, permanere potest immotum, nisi æquè graue specie sit, ac aqua, scilicet, nisi pondus absolutum corporis demersi æquale sit ponderi molis aquæ ei æqualis. Et quia videmus, quòd pífces in quolibet situ profunditatis aquæ quiescunt immoti absque vllò conatu, & impulsione caudæ, aut pinnarum, faciendum est, æquè graues specie esse, ac aqua; Et hinc fit, vt pífces meliùs, & faciliùs ab aqua fulciantur, quàm nos sustinemur à terræ duritie, cui innitimur. Vndè subiectæ piscium partes à dorso, & scapulis incumben-
tibus non comprimuntur, scilicet non fatigantur sustentando pondus proprium, vt ostendimus lib. de motionibus à grauitate pendentibus. Et ideo primùm non indigent pedibus, sicut terrestria, & volatilia. Secundò, non fatigantur, neque vllam lassitudinem percipiunt stando, quia membra æquilibrata non grauitant, nec comprimunt partes subiectas. Tertiò, vastiora esse possunt corpora Piscium, quàm Terrestrium animalium; vt docuit Galileus, quia Pífces non coguntur sustinere proprium pondus, quòd nullam vim compressiuam exercent ob æquilibrium cum aqua. Modus verò, quo natura tale æquilibrium Piscium cum aqua conseruat ^b, pendet ex legibus hydrostaticis; posuit enim in ventre Piscium, vesicam quamdam aere plenam, vt nimirum aeris leuitate
com.

^bIn Arch-
Auct. d.
Inf. Flu.
prop. 1.

compenfaret nimium pondus carnum, & offium eorumdem Piscium, & fic moles composita ex partibus solidis Piscis, & ex aere inclufo, æquè grauis redditur, ac eft moles aquæ ei æqualis. Nec alio Instrumento magis præfentaneo vti folet natura præter aerem in vefica contentum; nam videmus, quòd Pisces Oſtræacei, Chonchilia, Solæ, & alij, qui femper in fundo maris degunt, tali vefica aerea carent. Et nos obferuauimus in Academia experimentalì Medicea, quòd Piscis, cuius aerea vefica in vacuo Torricelliano difrupta fuerat, non potuit per menfem integrum, dum vixit in Piscina, natando fursùm ascendere, fed femper rependo ad inftar ferpentum per piscinæ fundum gradiebatur.

Poffunt prætereà Pisces cum ipfa aqua æquilibrati facilè in ea moueri lateralitèr, fursùm, & deorsùm intrà aquam incedendo, quæ fua quiete, & denſitate refiſtit impulſui, & fic innixæ extremitate caudæ in ea vi muſculorum, caput, & corpus reliquum anteriùs promouent. Et quia vbiquè æquilibrantur in aqua, dummodò integra corporea moles eorum demerſa ſit, poterunt ſtare, & quieſcere in quolibet ſitu, ſiue depreſſo, ſiue eleuato.

P R O P O S. CCX.

Quomodò Pisces grauitatem ſpecificam immutant; quando neceſſitas vrget.

Vt æqualitas grauitatis ſpecificæ piſcium, & aquæ, in qua innatant, conſeruetur, neceſſe eſt, vt pondus, & moles Piſcium in eodem gradu præciſo permaneat;
pari-

Cap. 23.
De Natura.

a Ex Arc.
Auct. de
Insid. Flu.
prop. I. 2.
4

pariterque oportet, vt aquæ densitas, & grauitas non immutetur; aliter enim perturbaretur æquilibrium, quod in indiuisibili consistit, & ideò Pisces, aut cadent in fundum, si aqua grauiore specie redditi sunt, vel fursùm exprimentur, si pondus eorum imminutum est.

Talis autem vniformis perseuerantia grauitatis piscium, & densitatis aquæ diù, & vbique conseruari non potest, quia Pisces ipsi à comestione grauantur, ab egestionem, & transpirationem leuiore sunt. Aqua postea à mixtura salium, à limi conturbatione, à frigore ambiente, à defectu, & occultatione radiorum solarium condensatur, & grauior redditur. E contra à mixtione aquæ dulcis fluminum, & pluuiarum, calore subterraneo, & aeris ambientis, & solaribus radijs eadem aqua rarefit, & minùs grauis redditur: Et hæ mutationes contingunt diuersis temporibus; At eodem tempore aliquæ partes aquæ à radijs solis illustrantur, aliæ à nubibus tectæ, vel à scopulis reparate non æquè rarefiunt, ac illæ. Aliquæ partes maris à fluminibus dulcorantur, aliæ non. Insuper semper sublimiores aquæ partes leuiore sunt profundioribus, quia sales, & aliæ particule terrestres lento motu descendentes, magis turbidam, & fæculentam infimam aquam reddunt.

Ab hisce ergò omnibus causis perturbatur æquilibrium illud Piscium, quod in indiuisibili consistit: & proindè parens natura Piscibus largita est mechanicum artificium præsentaneum, quo ponderum inæqualitas in specie, promptè, & faciliè ad præcisum æquilibrium reduci posset. Quod est huiusmodi. Inter corpora elementaria nullum maiorem expansionem,

aut

aut constipationem patitur, quàm aer. Experientia enim docet, quòd in sclopetis pneumaticis immittitur ope emboli, ibidemque condensatur aeris moles quindecies maior, quàm in illo stricto spatio contineri solet, & in machina boyliana, & in fistula torricelliana aer ad insignem raritatem expanditur, vt dictum est b; hoc posito.

Vt talis operatio clariùs percipiatur c. Primò in eodem fluido eundem gradum grauitatis retinente, sit syringa AB, in qua immisso embolo CD, cum suo epistomio strictè superficiei internæ lenigatæ adhærente, remaneat aeris portio DB, quæ occupet dimidium spatij interni syringæ, & obturato spiraculo M, retrahatur embolus cd quousque basis d propè orificium a perducatur, & ibidem clauo violentè retineatur, rarefacto interno aere db, qui occupabit duplum spatium, quàm in prima naturali expansione DB replebat.

Tertiò, comprimatur eadem portio aeris BD innuato violentè embolo αd , vt ferè attingat fundum syringæ $\beta \mu$, & ibidem clauis firmiter retineatur. In hisce tribus constitutionibus moles, seu spatia ab eisdem machinis occupata inæqualia erunt, scilicet CAB maior erit, quàm $\alpha \alpha \beta$, & minor, quàm cab: verùm pondera absoluta earundem molium erunt inter se æqualia, cum consent ex eadem syringa, eodem embolo, & eadem portione aeris. Hinc sequitur, quòd earundem inæqualium molium grauitates in specie respectu aquæ, valdè immutatæ sint. Si enim fuerit aquæ moles EF æqualis spatio CABM, & moles aquæ H æqualis spatio $\alpha \alpha \beta \mu$, pariterque moles eiusdem aquæ eG æqualis spatio cabm, & intelligantur tres

Cap. 23.
De Natura
tu.

b de Motione grauit. pend. cap. 5. proposit. 12.

c Tab. 14. Fig. 3.

Cap. 23.
De Natu-
tu.

tres moles aquæ ef , EF , & ϕH æquales inter se: erit moles EF maior, quàm ϵH , & minor, quàm eG . Iam si pondera absoluta syringæ $CABM$, & molis aquæ EF fuerint inter se æqualia, erunt quoque æquè grauia specie; & ideò syringa $CABM$ intra aquam demersa, in ea quiescet æquilibrata, cùm eorum moles, & pondera æqualia sint ^d; at syringa elongata $cabm$ leuior erit sibi æquali mole fluida eG , eo quòd pondus aquæ eG maius est pondere EF , seu ipsius syringæ CB , vel cb ; & propterea ^e non quiescet intra fluidum demersa, sed ascendet quousque aliqua eius portio cf extet supra aquæ superficiem RS . E contra syringa $\kappa\beta$ compressa, seu decurtata grauior erit fluido ϵH , sibi æquali mole, & ideò $\kappa\beta$ descendet, & quiescet fundo vasis innixa.

d In Arch.
Auct. de
Inf. Flu.
prop. 2.

e Ibidem
prop. 1.

f Tab. 14.
Fig. 4. &
Tab. 13.
Fig. 10.

Cogita modò, piscem esse machinam similem syringæ $CABM$ ^f, & talis piscis in eius abdomine contineat vesiculam aere plenam DB , quæ in mediocri constitutione, scilicet tantùm compressa sit, quantum sufficit, vt efficiat molem piscis CBM æqualem aquæ moli æquè pendentis, ac piscis: tunc vbique piscis quiescet immotus intra aquam demersus: at si velit leuior effici, vt spontè eius machina fursùm ascendat, oportet, vt relaxatis musculis abdominis permittat, vt aer DB exercendo vim suam elasticam, se expandat in ampliùs spatium db : è contra, si velit reddi grauior specie, & ad fundum spontè descendere, necesse est, vt contractis musculis abdominis vesicam aeream DB constringat ad instar præli, vt exiguum spatium $\delta\beta\mu$ occupet.

Postea, si fluidum RTS fuerit difforme, vt pars VX grauior sit, quàm VS , & leuior, quàm XZ , & pi-
scis

Cap: 23.
De Natura
tu

scis CABM ponatur in situ intermedio fluidi VX, cui grauitas specifica piscis æquetur, scilicet, sit moles fluidi collateralis EF æqualis CABM, & quælibet eorum molium pendeat vncias decem; deinde translato pisce CBM in regionē fluidi supremā leuiorē SV, cuius spatium est æquale sit pisci GBM, erit minùs grauis, quàm EF, & idèò adiungi debet aliqua portio fluidi fG, vt tota moles eG sit vnciarum decem: vtque piscis CABM vnciarum decem quiescat in eodem supremo situ debet augeri moles eius, vt fiat æqualis ipsi eG; quod faciliè præstatur expanso aere vesicæ db. E contra translato eodem pisce CABM in situ infimo fluidi grauioris XZ, huius moles ϕ æqualis ipsi CBM grauior erit, quàm EF, & idèò ab ea subtrahi debet aliqua portio ϕ H, vt residua eH sit decem vnciarum: & vt idem piscis CABM vnciarum decem quiescat in eodem infimo situ, debet constringi eius moles, vt fiat $\alpha\beta\mu$ æqualis ipsi eH.

Et hoc consequitur, compresso, & constipato aere vesicæ $\delta\beta$. Et hac artificiosissima mechanica operatione, naturali instinctu, pisces quiescunt in aqua æquilibrati, & subleuantur, deprimunturque in eodem fluido; quod fuerat ostendendum.

P R O P O S. CCXI.

Quibus Organis, & operationibus alterato æquilibrio Piscium in aqua, denuò ad eandem mensuram æquilibrij reduci possit.

Restat modò inquirendum, quomodò, & quibus Organis talis constrictio, & dilatatio vesicæ aeræ in

Cap. 23.
De Natu-
tu.

Piscibus fiat; & an aer ille sit innatus, & an eiusdem molis, an renouetur, augeatur, imminuaturque.

Et facillè percipimus, quòd muscoli copiosissimi, & robusti, ventrem Piscium ambientes, constringere possunt vesicam aeream in eo contentam, & sic aeris illius condensatio, & diminutio molis subsequi potest. At non video, quomodò idem aer vesicæ violentè expandi possit, vt maius spatium occupet. Nam Pisces non habent costas duras, sed subtiles, & flexibiles spinas, quæ facillè cedunt compressioni, quam infert fluidum ambiens, & ideò cavitās ventris à contractione musculorum intercostalium ampliari non potest, sicuti pectoris nostri cavitās augetur. Oportet ergò, vt alio diuerso modo expansio, & rarefactio aeris illius vesicæ fiat. Qui forsā non erit diuersus ab eo, quem in vtre aere turgido obseruamus. Hic si à fascijs violentè constringatur, procul dubio aer ibidem inclusus constipabitur, & postea solutis, & relaxatis fascijs ob vim eius elasticam, idem spontè ad pristinam expansionem reducetur. Eodem modo fieri potest, vt vesica aerea Piscium semper plùs iusto constricta sit à fascijs membranarum, & musculorum, siue habituali actione, siue artificio non diuerso ab eo, quo sphincteres Ani, & vesicæ Vrinariæ perpetuò constricti persistunt, & quando volumus eos relaxamus.

Hæc tamen vesicæ aeræ piscium dilatatio exigua esse videtur; & ideò non sufficiet ad æquilibrium transmutandum in locis, in quibus aqua dulcis est, & parum grauis; & tunc puto, quòd Pisces vi remigationis sustinentur, & ad summitatem aquæ perducuntur, vt nouum aerem deglutiendo, minùs graues in specie red-
dantur. Qui postea, si superfluous fuerit in locis aquæ
pro-

profundioribus, & gravioribus, euomitur per os, & solummodò retinetur portio adæquata, vt absque laboriosa compressione æquilibrata in fundo permanere, & quiescere possint.

Quòd postea aer prædictæ vesicæ Piscium multiplicari, nouum aerem sorbendo, & minui, euomendo superfluum per os, possit, prout necessitas æquilibrij eorum exigit, suadetur ex canali manifesto, licet subtili, & stricto prædictæ vesicæ, qui in fundo stomachi desinit, & frustra factus esse non potest; Imò per eum in vacuo torricelliano talis vesica aere exinanitur, quando Piscis per os multiplices spumosas ampullas eructat.

P R O P O S. CCXII.

Pisces, non à pinnis alarum impuls, per aquam incedunt.

Cum prisca homines obseruassent, quòd Naues per aquam innatando, impelluntur à vi remorum; pariterque Aues alarum remigio per aerem excurrunt, facile sibi suaserunt, quòd pisces à pinnis alarum, veluti à remis, per aquam promouerentur.

Verùm cum hæc vulgaris opinio sit euidentissimè falsa, mirari satis non possum, quòd adhuc fautores inueniat. Videmus enim, quòd pinnae alarum Piscium sunt cartilaginosa, flexibilissima, pusilla, & stricta, comparata cum vasta piscis mole; & proinde breuitas ventum, palorum angustia, earumque flexibilissima consistentia inepta est ad percutiendam, & impellendam aquam ea velocitate, & vehementia, quæ ad promouendum corpus Piscis necessaria est. Hoc ipsum con-

Cap. 23.
De Natas
tu.

firmatur ab experientia; si enim lateribus nauis aptentur duo confimiles remi, parui, & flexibiles, eandem proportionem ad nauim habentes, quam illæ pinnae ad piscem habent, certè nauis egrè, & tardissimo motu incedet, & nunquam rapidissimam piscium velocitatem ad instar fulminis æquare poterit.

Adde, ad oculum patere, quòd quando pisces mouentur in piscinis, tunc pinnae alarum non percutiunt aquam ad instar remorum, sed immotæ adhærent lateribus piscis; Et in eo casu solummodò expanduntur, quando motus directus piscis, inflecti, aut extinguì debet; ideòque tantum abest, vt pinnae alarum inferuiant ad remigandum, vt potius quietem inducant, alis expansis offendendo aquam immotam, & stagnantem; sicuti naues, innixis remorum palis super aquam, impetum præconceptum retardant, & extinguunt.

Tandem hac experientia id ipsum euidenter euincitur: forficibus resecai pinnas alarum piscium viuentium vsque ad earum radicès, & sic tonsos in piscina reposui, & vidi, quòd etiam pinnis alarum carentes veloci cursu per aquam ferebantur sursùm, deorsùm, & lateralitèr: ergò non à remigio pinnarum, sed ab alia causa pisces natando per aquam promouentur.

P R O P O S. CCXIII.

Pinnæ duplicatæ, quæ in duobus locis infimi Ventrìs piscium existunt, non inferuiunt ad motum,

sed ad stationem eorum.

Piscium, non secus, ac Auium corpora difformiter graui sunt; constant enim ex partibus grauioribus
osseis,

offeis, & carneis, & ex aere leuissimo, vt dictum est ^a. Cap. 23.
De Natu-
tu.
Verum hæ partes diuersæ non eodem modo in Aui-
bus, atque in Piscibus situatæ sunt: in illis enim pars
grauissima ossea, & carnosa infimam pectoris regio-
nem occupat; levis aerea in sublimiori situ dorsali exi-
stit. Hinc fit, vt centrum grauitatis versus pectus in-
frà centrum magnitudinis Auium existat: & propterea, a Prop.
112. huius.
dum per aerem innatant, spontè ventre prono dispo-
nuntur. Contrà in Piscibus, pars grauissima ossium
spinæ, & copiosissima caro musculosa in dorso supre-
mo posita est, vesica verò aerea in infimo ventre recon-
ditur; ergo centrum grauitatis Piscium suprà centrum
magnitudinis eorum in supremo dorso repositum est,
& ideò, dum in aqua innatant naturali instinctu reuol-
uerentur ventre supino; quæ positura cum natatui val-
dè incommoda sit, coguntur Pisces artificiosè se reti-
nere situ erecto. Hoc autem consequuntur ope pin-
narum duplicatarum in infimi ventris acie reposita-
rum; hisce enim fulcris, ad instar pedum hominum,
aquæ subiectæ innitendo, vacillationes corrigunt;
Vtque hanc veritatem sensu confirmarem, forficibus
resēcui omnes pinnas ventris Piscis viui, eumque de-
quò in Piscinā demersi, ibique iucundum spectaculum
exhibuit, vacillabat enim ad dextram, & ad sinistram,
nec poterat in positura erecta firmiter persistere; sicuti
ebrij casuri, & vacillantes, hinc indè incedere solent;
ex quo patet propositum.

P R O P O S . CCXIV.

Instrumentum, quo Pisces natant, est eorum cauda.

Tab. 14. Fig. 5.

Constat

Cap. 23.
De Natu-
tu.

Constat experientia, quòd nauiculæ ab vnico remo in puppi posito, & hinc indè vibrato, & contorto, motu directo, & veloci super aquam excurrunt, absque remis lateralibus: Eodem modo, quia Pisces non impelluntur à Remigio pinnarum lateralium, vt dictum est, & videmus, quòd quotiescumque eorum cauda vibratur, velocissimè per aquam excurrunt; & è contra nil prorsus mota cauda; obseruamus, quòd quiescunt in eodem situ; ergò caudæ contorsio, & vibratio est vera causa motus eorum, sicuti vibratio illius singularis remi in puppi nauiculæ, est causa motus directi eius.

Modus verò, quo ambæ operationes fiunt, talis est. Remus singularis, dum obliquè impellit posteriorem aquam innixui resistentem, necessariò anteriùs nauiculam promouet, licèt tortuoso itinere, declinando à recto tramite; Verùm, quia talis declinatio subito corrigitur, vel à motu contrario, vel à firma remi retentione in situ obliquo, officium temonis exercendo, fit, vt non aduertantur illæ momentaneæ declinationes, & sic solummodò directus motus conspicuus remanet.

Consideremus modo piscis ABC configurationem, & motum. Dum caput A cum ventre B piscis in directum constituit reliquam eius medietatem BFC, flectit, & vibrat lateraliter, flagellando vehementer aquam, ob lubricam connexionem vertebrarum spinæ, quæ ad instar Arcus robusti contorqueri, & resilire ad dextrum, & sinistrum latus facillè possunt. Habet præterea extrema piscis productio caudam DE amplam, flexibilem, ex virgulis cartilaginosis compositam, quæ inuestiuntur subtili quadam membrana, vt pedes Anserum;

rum; & simili modo stringi, & dilatari possunt; in acie postea suprema dorsi, & infima ventris adfunt quoque confimiles pinnae cartilaginosaë, quæ similiter, ac cauda, flectuntur, expanduntur, & contrahuntur.

Ordo verò motus est hic. Extenso Pisce ABC in directum incipit motus flectendo caudam BFC versùs latum dextrum G, quæ flexio fit tali regula, vt pars mota BC, dum conuertitur circa centrum B, non retineat præcisam tectitudinem ad instar radij circuli, sed incuruetur duplici sinuositate circa B, promouendo latus F versùs dextrum latus G, & circa F, retrocedendo extrema cauda D versùs sinistrum latus; estque talis primus motus non remigatio, sed anticipatio quædam caudæ similis anticipationi pedum ranæ natantis, ad cuius similitudinem palmares pinnae caudæ DE dorsi, & abdominis stringuntur, & contrahuntur, ne, in aquam impingendo, anticipationem caudæ BC impediant. Translata iam cauda in G, tunc valdè incuruata versus caput A, & expansis omnibus pinnis, tota longitudo BG velocissimè flagellat, & impellit aquam lateralem ad instar remi describendo Arcum non circularem, sed ellipticum GD, quo motu posticam aquam impellendo, eique innitendo, necesse est, vt Piscis anteriùs promoueatur à B versus A. Anticipata secunda vice cauda à C ad H, denuò aquam flagellat ab H versus C; quo motu contrario dirigitur præcedens deuiatio ab itinere directo, & simul duplicatur impulsus directus Piscis à B versus A; & hac ratione, & methodo incessus piscium per aquam efficitur.

Eadem caudæ flexio vsum temonis facillè præstat, flectendo cursum ad dextram, vel sinistram. At ad motum

Cap. 23.
De Natatu.

tum versùs fundum inferuiunt pinnæ duplicatæ, quæ in Acie infimi ventris existunt. Quia, quando subiectæ illæ pinnæ versùs caudam existentes expanduntur, erigunturque, officium temonis horizontalis exercent, sicuti caudâ Auium depressa efficit; Ergò caput Piscis excurrentis inclinari debet versùs fundum. E contra pro motu fursùm, pinnæ laterales, seu alæ oblique flexæ, & fursùm eleuatæ, idem præstare possunt, ac caudâ Auium fursùm eleuata, à qua cursus Auis fursùm dirigitur.

Et forsan à pinnis caudæ piscium, oblique fursùm, aut deorsùm inclinatis, id ipsum præstari potest, quod conijcitur ex eo, quòd è statu quietis momento pisces diriguntur fursùm, aut deorsùm: quam contorsionem velocem pinnæ illæ exiguæ vi temonis efficere non possunt, sicuti in naui quiescente flexio temonis eam flectere non valet.

PROPOS. CCXV.

Ad natatum piscium requiritur maior vis motiua musculorum, quàm ad Auium volatum efficiendum.

Eadem methodo, qua hætenus quæsiuimus vires, quas natura exercet ad motus Animalium efficiendos, conijcere possumus, an maiori conatu, & virium copia natatus piscium, quàm volatus Auium fiat, hoc præstabit examen musculorum, quibus illi duo motus fiunt; nam ex musculorum quantitate, & copia fibrarum præclare dignoscuntur vires, quas natura adhibet ad illos mouendos, & quia caro musculosa piscium copiosissima est, multò magis, quam in auibus, cum illi paucio-

pauciora ossa habeant, quàm ista; ergo vniuersæ vires motiua, quæ à piscibus exercentur, maiores sunt, quàm vires Avium, quæ ad omnes motus earum efficiendos requiruntur. Insuper tota ferè caro musculosa piscium inferuit ad spinam, & caudam vibrandam, nil ad pedes mouendos, quibus carent; parùm ad ventrem stringendum, & ad mandibulas agitandas; minimum ad pinnas tenues flectendas; ergò ferè vniuersa vis motiua piscium inferuit ad natatum, qui à spinæ, & caudæ vibratione producitur. E contra in Avibus, muscoli pectorales alas agitantes, æquales sunt medietati totius carnis earum; ergò ad volandum applicatur à natura medietas totius virtutis motiua Avium; hæc autem ostensa fuit, plusquàm decies millies maior pondere eiusdem Avis; igitur vis motiua, quæ ad natatum piscium requiritur, ferè duplam proportionem ad illam habebit, & ideò paulò minus, quam vigesies millies pondus eiusdem piscis excedet.

Cap. 23.
De Natatu.

PROPOS. CCXVI.

Quæritur, qua necessitate natura cogatur tam grandi vi motiua efficere Piscium natatum.

Ex superius dictis constat, quòd difficultas præcipua volatus pendet ex necessitate suspendendi corpus Avis per aerem frequentibus saltibus: Cùmque Pisces intrà aquam demersi suspendi non debeant, eo quòd gravitas ipsius fluidi aquei ad instar baiuli sustinet pondus piscium, qui proindè æquilibrati perindè indifferentes sunt ad quemlibet motum collateralem, fursùm, & deorsùm, ac si nullam gravitatem haberent;

X x

cùmque

Cap. 23.
De Natura
tu.

a Prop. 16.

b In cita-
ta prop.

cùmque corpora æquilibrata, & indifferentia à qualibet vi motiua, quantumuis exigua, moueri possint, vt ostendimus in libro de vi percussionis^a; ergò pisces intrà aquam à qualibet pusilla vi impelli, & agitari possunt, & proindè tanto apparatu musculorum non indigerent. At nefas est tribuere naturæ tantam imperitiam, vt frustrà, & absque necessitate vastitatem musculorum, & virium copiam ad natatum piscium adhibuerit. Quare fatendum est, quòd ob aliquam necessitatem à nobis non animaduersam, tanto molimine opus habeat; Et profectò accuratiùs consideranti patebit, quòd ad conferendum motum corporibus æquilibratis, vt motus est, sufficit quælibet vis motiua, dummodò sit quanta^b. Verùm talis motus erit tardissimus; qui si celerius fieri debeat, tunc planè grandis vis motiua requiritur. Sic naui innatans super aquam stagnantem trahi potest subtili capillo, lentissimo, & tardo motu. At si cursu velocissimo impelli debeat, non sufficit vis centum remigum. Difficultas hæc oritur ex corpulentia, & grauitate aquæ, quæ è suo loco expelli, & subleuari debet, vt subintranti naui locum cedat, & deindè motu vertiginoso reducatur ad replendum locum posticum à naue derelictum: hæc inquam aquæ motio fieri non potest absque eo, quòd vis motiua imprimatur in vastum illud corpus aquæ, quod continenter agitari debet; Talis vis oportet, vt tantò magis augeatur, quantò magis impetus imprimendus vehementior, & velocior esse debet. Illud taliter obstat, ut si quis velit, ut naui, utque ex analogia motus naui conijciamus gradum virtutis motiue piscium, obseruo, quòd maior pars naui extans in aere, existit, & mouetur, atque mi-

nor

nor portio eius infima ab aqua circumdatur. Quare Cap. 23.
De Natu. si omnino naus demersa esset, multò maiorem vim impulsuam, scilicet triplam, aut quadruplam requireret, vt æquè velociter intrà profundam aquam excurreret, ac priùs, quando super aquam impellebatur, (eo quòd aer motui naus extantis parum, aut nil resistit,) at resistentia molis aquæ expellendæ, & traducendæ tripla, vel quadrupla esset.

Adde, quòd remorum reductioni aer pariter nil resistit, aqua non item, ob consistentiam, & pondus eius; & hinc est, quòd remiges intra aquam cæsum remos antèrius reducunt, sicuti Ranarum, & Anserum pedes colligatis digitis, & palmis membranosis antèrius reducuntur, & tunc solummodò expanduntur, quando aquam retrorsum grandi impetu impellunt. Ex hoc ipso, quòd natura compendia quærit, satis liquet, difficillimè pedes, & remos intrà aquam antèrius reduci; quapropter, licèt pisces nil laborent, vt intrà aquam suspensi retineantur, & facillimè in ea moueri possint motu tardissimo, ob iam dictam indifferentiam, tamen ob velocitatem, qua coguntur in aqua moueri, indigent immensa illa vi motiua, ferè dupla eius, qua aues per ærem volant.

P R O P O S. CCXVII.

Quare Aues, & Animalia quadrupedia naturæ instinctu natant, rationem reddere.

Quia, vt dictum est, Aues, & quadrupedia Animalia dum viuunt, minùs grauias specie sunt, quàm aqua: necesse est, vt aliqua portio corporis eorum extet ^a supra aquæ superficiem: hæc verò pars extans oportet, vt sit a In Arch.
Auct. de
Inf. Fil.
prop. 2.

Cap. 23.
De Natura
iii.

b Prop.
210. huius.

omnium leuissima, eo quòd pars grauior, in qua centrum grauitatis totius animalis cadit, ad instar penduli, depressa esse debet intrà aquæ subiectæ profunditatem: cumque Animalia viuere non possint, nisi incessanter aerem inspirent, ergò necesse est, vt pars leuissima, & extans animalis supra aquæ superficiem, sit caput, & os, quo aer suscipi potest. Si enim, capite demerso, pedes extarent, procul dubio animal suffocaretur.

Modò, quia natura comparatum est, vt Aues, & Bruta animalia habeant caput, rostrum, & rictum leuissimum respectu viscerum, & artum eorum, sit, vt spontè in aqua venter deprimatur ad instar penduli, atque caput, & os emineat supra aquæ superficiem; & sic respirationem exercendo, viuere possunt.

Præterea longitudo carinæ corporis eorum spontè sua distenditur parallela plano horizontis, eo quòd cauitas pectoris, aere inspirato, repleta dorfi regionem occupat, & proindè bruta innatantia præcisè eandem posituram in aqua retinere possunt, qua super terram pedibus innixis incedere solent. Quare, sicut super terram pedibus alternatim innixis gradiuntur, habitu quodam à natiuitate acquisito, sic quoque super aquam innixis pedibus, alternatim habituali peritiæ motis, nulla difficultate per aquam gradientur, seu natantur.

PROPOS. CCXVIII.

Quare homines naturali instinctu natare non possunt, & in quo peritiæ natandi consistat.

Dubi-

Dubitari non potest, quòd homines, dum viuunt, minùs graues specie sunt, quam aqua; eo quòd semper aliqua corporis humani pars super aquam extat: & hoc contingit spontaneo naturæ instinctu, absque vilo artuum, & musculorum molimine, vt vrinatores experiuntur; qui non secùs ac ligna, è fundo ad summitatem exprimuntur ab aqua ipsa; & è contrà ad grandem profunditatem perducì non possunt, nisi ab impetu præconcepto in casu per aerem, vel vi musculorum, natando versus fundum, vel augendo pondus proprii corporis, secus afferendo saxum, aut plumbum; nec postea in fundo quiescere possunt immoti, nisi apprehenso scopulo, aut fixo graui; immò in balneo iacentes experimur, quòd extensis brachijs, aut cruribus horizontaliter intra aquam, si nullam vim exercemus, spontè sursum ad aquæ summitatem ascendunt, quousque aliqua portio eorundem extet.

Et licèt in hoc similes simus animalibus quadrupedibus, valdè tamen ab eis differimus in structura, & configuratione corporis, & in situatione centri grauitatis totius, & partium eius. Homines enim habent caput grauissimum respectu sui corporis; est quippè omninò repletum à copiosissimo cerebro ponderoso, & ab ossibus, & carnibus, itaut nullæ cauitates inanès, & aere plenæ in eo reperiantur, & demersò capite, exigua narium, & aurium foramina, aere expulso, subito aqua repleantur. Contrà verò in Brutis caput respectu sui corporis, & respectu medijs aquei, leuissimum est; cum cerebrum exiguum habeant, & rictus sit spongiosus, & contineat longos, & multiplices canales aere repletos.

Hinc sequitur, quòd naturali necessitate non remaneat

Cap. 23.
De Natu-
ra.

neat os hominis exprorectum supra aquæ superficiem ad respirandum. Primò, quia pondus excedens capitis naturali lege id deprimit infrà aquæ superficiem; non sic in Brütis. Secundò noto, quòd Animalis portio, quæ extare debet, pusilla est respectu corporis totius; vt docet experientia; & in tali extante parte oportet, vt os existat, vt aerem inspirare possit, vtque commodius, & absque suffocationis periculo respirationem exercere valeat, os altiùs ab aquæ superficie, & ab undis distare debuit. Modò hæ omnes commoditates in brutis, non verò in hominibus habentur, quia in illis orificia narium in extremo confinio colli, & capitis fursùm reflexi; & in stricto, acuto, & prolongato rictu sita sunt; & ideò spontè, naturali necessitate, rictus, ad instar baculi, erigitur, & eminet supra aquæ superficiem, & proindè foramina narium longè à fluctibus remota; facilè, & absque impedimento respirare possunt. Contrà homines quomodocumque in aqua iacentes, aut prorsùs nequeunt, aut difficillimè respirare possunt. Si enim ventre prono iacent, tunc extabit portio aliqua dorsi, ceruicis, aut occipitis; & os, & nares demersæ respirare non poterunt.

Si verò situ erecto perpendiculari ad horizontem stet, non integrum caput, sed summa eius ceruix extabit ob exiguum defectum grauitatis specificæ hominis ab aqua, & tunc foramina narium, & oris, inflexo vertice infra aquæ superficiem existent, & ideò respirare non poterunt. At si ventre supino æquidistanti horizonti, vel alio modo in aqua iaceat, tunc caput grauissimum iuxta leges hydrostaticas magis deprimetur, quàm pectus aere inflatum; & ideò per os, & nares infrà aquam depressas, aut à fluctibus inun-

datas

datas non aer, sed aqua excipietur, & proinde homo suffocabitur.

Cum igitur homines, ob structuræ ineptitudinem, non possint spontè, & naturali necessitate collocari in aqua debita positura, ut extent os, & nares, nequeunt in ea viuere, aut natare.

Hinc deducitur, quòd natandi peritia, quæ humana industria acquiritur, consistit præcipuè in erectione capitis, ut semper os, & nares super aquam extent, quod homines consequuntur motu industrioso, aquæ laterali innitendo manibus, & pedibus, & alternatim eam percutiendo, veluti remis, sicut funambuli hasta extensa, & aerem percutiendo in eodem erecto situ retinentur æquilibrati.

Et nedum in nixu, & remigio manuum, & pedum, caput erectum retinemus, sed etiam grandi flexione colli, & cervicis, quantum fieri potest, figuram animalium quadrupedum imitando, foramina oris, & narium supra aquæ superficiem extollimus. Utque hoc facilius consequi possimus, dum natamus, retinere solemus continuis saltibus integrum caput extans, & corpus non parallelum, sed parum inclinatum ad aquæ superficiem, ut nimirum à fluctibus respiratio non impediatur, et ut remigium manuum, & pedum, pro incessu per aquam, exercere valeamus. Hinc refellitur vulgaris error dicentium, quòd bruta idèò natant, quia mortis periculum non apprehendunt, Et quomodo sciunt, bruta timoris expertia esse? Certè hoc non habent ex eorum relatu, imò si à signis externis internæ passiones indicantur, bruta, valde timere suffocationis periculum, dicemus, quia clamitant, renituntur, & dif- fugere conantur, quando ea projicere in aquam tentamus.

Præte.

Cap. 23.
De Nati-
uitate

Præterea videmus, quòd pueri simplices, & malo-
rum ignari, audacter in aquam se præcipitantes, nedùm
non natant, sicut bruta, sed in ea suffocantur. Non
igitur ob defectum timoris, sed ob idoneam corporis
dispositionem, & figuram, bruta naturali instinctu na-
tare possunt. Homines verò ex sui natura inepti ad
natandum, artificioso motu manuum, et pedum id con-
sequuntur; nempe indigent peritia eleuandi caput su-
pra aquæ superficiem, pro vsu respirationis.

Restat postremo loco inquirenda ratio, quare ho-
mines imperiti artis natandi, cum in aquam cadunt, su-
bitò demerguntur, & postea exurgunt; & hoc ter, vel
quater repetunt, & tandem in fundo suffocati rema-
nent: & post aliquot dies cadauer exurgit, & super
aquam ad instar suberis innatat.

Triplici de causa ab initio homines demerguntur.
Primò ob casum; quia homines sicut ligna, & omnia
corpora minùs grauias specie, quàm aqua, in ea non
quiescunt, nisi demersa fuerit determinata eius portio
in eo situ, in quo sit æquilibrium; & si altiùs suspenda-
tùr, cadet, & in motu descensus acquirat nouum impe-
tum, à quo plùs iusto demergitur; sicut lignum cadens
in aquam, omninò demergitur. Secunda causa demer-
sionis hominis est inordinata, impropria manuum, &
pedum libratio, quæ si fiat contrario ordine, quàm
opus est, (vt est consentaneum ob imperitiam) auge-
re præcipitium potest. Tertia causa est incrementum
grauitatis specificæ in actu demersionis, quatenus, ex-
pirato aere, eius loco insinuatùr intra pulmones tan-
tumdem aquæ.

Ascensus postea, & descensus reiterati contingunt
eadem necessitate, qua lignum plùs iusto demersum,
saltus,

faltus, & demerfiones in aquā ad inftar penduli repetit: qui motus adiuuantur à caufis fuperiùs infinuat<sup>Cap. 23.
De Natura.</sup>is.

Postquàm verò expulfo omninò aere, pectus aqua repletur, tunc homo grauior fpecie factus ipfa aqua, mirum non eft, quòd in fundo ad inftar faxi remaneat. Tandem poft aliquot dies humores, & ingefta in vafis, & inteftinis, fermentata, & putrefacta refoluuntur in flatu, & vapores aereos, à quibus prædicta vafa inflantur: & hinc corpus minùs graue in fpecie redditum, quàm aqua, neceffe eft, vt ad fupremam fuperficiem afcendat, vt hydroftatica neceffitas exigit.

P R O P O S. CCXIX.

Homines diù demerfi, vt Ranæ, & Pifces catacei, abfque refpiratione viuere non poffunt.

Videmus, quòd ranæ, & cæteri pifces catacei, qui habent pulmone, degunt ferè femper in fupremo confinio aquæ, & ibidem aerem infpirando, & expirando vitalem motum conferuant, eodem modo, ac animalia terreftria viuunt; at poftea facili negotio demerguntur, & per notabile tempus abfque noui aeris infpiratione ibidem permanent viuentes. Certum eft, quòd tunc temporis non ceffat cordis pulfatio, & fanguinis tranfitus per pulmone: ergo concedendum eft, quòd ab eodem aere in pulmonibus retento à thoracis viciffitudinaria compreffione, elutriatio fanguinis per fubtiliffima vafa pulmonis efficiatur; vt ad oculum patet in veficis pulmonaribus ranarum, quæ compreffæ aërem contentum condensant; & hic fuà vi elaftica

Cap. 23.
De Natura
tu.

comprimit vasa, & hinc sanguinis elutriatio consequitur. Eodem modo Vrinatores Indi, qui Margaritas è fundo Maris capiunt viuere deberent (si verum est, quod de ipsis narratur, per horam integram sub aqua morari) Hoc scio, quòd talis violenta eiusdem aeris inspirati retentio dolorifica, & noxia est, vt nos vrinando per pauca minuta secunda horaria nostro malo experimur. Ergo sicuti cætacei, & ranæ motum vitalem conseruare non possunt, si semper, aut per longum tempus infra aquam demersæ permanent, multò minus homines tali violentiæ inassueti vitam producere poterunt demersi per plures horas; & sicut cætacei à naturali structura, & ab exercitio frequenti totius vitæ non possunt acquirere peritiam permanenti, & viuendi perpetuò sub aquis absque interruptione, sic videtur multò magis impossibile, vt homines, quantumuis exercitati, viuere infra aquam diù possint.

PROPOS. CCXX.

Machina aliqua artificiosa homines diù in aqua demersos respirare posse. Tab. 14. Fig. 6. & 7.

2 Tab. 14.
Fig. 6.

Duæ machinæ hactenus excogitatæ sunt, quibus Vrinatores diù respirare possunt infra aquam. Prima est vas cylindricum a ABC cauum, & aere plenū clausum in fundo supremo AE, & apertum in infimo orificio BC; hoc vas si à vi ponderis vasti saxi P trahatur deorsum, infra aquæ superficiem RS, & suspendatur fune FE; experientia patet, quòd, dum latera cylindri AC, & EB perpendicularia sunt ad planum horizontis.

zontis TV, aer contentus ABC non egreditur, descendendo è cauitate cylindri per os apertum CB, sed solummodò condensatur eò magis, quò profundius demergitur. In hac cauitate, quando Vrinatores diutius aeris carentiam tolerare non possunt, caput immittunt, & recondunt, & ibidem aerem respirando, reficiuntur. Verùm hæc machina, nedum difficilè præparari, & moueri potest, sed præterea non videtur omninò apta ad finem consequendum; quia, in locis profundioribus maris aer in vase cylindrico ABC contentus, adeò condensatur, & constipatur à pondere aquæ incumbentis, vt forsan reddi possit ineptus respirationi. Insuper vapores continenter ab aqua ascendentes, vnà cum vaporibus aqueis ab Vrinatore expiratis, adeò aerem illum inficere possunt, vt potius suffocationem inducat.

Altera machina ab aliquibus excogitata est huiusmodi. Efficiunt strictum canalem^b AB ex pelle caprina, qui à filo ferreo spiraleriter contorto retinetur dilatatus; in huius infima apertura BC caput Vrinatoris insinuatur, & illius fimbriæ circa collum, & pectus aptantur ita, vt ingressus aquæ per rimas, & futuras prohibeatur; & extante altero canalis orificio A supra aquæ superficiem RS, homo demersus aerem per canalem commodè inspirare, & expirare poterit: licèt machina sit incommoda, cum nequeat absque externo auxilio moueri per aquam.

^b Tab. 14.
Fig. 7.

Cap. 23.
De Natura
tu.

P R O P O S. CCXXI.

Homines, incluso capite intra vas vndique clausum,
possunt per plures horas respirare, & vivere,
si sæpè os vasis aperiatur, vt nouum
aerem excipiat.

Quòd homines, incluso capite intra vas vndique
clausum, debeant momento suffocari, vulgò receptum
est ob præiudicium desumptum à natura flammæ, quæ
in stricto vase recondita subitò suffocatur. Sic putant,
quòd flamma vitalis restricta in loco vndique clauso,
citò extingui debeat; at talis comparatio inepta esse
videtur, vt alibi ostendimus, nam conseruatio ignis, &
flammæ consistit in velocissima expressione ignearum
exhalationum facta ab aere ambiente; quæ expressio
primo loco fieri non potest, absque aeris circumductio-
ne, quæ locum amplum requirit: secundò, oportet;
vt aer ambiens flammam, non sit adeò impurus, crassus,
& infectus à fumis fuliginosis pinguibus, & aqueis, vt
sua crassitie poros prunarû, aut ellychnij obturet, & im-
pediat transpirationem ignearum exhalationum, sicuti
fluores nedùm aquei, sed etiam pingues facere solent:
cùmque in loco angusto, nedùm motus aeris impedia-
tur, sed etiam à fumorum aqueorum, & fuliginosorum
copia, aer ille fluidam consistentiam acquirat, à qua
exitus effluuij ignearum particularum impeditur, mi-
rum non est, ignem suffocari, & extingui; verùm in
corde, & pulmonibus animalium nulla flamma existit;
& respiratio, at aeris motus alio modo, & ob aliam
causam longè diuersam, vitam conseruat, vt suo loco
declarabimus; quòdque in corde proprietas flammæ
supe-

superiùs expositæ locum non habeat, probatur experientia, quia pulmones Ranarum sunt vesiculæ, vndique clausæ aere plenæ; nec tamen earum metaphorica flamma vitalis extinguitur; sicut nec clausura ventriculorum cordis mortem, & suffocationem inducit. Si verò consideretur aer crassities facta à vaporibus aqueis, certè ille aer, qui in vesiculis pulmonis diù existit, & non renouatur, nisi post diurnam moram, necesse est, vt sit valdè humectatus, quia interni vesicularum malpighianarum parietes semper madore scatent, & talis humiditas à continuo pectoris calore in vapore faceffit, vt patet in aere in speculum exspirato, in quo guttulæ aquæ innumeræ concresecunt ad instar roris. Si igitur aer in anfractibus pulmonum existens est semper madidus, nec proinde suffocationem inducit, quomodò aer ob angustiam vasis caput hominis complectentis, & ab inspiratione minùs humectatus, quàm sit ille, qui in pulmonibus existit, suffocationem inferet ob eandem humiditatem, quam priùs in pectore retinebat? Præterea in tussi, & pulmonum læsionibus capite obuelato excipiuntur vapores aquei medicati, & fumi densi, & copiosi, nec tamen suffocationem inducunt; ergo in vase caput hominis ambiente, aer ille ob copiam vaporum incrassatus non suffocabit.

Videmus insuper, quod pueri hieme, capite parvis vndique tecto, dormiunt, nec suffocantur.

Non negabo tamen, quòd, si aer sit superfluè madidus, & nimis excalefactus, & fuliginibus infectus, deliquium tandem, & suffocationem inducere possit. Quare si in vase clauso circa caput, aer inclusus ad insignem illum gradum caliditatis humiditatis, & crassitie

Cap. 23.
De Natura
tu.

tiei reduceretur, facile deliquium, & mortem afferret.

Non defunt tamen chimici, qui recurrunt ad quemdam balsamum, seu nitrum aeris, quod sua facultate vitalem flammam conseruat; & hinc fieri putant, vt animalia inclusa in angusto loco vndique clauso citò suffocentur, quia aiunt, quòd ille aer multòties inspiratus viduatur illo balsamo, seu nitro, & propterea ineptus redditur ad cordis flammam viuificandam.

Sed si hoc verum esset, Ranae, pisces catacei, & vrinatores Indi viuere non possent intra aquam demersi per horam integram, quia pusilla moles aeris in vesiculis pulmonum contenti non renouatur; & ideò, consumpta illa balsami particula, suffocarentur.

Aliundè, cum videamus, quod aeris renouatio, & commercium eius, qui in pulmonum vesiculis includitur cum externo aere, sit omninò necessarium ad vitæ conseruationem (licèt hoc non contingat ob balsami aerei reparationem, sed ob aliam diuersam causam mechanicam) videndum est, an, & quomodo huic periculo obuiam iri possit.

Et obseruo, quòd communiter vrinatores demersi viuunt, absquè notabili læsione, per vnũ primum minutum horarium, cum illa exigua mole aeris, quæ in vnica inspiratione excipitur; & trigesies repetita inspiratione, & immersione viuunt per semihoram, licèt interruptam, infra aquam demersi; planè videtur incredibile, vt per idem tempus semihoræ continuatæ viuere non possint, capite incluso intra vas vndique clausum, quod duplo, vel triplo maiorem molem aeris contineat, quàm sit illa, quæ ad triginta respiraciones efficiendas sufficit,

si ta-

fi tamen debitæ cautiones adhibeantur, refrigerando Cap. 23.
 nempè, & purificando aerem. Hinc sequitur, quòd si aer De Natura
 vasis qualibet semihora, vel frequentius, si opus est, tu.
 renouaretur, aperto vase, possent vrinatores diutius vi-
 tam sub aquis protrahere.

P R O P O S. CCXXII.

Machinæ constructio, qua homines demersi intra
 aquam possent per plures horas respirare,
 & viuere. Tab. 14. Fig. 8.

Fiat vas, seu vesica ænea, seu stannea BMHC dia-
 metro duorum pedum, quæ caput A hominis contine-
 re possit ad instar Galeæ, seu cubiculi, & strictiori col-
 lo BC adhæreat scapulis, vertici, & supremo pectori,
 atque funiculis circa collum æneum BC, strictè alli-
 gata veste pellea caprina non penetrabili ab aqua; tunc
 homo sic testus, si intra aquam demergatur, poterit per
 plures horas viuere, liberè respirando aerem intra ve-
 sicam æneam BMHC inclusum, dummodò aer inclu-
 sus debitis temporibus renouetur, vt inferiùs declara-
 bitur; vtque tollantur duæ proximæ indicatæ difficul-
 tates, fieri debet fistula ænea curua IQKL, longitudi-
 ne trium pedum, quæ in inferiori intermedia curuatu-
 ra bursam pelleam K annexam habeat; & duo extrema
 fistulæ orificia I, & L intra cavitatem vesicæ caput
 ambientis desinant, vt in vna anteriori I aer insufflari
 debeat, altera verò L circa verticem hiet.

Ex hoc artificio duo bona consequentur: primò, aer
 expiratus, & in fistulam insufflatus in longo circuitu
 IQKL ab aqua externa refrigeratur, sicut aer in tota
 vasta vesica contentus ab ambiente aqua frigesit. Se-
 cundò,

Cap. 23.
De Natatu.

cundò, quòd, quando stricto ore circa fistulæ orificiũ I intra eam aerem insufflamus, non fit expiratio per nares, sed solummodò per os, vt patet experientia; ergo si expiratio, & eiectio spiritus fiat insufflando aerem intra fistulam illam prælongam, & retortam, necesse est, vt in illo circuitu guttulæ vaporosæ adhæreant, & condensentur in parietibus internis fistulæ, veluti in pileo alembici contingit, & mox defluendo in bursam illam K excipiantur; hinc fiet, vt aer egrediatur ex altero fistulæ orificio L circa verticem, nedùm refrigeratus, sed etiam depuratus, & exsiccatus; & ideò non excipietur per nares, & per os eadem illa portio aeris mox expirata calida, & madida, sed alia distincta iam refrigerata, & purificata; ergo commodissimè respiratio continuari poterit, saltem per horæ medietatem, absque periculo suffocationis.

Quantitas postea aquæ, quæ cum vaporibus ab ore expiratur in horis 24., non superat libram vnā, vt Santonius obseruauit, & ideò à bursa illa commodè excipi potest: nec te sollicitum teneant fumi, & fuligines, quæ ex poris capitis, & faciei transpirant, nam pueri, qui hieme, tecto capite, in lecto dormiunt, non suffocantur ab ijsdem fuliginibus: & proindè vrinatores non lædentur ab ijsdem fuliginibus in loco similiter clauso.

Quia verò homines viuere non possunt, nisi aer inclusus intra vesicam æneam renouetur, oportet, vt in summo vertice vasis adsint duæ fistulæ æneæ N, & O, valvulis, vel epistomijs clausæ, vt vrgente necessitate homo ad confinium aeris accedendo quousque fistularum orificia N, O extent ibi apertis epistomijs per vnum canalem PMO exsufflari, & eijci aer vetustus

stus possit, dum per reliquum canalem N nouus aer Cap: 23.
De Nata-
tu. circulari motu excipiat, & mox clausis epistomijs denuò demergatur.

Cæterum vestis caprina debet habere formam, quàm simillimam humano corpori, & artubus eius, qui exactè vniri, & aptari debet, cum suis chirothecis, & soleis, vt commodè motus, & contrectationes fieri possint.

Insuper vas æneum, seu vesica capiti imponenda in anteriori eius parte 3, 4. insertum habere debet vitrum speculare conglutinatum farina calcis viuæ, & oui albumine, vt homo videre possit ea, quæ in fundo, & in medio aquæ existunt.

Nec obest pondus vasis ænei, aut leuitas aeris in eo inclusi, nam faciliè totum compositum ex homine, & vase reduci potest quàmproximè ad æquilibrium cum aqua, additis nouis plumbeis fragmentis, vel augendo molem inclusam aeris. Manifestum est igitur, quòd tali artificio potest homo intra aquam demersus diù respirare, & viuere.

P R O P O S. CCXXIII.

Homines demersi in aquæ profunditatē, possent supra dicto artificio ad sui libitum moueri, & quiescere ad instar piscium.

Tab. 14. Fig. 8.

Nemo sanæ mentis dicet, Naturæ opera non esse simplicissima, necessaria, & quàm maximè fieri potest, compendiosa. Ergo machinæ, quæ ab humano artificio excogitantur, si necessarias naturæ operationes

Cap. 23.
De Natura
tu.

2 Prop.
123. huius.

æmulantur, & eis simillimæ fiunt, procul dubio finem optatum fortientur. Cum itaque velimus, ad instar piscium, demersi intra aquam moueri, & quiescere, id planè consequemur, si eodem mechanico artificio vti fuerimus, quod in piscibus natura adhibet, ut dictum est; ut igitur nos in aqua demersi, simili machina vti possimus, portare nobiscum debemus grandem syringam RS, cingulo D alligatam, ad instar gladii, quæ molem aeris contineat æqualem vni pedi cubico; hæc quidem foraminulo S clauso, & ferruminato insertum habeat cylindrum XV, cum suo epistomio T, exactè claudente rimas omnes laterales; idque vite perpetua, cum suo manubrio Y trahi ad extra, & impelli ad intra possit, à quo aer in syringa contentus valdè condensati, & rarefieri poterit, quod naturæ aeris non repugnat.

His præparatis, supponamus, quòd homo AF cum caprina, qua induitur, cum cingulis, & tegumento capitis æneo BGHC, cum syringa RS, & aere incluso, sit minus grauis specie, quam aqua, ut emineat supra aquæ superficiem aliqua pars galeæ MG; tunc additis fragmentis plumbéis, redigatur tota moles innatantis hominis fere æquè grauis specie cum aqua, ut nimirum extet exigua verticis particula G. Et immisso epistomio T versus S condensetur aer inclusus TS in syringa, & proindè anterior eius pars TQ, quæ aere prius replebatur, mox ab aqua occupabitur, & idè moles syringæ cum epistomio minus spatium in aqua occupabit: quapropter tota moles natantis hominis cum annexa syringa in aqua occupabit minus spatij, quam prius; & proindè grauitas eius specifica augebitur, & sic primo loco redigetur ad æquilibrium cum

cum aqua b; & tunc vbique in medio profunditatis eius homo quiescet: & si vltèriùs immisso epistomio T aer syringæ magis comprimatur, & maior aquæ copia in ea excipiat, iam homo grauior specie ipsa aqua redditus, spontè lento motu cadet ad fundum. E contra, retracto epistomio T versus R, & aerè sua vi elastica rarefacto, & expulsa aqua ex syringæ cauitate TR fiet denuò homo minùs grauis specie, quàm aqua; & proindè spontè fursùm ascendet, quousque aliqua pars summi verticis GM, extet supra aquæ superficiem.

Cap. 23.
De Natura.

In Arch.
Auct. de
Instid. Flu.
prop. 1.

Iam non est necesse, vt fusiùs insinuemus, quomodo homo per fundum aquæ incedere ad instar Cancrorum valeat; & si libuerit, remigio palmarum manuum, & pedum, ad instar Ranarum, per aquam natæ possit.

P R O P O S. CCXXIV.

Nauis vrinatoriæ fabrica, & vsus exponitur.

Tab. 14. Fig. 9.

Postquàm ostendimus, quòd homines in loco vndique clauso viuere possunt per breue tempus, respirando eundem aerem ibidem contentum, qui si renouetur eodem artificio, propòs. 225. exposito, non erit difficile Nauem vndique testam, ad instar cubiculi, formare, quæ pariter, vt pisces, possit immota permanere in medio profunditatis aquæ; & si velimus, eam mouere poterimus fursùm, & deorsùm, & laterali-ter.

Artificium erit simile præcedenti, quo nimirum Nauis occupando in aqua spatium se ipsa æquale

Cap. 23.
De Natu-
tu.

magis, aut minus potest spontè, ad instar piscium, quiescere in medio profunditatis aquæ, aut ad fundum descendere, vel versus superficiem supremam eleuari. Hoc fiet, si naus ACEG fundum EF perforatum fuerit in N, N, N; & vtres caprini ON, ON, &c. in Naus contenti prono ore N aptentur, vt orificium cuiuslibet vtris N minutis clavis figatur, aut funiculis circa interna labra prominentia foraminum strictè alligentur, vt aqua per foramina ingressa ventrem cuiuslibet vtris replere possit, et nequeat per futuras, aut per interstitia clauorum intra Nauem extillare, aut diffuere. Facta tali præparatione, patet, quòd quando omnes Vtres ON, ON, in ventre naus contenti aqua repleti sunt, tunc quidem naus minus spatij in aqua occupat, quàm priùs, & quàm sit moles naus. Et proindè grauior specie in ipsa aqua redita est; ideòque descendet Naus ad fundum non secus, ac saxum: at si compressis vtribus (veste PO, vite, aut alio modo) aqua per foramina N, N. extra nauim eijciatur, tunc naus maius spatium in aqua occupabit, quàm priùs, & transibit per æquilibrium, & tunc quiescet in medio aquæ, si verò deinceps leuior ipsa aqua efficiatur, fursùm ascendet.

In tali porrò naui aptari possunt remi VX, duplici pelle caprina ad foramina lateralia V, V, clauiculis annexa, & strictè circa remos alligata, vt aquæ ingressum in naui prohibeant: & hisce remis, ad instar pedum, naus parùm in aqua grauitans poterit impelli, & promoueri innixis vectibus remorum super fundum arenosum. Immò possumus alternatim eam leuiorem ipsa aqua reddere, quando subleuata passus conficere debet.

Pro

Pro motu verò transuerfali, remi habere debent palmas XZ flexibiles, fimiles pedibus Anferum, & Ranarum, vt ampliari poffint folummodò, quando aquam retrorsùm impellunt; & colligantur, complicanturque, quando remi retrahuntur.

Cap. 23.
De Natu-
tu:

Sed forfan faciliùs Nauis inceffus fiet, impulſe, non à remis lateralibus, fed ab vnico folo remo flexibili, & refiliente palmato, in puppi poſito, à cuius vibratione nauis, ſicuti piſces à cauda impulſi, per aquam commodiùs incedere poterit.

Partis Primæ Fînis.

I N D E X

C A P I T V M,

ET PROPOSITIONVM.

Quæ in hac Prima Parte.

De externis animalium motionibus, eorumque viribus
continentur.

C A P. I.

Premissæ Operis. Pagi-
na

C A P. II.

Musculi descriptio, & vsus.
pag.

Prop. 1. Structura musculi in-
dicatur.

2. Musculum à carne non dif-
ferre.

3. Musculorum species re-
censentur.

4. Actio musculi est contra-
ctio.

5. Redargutio Stenonis. pa-
gina

6. Musculorum vera figura
indicatur.

7. Duæ vires eorum pro-
pria, & Instrumentalis

exponuntur.

C A P. III.

Vires musculorum secundum
antiquos.

8. Ope machinæ, parua vi
musculi, ingentia pondera
suspendi secundum anti-
quos.

C A P. IV.

Theoremata pro immensita-
te potentiæ musculorum.
pag.

9. Motus articulorum circu-
laris, conicus &c. circa cen-
trum imaginarium.

C A P. V.

Musculi aliquando grandi
conatu nil valent.

10. Musculi adhærentes ca-
uitatibus articulorum in-
flexo-

flexorum laxi reddun-
tur. 24.

11. Idem debilem, aut nul-
lam vim exercent. 25

C A P. VI.

Lemma pro vi grandi mu-
sculorum. 26

12. Vectis ex centro tracta
nil valet. 27

13. Potentia obliqua ad di-
rectam eandem propor-
tionem habet, quam di-
stantiæ directionum reci-
procè. 28

14. Potentiæ obliquæ ean-
dem proportionem ha-
bent, quam distantiae re-
ciproce. 29

15. Idem in alio casu. 30

16. Idem in alio casu. 31

C A P. VII.

Tendines colligari debue-
rant propè capita os-
sium. 32

17. Articulus, vt Prop. 12.
pag. 33

18. Potentia musculi ad re-
sistentiam, eandem pro-
portionem habet, quam
vectis ad radium tuber-
culi. 34

19. Circumductio articuli,

quando circumcom-
plet. 35

20. Tendo alligari debet
propè centrum articuli.
pag. 37

C A P. VIII.

Prima Indago virtutis moti-
uæ musculorum, cubitum
flectentium. 40

21. Potentia cuiuslibet mu-
sculi maior esse debet re-
sistentia. 41

22. Vis bicipitis, & bra-
chii vigecupla est pon-
deris appensi, & maior
libr. 560. 43

23. Erecto humero ad cubi-
tum horizonti paralle-
lo idipsum inquirere. 44

24. Vis bicipitis libr. 300. bra-
chii libr. 260. 46

25. In alia positura erecta,
idem reperire. 47

26. In positura prona idem
reperire. 48

C A P. IX.

Prima indago motiua muscu-
lorum tibiam flectentium.
pag. 50

27. Vis quatuor musculorum
tibiam flectentium ter de-
cies ponderis appensi, &
maior

- maior lib. 949. 52
28. Fæmore, & dorso perpendiculari ad tibiam horizonti parallelam, inquirere, cur minus pondus suspenditur. 53
29. At dorso prono parallelo tibiam maius. 54
- C A P. X.
- De duplo incremento potentiam eorundem musculorum. 56
30. Funis tracti potentia est æqualis potentiam duorum ponderum trahentium, quibus illa æquilibratur. 57
- Schol. Idem in virga dura. pag. 58
31. Funis clauo affixi potentia dupla est ponderis appensi. 58
32. Idem in virga rigida. 59
33. Idem aliter demonstrare. 60
34. At velocitas ponderis dupla est, eiusque funis contrahitur. 62
- Schol. cuiuslibet machinæ habentis terminum firmum semper vis dupla est resistentiæ. 63
35. Secunda indago potentiæ

- bicipitis maior lib. 600, & brachiei maior libr. 520. 64
36. Secunda indago virium quatuor musculorum tibiam flectentium maior lib. 1898. 65
- C A P. XI.
- Vires musculorum tibiam extendentium inquiruntur. 66
37. Vis funis arcum colligantis, ad duas potentias constringentes eandem proportionem habet, quam duplum distantiam directionis potentiarum à centro ad duas distantias directionum funium. 67.
38. Et si arcus affixus sit, vis funis ad potentiam illam eandem proportionem habet, quam duplum illius distantiam ad quadrante duarum distantiarum funium. 69
39. Idem quæritur existente arcu ponderoso. 71
40. Indago potentiam musculorum tibiam extendentium, quæ sexcupla est ponderis prementis, & æqua-

æqualis lib. 2280. 72
 41. Indago potentiaæ musculorum solei, quæ tripla est ponderis hominis, & maior vi ponderis lib. 1140. 73

C A P. XII.

De maiori incremento potentiaæ, quæ requiritur ad idem pondus sustinendum. 76

42. Vectis discissus, & in directum articulatus, tractus à duabus potentijs ad easdem partes non permanebit directus. 76

43. Iisdem positis duas potentias applicare, vt regulam directam constituent, & cum pondere æquilibrentur. 78

Corol. Momentum potentiarum duplum est momenti ponderis suspensi. 79

44. In eodem vecte articulatō in directum retento; omnes potentiaæ ad pondus toties sumptum, quot sunt regulæ, vnà cum duobus ponderibus primæ regulæ semel, secundæ bis, tertiæ ter &c.

eandem proportionem habent, quam longitudines omnes regulæ primæ semel, secundæ bis, tertiæ ter &c. ad duas distantias directionum omnium funiū à fulcimentis oportet autem, vt termini consequentes proportionales sint. 79

45. Extenso brachio supino horizontaliter proximè, omnes potentiaæ musculorum brachium flectentiū maiores 209. sunt ponderis in extremis digitis suspensi. 82

46. In arcu trilineo alternè flexo, potentiaæ reciproce proportionales sunt lineis extremis arcus. 86

47. In arcu multilineo alternè inflexo à funibus: potentiaæ arcum impellentes erunt inter se reciproce, vt distantiaæ directionum earum à centris. 87

48. Iisdem positis momenta virium funium æqualia sunt duplo momentorum tot potentiarū impellentium, quot sunt funes. 89

A a a

Iisdem

49. Iisdem positis, data vna potentia arcum impellente; & distantiae directionum potentiae, & omnium funium à centrīs, reperire vires omnium funium. 91

50. Si arcus alternè bis plicatus impellat ad vnicam potentiam, & vnus funis alternis virgis alligetur. Dico, quòd momēta duorum funium æqualia erūt duplo momenti potentiae impellentis radios anguli bis colligati cum quadruplo momenti potentiae impellentis radios anguli semel ligati. 92

51. Et si pluries plicatus, similiter alligetur; momenta omnium funium erunt æqualia momento duplo potentiae impellentis angulum bis ligatum, quadruplo momenti potentiae impellentis angulum sequentem, & sexcuplo momenti potentiae impellentis angulum subsequentem &c. 94

52. Iisdem positis, data singulari potentia impellen-

te, & datis distantijs directionum potentiae, distantiae omnium directionum funium à centrīs. Reperire vires omnium funium. 95

53. Si baiulus pondere humeris imposito onustus, flexis clune, & genu, pede vnico solo innitatur. Potentia, quam natura exercet in musculis extensoribus trium musculorum, maior quinquagecupla est ponderis sustentati. pag. 97

54. Iisdem positis vires musculorum recti, & Gastrocnemius reperire, quae prioribus additae quinquagesies maiorem summam efficiunt pondere suspenso. 100

55. In arcu multilineo ad eadem partes cauo. Potentia cuiuslibet funis ad pondus incumbens cum pondere portionis arcus incumbētis eandem proportionem habet, quam distantia directionis ponderis ad semidistantiam direction-

- directionis eiusdem funis
à centro. 102
56. Idem arcus sit spina dor-
si: momenta omnium mu-
sculorum, dorsum dirigen-
tiū, æqualia sunt momen-
to ponderis incumbētis,
toties sumpto, quot sunt
vertebræ, vnā cum por-
tionibus humani corporis
correspondentibus bis in-
fimæ, quater sequenti,
sexies tertiæ &c. 104
57. Pondera cylindricarum
portionum, vertebris hu-
mani corporis adhären-
tium, proximè conijcere.
pag. 106
58. Artificium structuræ spine
dorsi inquirere. 108
- Schol. Cartilagines verte-
bras connectentes vim
machinæ exercent. 110
59. In libra innixa tribus ar-
cubus, pondera sunt in
proportionem reciproca di-
stantiarum ab intermedio
fulcimento. 112
60. Vis cartilaginum verte-
brarum inclinatarum, si
ponatur maior vi motiua
musculi eiusdem verte-
bræ, earum momenta
æqualia esse possunt. 113
61. In baiulo compresso ab
onere libr. 120. potentia
musculorum, & cartila-
ginum æqualis est vi lib.
25585. & musculorum
tantum erit lib. 6404.
pag. 114
62. Baiuli onusti pondere lib.
120. vires omnium mu-
sculorum extendentium,
dorsum, fæmur, tibiam,
& pedem non est minor
lib. 13766. 116
- Schol. Etiam alij muscoli
concurrunt ad eandem
suspensionem. 118
- C A P. XIII.
- Lemmata pro musculis, quo-
rum fibræ non sunt paral-
lelæ, & obliquè trahunt.
pag. 118
63. Potentiæ æquilibratæ, tra-
hentes funem circa pun-
ctum fixum, æquales sunt.
pag. 118
- Schol. Ostenditur disparitas
inter hanc operationem,
& illam, in qua supponi-
tur innixio super planum
inclinatum, cuius de-

- monstratio affertur . 119
64. Si momenta potentiarum
filum trahentium, non in-
clinatis directionibus, fue-
rint æqualia, & punctum
concurfus filorum mobile
fuerit perpendiculariter
ad horizontem, potentia
obliquè trahens ad resi-
stentiam erit, vt longitu-
do directionis obliquæ
ad eius sublimitatem .
pag. 122
65. Iisdem positis. Nulla po-
tentia finita subleuabit
quamlibet exiguam resi-
stentiam vsque ad situm
horizontalem. 124
66. Duæ potentia in libra
quieuerint, momentum
vnius earum exercetur
contra portionem fulci-
menti, & contra opposi-
tam resistantiam. 125
67. Si terminis cōtiguis dua-
rum librarum, idem pon-
dus appendatur, æquili-
breturque cum duobus
ponderibus contraposis;
Quodlibet horum æqui-
libratur cum momento
portionis illius. 126

Schol. Valet, quomodocum-
que libræ diuidantur, &
in qualibet proportione
ponderum. 127

68. Si duæ potentia obliquis
filis traxerint, idem pon-
dus æquilibratum, ita vt
concurfus filorum mobile
fit per eandem directio-
nem ponderis; momen-
tum vnius potentia, obli-
què trahentis, æquale est
momento portionis pon-
deris appensi. 129

Schol. Similiter variatis in-
clinationibus, & propor-
tionibus potentiarum, &
ponderis, propositio ve-
rificatur. 130

69. Iisdem positis, duæ po-
tentia obliquè sustinen-
tes, ad resistantiam appen-
sam erunt, vt longitudi-
nes funium obliquæ, quæ
proportionales sint con-
terminalibus potentijs ad
earum sublimitates. 131

Digressio contra Herrigoniū,
& alios. 133

70. Idem ostenditur, existen-
tibus pluribus, quàm dua-
bus filis. 143

Coroll.

Coroll. Si omnes potentia
sint æquales, & inclina-
tiones æquales, omnes
potentia simul ad resisten-
tiam erunt, vt vnus fili
longitudo ad eiusdem
sublimitatem. 144

71. Et plura fila fuerint ad
instar pene & vt duo fila
æqualia vtrunque sumpta
ad duas sublimitates eo-
rundem, ita erunt omnes
potentia ad resistentiam.
pag. 144

72. Si virga gratis trahatur
obliquis filis parallelis, &
decussatis, & qui paralle-
li sunt, trahantur à poten-
tijs æqualibus; Omnes
potentia ad resistentiam
erunt, vt filorum inclina-
tiones proportionales po-
tentijs ad earundem su-
blimitates. 147

73. Si idem pondus æquali-
bus momentis trahatur à
potentijs æqualibus, tra-
hentibus fila ad quadran-
tis circuli peripheriam
extensa; Omnes poten-
tia ad resistentiam erunt,
vt omnes filorum longi-

tudines æquales ad eo-
rum sublimitates. 149

74. Idem ostendetur, si fila ex-
tensa sint ad superficiem
sectoris sphaerae minoris.
pag. 150

C A P. XIV.

De musculis oblique trahen-
tibus varia structura, &
actione. 150

75. Si radiosi muscoli tendo
non retineatur in eodem
situ; Fibrae partiales se
contrahendo non per ean-
dem directionem resisten-
tiam mouebunt. 151

76. Si verò vagina in eodem
situ tendo retineatur. Re-
sistentia semper per ean-
dem directionem moue-
bitur, siue aliquæ, siue
omnes fibrae agant. 152

77. Structuram musculorum
penniformium, actionem,
& vires eorum indagare.
pag. 154

78. Si idem pondus duobus
filis trahatur, & horum
singuli ramificati à binis
potentijs, obliquis tractio-
nibus, & æqualibus mo-
mentis sustineatur; Om-

nes

nes potentiaē ad pondus
compositam proportionē
habebunt ex ratione qua-
tuor filorum ramificato-
rum proportionalium po-
tentijis ad eorum sublimi-
tates , & ex ratione filo-
rum immediatè trahen-
tium, & proportionalium
momentis, quibus trahun-
tūr ad eorum sublimita-
tes. 157

79. Musculi radiofi componi
non possunt ex fibris ab
extremo tendinis termi-
no, tanquam à centro di-
scedentibus. 159

80. Musculi radiofi necessa-
riò componi debent ex
pluribus penniformibus
se tangentibus, siuè in
planis, siuè in solidis .
pag. 160

81. Data resistantia, & incli-
nationibus tendinum ,
& fibrarum musculorum
radioforum; Vires eorum-
dem reperire. 161

C A P. XV.

Musculorum radioforum, vi-
res, verò proximiores in-
dagare. 163

82. Vires musculorum ter-
tium, secundum, & primū
articulum digitorum, &
carpū flectentium, & Del-
toidis prop. 45. conside-
rataē limitare. 163

83. Gluteorum vires limita-
re. 166

84. Vires totales Deltoidis
ferè duplo maiores sunt,
quàm prop. 82. determi-
nauimus, quæ æquales
sunt lib. 1650. 166

85. Vires totales Gluteorum
plusquàm duplæ sunt il-
lis, quæ prop. 83. deter-
minauimus, quæ æquales
sunt lib. 6000. 167

86. Vires penniformis tertij
articuli flexoris pollicis
reperire, quæ æquales
sunt lib. 124. ferè. 168

87. Musculorum, mandibulā
flectentium, structura, ma-
china, & inquisitio poten-
tiæ motiue eorum. 169

88. Vis motiua musculorum
temporalium, & manso-
riorum ferè æqualis libr.
534. 172

Schol. Coniectura in Canibus,
Vrsis &c. 173

Muscu-

89. Musculorum intercostalium operatio, structura mechanica, & inquisitio potentiae motuæ eorum. pag. 175.

90. Vis motiua musculorum intercostaliū superat pondus lib. 1068. 176

C A P. XVI.

Lemmata mechanica pro exactiori inquisitione potentiae motuæ musculorum. pag. 178

91. Potentiae obliquè trahentes terminos virgæ per directiones ad inuicem perpendiculares æquilibratæ sunt inter se, vt latera conterminalia directionum à virga intercepta. 178

92. Potentiae obliquè trahentes terminos funis per directionem eiusdem regulæ ad pondus funem prementem à puncto eius intermedio erunt, vt semidistantia terminorum funis ad eius depressionem. pag. 179

Corol. Ergo quælibet potentiae finitæ non poterunt

prorsus in directum funem extendere. 179

93. Iisdem positis, & datis potentijs, & pondere suspensio, reperire maximam funis inflexionem, quam efficere possunt. 180

94. Si funis circularis trahatur à quatuor potentijs per diametros ad inuicem perpendiculares, quousque in aliqua rhomboidali positura æquilibrentur, potentiae oppositæ vnius diametri, ad potentias alterius erunt, vt diametri ipsæ. 180

95. Iisdem positis, sit quarta potentia clauī resistentia, erunt potentiae transuersales ad resistentiam clauo oppositam, vt diameter rhombi transuersa ad semissem diametri directæ. 181

96. Si catenæ non graues ex pluribus circularibus funibus æqualibus compositæ extremi termini distrahantur à clauo, & à pondere infimo, & potentiae transuersales efficiant

rhom.

- rhombos æquales, erunt
 potentiæ omnes ad pon-
 dus, vt omnes diametri
 dilatationum ad semissem
 altitudinis vnus rhombi.
 pag. 182
97. Idem aliter demonstrare.
 pag. 183
98. Iisdem positis, multæ po-
 tentiæ dilatantes plures
 rhombos, subleuant resi-
 stentiam directè premen-
 tem per spatium multi-
 plex eius, quod subleua-
 tur in vnico rhombo à bi-
 nis potentijs pro multitu-
 dine rhomborum. 184
99. Iisdem positis dilatatio-
 nes funiculorum eorum-
 que decurtationes in nu-
 meris exhibere. 185
100. Si duæ catenæ inæqua-
 les compositæ ex filis
 æquè robustis, & simili-
 ter colligatis dilatentur
 à potentijs æquè validis
 specie, scilicet, vt o-
 mnes rhombi similes, &
 æquales fiant. Duo pon-
 dera, quibus æquilibrantur,
 æqualia erunt inter
 se. 188
101. Iisdem positis, potentiæ
 catenas cōtrahentes, sunt
 inter se, vt illarum lon-
 gitudines. 189
102. Et si potentiæ fuerint
 inæqualiter validæ, &
 catenæ æquales, & æquè
 contractæ; Erunt poten-
 tiæ, vt pondera eleuata.
 pag. 190
103. Et in fasciculo ex pluri-
 bus catenis æqualibus
 similibus, & tractis à po-
 tentijs, & ponderibus
 æqualibus, erunt omnes
 catenæ ad vnam, vt o-
 mnes potentiæ ad vnā,
 & omnia pondera ad
 vnum. 191
104. Potentia totius fascicu-
 li ad pondus, ab eo su-
 spensum æquali momen-
 to, est, vt dilatationes
 omnium rhomborum
 vnus catenæ ad semis-
 sem altitudinis vnus
 rhombi. 192
105. In duobus fasciculis
 æquè crassis, & inæqua-
 liter altis si duæ potentiæ
 fuerint homogeneæ, pon-
 dera eis æquilibrata,
 erunt,

- erunt, æqualia, & potentia, & subleuationes ponderum erunt, vt longitudo fasciculorum. pag. 192
106. Postea crassities sint inæquales, & altitudines æquales. Dico, pondera æquè subleuari, & esse inter se, vt potentia fasciculorum. 193
107. Iisdem positis sint crassities, & altitudines inæquales. Pondera erunt inter se, vt crassities, & eleuationes ponderum, atque potentia erunt inter se, vt altitudines fasciculorum. 195
108. Si catenæ obliquæ clauo alligatæ, terminus oppositus trahatur perpendiculariter ad horizontem à pondere, & momenta potentia catenæ, & ponderis sint æqualia. Absoluta potentia catenæ ad pondus est, vt omnes dilatationes rhomborum ad sublimitatem semissis altitudinis vnus rhombi. 196

109. Si ab angulo acuto rectanguli trianguli recta ducatur, secans cathetum intra triangulum. catheti segmentum ad ductam hypothenusam minorem proportionem habet, quàm differentia hypothenusarum ad reliquum catheti segmentum. 197
110. Catena (Tab. 10. Fig. 4.) directè tracta à potentia XZ suspendat pondus S, & obliquè suspendat pondus R; pondus S maius erit, quàm R; & S eleuatur minùs, quàm R; ita vt S ad R minorem proportionem habeat, quàm eleuatio R ad ascensum ipsius S. 197
111. Iisdem positis, & dato angulo inclinationis catenæ, eiusque contractione, exhibere in numeris ponderum inæqualium, eorumque eleuationum proportionem. pag. 198
112. Quare musculis penniformibus Natura vtatur B b b in

in animalibus, rationem
reddere. 199

C A P. XVII.

De Exactiori inquisitione
virtutis motiuae muscu-
lorum superius exposi-
torum. 201

113. Fila tendinosa, quæ post
distractionem contrahun-
tur, necessario componi
debent ex pluribus ma-
chinulis, longo ordine
inter se connexis, ad in-
star catenæ, ex arcubus
contrahilibus compo-
sitæ. 202

114. Quælibet fibra muscu-
losa similis est catenæ ex
pluribus rhombis com-
positæ, qui contrahi pos-
sunt ad instar arcus. 203

115. Machinulæ, seu pori
rhomboidales fibrarum
carnosarum tam exigui
esse debent, ut eorum
longitudo non sit maior
vigesima parte vnius di-
giti. 204

116. Musculi textura similis
est fasciculo reticulari
ex catenis contiguis cõ-
posito. 205

117. Vis motiua contrahens
unicam machinulam fi-
bræ musculosæ ad resi-
stentiam ponderis ap-
pensi eandem proportio-
nem habet, quam di-
latatio eiusdem rhom-
boidalis machinulæ ad
semialtitudinem eius.
pag. 205

Coroll. Ergo quælibet mini-
ma vis motiua potest su-
spendere quamlibet im-
mensam resistantiam.
pag. 206

118. Motus potentie uncam
machinulam fibrosam
contrahentis ad motum
elevationis resistantiæ,
erit, ut sinus semian-
guli dilatationis fibra-
rum rhombi ad duplum
sinus versi eiusdem an-
guli. 207

119. Vis motiua contrahens
seriem machinularum
vnius filii carnosæ ad resi-
stentiam ponderis ap-
pensi, se habet, ut dila-
tationes omnium machi-
nularum simul sump-
tæ ad semialtitudinem
vnius

vnius rhombi. 207

Corol. Patet, quòd idem pondus sustinetur ab vna machinula catenæ, & ab innumeris. 208

120. Vis motiua contrahens omnes machinulas fasciculi carnosì, eleuat idem pondus ad altitudinem tam multiplicem altitudinis ad eleuationem vnicum stratum machinularum, quàm multiplex est illa potentia huius potentia, seu, quam multitudo stratorum vnius strati machinularum. 209

121. Si duo musculi sint æquè crassi, sed non æquè alti, suspendent equalia pondera; & potentia motiua, & altitudines eleuationum erunt, vt longitudo musculorum. pag. 209

122. Si verò altitudines fuerint, & æquales, & crassities inæquales: potentia motiua, & pondera suspensa proportionalia erunt crassitiibus mu-

sculorum, & pondera ad æquales altitudines ascendent. 210

123. At si tam altitudines, quàm crassities musculorum inæquales fuerint, altitudines eleuationum ponderum erunt, vt longitudo musculorum, at potentia compositam proportionem habebunt ex rationibus crassitierum, & longitudinum. 210

Coroll. Hinc percipitur necessitas, quare natura adhibet excedentem vim in musculis longioribus. pag. 211

124. Musculorum tertium articulos digitorum manus flectentium maior lib. 7040, & secundi maior lib. 6280, & Deltoideis exactiores maior lib. 61600. 211

125. Musculorum Gluteorum vires exactiores limitare, quæ superant lib. 375420. 213

126. Musculi flexoris tertij articuli pollicis exactio.

res, sunt proximè libr.

3720. 213

127. Temporalium, & man-
foriorum vires exactio-
res non sunt minores
lib. 16020. 214

128. Intercoftaliū vires exa-
ctiores, non sunt mino-
res lib. 32040. 214

C A P. XVIII.

De ftatione Animalium. 215

129. Naturalis ftuatio arti-
culorum non eft directā,
fed parum inflexa. 215

130. Mufculi flexores eiuf-
dem articuli breuiores
sunt extenforibus; &
vtrique æquè contra-
huntur. 216

131. Retentio articuli in di-
rectum non fit à tonica
actione mufculorum an-
tagoniftarum. 218

132. Corpus graue, & durum
folo innixum quiefcit, fi
linea innixionis, fcili-
cet, recta linea à centro
grauitatis eius ad con-
tactum pavementi exten-
fa perpendicularis fue-
rit ad horizontem; fin-
minus, ruet ad partes,

vbi talis recta linea pen-
det. 219

133. Quot modis impediri
poffit ruina corporis gra-
uis folo innixi, cuius li-
nea Innixionis inclinata
fit ad horizontale pla-
num. 220

134. Corporis humani in di-
rectum extenfi centrum
grauitatis inter nates, &
pubim exiftit. 221

135. Exponitur, quibus pofi-
turis, & actionibus ho-
mines ftare in ftitu ere-
cto poffunt. 222

136. Non conferuantur ho-
mines in ftitu erecto
actione tonica à mufcu-
lis antagoniftis omnium
articulorum. 223

137. Homines fingulari cal-
caneo, aut apice pedis
innixi ftare non pof-
funt; difficilè fuper vni-
ca planta pedis; & facil-
limè fuper duobus pedi-
bus innixi ftant. 224

138. Gradus virium, quos
finguli pedes hominum
exercent ftando inqui-
rere. 126

139. Va-

139. Vacillatio hominis stantis super plantis pedum innixi, exiguo labore corrigitur. 227
140. Quotiescumque linea propensionis corporis humani cadit extra unius pedis innixi planctam, aut extra quadrilaterum comprehensum à duabus plantis pedum: impediri ruina à quocumque musculorum conatu non potest. 228
141. Iisdem positis exponuntur modi, quibus initium ruinæ impediri potest. 229
142. Quomodo homines flexo corpore persistere, erigi, & magis incurvari possunt vno, vel duobus pedibus innixi absque ruina. 231
143. Quare stando alternis pedibus perpendiculariter innixis minùs fatigamur, quàm quando fulcimur à duobus pedibus simul operantibus, ratio indicatur. 233
144. Animum binos pedes aliquo pacto differre à pedibus hominum. 235
145. In auibz musculi extensores pedum longiores sunt suis flexoribus correspondentibus, quàm in hominibus. 237
146. Inquiritur modus, quo Aues stant. 238
147. Quæritur, quare Aues vno pede innixæ faciliùs stant, quàm homines. pag. 239
148. Quomodo funis à regula inflexione trahi possit. 240
149. Necessitate mechanica digiti pedum strictè complicari debent ab inflexione articulorum pedis. 241
150. Quæritur, quare Aues stando ramis Arborum comprehensis quiescunt, & dormiunt absque ruina. Tab. 11. Fig. 7. 243
151. Quadrupedia animalia stare non possunt innixa vno, vel binis pedibus. pag. 245
152. Quadrupedia corpore prono stare non possunt, nisi

nisi quatuor, aut tribus
pedibus innitantur. 246

153. Quærentur vires, quas
exercent singuli pedes
quadrupedum in ipso
standi actu. 247

154. Sexipedes, & multi-
pedes maiori labore, quàm
quadrupedes stant. 248

C A P. XIX.

De Gressu Bipedum. 249

155. Dum homo incidit, non
suspenditur à vi muscu-
lorum tota eius moles
à terra, sed solummodo
pars eius minor qua-
drante. 249

156. Indicatur quomodo in-
gressu moles humani
corporis antèriùs pro-
moueat. 252

157. Homines incidere non
possunt, præcisè per re-
ctam lineam. 254

158. Enarrantur omnes mo-
tus, qui in humano in-
cessu fiunt. 255

159. Incessus in superficie
horizontali explanata
facilis, & minimum mo-
lesta, & aliquando iu-
cunda esse solet. 256

160. Ostenditur, quare inces-
sus in loco accliu mo-
lestus est. 256

161. Descensus per decliuiz
parum laboriosior est,
quàm incessus in plano
horizontali. 158

162. Quare in tenebris, aut
negligenter scalas ascen-
dendo, vel descenden-
do, quando adhuc gra-
dus superesse putamus,
grandi concussu pes so-
lo illiditur. 260

163. Incessus Auium aliquo
pacto differre ab incessu
hominum. 261

164. Exponitur modus quo-
modo fiat incessus homi-
num super glaciem.
pag. 261

C A P. XX.

De Incessu Quadrupedium.
pag. 263

165. Gressus quadrupedium
non fieri motis alterna-
tim duobus pedibus dia-
gonaliter oppositis reli-
quis duobus quiescenti-
bus. Tab. 11. Fig. 8.
pag. 263

166. Exponitur modus, quo
gressus

- gressus quadrupedum
efficitur. 265
167. Quomodo quadrupedia
duos anteriores pedes, vt
manus vsurpare queant
objecta contrectando .
pag. 268
168. Animalia sexipedia, quo-
modo incedant, inquire-
re. 269
169. Quomodo muscæ, & cu-
lices pronis superficie-
bus vitreis læuigatis
pendentes adhæreant, &
per eas incedant absque
ruina. 270

C A P. XXI.

- De saltu. 272
170. Saltus non fit, nisi prius
articuli pedum inflectan-
tur. 272
171. Quare virga, aut arcus
erectus, & innixus pla-
no firmo si comprima-
tur, inflectaturque resi-
lit, & saltat. 272
172. Arcus ex duabus regu-
lis compositus terræ in-
nixus, & à funis contra-
ctione velociter distra-
ctus saltum efficiet. 274
173. Organa, & mechanicas

- operationes, quæ in sal-
tu fiunt, expromere. 274
174. Si idem corpus perpen-
diculariter ad horizon-
tem sursum proiectum
spatia inæqualia percur-
rat; Vires motiue ad im-
pellentes subduplicatam
proportionem, quam
spatia habebunt. 277
175. Vis motiua saltum ho-
minis efficiens ad pon-
dus corporis eius suble-
uati est, vt 2900. ad 1.
pag. 277
176. Quò longiores sunt ve-
stes extremi crurum sal-
tus maiores fiunt. 280
177. Animalia minora, & mi-
nus ponderosa maiores
saltus efficiunt respectu
sui corporis, si cætera
paria fuerint. 281
178. In saltu ad horizontem
obliquo motus fit per li-
neam parabolicam pro-
ximè. 282
179. Quare cursus saltum
longiorem, & altiorem
producit, declarare. 283
180. In saltu inflexo capitis,
& pectoris flexio com-
mutat

mutat directionem motus centri grauitatis. 284

181. Quo artificio euitetur læsio pedum in lapsu post saltum, indicatur. pag. 284

C A P. XXII.

De Volatu. 285

182. Structuræ alarum, earumque partium expositio. 285

183. Quo ordine, & modo Aues, earumque alæ moueantur in volatu. pag. 288

184. Museulorum alas mouentium magnitudo, dispositio, & modus operandi consideratur. 290

185. Centrum grauitatis Auium depressum esse debuit. pag. 293

186. Si arcus compositus ex tribus regulis æquè inclinatis, & solo innixis à pondere incumbente comprimatur, & anguli æquales à funibus constringantur: Potentia, funes cōtrahens ad pondus incumbens, se habet, vt duplum distantiae di-

rectionum extremorum radiorum ad distantiam directionis funium à centris. 297

187. Iisdem positis, si funes constringantur tanta vehementia, vt arcus à terra resiliendo saltum euidentem efficiat, scilicet multò maiorem, quàm indebili constrictione: Potentia funes contrahens ad pondus incumbens compositam proportionem habet ex ratione dupli (Tab. 12. Fig. 10.) AK ad AO, & ex ratione subduplicata saltuum minimi, & euidentis. 298

188. Aeris portio ab ala in volatu percussa comprehenditur à sectore folido à radio longitudinis alæ in eius conuersione designato. 299

189. Sector Aeris ab ala in volatu percussus suam resistantiam exercet in centro grauitatis eiusdem sectoris solidi. 300

190. Quomodo aer resistit impul-

impulsui alarum indicatur. 301

191. Si in aëre volante velocitas flexionis alarum æqualis fuerit velocitati, qua aer subiectus percussus resistendo retrocedit, Auis consistet in eodem situ. 302

192. Ipsidem positis, si velocitas alarum maior fuerit velocitate, qua aer percussus resistendo retrocedit, Auis sursum eleuabitur, & ascensus æqualis erit differentiae illarum velocitatum. pag. 303

193. Potentia musculorum alas flectentium, plusquam decies millies superat pondus auis volantis. 303

194. Causæ ingentis potentie motiue alarum inquiruntur. 306

195. Quomodo impulsus obliqui transuersales directe impellere possunt corpora ad motum indifferencia. 308

196. Si Auis in Aëre suspen-

sæ alæ expansæ aerem subiectum quiescentem percusserint motu perpendiculari ad horizontem excurrat auis transuersali motu parallelo plano horizontis. 308

197. Exponitur modus, quo auium volatus horizontalis efficitur. 310

198. Vfus caudæ Auium est flectere cursus volantiū sursum, & deorsum, non verò ad dexterum, vel sinistram latus. 311

199. Ostendere, quibus organis, & operationibus aues per aerem volando cursum flectant ad dextrum, & sinistram latus. pag. 314

200. Si corpus auis ab impetu præconcepto per aerem moueatur secundum directionem longitudinis eius, & in actu cursus collum prolixum cum capite flectat versus latus sinistram iter totius auis inclinationem acquireret versus sinistram. 316

201. Non videtur credibile,
declinationem velocissi-
mam volatus horizonta-
lis fieri à capitis, & col-
li auium flexione trans-
uersali. 316

202. Quare aues aliquando
absque alarum vibratio-
ne per breue tempus,
nedum horizontaliter,
sed etiam sursum obli-
què per aerem ascende-
re possunt. 318

203. Quomodo in fine vola-
tus impetus ab aue ac-
quisitus extinguatur...
pag. 321

204. Est impossibile, vt ho-
mines proprijs viribus
volare possint artificio-
sè. 322

C A P. XXIII.

De Natatu. 326

205. Differentia inter vola-
tum, & natatum expo-
nitur. 326

206. Differentiæ natatus ex-
ponuntur. 327

207. Quodlibet corpus æthe-
rogeum quiescens, aut
latum in fluido accom-
modabitur, vt centrum

grauitatis eius in situ in-
fimo reducatur. 328

208. Situatio centri grauita-
tis in animalibus super
aquam innatantibus in-
quiritur. 330

209. Quomodo Pisces in me-
dio profunditatis aque
æquilibrati quiescere
possint. 332

210. Quomodo pisces gra-
uitatem specificam im-
mutant, quando necessi-
tas vrget. 333

211. Quibus organis, & ope-
rationibus alterato equi-
librio Piscium in aqua
denuò ad eandem men-
suram æquilibrii reduci
possint. 337

212. Pisces non à pinnis ala-
rum per aquam ince-
dunt. 339

213. Pinne duplicatæ, quæ
in duobus locis infimi
ventris pisci existunt,
non inferuiunt ad mo-
tum, sed ad stationem
eorum. 340

214. Instrumentum, quo Pi-
sces natant, est cauda eo-
rum. 341

215. Ad

215. Ad natatum Piscium requiritur maior vis motiua musculorum, quam ad Auium volatum efficiendum. 344
216. Quæritur, qua necessitate natura cogatur, tam grandi vi motiua efficere piscium natatum. 345
217. Quare Aues, & animalia quadrupedia naturæ instinctu natant, rationem reddere. 347
218. Quare Homines naturali instinctu natare non possunt, & in quo peritia natandi consistat. pag. 348
219. Homines diu demersi, vt Ranæ, & Pisces extacei absque respiratione vivere non possunt. 353
220. Machina aliqua artificiosa diu in aqua de-

mersos respirare posse. pag. 354




221. Homines incluso capite intra vas vndique clausum possunt per plures horas respirare, & vivere, si sæpè os vasis aperiatur, vt nouum aerem excipiat. 356
222. Machinæ constructio, qua homines demersi intra aquam possent per plures horas respirare, & vivere. 359
223. Homines demersi in aquæ profunditate possent supradicto artificio ad sui libitum moueri, & quiescere ad instar piscium. 361
224. Nauis vrinatoriæ fabrica, & vsus exponitur. pag. 363

F I N I S.







1. Ad hunc locum
 2. Ad hunc locum
 3. Ad hunc locum
 4. Ad hunc locum
 5. Ad hunc locum
 6. Ad hunc locum
 7. Ad hunc locum
 8. Ad hunc locum
 9. Ad hunc locum
 10. Ad hunc locum
 11. Ad hunc locum
 12. Ad hunc locum
 13. Ad hunc locum
 14. Ad hunc locum
 15. Ad hunc locum
 16. Ad hunc locum
 17. Ad hunc locum
 18. Ad hunc locum
 19. Ad hunc locum
 20. Ad hunc locum
 21. Ad hunc locum
 22. Ad hunc locum
 23. Ad hunc locum
 24. Ad hunc locum
 25. Ad hunc locum
 26. Ad hunc locum
 27. Ad hunc locum
 28. Ad hunc locum
 29. Ad hunc locum
 30. Ad hunc locum
 31. Ad hunc locum
 32. Ad hunc locum
 33. Ad hunc locum
 34. Ad hunc locum
 35. Ad hunc locum
 36. Ad hunc locum
 37. Ad hunc locum
 38. Ad hunc locum
 39. Ad hunc locum
 40. Ad hunc locum
 41. Ad hunc locum
 42. Ad hunc locum
 43. Ad hunc locum
 44. Ad hunc locum
 45. Ad hunc locum
 46. Ad hunc locum
 47. Ad hunc locum
 48. Ad hunc locum
 49. Ad hunc locum
 50. Ad hunc locum
 51. Ad hunc locum
 52. Ad hunc locum
 53. Ad hunc locum
 54. Ad hunc locum
 55. Ad hunc locum
 56. Ad hunc locum
 57. Ad hunc locum
 58. Ad hunc locum
 59. Ad hunc locum
 60. Ad hunc locum
 61. Ad hunc locum
 62. Ad hunc locum
 63. Ad hunc locum
 64. Ad hunc locum
 65. Ad hunc locum
 66. Ad hunc locum
 67. Ad hunc locum
 68. Ad hunc locum
 69. Ad hunc locum
 70. Ad hunc locum
 71. Ad hunc locum
 72. Ad hunc locum
 73. Ad hunc locum
 74. Ad hunc locum
 75. Ad hunc locum
 76. Ad hunc locum
 77. Ad hunc locum
 78. Ad hunc locum
 79. Ad hunc locum
 80. Ad hunc locum
 81. Ad hunc locum
 82. Ad hunc locum
 83. Ad hunc locum
 84. Ad hunc locum
 85. Ad hunc locum
 86. Ad hunc locum
 87. Ad hunc locum
 88. Ad hunc locum
 89. Ad hunc locum
 90. Ad hunc locum
 91. Ad hunc locum
 92. Ad hunc locum
 93. Ad hunc locum
 94. Ad hunc locum
 95. Ad hunc locum
 96. Ad hunc locum
 97. Ad hunc locum
 98. Ad hunc locum
 99. Ad hunc locum
 100. Ad hunc locum

[illegible]

MLKIGECA




TABVLA
PRIMA.




TABVLA SECVNDA.

Fig. 1.




TABVLA TERTIA.






TABVLA QVARTA.


Fig. 1.




2.



3.



4.




5.




6.




7.




9.



8.




10.





TABVLA QVINTA.

Fig. 1.






Fig: 1.







Fig. 1. TABVLA SEPTIMA.













TABVLA OCTAVA.


3.

Fig: 1.




TABVLA NONA.

Fig:1











TABVLA DECIMA.




TABVLA VNDECIMA.

Fig: 1



TABVLA DVODECIMA.





TABVLA DECIMATERTIA






Fig. 1.




2



3



4




5



6



7




9



10



11



12



TABVLA DECIMAQVARTA.

Fig: 1.

